

學使北江先生少孤。其克自樹立。及學之有成。實稟賢母蔣太夫人之教。故其編詩也。以及侍太夫人所作者。爲附鮎軒集八卷。漢書地理志。會稽鄞縣。有鮎崎亭。南越志。巢鮎長寸餘。大者長二三寸。腹中有蟹子如榆莢。合體共生。俱爲鮎取食。郭璞江賦。所謂璫鮎腹蟹是也。先生十歲。始就外傳。二十卽出授徒。負米所至。皆不越五百里外。一歲必兩歸。以慰太夫人。與莢蟹之早出暮入相類。及奉太夫人諱。讀禮於閩門者二年。繼又饑驅四方十年。乃獲升上第。官禁林逾一歲。卽持節視學黔中。人欣先生之遇。而不知先生以祿不逮養。每與人言之。輒泣下不止。爾雅。卷施草拔心不死。先生之名集。蓋以此乎。卷施集。自己亥至癸丑。已得十四卷。門下之士。乞刊之于黔中。遠覽在里門日。卽受先生之知。今又從官牂柯。先生之所以待遠覽者。未嘗以屬吏視之也。今遠覽行以老乞休矣。先生門下士。以遠覽知先生尙深。乞爲序刊詩。十九年。歲在甲寅。新正十日。鎮遠縣知縣。署黎平府下江通判。河南張遠覽謹序。

卷一

備書東觀集 古今體詩九十二首

卷二

憑軾西行集 古今體詩五十四首

卷施閣詩序

卷三

仙館聯吟集 古今體詩七十八首

卷四

官閣圍爐集 古今體詩三十三首

卷五

華凌門集 古今體詩三十八首

卷六

中條太行集 古今體詩八十二首

卷七

緱山少室集 古今體詩一百二十一首

卷八

靈巖天筑集 古今體詩一百三首

卷九

西苑祝釐集 古今體詩七十九首

卷十

秘閣研經集 古今體詩八十二首

卷十一

五經聯騎集 古今體詩五十三首

卷十二

黔中持節集 古今體詩一百三十六首

卷十三

黔中持節集 古今體詩一百四十六首

卷十四

黔中持節集 古今體詩八十六首

卷十五

關嶺衝寒集 古今體詩九十首

卷十六

蓮臺消暑集 古今體詩八十首

卷十七

回舟百嶠集 古今體詩一百十三首

卷十八

待學三天集 古今體詩一百四十八首

卷十九

全家南下集 古今體詩一百十八首

卷二十

單車北上集 古今體詩一百四十四首

卷施閣詩卷第一

備書東觀集己亥庚子

句容別朱三潞時朱居憂抱疾幾殆閱而贈之

一心願汝作頑石我歸來兮石不泐

高郵金秀才蘭以戊戌十月與亮吉訂交越月來會母葬事畢將反同人集味辛齋作詩送之并索亮吉詩謹賦此首

死生離別杳難支。復向城西餞素知。窮歲冰霜行未定。高原風木泣多時。君因作替悲身計。我愧論交有鬢絲。夢折素梅聊贈遠。孤篷才發已相思。

清明後一日與孫大攜酒飲王七秀才廷俞南圃歸過縣門憶亡友林嗣基作

晚陰朝咏寄蕭騷。王七園前一樹桃。接翼水禽窺綠鬢。連枝風蕊墮青袍。君從愁裏何妨醉。我覺塵中尙可豪。歸路忽驚官閣過。又教鉛淚滴城壕。

勞勞身計本無涯。生儘多愁死亦佳。閱世短于欵枕夢。招魂長入酒人懷。琴書風捲知誰在。花月尊空與願乖。欲把閒蹤比飛絮。年年開落縣南街。

揚州別汪大端光

木葉暗天地。雨聲連曉昏。吾行數千里。別子舊東門。家在依鄉黨。親亡憶弟舅。猶餘尼父歎。三至席難溫。

渡河寄孫大星衍

春林綿綿雨聲接。紅白花飛雜黃葉。黃飄一葉忽入樓。樓上獨客生春愁。讀書先忘歲終始。瞥眼韶光已如此。同經憂患傷年少。太息前遊成隔世。荒墳三尺少婦樓。謂孫大吾家墓門雅亦嗜。頻年禮俗斥凶服。

只有訪子還麻衣。麻衣不共蜉蝣死。失母尤愁對妻子。塗窮歌哭止從君。百里遙遙共江水。君家大母顏色溫。一載撫我如撫孫。華陽席中多友朋。屬爾作弟吾爲舅。窮冬風雪記出門。遠遺瘦魄隨饑魂。三條銀燭共校文。暇揖沮頡談巴綦。吾儕作客尤狂放。哭母傷妻一堂上。丈人知我自不憎。謂劉雲房先生同輩相看訝

無狀。言狂寧失座上歡。性分屈曲非能堪。錢刀生計亦偶爾。我輩于分難饑寒。層紅疊翠江南地。草草狂歌人亦忌。插架奇書送爾歸。連床別夢勞予記。鳩今喚侶我別家。挂席百里隨風雅。平生性命視知己。得一死友殊堪誇。此時憶君顏不華。醉裏擾擾人聲譁。遙程豈止無一花。青草路斷飛黃沙。

高郵哭亡友賈田祖

城角參差暮雨昏。水程何處弔騷魂。吟狂陋巷三間屋。骨冷高原尺五墳。遺業尙存通德里。舊交真軼古東門。囊錢斗酒江南路。他日相期報愍孫。丙申夏子留滯太平。幾不能行。先生假錢攜酒送歸。

握別盟言未敢寒。重泉書去杳漫漫。承家久已傷羊舌。論史何應食馬肝。公子才名終不達。故人歌哭總無端。霉昏蝨蝕三千字。忍向燈前掩淚看。

夜行宿澗道中

荒原真厭馬行遲。不定陰晴四月時。破潤怒雷分雨勢。斷厓高樹表風枝。無家已絕經年夢。有約先懸出世思。他日故巢相憶處。好尋芳草寄卷施。

邳州城外

十里涼雲拂柳絲。野花香破酒醒時。征衫幾日塵沙黓。怕向谿頭看鷺鷥。偶成

荒塗百里夜程輕。破暝重從石磧行。天闊露寒人不見。忽驚邨外雨絲明。

過水濟橋

塗長客意勞。持火出層壕。小市人聲亂。危橋馬影高。岸風清薄酒。林露滴垂桃。晨氣還成雨。微寒入絳袍。曉行

邨雞喔喔酒全傾。擁被求衣事曉行。四野月明迷向背。一山雲出定陰晴。春殘苦乏加餐信。道遠愁非負米程。醉醒十年前事起。馬頭塵夢較淒清。

過蕭望之故里

西京獄吏皆丞相。東海蕭生偶抱關。讀罷辭碑無一事。支頤遠望馬陵山。
經術崇隆位望卷。元成太傅總奇才。彭宣枉自稱方正。不及朱游和藥來。

滕文公廟

商鞅立新法。大啓陌與阡。子居謀王道。更欲建井田。強秦以滅秦。二世社以遷。
滕亡祀則存。廟食普萬年。我來謁荒祠。悼歎小國君。遺像一畝宮。五十里致虔。霸術豈足矜。謀國須大賢。

四鼓行嶧縣道中

高原墳樹古。人鬼或同經。夜氣沉殘月。天風動大星。未愁前路暗。不斷此山青。
向曉寒尤勁。車前雨脚腥。關孟廟

落落非無志。嚶嚶亦有承。吾猶距楊墨。真不遠齊滕。小邑衣冠肅。崇祠俎豆增。
摩挲讀碑字。應愧歷階升。憶貨東西廡。曾傳內外篇。承師北堂上。勸學斷機前。幼賤同尼父。親喪愧少連。
寢筵虔拜謁。心折爲三遷。客舍

紙屋繩床。敗衾鳴雞聲裏。慘晨陰。星離雨絕。香難達。山亂雲荒。夢欲沉。香覓反魂。勞曼倩。草尋益母。泣
曾參。應憐孤露餘生。無復鬢年入世心。

東阿謁西楚霸王墓

松柏曾無半畝宮。蒿萊時起憤王風。學書我亦慚無就。刎劍君應恨未窮。十載通侯酬項伯。千秋大義戮丁公。猶餘一事逃清議。賈友誰誅呂馬童。

滋陽謁柳下惠墓

斷水翻翻樹色昏。行人駐馬揖空邨。孤羈我下無家淚。三黜誰招去國魂。偶食廟牲齊下邑。愁逢海鳥舊東門。傷心死士偏寥落。曉日樵蘇上冢屯。

五日客感

節物關心淚暗滋。斜陽原上泣多時。殘燈驛路聲無緒。瘦馬崑山骨不支。五日花開憐客久。重泉家在恨歸遲。愁看弱弟同行役。相對昏鏡理髮絲。

與黃大景仁話舊

壯志都從憂患移。別離如夢見猶疑。尋山蹤跡誰還健。戴斗文章爾獨奇。塵海此時容小住。書倉終日坐長饑。朝來欲上燕臺望。好覓天街瘦馬騎。
十五年前將母身。同攜襖被出城闈。綠知來日非今日。已覺吾親卽若親。晚歲互看謀粟米。衰齡密共禱星辰。登堂此度先垂涕。我已傷心作鮮民。

備書

備書生計尚淹留。并疊陰懷事校雠。獨鶴見人殊惘惘。鴛鴦得樹亦啾啾。雲和草色荒三徑。月與花光豔一樓。却厭軟紅塵裏逐。放教愁坐轉忘愁。

小病

佳時曾少出遊車。側屋三椽此寄居。失喜遠書來酒後。時得季仇書卻憐新病入秋初。名花作果香偏異。野鶴隨人性亦疎。拋得世緣耽學靜。髮絲一月未經梳。

得孫大江寧書却寄

櫻桃一樹傍紅牆。書到翻憐客異鄉。酒擲更沾衣袂溼。花疎時入枕函香。刪除好夢緣妨睡。檢點閒身未肯狂。我欲悟君先學道。攜編三月坐匡牀。

憶汪大端光

淮南冀北經千里。除却孫郎便憶君。小別正當春後雨。封書欲寄隴頭雲。人輕詞客張三影。大與揚州月二分。珍重綺年題綺句。莫教前輩擅清芬。

夢入外家南樓覺後有感寄內弟阿魁阿愚四首

樓頭殘燭迴淒清。樓下愁人怨曉明。千里斷虹隨夢遠。五更零葉打衣輕。風鴉巢樹知前後。竹馬鄰童識

姓名若把舊時情緒譜。杏花樓上是三生。

兩家兄弟王成行。十五華年逐隊忙。作達最憐羣上樹。學趨猶見汝扶牀。鏡明樓閣催書急。花人闌干壓夢長。說與封奴渾未識。却教阿母倍淒涼。

梅蕊初飄杏復葩。商量春事已如麻。拜殘阿姊簾前月。看足鄰姬徑裏花。生少學愁愁未慣。孤眠遲夢夢還賒。牆頭風細星辰定。不識何時轉歲華。

鞭絲爲客去恩恩。一事如今恨轉同。尺五菱波輕燕艇。三層松閣紙鳶風。閒中草綠埋歌扇。愁裏花紅照殯宮。十九年中衰盛異。欲從何處悟初終。

哭錢公子中銑

邗上孤蓬竟未歸。絕憐愁魄斷斜暉。京華迢遞猶傳札。慈母殷勤尙寄衣。五日正沉江畔黍。一官虛憶省中薇。魂消送我谿南日。苦說燕臺伴侶稀。

童年經術本無師。曾愧尙書國士知。死日尙聞憐趙壹。諸郎都解敬袁滋。卅年宦達虛身計。五葉門衰賴子持。莫愴筵前小兒女。更愁堂北鬢如絲。

七夕露坐憶孫大

瓜果筵虛薄露零。懶看河鼓說精靈。思君永夕空濛望。南斗光中第一星。

讀長慶集寄孫大

長慶集樂天自序。長微之七年。今亮吉春秋三十四。而季仇年纔二十七。與微之小。于樂天同。二人之
交。亦不減元白。所不逮者。或名位耳。其他尚可企及也。爰作一詩寄季仇。并邀同作。

偶讀開成少傅詩。七年我亦長微之。神仙共挂蓬萊籍。風月追吟楊柳枝。一代才名何必愧。九原交誼本
堪師。江州司馬通州倅。料理頭銜似往時。

結交行寄孫大

浮雲變滅安足論。爾來友者洪與孫。九天仙人不嫌謫。一代交道殊能敦。君不見。結交不過通侯門。賤客
雞狗無由分。結交不入春風場。少年鷹犬徒相妨。與其長安城中交俗儒。不若咸陽市上留博徒。俗儒言
貌師中庸。緣飾經術爲三公。君無更齒馬東海。我尙恥說胡華容。博徒之交亦何有。長笑傾心在杯酒。一
言席上吼雙龍。千古英雄困廣柳。我交黃子景仁。十七年。病鶴雖病形疑仙。妻愁親老不思返。白日樵悴
長安眠。趙生^{德玉}之交歲逾十。持論英英輩難及。洪生狷者不欲狂。知我只有真州汪^{端光}。壬冬岐路一
握手。朗若璧月分輝光。驚濤飄篷亦思止。自問心期只三子。江山花月久厭陳。乃貢滄氣生茲人。非惟文
藝擅儕輩。亦覺至性流真淳。我交數子止可生。不若交子兼幽明。我交數子皆許身。不若許子兼心魂。三
千里路夢飄忽。二百十字言溫存。前得江寧寄書。才二百十字。我廢我藹篇。子悲蒙楚詩。中年哀樂亦如一。我若非爾

形難支。自從五年來。會合一一數。茲離檢歷日。已過一百五。黃金臺下才士多。我不見爾還高歌。耀黃短
想屢相憶。要聽秉燭言。如河君不見。今人交道皆厭貧。不識古有范史雲。今人交道皆厭真。不識古有異
君賓。誰言刎頸交。我弔成安君。誰言投漆堅。我訪雷與陳。乃知天生爾我爲交道。不獨文雄詩傑垂千春。
華陽憶舊行寄朱博士沛林州光照汪縣丞蒼霖兼呈孫丈勳及令子星衍

笑時我客華陽春。一方宰吏無俗人。汪丞治績亞林宰。更有博士真天民。吾鄉丈人亦軒特。鏡裏顏紅髮
斑白。四家僕從屢招人。一縣醇醪止供客。邑中賢者沈與王。亦設薄具邀吟狂。居留三月九十醉。餘者病
酒眠匡牀。天然愛樂還相召。妖鳥鳴春已驚告。碧樹愁開山鬼啼。縞章夢致谿神弔。城東一別事若麻。三
載復看城中花。宰官擢守縣丞徒。博士貧老辭還家。當時我識三公子。兩抱妻愛一身死。乃知造物最忌
狂。自悔唼頰亦應止。孫郎悟早雅興除。脫然樓上思著書。我來憔悴寡顏色。戒酒怕過山公廚。前遊歷歷
春時節。欲著思量怕愁絕。鳥翅岡南宛轉簫。青元館裏昏黃月。人生年壽何須羞。三十當令一生畢。已分
琴書付鄭三。謂及浦鄭聯華林君未應蹇放同王七。謂縣中秀春華已過憐秋曉。落落天容寄魚鳥。隔世
形容照水愁。無家笠屐登山好。博士年衰屢致思。縣丞無息宦聲遲。一篇爲寄淮南守。慰爾風前哭子詩。
代書寄汪大端光八十韻

百慮不失一子才。爲世需。六經甫通三。我識愧里儒。才識工拙間。出處可不圖。子意乃不然。勸我入帝都。

爲言子有親。尚欲依菰蘆。子親存我亡。一請傷貌孤。負米十四年。婁空粟與芻。子行燕趙歸。勤作反哺鳥。我成吳越遊。忽爲失母雛。我生慚世間。感子引作徒。爲傾囊中金。爲計道上儲。六百里水程。十八日旱塗。歷歷夷險郊。孰宿孰可舖。英英公卿中。孰謁孰則毋。我足雖云劬。子口亦已瘡。感子珍重心。臨行野踟躕。譬若深谷風。幽草亦漸蘇。存亡心已傷。離別淚塵枯。萋萋四月花。莽莽長河蕪。挈弟旣慘悽。念友更咽嗚。相離第一程。夢子秦郵湖。涼月忽抱肩。老魚窺汀蒲。東阿縣西門。夢子又在吳。俱爲少年遊。鐙舫狂呼盧。三夢宣武坊。斜日殷銅鋪。新知無一人。知子應念吾。每夢必有淚。每淚必有書。書皆千百言。紙惡字跡麤。豈惟字跡麤。兼愧言辭紆。長安識君人。謗譽亦復俱。每苦立論嚴。憎子所服殊。我不置一辯。歸室始歎吁。欲摘天半星。爲子冠上珠。欲剪湘中霞。爲子身上襦。天河濯五色。色異凡紫朱。天衢曝衆文。文匪常羅縠。春月潤子顏。秋露濯子膚。日吐瑰麗辭。稱此珮服都。日陳琳球響。稱此顏色姝。留侯似婦人。曲逆美丈夫。不聞史傳譏。但覺流輩無。塵冠敝履中。不必德義孚。囚首垢面人。不必名實符。雖然願一言。少歲亦已徂。二十顏尙髫。三十領有鬚。吾徒勤事業。棄置常所須。要當惜心神。何必營衣裾。急從良友箴。息此俗論誣。明年登玉堂。三館步復趨。貽茲老成規。莫被輕薄愚。我來人海中。戚戚意寡娛。因緣識文人。千百量以車。多文或爲史。小智僅作胥。行雖歷方州。見乃守坐隅。羣謔出詩編。朱墨盡貢諛。立語苦不工。已謝鮑謝逾。我時出直言。衆目怒以盱。謂我立論高。謂我制行迂。一心苟無慙。兀兀任毀譽。求子素識人。又各問一區。

非無楊生清。亦有黃子邈。旬日乃握手。餘皆掩羞廬。時時讀子詩。消此慨與歎。子才信鶴鷟。我筆非於菟。頗愧紛疊來。索詩若索逋。我常思子言。氣斂不敢舒。逢子乃一發。筆禁口亦呼。子書亦易作。字錯墨屢塗。前聞欲移家。急札馳郵奴。煤車米石昂。詎可攜妻孥。況復堂上衰。行坐總欲扶。豈任舟車勞。與此食粒糲。詩儲潤書及。瘦方本言皆悉。錙銖詎不爲子謀。使子鳥就籠。子行試禮闈。先利矛與父。亦思賀萬錢。不若儲百壺。倘或成同官。雅足見發紆。拙效我亦收。令讓子先敷。壯往庶有程。少習藉可除。被酒一縱言。省札應訟如。

九月初二日得家書始奉適王氏姑七月初九日計翼日于崇南坊寓舍爲位以哭哀定并賦詩一章

吾祖憐嬌女。慈闈愛小姑。適王氏逾年舉一子彭日而瘞中歲卽從夫。憶嫂顏常瘦。思親淚屢枯。重泉眞健

羨。骨肉慶提扶。

八月二十日偕黃二暨舍弟飲天橋酒樓

長安百萬人。中有賤男子。日挾賣賦錢。來遊酒家市。昨日送君回。今日約君來。送君約君于此橋。長安酒人何寂寥。酒人無多聚還喜。破帽塵衫挈吾弟。攝衣上坐只三人。爽語寥寥落檐際。君言內熱需冷淘。我慣手冷應持螯。閒無一事且沉醉。不然辜負青天高。青天高高復飛雨。二十四樞風欲舉。飛蓬卷葉十里間。直視城南落鷺羽。濃雲欲暗南郭門。斜日忽破千林昏。陰晴萬態關秋景。醒醉一夢恬吟魂。持螯揮

百尊不覺樓上空無人。君歸雖遙莫先走。萬事要須落人後。君不見。門前豪騎控雙龍。笑我西行馬如狗。

重九日陶然亭遇吳四端彝話舊因憶亡友唐肇文并寄令弟孝廉能

辭君久已半征鞍。猶作墟頭俠少看。九日一尊同漉落。十年三見話辛酸。唐衢骨冷誰重哭。吳質心愁自寡歡。應愧故人狂未死。典衣還欲滯長安。

送繆公子公儼之江浦兼簡孫大

余四月中入都與繆遇于逆旅遂訂交焉

相別翻憐相見遲。坐中人影壁間詩。魂搖青草東風路。夢立黃河遠岸時。與繆初相值處病馬去來應有恨。秋禽蹤跡本誰知。寥寥門閉紅塵裏。殘臘都將濁酒文。

去去遙山一桁青。愁程先已夢中經。江南迢遞傷情思。公子知交有性靈。久據龜觚看讀易。暫探石闕記搜銘。來朝風色東南使。我亦商歸大海萍。

好因魴鮓答枯魚。總覺蛩蛩念鉅虛。白日懷人當檻坐。紅雲羨爾判江居。身名莫笑中條叟。鄉里須乘下澤車。內舍一椽松數尺。未妨他日訪吾廬。

僧寺與徐書受話舊卽贈二首

一夕長安雨。寥寥話十年。魂驚隨逝水。鶴病憶空天。被酒還如昔。題詩已遜前。窗風與庭葉。蕭颯枕函邊。爾念無兄弟。逾年服姊喪。余尤痛風木。復此感姑亡。骨肉重泉滿。松楸隔歲長。相將營丙舍。頭白住江鄉。

東坡生日集翁學士方綱蘇齋卽送羅山人聘出都

廿載我居公舊宅

東坡卒于常州其宅前附余外家蔣氏歲常以生卒日記東坡并爲合

一年兩度薦清醑殊鄉作客初逢臘學士開齋尙

號蘇雅有詩名傲西蜀愁聞征棹反東吳買田儻遂中年願亦擬歸收陽羨租

被酒與吳生麟夜話

遼東道士應成鶴陽羨書生莫化鴟尙有十年人海願却來吹笛共高歌

程編修晉芳齋觀元耶律文正畫象賦

先生好古構兩軒邀我讀畫兼開尊頽然素幅出偉人云元宰相遼王孫斜陽欲下壁色昏慘慘若動須
眉神眼光下欲視千世限以尺幅猶英麟長身盤領大獨科追憶至論如懸河人生歲月百年耳公甫及
半勳何多巍巍一代推上功替人只見劉秉忠文章年壽亦相似若論志節尤推公異書壓腹奇難剖落
落吾徒出公後詞筆還驅入海濤姓名欲戴垂天斗卽今卷畫空堂走反復公名難去口焚香閱傳意有
餘更酌坊南一杯酒

題僧石濤竹西歌吹圖

浮雲急景安得留我頃四月離邗溝隱邊歌吹尙拂耳回視已隔天南頭懷鄉念友殊孤悶我見此圖驚
復問中有春波蕩漾舟七年往事帆檣趁豈惟前事縈方寸畫裏朱顏亦凝恨紫陌牽愁柳作絲紅窗吹

夢風成陣。回流一曲波如剪。合隊春人若鴉點。三尺寒波一寸萍。游魚尙厭春塘淺。誰從門際吹短簾。萬
朶花落從東飄。尋園我欲眺江左。雲樹一抹橫林梢。此詩此畫俱高格。墨粉淒涼年近百。今日揚州勝昔
時。歌臺已徧隄南北。吾徒流滯幾春秋。魂寄東風第一樓。爛醉莫嫌狂杜牧。枯僧亦復繪揚州。

送趙表弟襲玉南歸卽呈侍御舅氏兼寄孫大

孫郎約我遊燕臺。爾者八月無書來。趙生約共長安住。亦復驅車覓歸路。堂前白髮各數莖。一名驅爾不
得停。雖然親在亦須仕。努力勗爾祈榮名。榮名得失尤須數。落落塵中尋故步。我愛時吟短李詩。人言合
獻長楊賦。我年四五卽識君。相與賭字傾其羣。爾來歲月及卅載。文筆喜各持堅軍。風霾雨黑傷年少。我
爲窮愁著書早。君無羨我覆瓿書。我實輸君事親好。橋東惟爾巷南孫。海內知交有幾人。勸君歸後復垂
淚。偃臥一室傷羈魂。人心不同面尤異。尺五惟營閉門地。根矩終非入世人。寥寥時有胸中氣。頃攜弱弟
住長安。黃葉秋深補敝冠。貧來雅復對牀臥。眼底誰足謀饑寒。窮冬道我顏何瘦。我爲傷親益思舅。三徑
憑傳問訊書。十年我受恩私厚。更傳消息語孫郎。莫向人前倚酒狂。殘歲燕山風雪冷。梅花開後夢千腸。

客感寄孫大

燕臺春日試飛蓬。无盡山川不定蹤。客久尙須遊二嶽。歸遲真待長千松。成鄰幸結東頭屋。投老同聽北
寺鐘。何止與君交一世。此心無味總相從。

憶汪大蓮花寺時汪大病新愈

北巷南條共夕曛。見時雖少夢時勤。愁多壁著疎疎字。病久窗生黯黯雲。後死未妨還屬我。此生無恨爲交君。中年退盡春衫色。只有爐香尚細薰。

敬亭山色對牀眠。彈指交期已九年。詩卷正愁盈篋底。風裁無恙立鐙前。頽垣怨雨傷春早。古屋疎梅照夜鮮。應愧故人還未遠。賣書真欲學遊仙。

與楊三倫夜話并悼蔣賓善楊炳文

何因心跡許相從。失母辭家共轉蓬。病裏春生勞遠望。愁邊書少憶狂蹤。爲孫大千年城郭須歸鶴。三客鄉閭總號龍。我擬買田身計穩。倚門同數九株松。

被酒閒徵少日場。棲鴉辭樹燕移梁。墮楊門徑春陰遠。秀蔣池臺夕雨荒。數口尚存顏轉瘦。幾生修得鬢初蒼。宵談祇厭燈迷燄。不覺風聲徹戶涼。

連得孫大書却寄

江東有客寄吟箋。苦說人生祇百年。多病況緣憂患積。無家仍復歲時遷。雙垂別淚燕山末。千折歸心春山前。心事累君身累世。茫茫愁日又無邊。

和汪大憶舊詩十二首卽效其體

十五年前在謝家。上樓明月下樓花。如今門鎖空春裏。一任閒枝閱歲華。
病怕東風。謾曲屏。每逢長日恨春晴。幽眠未起。西窗晚。銀燭光中度。一生
繞砌疎蘭入海棠。眠春魂。膩不分香。當時夢醒。愔愔甚。開戶斜陽滿鏡黃。
自愛幽居不結鄰。樓前十里漾空春。溟濛水色淒迷雨。只向疎闌淨麴塵。
山色依楹。水繞牆。一層雲氣一分涼。高居莫掩窗前後。引得銀河接鏡光。
城隅一曲上無端。城裏春衫城外看。只倚北樓。備不走。柳絲街面怯春寒。
見不分。明夢亦空。接天樓閣有東風。幽窗覓徧聞歌地。只在疏螢細草中。
水花春徧。憚家池。十五華年鑑影時。今日再來羞野鷓。柳枝添恨鬢添絲。
剪燭三更鬢乍梳。宵遊還覓徑生疎。誰知別有關心客。鸚鵡橋西識面初。
兩重門內。數春星。燭影微紅鬢影青。容易使他籠鳥散。不來相伴讀仙經。
看鐙歸後病多時。花滿房櫳。總不知。今日試將簾幕啓。亞牆開到殿春枝。
移家一棹去。愔愔。蟋蟀銀牀鳥玉籠。盼得近春消息到。情懷無奈隔江鐘。
贈莊四寶書卽題行幃

京華遲日飲千鐘。風味都憐酒味濃。入世偶然成短翮。長松如此亦雙龍。身因早客眉痕皺。書欲名家指

繭重手版到君須遠宦。未應同我住鵝籠。

連雲樓接深池。記否兒童竹馬時。花底衫裳同侍母。篋中書策遠尋師。相看夢冷情疎日。欲詠兄肥弟瘦詩。遙憶謝家羣從好。玉顏都已鬢添絲。

二月十五日與汪大至天橋酒樓飲乘月而回

青郊三里月紅燭。一杯春痛飲消餘晷。能閒有幾人。壇雲入窗暗。山鳥上樓馴。只隔軒舡外。車塵雜馬塵。爾念邗溝水。經時照玉顏。予悲白門柳。曾復伴春閒。鄉樹偏縈夢。華年渺未還。疎櫺愁絕處。聊與眺西山。

憶舍弟時抱病海幢

弱弟如形影。相隨作客初。抱關吾妄願。舍弟近在館中趨走數年後以爲得一官涉世爾尤疎粟水顏常瘦塵沙髮屢梳性好好侍營田一頃。早與其扶鋤。

籬桃三兩樹。歸及見垂枝。粟囊須頻製。郵書莫更遲。饋蔬憐阿姊。挈袖識諸兒。只有傷心處。門閭入始知。

春江行贈汪大

紅闌干影接天。一江春水闌干前。闌干搖紅水搖綠。波底闌文百回曲。我共春江魚同飲。春江潮聲出入鱉魚腹。水色蕩漾吳儂飄。吳儂家花滿畦。春風來江北飛。君門前千樹桃。春雨落江南飄。飲水暮還朝。思君不可遊。水遙遙。尺五筇。夢迢迢。十九橋。

憶遠行寄孫大

波淼淼。星搖搖。約君不來。募已朝。吳帆停。越車駕。約君不來。春已夏。春光九十。靜掩關。幾年春閒。君不聞。曾雲萬里。宵征路。却恨君閒。我難住。十五已作。同巢鳥。南枝北枝。名對呼。十九更作。尋源魚。曉行雖遠。莫復俱。東流水深。南枝有陰。千里與萬里。兩心同一心。朝心徘徊。莫心怨。幾日春魂。自淩亂。莫剪疎桃。入戶枝。春花開上。橫門扇。

谿南曲

谿西月不華。谿北桃無花。風光只落谿南路。和月和花。築樓住。花枝二月。入二旬。樓高一層。春一分。谿光已隔。畫橋影。柳色自闌。疎闌春。岸雲凝紅。水雲白。總遜春衫。好顏色。百花開處。百禽鳴。樓上添衣。樓下行。尋芳肯到。春谿口。隄上行人。學垂手。放船肯過。長河涓。牆頭女兒。做畫眉。畫眉尙避。春鶯見。照鬢都疑。水禽羨。鏡裏濃。宴曉上頭。竹中輕。粉背勻面。春旛親製。初護風。樓角三面。懸玲瓏。眸迎深館。迢迢綠。手展文窗。扇扇紅。星疎夜久。愁猶立。露冷草香。蟲尙蟄。百餅薰籠。總厭燒。啓帷試放。生香入。消息今年。異往年。客巢新定。故巢遷。愁邊曉。泪疑含。露望裏。春潮已接天。傷春會到。春臺畔。籠鳥生疎。茶敢喚。背客親移。北戶鏡。呼鬢更掩。重門扇。短短疎籬。漠漠塵。沿谿樓閣。對牆身。緣知谿路。經三折。只共波光。住浹辰。可憐門左。閒亭塢。三月誰爲。衆香主。拋客年光。誓不停。迷人草色。尋應苦。一樣扁舟。去未還。五湖蹤跡。異三山。春來

依舊花千樹。夢醒空愁月一彎。

二月二十三日復與汪大上天橋飲醉歌

著書不爲千年計。直借陳編壓奇氣。出門不逐萬古愁。聊上高閣開吟眸。天橋樓前一杯酒。昨日苦思今在手。我能飲。君能留。三十莫抱二十憂。識君二十年。尙少屈指十年君。未老眉痕鬢影未減青。一色綠衫同似草。盈樽飲客我獨眠。未飲滿椰青銅錢。座中誰識兩少年。江南江北無一田。尊深酒熱莫更催。頭上一雲紅覆杯。休嫌飲盡衆賓散。伴客時有春禽來。城門樓上春陽滿。一鳥嘯春聲緩緩。城西山色影接天。極視惟愁目光短。今日白晝飲。復勝清宵吟。百壺雖盡意不盡。兩客所喜皆同心。醉顏時紅亦時白。一市圍觀不相識。願說近來無此客。

二十六日過汪大齋頭見餉酒者汪大云留以相待歸後夢汪大以昨酒別餉人意甚不樂醒後戲作此以寄之

故人不入夢。入夢牀頭酒。帳中燭影欲礙眉。枕上道書猶在手。夢時得失乃可知。莊生偏悅夢醒時。君不見。心空不著閒輕重。憶酒憶書都入夢。

青望

登墟聊一望。萬瓦月光齊。地迴風生樹。春濃露覆隄。雲光迷向背。田綠誤東西。莫逐巢枝鶻。回聽警曙雞。

屠大令紳以報晨入都話舊賦贈四首

遠宦迢迢十載餘。相逢我亦頌添鬚。賢勞已覺官聲起。憂患偏憐壯志虛。釜欲生魚推上考。書應成蠹少寧居。重來流輩俱清秋。莫晒狂奴尙鹿車。

一縣無能滿百家。水深山瘴路尤除。未妨茅解吟詩鉢。慣聽荒城破曉笳。民雜貉獮難定戶。官清胥吏厭

隨衙敝衣報政來。京闕却使尋常計吏譚。

剪蔬我奉北堂餐。市酒君憐阿姊寒。君伯姊適汪氏與余居君恆主其家五載篝燈通夜紡。常時籬落饋春盤。青雲志節

寶朋慰。綠鬢升沉里巷看。今日乍逢先涕下。板輿天末羨承歡。

門前都復有青山。憂患時時擬閉關。客早自憐華髮改。官貧莫愧俸錢慳。閒中歌板消年歲。君喜度曲歸後谿

船避往還。我亦尙營千載業。著書多欲待君刪。

得內寄衣

縫裁初見汝封題。百結蕭蕭故縷稀。猶恐亂將慈母綫。此生相殉只鶉衣。

送繆公子公儼出都

五嶽未陟一。欲歸難戒塗。撫劍送子行。浮雲亦南徂。子有東顧心。戀此巢上烏。子懷欲南馳。念彼濁水鱸。兩地忽易居。一心安得無。子行岳宗爲我董獻書。已辦十兩屐。願屆神所都。俯視六合間。靈氣藉發舒。

神乎幸勿哂。東海賤丈夫。

送董秀才思廟南回

曙色起北垣。星隱西南隅。暉暉殘月光。與子升遠墟。輪蹄百萬中。中有吾子車。車行飭弗停。遠復屆子廬。妻子念遠歸。悅志慰歎嘘。七載殫在堂。窳窳匪得徐。江流入海州。地大土亦腴。鬱鬱千高原。富此人鬼區。子其勉營作。庶效人子劬。吾將爲子文。明子志節紆。恭聞哲人言。爲善報有餘。勿以世澤深。冀此祿利虛。研經世務通。窮達盡足娛。吾家北溝頭。數武距子居。近聞積淫霖。尺水通積淤。黃葉堆作薪。復富饌與魚。兒童各兩三。應客清日燿。他時著書人。兀兀子與予。

送莊四寶書至廣東得十二韻

我辨東山履。明年上岱宗。鬢牽山霧綠。眉隱海雲紅。爾泛南溟棹。虔心禮祝融。地虛風力上。天闊日華東。嶺嶠游逾壯。川塗望欲窮。懷人依畫舫。憑客寄詩筒。遠宦憐公舉。謂令兄負某時任雲南會澤令微荷念敬通。謂會弟兄三郡別。尊酒兩年同。得句酸鹹外。言情哀樂中。艱難知稼穡。少壯歷磨礱。住覺雞餘肋。歸慙鵝有籠。早營田二頃。耕鑿慶年豐。

爲楊孝廉夢符題錢三維喬秦中書册即寄維喬

時錢宰鄞縣

何時得入函谷關。放筆卽落終南山。南山連綿畫不竟。拔取一峯來入鏡。胸中有山卽有樓。下筆有川兼

有舟。豈惟山水色不別。樓上客醉疑眠鷗。醉顏昏昏憶孤在。逸客都爲酒錢累。剖胸欲入秦中雲。洗眼仍須涓川水。南山浮光。山北夕陽。飛橋如雲不能跨。怒蜺飲渚裁成梁。林梢幾尺天光足。怪石森森點寒綠。此間應復置錢郎。四十濯顏尙如玉。南高峯。北高峯。宦遊今落名山中。錢今官山川二月尤清曠。憶共錢郎飲湖上。楊生思家靜掩關。客帳夢好時時還。吾曹須勸苦不閒。直當爲畫迢迢一谿之綠水。落落湖上之烟鬟。

奉酬繆公子白沙河見懷詩

爾如華亭鶴。不欲識二陸。解后得值張季鷹。雅志不復矜飛騰。我如昭邱狐。讀書名博物。茂先可語不識機。亦欲辭歸住蓬華。

卷施閣詩卷第二

憑軾西行集辛丑壬寅

晉從兄顯祖畫卷

豕有十步池。引水蓄百魚。室有三尺牆。種竹滿四隅。令其泉上有石。竹中通渠。穿徑之筍。不以入餐。過橋之魚。不使上竿。魚皆習主人。已忘江湖思。修竹何娟娟。亦斂千霄姿。主人不歸歸有時。主人有一弟。僮僕素好奇。曾就主人宿。愛此半畝之竹一畝池。奇石落落。清流澌澌。掩戶十日臥。出關百里馳。蓮華峯頭攬明月。挂爾谿邊屋角之南枝。

酬黃上舍鉞

閉日偶傾燕市酒。經春別爾謝家樓。故人入夢疑黃鶴。早歲相期共白鷗。判與苦吟常入夜。最憐華髮欲經秋。江湖浩蕩休歸急。風月分番且賦愁。

超太至得孫大入關之信。兼聞蔣表弟良卿欲入都城。東酒徒無一人居里者。感賦此首。近簡蒂二楊三孫大。

一歲居里傾千壺。兩年爲客債宿逋。城東日日添酒壚。城西時時出酒徒。城東酒樓一十六。城中少年出

相續酒翁歎息酒嫗愁。可惜少年皆遠遊。少年誰最狂。雅敦孫與黃。就中短趙差有檢。結束身手趨陰場。東風吹春入酒樓。當時少年百不憂。三更酣春樓上頭。紅燭光滿樓前洲。騎龍弄鳳世不驚。只有酒家知姓名。城東城西路回惑。只有酒家門徑識。酣嬉落魄非可常。一朝餞我束裝裝。濃雲浮江雨暗海。海風吹人顏而改。離家豈獨無酒筵。太息總無諸少年。出門各歷路萬千。前後差喜皆遊燕。酒徒十輩五得官。餘者未免謀饑寒。孫郎苦戀里中樂。昨亦僕被辭江干。新春忽夢晴路曲。暗識溪南草應綠。醉尉銜前碧月圓。蘋風乍轉春流足。花枝縱好酒縱醇。我識一城無酒人。豈惟花發無酒人。兼恐減却樓前春。春去春復來。春情忽然失。朱顏變蒼顏。黃金鑄不得。君不見。少年雖歸非昔日。又有城東少年出。

清明日閩中夢先慈感賦並寄孫大闢中二首

三千里外無家客。寒食傷心念北堂。未死夢魂通夜永。浮生淚眼怯春光。頻移骨肉依青隴。雅課兒童種白楊。天末故人還抱病。風檐此日思茫茫。

爾緣親老亦遊秦。知札頻言去住因。句曲宦窮居未得。被函塗險客方新。溪山迢遞應謀築。天地分明許結鄰。各有著書心跡在。未堪終歲作游民。

十八日早偕同人至天橋酒樓

閒蹤亦已忙。侵曉試遊裝。楊柳閉門處。桃花發曙光。露香深幕徑。鶯語靜周廊。屈指春三月。還輸逸客狂。

過橋春五里。登閣樹三重。風轉閣聲沸。塵將遊騎衝。鶯花憐震蕩。衣袂競纖穠。咫尺郊壇外。春雲總似龍。
法源寺訪黃二病因同看花

長安城中一畝花。遠在塵西法源寺。故人抱病居西齋。瘦影亭亭日三至。一叢兩叢各稱心。前年去年看至今。今年花盛病亦盛。轉恐病久花難尋。天光未發雲半沉。牆角有樹交深陰。故人此時花下吟。頭鬢露沐光浸淫。梨枝桃枝分不得。楊柳接天青一色。海棠雙樹復絕奇。花背深紅面浮白。長安一畝不數看。莫夢江南千里陌。法源寺近梅海棠。崇效寺遠繁丁香。花時可惜雨聲阻。不爾遊屐時傍徨。看花抱病還難顧。我更因花乞同住。春陰如夢不逢人。牆角游禽出無數。故人逸興猶不凡。日復一訪同幽談。君不見。回途却值如龍馭。日晚羣言看花去。

三月二十六日同人至崇效寺看花作

絲風飄林雨灑空。寒甚十日留春容。馬頭拂寺馬尾紅。青山亦隨馬首東。岡原東來氣深旺。青山低昂瓦檐上。迷行一里始出林。古寺山門兀相向。門高徑古叢青草。松已百年僧亦老。門前見樹尤絕奇。屋畔無枝不娟好。高低深淺藉發舒。禾苗不生地力儲。培根澀節厚人力。挺此七尺花形殊。樓前一株復兩株。摧破屋瓦參浮圖。危檐高柯勢凌躐。意向背爭妍姝。海棠無言壓桃杏。鶯聲不來空畫永。尋廊萬點白參差。恍若銀河瀉星影。閒心愛看日午花。采色詎似殘春葩。原形十里足雄厚。天路尺五饒清華。花開雅興

無虛日。三度餞春留冀北。柳絲廳北敞高筵。贏得山僧姓名識。看花十輩多少年。花下兩兩聯吟肩。花枝已闌離思牽。時崔二景目斷送爾江南天。來時車鐸喧。去時塔鈴語。明日狂風避如許。竹裏猶零前夜雨。送崔二景儼南歸讀書并就婚

憶昨同醉長安之酒樓。少年十輩君不浮。憶昨同跨郊坰之駿馬。偕遊七人君最雅。君才豈比凡少年。我意雅欲追前賢。長安城中與君友。五度碧月聯吟肩。我交于世皆蒼老。朱賈淪亡益悲悼。謂全椒朱訓導吾曹緩急須託身。詎敢相輕此年少。我感古人志行超。雖未絕交能寡交。身今縱賤有殊稟。冀與一世回輟。嘆十年此志不暫忘。世人不知謂我狂。鄉閭益復盛嘲毀。并以餘論加孫郎。畏譏一室居疑墊。昨者孫郎有書及。我謀于衆謝不敏。君獨不辭乎燥濕。亦知人生饒緩急。難爾少年尤獨立。朱門紈綺豔障天。獨出英英矯餘習。吾儕快意得一朋。如入玉陛升金門。急持一書報遠人。謂此年少非常倫。離風昨日吹原野。花葉紛披已成夏。交君未久別念侵。獨持一盃與論心。酒樓花開三面陰。馬蹄浮紅尺五深。燕秦十年遊。近始抵鄉土。晏公祠外簫鼓喧。競渡來看日端午。離程關隴復數千。時余擬南瞻無家有暮田。桑根草堂富經史。舉半贈子窮雕鐫。識君不嫌遲。別君不嫌早。讀書谿南柳陰好。新婦窗前月痕皎。人生聚散殊草草。君不見。百回相思令人老。

四月初二日黃二景仁邀同人于法源寺餞春卽席同賦得餞字

江南百萬花不看。長安一枝春愈顯。江南吟客花成癖。買屋花中靜排遣。憶昨款門客大至。半畝綠苔橫
被踐。抱衾應客竟日勞。客去閉門頻仰偃。繞檐百匝吟成惱。昨黃君賦客不逢噴花得詭吾儕立論貴平
允。勞者尤當戒夷褊。今宵忽復驅童至。雅意欲爲花作餞。書云昨值風雨驟。草色反深花色淺。惱花不得
更憐花。痛飲無辭袂衣典。黃生兩歲爲花病。一歲惱花愈可免。祇憐花謝客不留。餞客餞花同一宴。屬生
悔過復賦詩。明日欲來花下展。

將出都門留別黃二

拋得白雲谿畔宅。苦來燕市歷風塵。才人命薄如君少。貧過中年病却春。
枵腹誰憐詩思清。掩關真欲廢逢迎。期君未死重相見。與向空山證世情。

與丁二履端夜話即以贈別

時余約與居大令紳共買外家鷓鴣莊別業。丁君言已爲渠親串所得並以志感。

燕車代馬三千里。越水吳鄉二頃田。此志十年仍未遂。對君一夕竟忘眠。憑將書札傳廉吏。莫更犁鋤課
少年。未擬買山先買水。會須笠澤共耕烟。

新交數爾及崔陳。握手臨期意獨伸。岳政母亡尤念姊。馬卿家在總依人。休嫌骨相前生薄。敢謝心期數
子真。風色滿天雲氣冷。更從岐路入西秦。

涿州三家店水木明瑟舍弟前共過此有誅茅之思書此以寄并當示孫大

異時我作樵蘇計。幸有孫郎及難弟。夫容湖畔結廬好。我亦川居富菱芡。門前流水屋後山。照影幾度驚
屏顏。野夫何時得暫閒。偶借客夢歸蓬關。原空雅飛十餘里。烟柳千條拂花起。吾家令弟昔愛之。殘月扇
門數回啓。卽今留滯何能走。我獨橋南醉卮酒。百年心跡幾相知。持此遙遙賀良友。

出都行涿州道中見芄麥徧野慨然有田廬之思因作田家詩二十首寄意並寄芄光照楊毓舒兩布衣
朝耕山上田頗苦赤日酷雨氣來北山蜻蜒滿空谷家遙餽糲具釋未坐石尾日晚牽犢歸下山泥沒足
疇昔惰農畝蓬門生長蒿頻年生計足梁燕亦來巢豐嗇理有常由來非一朝社日集子孫烹蔬酌卮醪
中坐垂誠言百事須積勞

山村十餘家古木自回互笱穿來東鄰果熟落北戶居鄰結姻婭雞犬互相顧出門望原田高低百餘步
仲夏天氣晴涼風集高樹茶瓜供過客留話愜幽素日晚棋童歸問名均不誤

二月序始和黃花徧林原濃陰滋宿麥春露洗高原雞豚喧早市牛羊出毀垣隱塘花爛漫過澗水潺湲
鳴鳩聲不已釋未聽無端心切崇朝雨都忘向曉餐

采桑升高枝衣上日華轉遲遲看春陽一谷柳花暖沿林緒風至對樹爲睨睨不惜枝葉長但嫌心力短
東家采桑女日暮行苦遠沿回大堤坐心急待同伴揮汗忽不停春衣又將澣

窮鄉寡文學頗愛土俗淳茅檐八九家五世相與鄰兒童讀書歸行處拾墮薪偶逢大父行拱立識所親

日晚餉北阜。牽衣渡橫津。心憶朝誦書。沿途風逡巡。
門前隙地稀。屋後半畝綠。桃李皆豐年。云茲佐嘉穀。高曾手栽樹。均作出檐木。日午北牕。茅檐靜堪托。
溪風一回蕩。山果枝上熟。童稚不識爭。探懷已均足。
層冰何稜稜。雪積冰上寸。日色照亦寒。谿風利如刃。經旬斷來往。閭里走相訊。鄰翁饑村醪。屈指年事近。
還因隔城郭。甲子無可問。晴宵仰瞻天。北斗知歲閏。
力耕心志純。外物不得動。雖經百寒暑。寢息無一夢。妻孥習辛勤。百事常與共。秋成共欣慰。春至卽播種。
年豐賽神畢。臘酒互相送。尙晒鄰家翁。年衰腰足痛。
邨雞一兩聲。持鎌待天曉。出門不知塗。沿林警棲鳥。宿雨零衣裳。原頭刈新草。牛饑我心急。況復犢離抱。
八口嘗苦饑。飼牛嘗苦飽。

牆頭百草花。秋至尙顏色。涼雨朝來過。秋蟲鳴屋脊。驚茲時序變。當案不能食。葵枝翳南軒。疎黃落如積。
物微經手植。幾月盈數尺。榮枯本隨候。催我鬢蕭瑟。村女不感時。明燈夜聽織。
山泉奔曲澗。澗曲使魚肥。板屋臨流水。當窗白鷺飛。高枝曬魚網。圓牖挂簑衣。莫訝軒牕陋。黃塵入戶隨。
枕上雨聲過。蒲葵生曉涼。隱聞屋後雷。鯉魚飛過塘。孟夏天氣昏。檐間杏初黃。梅實早薦新。京麥亦可嘗。
壯健既不聞。婦稚習築場。商量醞邨醪。待插三田秧。

田家偃息早。月出戶已扃。連閭無人聲。屋上促織鳴。寂寂秋夜長。眠早亦易醒。荷鋤向西疇。露澹明疎星。朔風吹南山。黃葉滿一屋。掃之向牆隅。然薪一冬足。田疇雖不廣。常滿莖頭粟。閉戶無所營。時還把書讀。巖阿近開闢。鬱鬱多桑麻。人耕北山翠。牛食野田花。廢壘都牽果。零疇或種瓜。亂雲埋古徑。飛瀑落人家。境地殊清絕。寥寥噪曉蛙。

仲夏一月雨。屋中銜流泉。櫛鏹來樹間。全家具晨餐。兒童騎土牆。苔漏尙未完。天霽日忽開。泥衣曝先乾。晴阿出一時。驚雷復喧喧。

飼蠶候三眠。繅絲日千度。辛勤一生內。衣未識純素。東家有嬌姿。生小無所務。披服非不多。著新卽厭故。昨暮會北鄰。驚看機上布。

寒鄉率多壽。作苦況不閒。暮飲谷中水。朝耕山上田。不聞求長生。倏忽已百年。同時一輩人。白髮並及肩。但苦東作忙。日出難晏眠。

種松連高岡。云有先世墳。一歲增尺土。巍然竟成原。寒食飛紙錢。盈阡拜曾元。但苦樸陋鄉。諱字已不傳。日晚祭掃歸。野花紅如然。

四月二十六日抵河間縣知崔二先一日發却寄此首

車停古驛日已曛。窗南一鏡昨照君。鏡花未落客先起。瘦影已逐寒鴉羣。清晨共出官河左。柳眼迎君方

及我楊生行色念北堂。君亦曉夕馳歸裝。車聲馬聲原上走。百里程遙亦何有。路人傳君好身手。清削真同道。勞柳道旁柳花飛。貼肩君行曉。寒籠玉鞭。山雲濛濛壓衣重。清冷偏宜馬頭夢。遠君百里猶可追。車上敗鐸聲如雷。祇愁殘月沒前路。征馬愈嘶人不住。丁生念友君所知。昨復屬我傳相思。鄉閭年少盡君等。使我慨歎相知遲。黃梅雨驟纒南行。亦殊苦。紅棗花紛披。東徂迫炎暑。丁生五月方出都。歸棹應防惡風阻。君不見。長江風黑暑浪煎。函谷關險愁雲連。阿兄西行路復千。送彼蜀道升青天。時令兄將入蜀定省。

五月初三日臨清關阻雨因食角黍有感

徂南日共風鳥語。忽值龍行北來雨。行人衣濕饑火煎。且復車前餐角黍。沉思此景傷年載。谿上幽雲久相待。三更清夢越鄉閭。尙有半樓燈火在。

自臨清關渡逆河曉行

曉星未落催客程。夢聞雨聲醒復晴。車輪安穩陌塵軟。如乘越舫烟中行。河流東渡樹如齋。一綫中流日華起。行人上馬亦壯觀。開闔中原數千里。

館陶道中

柳絲濛濛新月高。臥聞笛聲過館陶。催車向路日已昃。霞色尙映征人袍。城邊古路尤雄直。松矯如龍百餘尺。古來奇士倘復然。獨立原南歎高格。

元城道中

元城縣東榆樛田千株百株青蔭天。車行五月不知暑。道上瀼瀼鳴流泉。草香花暖千家室。闔戶都爲賽神出。河流兩載喜漸平。慶與農人食新麥。

五日客感示崔同年景儀

馬上一枝榴火紅。行人朝日發清豐。淒涼古驛值佳節。倦客如醉吹薰風。風花無情翳前路。客憶江南岸頭住。野花匝地試駙馬。谿水拍天喧競渡。局門不出十五年。手種楊柳都搖烟。寧知今日道旁坐。麥飯冷飲茅檐邊。鄉閭少年誰可憐。錢郎鼓磬絕客筵。爲錢舍人中銖時下世已二年趙家樓閣昔年飲。覺我盛氣何無前。橋烟谿月百回白。壓坐惟留陸生笛。沿谿瘦蔣亦不歸。時蔣大齊時客山西空鎖書堂北邊宅。吾儕流落縱如許。客裏聞歌尙軒舉。終能不學慳薄兒。醉挈妖姬作吳語。崔生似舅尤清婉。共我遙程數千遠。佳辰只惜鄉夢無。臥看車前斗杓轉。

未至黃河十里阻風宿辛店明日始從柳園口渡

惡風一日阻急程。十里外聽黃河聲。黃河聲急暑雨橫。高浪戰雨喧三更。洶洶到枕不安寐。厖下劣馬時奔鳴。披衣支戶起危坐。飲滿百盞神終醒。邨荒味淡食不咽。雨暗飽嗅蛟龍腥。耳中歷歷聽頽壁。川原曠望生夜明。樓高燭冷萬慮絕。不覺孤月來窺楹。風聲雨聲罷酣鬪。百鳥歸樹天光清。半生飽向江海宿。此

夕河浪聲尤驚。清晨徑渡大波伏。覆氣壓席青紅平。十年履險不知數。狂直自笑波濤輕。

自河南入關所經皆秦漢舊蹟。車中無事。因傲香山新樂府體。率成十章。

滎陽城

滎陽城高百尺。囚阜築城如鐵色。漢王夜出城西門。滎陽以東屬楚人。惜哉一鹿抵死爭。食肉不足思分羹。當時若翁幸不烹。乃火紀信燔周生。嗟嗟兩烈士。殉主亦殉名。我行天下歷州七。奇險無若滎陽城。君不見滎陽城。伯太平。排百雉。無一兵。司關午臥門掩扇。百戰古城今下縣。

北邙山

北邙山頭松百步。前碑後碑橫作路。碑前繫馬客不愁。還喚北邙山下渡。前津流水無停刻。松色蒼蒼暗斜日。白楊風小蕭瑟。千樹萬樹升涼月。林烏夜啼穴免蹲。千年不看葬貴人。居僧閒乞紙錢挂。寂寞知是誰家墳。穹碑愈殘文愈好。前人傳多後人少。始知坏土繫功德。不在森森數華表。嵩高山色遠復蒼。眼中親切惟北邙。君不見。征車須卸此山側。松冢蕭蕭無暑色。

尸鄉置

尸鄉置客欲愁。三十里進生王頭。海中山波欲湧。五百人同死土壠。有死士無生王。王頭上殿目向光。九重真龍爲一哭。韓王楚王顏瑟縮。腐儒遭醢理不誣。王頭乃復憤腐儒。我來尸鄉中。白日忽挂樹。鄉人說

王尙如覩君不見。王愛士士效忠。誠不若項王故人呂馬童。手裂王體居奇功。
賈誼墓

西京執戟郎。綠鬢忽已皓。太宗愛老臣。乃少武皇愛。少臣復老。坐令人惜賈洛陽。懷奇亦不值武皇。灌嬰
周勃。噲伍耳。是老秃翁何足詳。長沙西來對宣室。漢皇才高殊自失。固知尙鬼由楚人。因從楚來詢鬼神。
鬼神之言亦陳戒。漢廷惟生識成敗。君不見微陰賈生賦。車過洛陽界。墳荒無人碑已壞。紛紛何況里中
兒。我亦少年先下拜。

董宣祠

東京六酷吏。五輩政足觀。王生非其流。類合附宦官。名儒歐歛首尹京。威聲始傳董少平。乾坤初平天子
武。徑直寧知長公主。赫然盛怒乃可撓。九重幸識小吏名。殿頭東西排赤棒。百轉安能回令項。吁嗟乎。臣
賢主聖誠難得。却壽主威成令直。君不見。祠西半里府所治。道旁百碑名去思。叢碑雖高復誰記。只向道
旁思酷吏。

金谷園

咸寧以前多吳氛。元康以來昏戰塵。晉家全盛只冊載。却值金谷園中春。美人顏紅與花匹。百斛名珠易
珠一樓頭。光碎紅珊瑚。主人殉財兼殉珠。傷心豈獨名珠墮。轉眼洛陽城亦破。持螯仙客最達觀。興廢都

從醉中過園花開園樂陳朝千觴暮百橙二十四友皆僉人此輩可惜惟劉琨。

二嶠山

偃仄復偃仄西經二嶠山山溜所作道巨石橫爲關關門前黑如許西飄秦風東晉雨南陵北陵事蹟陳
遠識夏后兼周文止憶晉五帥秦三臣爲晉游爲秦奔晉人雖墨衰秦人亦素服向師茫茫憫秦穆老臣
此時無淚哭出山一里路漸平巨石夾道愁縱橫君不見山回不特炎暑酷嘗有野鷹來攫肉

函谷關

車行摧輪馬傷骨一綫路中盤八日今晨始及關北門月異望關關欲崩新關高插天舊關深入地赤沙
濛濛白日翳一日一夕車帷蔽樹根石脚露土窰穴土一尺經旬勞居人生世稀見日面黑映戶疑山魘
君不見秦人虎狼據谷口百二遂爲虎狼有寧知天險不屬人六國敗後終無秦豈如乾坤蕩平天險失
前車後車行接轍人生快意亦有時馬上詩成車出穴

潼關門

出險復入險別山仍上山河流五夜色昏黑一片日紅先射關壯哉龍門濤至此始一折驚流無風舟尚
失大魚如龍欲迎日風陵津北起黑波重舸徑向中流過河聲漸遠坡愈迴却拉馬首看全河君不見哥
舒拒祿山魏武破孟起門開如雲列千騎喧聲動天箭灑地時平雲氣亦卷舒屏卒立門司啓閉關頭飯

罷客亦閒。早有太華開心顏。

華清宮

秦皇墳上野火紅。萬人燒瓦急築宮。築基須深剮山破。百世防驚祖龍臥。雲暄日麗開元朝。祖龍此時庶解嘲。人間才接羽衣曲。地下未盡鯨魚骨。前人愚。後人巧。工作開元逮天寶。離宮別館卅里環。羅綺障眼如無山。紅闌影向空中折。高處疑通廣寒窟。仙妃天上坐無聊。玉笛一聲飛入月。華清宮。臺殿工。欲訪舊事無衰翁。泉流鳴咽助淒思。冷暖曾無內官試。君不見。山前四月開海棠。早有野人來試湯。

贈馮編修敏昌即乞題機聲鐙影圖卷子

馮君南海儒。二十年不出門。前靈絲一萬頃。篋底繚青數千帙。出門看海入讀書。元氣吐納如靈珠。荒廚烟斷有時有。百怪窺戶無時無。豈惟不畏亦不嗤。一室靜坐忘三時。偶然一出試有司。衆喜貢爾來京師。聖人方開白玉堂。數十萬軸陳琳琅。蓬萊山高碧雲裏。仙客正復需東方。鯨鯢戮後乾坤蕩。萬卷益盤蠶魚上。晴窗日一校祕書。手冷玉籤沾薄醲。倚居頗厭人海聲。下直只住西南城。門扁似鐵不輕出。解后偶識黃方平。兩年落落京華夢。文案無題輟吟諷。有時申紙出萬言。筆壓鱷魚愁不動。大馮君。小馮君。君偕弟入君復告我神仙聲。謂張解元錦芳廣南怪底少珠貝。斂攝精氣爲斯文。君不見。我家空住東海頭。曉日正面清江流。題無文筆束江海。潮沙澎湃無時休。江流日日晴沙壅。上有松楸百年冢。先人志節實不誣。待覓數

碑高置壘。文章不朽。今見之。對面勞我經年思。吾徒會合既有時。放筆爲我陰風詩。

徐大書受浴牛圖

南溝水。流北溝。水行苦無舟。幸有轆下牛。羨君使牛如使舟。跨腹穩渡春塘流。南溝水清。北溝水濁。濁流須浴牛。水清留濯足。螺千升。泥一斗。尺鯉寸鰕無不有。濯足流還入牛口。君不見。春田之外。官路高。百千萬事如牛毛。人饒千駟不能樂。君有一牛亦足豪。

聞孫大二女皆殤。書此慰之。並促入都。

朝不見爾。暮不見爾。不能得爾書。使我煩憂不能止。朝知爾。枕一書。算知爾。入酒壚。鴉飛鵲翻門索通。盤盤廣文居。今歲殤兩女。隕一奴。奴進與亦以茲病死縊魄復跳梁。擲此巨繩纆。學吏欺升以去歲縊于庭赫然三重門。常有十幅符。長人鬼。伯利弱徒。其餘精魄強。睥睨孰取如。陽春倏然回。陰歎盡掃除。丈人康強大母扶。行見中婦歸。而將雛。爾既久失偶。又苦貧。曷不遠遊負粟以奉親。長安叢流中。近復無爾比。吾當屬王三。爲爾戒行李。

十二月初六日宿讀雪山房話舊卽贈崔公子景儼

經旬頻過訪。識爾氣無前。客路三千里。春光十九年。錦書堂北枕。紅燭夜深筵。一夕虛臆夢。無忘共被眠。謝貞女詩卽寄令子振祺

我年始十五。母遣從里師。其時謝氏居。遠傍陳忠祠。貞女撫子名振祺。十五入學初勝衣。一出入奉母儀。貞女雖有子。室居嘗涕洟。白日何昭昭。顧視久不怡。上堂奉魚殮。入室餐薄糜。兒行讀經解。唔呀市肉食。子身苦饑。我時親見之。歸以語母共歎歎。爾來二十年。不復相聞知。昨得尺一牘。邀我唵風詩。開緘忽涕零。負米感後時。吁嗟失母人。遑敢措一辭。雖然母前爲我言。貞女之節世所希。汝行克闢文。闡彼孝且茲。母今雖亡母訓垂。忍一握管銜酸悲。詩成勗爾廣孝思。作詩者誰洪孤兒。

卷施閣詩卷第三

仙館聯吟集辛丑至癸卯

八月十一日夜終南僊館坐月聽趙芝雲彈琴作

秋花黃。秋月涼。細步曲折行秋堂。秋堂美人琴思生。起喚靜者彈秋清。南山月明一千里。北堂琴絃三四鳴。聲迴欲入月。絃和不驚秋。東西十五房。蟲韻咽不流。一聲何低。一聲復揚。天宇乍濕。微吹新霜。絃淒絃切四五聲。此時秋聲畢。入城江南夢。遠忽歸去。聽此柔櫓空中行。茫茫神明區。杳杳不可攀。怪靈千年巢。此山有時白雲成。美人青瑣窺客垂雙鬢。有時元鶴化童子。丹頂未脫遊人間。風車月馭倏忽倘過此。驚我忽斷忽續。一空中彈。虛房無人素月圓。飛雨入夜青苔寒。幽音欲乞紫府和。空腹冀得明霞餐。君不見。彈鳴琴。憶仙駕。月宜秋。琴宜夜。

同作

孫星衍

秋河下映秋池清。中間月出隨波盈。烟中影結多時綠。風裏輝流不定明。秋堂主人有仙骨。授簡竇僚待秋月。珠履宵沾白露移。碧紗暮對青山樹。此時分照入千門。十二閒街靜碾塵。斷續城中傳柝響。依稀樓畔搗衣人。銀屏夜落橫琴影。月底弄琴琴索冷。指上清光凌亂生。絃中商意分明緊。一彈秋月生。

波瀾再彈秋花欲語言。流螢乍落看還住。斷雁將飛似更還。石闌前頭百重樹。葉葉枝枝化烟霧。樓閣
疑浮海上來。風泉忽到山深處。曲終月淡天爲高。何處仍吹宛轉簫。一聲約住流雲影。萬里魚鱗隘不
銷。主人尋幽足幽思。何必東山挾聲伎。君不見。終南仙館夜深琴。門外終南碧無際。

十二夜雨坐

彈琴留白雲。涼雨入今夕。離離秋葵花。深黃落如積。閒房雨中坐。細酌尊酒白。寒意吹不開。空憐倚風笛。
所居堂西偏。秋氣亦逾冷。房櫺既深靜。蟋蟀共淒警。三更檐霧入。澹此紅燭影。欲展江南書。先悲客秦嶺。
十三夜射堂觀月

沉沉碧苔影。皎皎寒潭光。秦嶺上孤月。清輝滿射堂。綠垣鴉點黑。岑棟燕泥黃。一聽山陽笛。行歌慘不狂。
是日于孫大詩
中得朱三亡耗

馬嵬

馬嵬驛旁佛堂三楹。唐楊貴妃舊縊所也。今歲三月。余偕莊公子達吉至郿縣。二鼓抵此。以燭視壁間
石刻斷句。約百餘首。率無佳者。因相約出新意爲之。至漏四下。各成六截句。乃上馬而去。
客程新自會昌回。刺眼燈光宿馬嵬。錯訝驪山舊烽火。一般紅燄逼人來。
半晌恩恩訣身岐。縱然死別不生離。他時金闕西廂約。天上仍懸會面期。

佛堂宵半劇淒涼。清露微茫月有光。漠漠紫藤牽一徑。花開猶認舊香囊。
五家合隊事全非。鞭馬都看出近畿。猶勝宣陽諸姊妹。陳倉化作野雞飛。
天教國色鑿興亡。遺冢偏留官道旁。一片軟紅飛騎過。豈堪重問荔支香。
茫茫蜀道返秦京。難遣君王日暮情。只有上陽頭白女。不承恩澤竟長生。
哭朱秀才潞二首

會同原北數歸雅。原樹南頭識爾家。上已兌春衣袂冷。清明吹雨帽檐斜。詩從公子筵前諷。酒憶瞿曇坐
上除。君側卷有草庵
同感酒極美零落數人重點檢。兩沉泉路兩天涯。君與余及孫君暨林公子奕眠
過從最數今林及君俱下世

移榻曾依鄒廣文。故人頻到手難分。諱狂一夕空生死。夢冷三年靜見聞。身後詩名常笑我。眼中山色竟
埋君。元言未就桓譚死。畢竟誰傳揚子雲。

十五夜

闌干千尺雨聲收。坐久頻看燭影流。秦嶺雲高連太白。上元月澹應中秋。俗言中秋陰晴
與明歲元夕同多年客思金尊
滿。一夕天風玉笛愁。好把濃陰盡吹却。庾公清興在南樓。

同作

孫星衍

常時偏憶此宵情。直到今宵客恨成。如此月愁終夜對。往來雲愛一天生。舊游似夢依依在。酒力輸心

細細清。又是芳筵忘未得。芙蓉池上共吟聲。

秋夜有懷崔二禮卿

蘭薰桂亦薰。燭燼復思君。歷亂百重鬢。微茫千里雲。松窗無人夢亦幽。化爲孤鴻遠相求。江空離離橘柚洲。天遠漠漠沙棠舟。夢君何如在君側。夢苦知君亦相憶。剗竹痕留指爪青。看山影入修眉碧。星橋七夕祀茶瓜。紅豆閒庭接砌花。三層閣冷唵秋雨。八扇窗開佇月華。蕭王里畔清遊寡。落落朱門手誰把。遠恨吹成宛轉簫。秋聲響徹參差瓦。書堂歸後倚樓東。詩帙翻殘興乍慵。葵扇綠輕秋撲蝶。橘燈紅小夜搜蟲。才名此日推昆季。二十崔鴻學強記。交許忘年趙不虞。謂味辛舍人書憐似舅何無忌。思親有日計程還。重上巴陵八角灘。相思應望秦關險。憶爾重歌蜀道難。

嚴侍讀長明招飲分詠齋中花木

數並牆角放無端。玉色居然照坐寒。應是神仙常散髮。不教收拾上星冠。玉簪花

石闌干畔倚斜曛。葉葉枝枝惹砌雲。數到前生台惆悵。美人顏色葬秋墳。秋海棠

靈巖讀書同爲畢侍郎

公才既大識亦先。一山讀書曾十年。山奇澗仄泉溜壑。石古路削雲浮天。三間讀書堂。昔昔坐復眠。研經覈史志力堅。偉抱不欲談神仙。龍吟于波虎嘯山。公時賦詩靜掩關。全湖水色看不厭。一世寫入胸懷間。

雲銜陰陰關不得。靈氣空山潤生殖。松兮柏兮百餘尺。一一如苗手中植。我開名山園。綴以七十峯。烟樹明滅不可識。水氣自綠巖花紅。茫茫月波寒。極此三萬頃。長檠短檠宵不輝。空處猶搖露華影。奇書讀能手自絨。山腹適有藏書巖。乃知名世本蘊蓄。中外文武才皆兼。公官于西。昨偶還。放艇窈窕尋烟巖。兒童不識鶴偏識。約略少日書生顏。西人德公不暫忘。行祝入相光巖廊。觀圖倘復識前後。天末回首吳雲長。人生事業固不同。萬卷要在填心胸。君不見。靈巖山阜不稱公。須借太華銘奇功。

黃二景仁以舊得宋鑄山谷詩孫印屬題卽以誌別

智永視右軍。遠祖乃七世。觀其筆端奇。殊不愧哲嗣。神明離合偶得之。不惟書然亦有詩。黃生年少苦乏師。口誦祖集無一遺。童耽詩祖詩。長獲法孫印。靈文出山雷。電迅黃生得之筆。奇進二十七世六百春。恍以句法傳文孫。吾家駒父有美聲。合彼難弟稱三甥。若論源派責繩武。內外均應奉初祖。我慚作客矧多病。未暇從君乞詩譜。與君離合亦可歎。客邸借印曾三番。縑囊絨佩入華山。時君將遊華山好句藉可通天關。君不見。印方以寸深數黍。有才如君庶得主。聊藏篋笥貽子孫。百世傳公用心苦。

九月初三日雨後借黃二孫大遊薦福寺

薦福寺中秋氣陰。寂寥一輩樞幽詩。唐餘舊碣苔文暗。僧老閒庭竹樹深。金碧樓臺清磬響。青蒼巖谷暮鴉沉。眼中歷歷皆千古。留與詩人劫後吟。

慧恩寺上雁塔

憶從初地擅名場。閱劫來遊竟渺茫。
韋曲花深愁暮雨。終南山古易斜陽。
高張岑杜詩篇冷。天寶開元歲
月荒。莫笑衆賢名易朽。塔前杯水已滄桑。
寺外卽曲江。今潤不數步。

關中送黃二入都待選

欲別復念我。我歸猶無時。江流入海家倘在。越客到秦寒自知。同居江城中。門臨北風裏。三月發一書。迢迢及秋尾。君言少賤耽百憂。欲爲卑官已不羞。長生如鶴善俛仰。莫更高視輕同儔。翰林仙人瘞黃土。鶴忱離巢援失主。余與君早爲朱笏河先生所知。有潏徑之目。今先生已下世。我非愛患不克伸。兀兀何爲著書苦。昨來得家書。一紙猶不足。妻常歸寧兒罷讀草堂雨。圯西頭屋尋檐讀罷色亦怡。不嫌才奇貧亦奇。吾家阿連亦志士。都下索米時長饑。雖然一二年。亦須約歸期。傾資構草堂。買石安漁磯。兒童不讀書。日課種一畦。君迎板輿行入官。我守親墓居江干。居者自感行者歎。南溪逸北江口。他時官滿放歸艘。我倘持魚壽君母。

朱孝子詩

塵勞十年三駐車。華陽岡南孝子家。伊惟孝子家。松蒼柏逾古。茅堂傲三閭。全家讀書所。我識孝子父。亦識孝子昆。孝子承父兄。事事求諸身。欽其善氣蒸一門。百鳥就樹欣春溫。妻孥不憂僕夫樂。雞犬未識君家貧。東門柳條三易春。我重來遊送廣文。謂全椒朱廣文。時以老疾乞歸。是時孝子愛父病。對我戚戚忘朝昏。俄焉一

刻驚死生。骨肉至痛肌。膚輕抽刀揮。股股肉零。何言孝子非好名。諱此一割如諱刑。創鉅至死無呻聲。茫茫華陽岡。哭聲一何苦。麻衣暗君憶三度。我歸哭母君哭父。我猶能生君竟死。嗚呼華陽朱孝子。

乾州馬生爲寫凌波卷子因題十二首

年華三五日。樓閣兩邊春。絕憶驚鴻影。閒中寫洛神。
書緘二十年。字暗無人曉。臨水覓游魚。尋巢問棲鳥。
破夢閒尋久。松間第幾應。凭闌有深誓。雲隱半天星。
殷勤一紙書。夜久映牕讀。忽地訝光華。池輝後樓燭。
春愁自不同。橋影隔西東。一度辜簾見。朝曦映頰紅。
拋殘千種書。祇習娜嬛記。縱不學神仙。衫袋有雲氣。
專愁病已侵。長日瘦難禁。不愛春花影。生來百種心。
門地寒如此。蕭郎合受徒。頻緣問攻苦。閒篋贈奇書。
初三新月來。幽徑自迷輝。小膽愁逢魅。沿廊吹笛歸。
留茲心一寸。記此谿三折。倘復有相逢。春船岸頭歇。
悟後心常定。閒中恨亦消。猶餘空隙影。風裏帶裳飄。

春愁發杏花。客夢醒亭午。聊復借銀牋。遙情細相數。

湯大令大奎以公事至甘肅往來皆過西安書贈六首

遠宦樓閣越。皇程向雍涼。故人稱早達。客鬢亦初蒼。報政心猶昔。吟篇興較長。終南山色裏。留與話斜陽。

三十年前望。能詩獨有君。閒中思數子。風裏恨離羣。徐穉頻留蜀。謂徐會基。今宰巴縣。錢郎近宰鄞。謂錢惟餘。竹初。惟餘漆園

吏。天末共秦雲。謂莊似擴。

所居會咫尺。岸柳不能分。舊與君皆居城東。與陸里曹庵之側。古巷一條直。疎鐘兩處聞。兒童尊輩行。里俗習溫文。社日成

嘉會。初看接坐芬。余年十數歲。以里中公事識君子劉氏宅。

移居曾幾載。蹤跡始相違。我誦諸經徧。君成進士歸。舊書留次第。新宅羨光暉。兩歲消寒飲。燒殘官燭輝。

平生耽著述。興發每忘餐。事僻須頻采。書成欲借觀。壯心消久宦。歸路憶衝寒。二月春光好。看山合據鞍。

連江三百里。風物渺相思。骨相耀如此。官齋清可知。幾家分薄俸。戚黨依君。最衆。一縣誦新詩。正有循聲起。無

嫌報最遲。

終南仙館獨遊看山桃花作

閒尋古廊日數回。人日已見山桃開。江南驛使昨傳訊。破臘尙未舒江梅。原高樹古春尤早。地稔年豐戶

均飽。終南山色對高齋。天放一株春色好。春風開簾日射樵。草根未青花已紅。橋南冰判出潛鯉。牆脚氣

暖鶯鳴盡。苦陰桃李二十年。綠鬢漸改花枝前。有情誓不負鶯燕。篋底零落詩千篇。山原氣候殊南北。花亦因方異顏色。治葉倡條豈共時。冰魂雪魄同高格。看花春首非偶然。幽賞旣愜兼逃喧。園東容膝坐不厭。板屋總做江南船。君不見。平園賓客春多暇。妙舞清遊各消夜。三更歌吹殷地時。我亦閑來坐花下。

元夕看桃

元夕一年居一方。接天歌吹來成陽。終南山月盛光采。一夕樓上鋪新黃。崇仁坊前百戲陳。雜樂共作秦聲尊。頗欣土俗樂豐歲。巷少服馬居無人。嚴寒初除信風勁。風裏試燈燈不定。端禮門連長樂樓。萬聲壓市器難聽。連宵賓從席屢移。選舞徹夜殊忘疲。屏風高障碧天色。蠟泪滿堆紅地衣。園南獨客愁爭逐。看花欲來深徑宿。避寒三度著春衫。照夢千枝列華燭。牆頭月色清可憐。桃花一枝影入筵。江南無此早春景。自愛枕上看花眠。須臾舞寂將殘夜。月向城西鵲巢下。一陣簾前料峭風。遠雞聲裏寒桃謝。鄉閭此時誰復留。擢雀瘦蔣成俊遊。禮卿橫塘半里足蕭鼓。燈火直接三元樓。十年兩度清遊寡。更有汪倫手堪把。甲午元夕在揚州。庚子客都下。俱與汪劍潭同遊。江館雲迷宛轉簫。帝城月照流離瓦。

十六日早夢破書懷

正月十六天氣陰。窗色欲曙聞鳴禽。殘燈未滅枕書在。手記卷頁勞重尋。景純雖復好奇著。叔夜兼不妨幽吟。房櫺春思集黯黯。檐角雨氣來森森。眼看十日易新歷。屈指百夢交寒衾。蔣家高閣睡頻見。室北老

桂年逾深。無端童稚歎漸老。一輩才調誰猶欽。心雄欲狎萬奔馬。氣尙曾却千黃金。丈夫要可嗜聲色。細故詎得關胸襟。卽今壯齒已逾七。坐覺客歲三交壬。談經旣慚中壘歆。著史亦愧山陰沈。惟餘一事似朱穆。欲守六義追鄒湛。九州山川快登臨。五嶽方寸平崎嶇。寥寥一編望古今。今音不操操古音。三千卷在。倘傳世。寄此一。寸空明心。

十七日曉起

曉寒逼戶微吹雨。柳眼欲青春不許。簾開如夢見山桃。玉色亭亭尙無侶。園空春氣來如絲。墨雲成鱗開日遲。閒移鵲巢向北枝。恐礙雙燕新來時。

二十四日侵曉園中看桃作

條然千枝開夜風。桃花不香春氣濃。重帷未曉已高揭。靜放花態嬌籬欄。看花背樹鶻不知。鶻夢尙落東南枝。輕紅淺白漸分影。曙色欲入光參差。情孤意冷千回走。月墮烟寒著花久。倚風一樹恍如人。露眼紅顏欲回首。看花人老花莫噴。客鬢曾與花爭春。年華三十事若塵。欲訴舊事無桃根。

題黃石齋先生手書詩卷

斯人不賴世。世實賴斯人。一息不死軀。天地所以存。有時而責躬。時而念友昆。時而誨諸子。大義何諄諄。我欲起九京。危苦與悉論。南中劉念臺。北州史道鄰。八挺變非常。無過明甲申。嗟哉數君子。亦配殷三仁。

操筆爲語言，氣若江海奔。雷霆走其間，足憊奸佞魂。誰當贖此戕，懸之國東門。否亦寫百通，各付子若孫。滔滔萬萬世，藉以扶人倫。

楊孝廉夢符泣硯圖

一方石，母所藏。兒名甫，成母已亡。泉涓涓，墨池滴。盡是孤兒眼中血。我遭孤露，偷視息。對此徬徨不能食。少貧無硯，寫以磚。六經手書，母所傳。至今磚在，猶拾髮。我念親恩，抱磚泣。君孤此意，當早識。莫負區區一方石。君不見，男兒負硯已可恥。負親不得爲人子。

慶將軍桂扇題方山松石卷子并送入覲

憶近雲霄天語溫，十年三度拜殊恩。詔宣耿秉趨丹陛，功定班超入玉門。前部笙歌聽乍徹，舊山松石記還存。藍輿小駐非無事，臥看終南濕翠痕。

會騎竹馬，偷兒童。生長釣陶荷相公。將軍爲尹文端公第四子吳苑佇看持使節，沙堤仍望繼家風。經霜塞北顏猶昔，

似畫江南夢乍通。幾處舊遊題句徧，近聞多已碧紗籠。

送蔣大齊耀南歸

外家廳北記重行，已苦無人喚小名。冷齒尚冰寒食粥，倦眸猶怕讀書檠。新來烏鵲巢枝改，乍長兒童口

語生。手授一編仍未習，十年端愧望孤甥。予少爲外祖母鍾愛，今手授書尚存。

雜詩

淵明古奇士。識者唯延之。一世乏知己。日唯唵我詩。永初人物誰。不足供一噓。柴桑五柳間。寓目一何遠。與其交俗人。心隔貌繾綣。何似桃花源。寥寥結雞犬。

賈生治世才。經術亦第一。偶然作詞賦。秦漢渺無匹。惜哉生非時。世正尙刀筆。販脂屠狗中。宛若獨鶴翔。幸值賢守吳。亦識計相蒼。倘欲覓賞音。庶幾張子房。

張耳殊庸才。陳餘實烈士。薰蕕本殊別。何可締生死。一遂爲趙王。一則死泝水。後世俗益澆。借交傾良朋。皆張鞶其端。可惜得沒身。雖然夫與妻。身各事兩人。微詞寓刺譏。吾服前史臣。

馬周值貞觀。李泌逢肅代。迹其遇合奇。事欲出紀載。桓桓良相業。洵足邁流輩。臣主旣相得。底蘊無不傾。終始無纖毫。沒哀生則榮。何以僅贈官。不復得易名。

宮中及府中。一體皆董率。小臣戲殿上。夫乃宰相失。彼哉前史臣。反哂無學術。桓桓申屠嘉。法欲斬鄧通。其事雖不行。血已漬府中。不學孔博山。唯知媚董公。

古今一石才。植已擅八斗。下此一萬年。升合定無有。如何魏晉下。代不乏作手。又言晉南渡。已絕第一流。立論旣可嗤。失色亦足羞。吾視古才人。皆若貉一邱。

春睡

春睡覺來美。窗桃發數枝。無人自開卷。初日上簾時。

倚梅圖

春風已到江南否。手植玉梅堪凭手。探春消息肯孤尋。翠羽飛飛貼斂首。凝寒徑雪猶封苔。非具仙骨誰能來。愛花雅復識花性。逸轅不遣依樓臺。冷泠風放枝高處。花氣籠人亦須住。剝蘚分明認舊題。對斂依約成新句。花光月露看難眞。月欲傍花花傍人。徘徊半日不分影。袖底高壓江南春。江南春到三千樹。須記名花望花主。錦幕寧吟處士詩。廣平已有新裁賦。

宋謝文節公橋亭卜卦硯歌并敘

研斂材修九寸七分。廣五寸六分。厚九分。額篆橋亭卜卦研五字。面左右草書云。此吾石友也。不食而堅。語有之。人心如石。不如石堅。誰似當年采薇不食守義賢也。轉背右題程文海銘。又右題大明永樂丙申七月洪水去。橋亭易爲先生祠。扣地得之。閩後學趙元。硯中正書題宋謝侍郎研五字。舊藏天津城西海潮巷。雍正初。周上舍月東焯。以米易得之。今湖南巡撫查公禮。最所心賞。歲丁卯。月東避疾。時巡撫公官廣西。太平府知府。月東臨沒。語其子。持書抱研。行萬里。至太平。以贈。嗣後公官于四川十年。會皇師平金川。公蒞其事。常與硯偕。歲壬寅。公有湖南巡撫之命。自四川入覲。予得謁公于陝西。巡撫畢公之座。因屬爲歌。以紀其事云。

卜卦研。隨忠臣。六十四卦反覆陳。早識宋運終庚申。橋亭邊。卜卦所。一片趙家乾淨土。有時米盡卜亦閒。讀易無聲飲泉苦。集賢銘後處士銘。六十八字兼元明。橋亭東西流水清。此硯欲出鏗然驚。建陽城。研易米得錢。卽揮得米喜。海潮菴。米易研。瞻研如瞻昔賢面。誰云石一方。重乃抵璞玉。故人欲之心已諧。研得所歸方瞑目。嗚呼研兮。前身不從謝信州。後亦不殉程趙周。物經百劫復得主。光彩早歷天西頭。臣忠友信兼生死。抱研來還知孝子。攜經萬里越百川。研兮得完人足穿。君不見。研今隨公不離側。軍中十年尤著績。飛符四調糧。草檄屢殺賊。三爻六爻有時卜。一詠一吟隨所適。平生亦聞周月東。今不見研先交公。研修九寸一寸厚。聊成一卦卜。研壽書繇辭。作研贊。海水枯。石不爛。

贈花圖爲嚴公子觀賦

嚴公子。姬人。袁子才先生青衣也。公子悼亡後。先生舉以爲贈。因繪贈花圖。係以四詩。公子索同人共賦云爾。時壬寅八月十八日也。

秋社分明日欲斜。肯容燕子到天涯。生來不出烏衣巷。長自王家嫁謝家。

一卷曾披金石文。公子有金陵古刻叢鈔。玉郎才調信無羣。奇書校罷還題句。可寫新裁簇蝶裙。

識字偏多性亦柔。談經帳後十年留。鄭家詩譜聽曾慣。他日傳來與阿侯。安石筵開酒百壺。春名桃葉記曾呼。他時倘放江干棹。更有桃根贈我無。

二月十四日自西安送蔣三知讓至臨潼試華清泉並上驪山絕頂侵曉復酌酒爲別因口占送之
蒲橋楊柳春風青。南山桃花錦作屏。看花湖水不知遠。送客過盡春風亭。正逢驪山明月圓。華清宮中試
湯泉。閒從柏路至絕頂。天半檐簷風泠然。飲酒亦不樂。獨謠殊自傷。馬頭明日落花片。指點別路愁孫郎。
城南小史翩翩影。謂郭別有春人夢難醒。花過二十人半生。人縱欲愁吾齒冷。東瞻太華雲千盤。一條清
光露欲圓。三更暢好眺烟景。道士催客局柴關。來時一山烏鵲飛。去踏松頂鷲巢棲。君不見。鷲鳥初啼慘
將別。且酌驪山半月。

十九日姚按察頤招集冠山堂雅譚卽席賦呈並送至湖南新任

花朝送客青門東。柳絲濛濛一萬重。柳絲迷雲花匝路。月光如花亦穿樹。穿樹明月光愁人。月到十九花
初春。風光如此復愁別。冠山堂裏謂筵陳。昔公建節來湘川。取士一一皆蓀荃。外臺聲名更煊赫。三月欲
上春江船。離心明日長亭道。難遣圖中舊花鳥。葉底琴聲枝上陰。可憐都似江南好。平泉賓客氣肯降。公
也愛士尤無雙。春燈滿前酒白缸。思渴頓欲傾春江。春江江頭采蘼蕪。黃陵廟前啼鷓鴣。楚天千里清且
都。此景却憶秦中無。秦中幾日雲愁結。太華終南渺傷別。車前送者百輩喧。回首中條色清切。憶公日日
來花前。公所手植姿尤妍。紅闌十二好遮護。待取歲月枝參天。轉愁三月春如許。公去花前復誰語。別夢
都牽楚澤雲。挂帆來聽瀟湘雨。

附同作

孫星衍

冠山堂中列紅燭。主人有酒傾百斛。中丞夜呼客論文。客醉不歸靜寄園。節署名春風吹愁散懷抱。座上才人各英妙。平原孟嘗並一時。却望長安共西笑。千金招賢東閣開。千金買花池館栽。看題捧硯盡紅袖。潑墨試取青眸回。桃花千枝弄容悅。欲奪尊前酒嬌色。一聲豔曲飛上天。明月白雲行不得。獸鑪紅深三寸灰。那信急雪凌春來。停歌出戶一驚顧。醉影忽落瓊瑤臺。雪光朝朝花暮暮。愛客筵張日三度。明朝花落雪還晴。主人遷官客岐路。終南雲生入洞庭。客送主人霸上亭。回紅轉綠不容惜。去去爲國馳威名。尺書問訊衡陽雁。何日東山續歡燕。園深花發客愁來。此客知公亦稀見。

清明日偶成示孫大

一春曾未見流鶯。屈指韶光數漸盈。新月如眉過寒食。東風吹雨作清明。無多簾影牽塵夢。不斷楊枝結別情。知否白雲谿畔路。半陂新水踏歌行。

花時四面啓疎櫺。花氣穿櫺夢易醒。春樹乍遮千頃綠。南山只放半樓青。回廊雨勢添簾潤。隔院禽聲怨戶扃。最是呢人連夕醉。水邊人影柳邊亭。

癸卯三月十六日孫大將入都並車送至灞橋折柳爲別因憶己亥春孫大送我石城東畔至此已五年矣感而賦此

石城東畔牽衣處。瀟岸西頭折柳時。人世五年重惜別。春風兩度費吟詩。才人學道狂應減。村酒澆腸醉始知。今夜驪山正圓月。未嫌清夢逐君遲。

歸臥孫大書齋讀所著山海經音義却寄一首

憶君重臥草元亭。對燭攤書戶早扃。豈意異才逾郭璞。未因狂醉失劉伶。閒中花鳥探羣雅。悟後文章似六經。應愧故人耽著述。一編留與澹心靈。

附留別詩

孫星衍

翩然歸騎出青門。草色長亭綠未勻。不信朝朝花底醉。東風偷換六番春。不斷霓裳按曲聲。無邊銀蠟徹宵明。歡餘醉裏成書易。紕繆何曾似子京。

洛下東西屋接聯。等閒人望若神仙。未妨皇甫輕居易。日日危談動四筵。予與嚴道甫錢獻之洪碑存
王秋厓客節署最久談論時
有不合

鎮日瓊筵錦瑟傍。人言書記倚疏狂。黃金擲得休嫌重。只費長門字數行。

紅燈和月影參差。每日閒街罷宴遲。守尉平生多狎侮。不妨馬上細吟詩。

城南風日入秋清。憶得攜朋落拓行。雁塔聯吟一長嘯。本來李杜不題名。黃仲則游秦曾與碑
存及于訪城南勝蹟

識字時時一座傾。著書往往食時成。傍人漫說狂如故。北海如今薦正平。

雲山須作少年游。處處韶光要客留。
灞岸春風石城月。梅花應笑柳枝愁。

卷施閣詩卷第四

官閣園爐集

錢大令汝器知武功臨卒之日自言當爲汾河神孫大星衍後適汾州因爲文祭之並邀余作詩云爾

昔者巨卿死友厥有素車之馳子文酒徒無損成神之骨恭聞故實不謂逢君曩以燕遊妨君小節園
花作縣傾穴移金桃分子瑕之筵手進襄成之袖一日則古疑無死千秋則魂猶樂思無何越人大去
淒涼山木之心向生重來墮淚山陽之笛宛其入室喪予平生然而文翁之知亡日燕飲如常子通之
令太山妻孥有夢雲旗晝接鳧鳥宵飛彼汾一曲如玉娛戲之方姑山藐然神人翔泊之所僕後車日
載五嶽遊來渡妒婦之津過臺駘之廟所思予美忽藉君靈邂逅壺觴徘徊祠宇方冀靈衣羽葆損爾
尊嚴散髻斜簪助予跌宕烏乎參差誰思猶揚楚江之靈絃歌赴節尚浦舒姑之浪我懷如夢君豈忘
心倚玉何時摸金宛在況復愁加岐路悲甚生離靡無感再逢之難桃梗被漂流之笑罔兩問影慙先
後之無期丹朱馮身庶歡娛之有託澆君壘碗保此嬋媛知我幽冥庶其歡饗

故人不多高秋闕廟作神今六七洪厓不憊有奇格留作廟中酬酒客今晨得讀孫子文欲傍汾水爲
招魂生能痛飲死廟食倘儻不負錢王孫花枝英英開滿堂憶初逢君興飛揚君言得閒且引觴爛醉卽

臥花枝旁。別來春衣墮秋霜。此語闊達殊難忘。君不見歌千聲。飲百場。少年有願須先償。既入神籍安能狂。

華清宮故址聯句

甲觀推三輔。鎮洋離宮溯盛唐。邑當秦內史。長洲吳山作古陰康。統自先天禪。江寧祧承五葉昌。麾戈

綏國步。陽湖洪負斧振王綱。百度依皇極。陽湖孫諸臣凜憲章。封巒兼泰華。長洲吳拓地盡河湟。上理幾

元化。沅眞靈降帝鄉。長生期縹緲。秦來中禁厭周防。懿此邦之右。長明隗其鬱以蒼。根蟠西土厚。亮吉陰

逼午雲涼。嶺半分星宿。星衍峯多雜雨陽。懸流明鏡夾。紹昱注壑委紳長。濺霧晴難覺。沅烝霞曉不遑。塵

端呈絳闕。秦來樹杪架飛梁。萬戶銅交鎖。長明層岡粉界牆。百司環近陞。亮吉十宅錯回廊。花萼迷前路。

星衍星躔接九潢。陵鳥光隱映。紹昱支鵲影微茫。七拔崑依藻。沅千官鶴引吭。鏗鐘蚪拂郁。秦來開扇雉

飄颻。珠輶駟三國。長明金羈鬪五王。燁衣同輦侍。亮吉黃轍一輪張。大駕方逾畛。星衍前驅已過閭。受朝

簾箔暗。紹昱頽朔瑤璜鏘。蓬觀私榮李。沅沙隄黨植楊。陳辭無董勸。秦來懸象有禎祥。麴糵調元漠。長明

宮商儼贊襄。嵩呼中谷應。亮吉天語隔烟詳。陟降由旬鳥。星衍低徊十六湯。星津詞鄭重。紹昱月地幸仿

祥。紫玉裁爲筵。沅青霓想作裳。樓臺長結霧。秦來卉木不知霜。昔在恢基日。長明由來閱武場。唐自高祖

始幸溫湯校獵於驪穹霄乘作肅。亮吉外事用惟剛。衰草無邊白。星衍驚沙一片黃。英雄歸駕馭。紹昱飛

山嗣是著爲令典

走識騰驤。叱咤風雲氣。沅 趁趨劍戟光。熊彪相顧盼。秦來 狐兔敢遮藏。藉使韜鈴習。長明 兼令士馬強。載
惟思尙父。亮吉 諫不拒東方。隙駟俄成逝。星衍 從禽遄兆亡。錄纒淪洽鏡。紹昱 柄蚤失干將。養虎真遺患。
沅 封狼肯受戕。三塗容易裂。秦來 四扇苦難搪。火箭飛黃屋。長明 金戈指御牀。親征詔元降。亮吉 下殿議
先倡。貂珥倍行幄。星衍 蛾眉勉急裝。將軍何跋扈。紹昱 天子太徬徨。殺氣橫官路。沅 陰風慘佛堂。白蠟三
尺練。秦來 紅斷一枝棠。掩袂辭孤驛。長明 銜枚走北邙。帝車聊蜀道。亮吉 天意自儲皇。內草方傳命。星衍
前茅已割驅。蚩尤行就僂。紹昱 黃道復當陽。司隸章重覲。沅 勾陳氣載揚。九河供洗甲。秦來 八駿頓迴轡。
去似春難別。長明 來如夢未忘。翠微晴歷歷。亮吉 新漲綠汪汪。澗浪猜鳴佩。星衍 宮花罷晚妝。安從鸚鵡
問。紹昱 酸遺荔芡膏。錦襪愁雙掩。沅 金釵淚一行。星仍迴七夕。秦來 雨祇怨三郎。短景勞催馭。長明 長星
勸舉觴。軒弓看欲墮。亮吉 秦壁待誰護。有客歌長恨。星衍 含情訪未央。陰符資聖姥。紹昱 嘉頌第元莖。氣
候三春盡。沅 虛無一徑妨。坐憐斜日瘦。秦來 行愛野雲翔。塞產金仙閣。長明 蚡縵玉女房。檐虛凋菌莖。亮
吉 瓦闕破鴛鴦。冷蕤低妨帽。星衍 么荷緩挹漿。暗紅流不散。紹昱 真豔洗猶香。守吏邀傾蓋。沅 耕民拾墜
璫。探懷惟古意。秦來 發韻總清商。舊史書承統。長明 綏猷倚峻良。如何三紀盛。亮吉 旋致髦期荒。重色原
傾國。星衍 由奢每積殃。存亡機自決。紹昱 修短運靡常。幾見宵烽誤。沅 空悲夜市忙。何因降西母。秦來 堅
坐話滄桑。長明

周忽鼎聯句

銘及釋文

佳惟 王元年六月既望古期望字從月望遠字乙亥王才在周穆王太此行十八齒許慎曰總曰

論語有仲忽漢書古今人表作仲忽詳慎說命古用女陵更乃且祖考翳卜事易錫忽亦古爾雅

文解字無留字有囿字留應亦囿字古文令命古用女陵更乃且祖考翳卜事易錫忽亦古爾雅

環字哉敦口同上用事王才在澄此字從走未能析辨或即古文遷字虛居井鐘鼎家皆以井為掛案周

井者為鄭地郡亭二字不同致穆天子傳叔易錫忽赤全純玉也藝即樂字三忽受休口同上王忽用

有井利素有非伯是古有井氏賦讀本字叔易錫忽赤全純玉也藝即樂字三忽受休口同上王忽用

絲金口作朕文孝通考疾解字有宄云古文作交此從宄從白伯玉篇云贊也亦作壽案解牛鼎忽

其萬口此行用囿字作示子孫孫其永寶

右共八十一字。蝕者七字。存七十四字。疑者一字。

佳惟 王三四月既生霸霸字從月從異所謂月始生暉然也辰才在丁酉井叔才在異而無考敢口

此行蝕 事下王篇云小子鬯豔豔是數字此字三以限訟于井叔我既覽頤女五口同上父用斤馬喇絲限

認曰比則畏我賞古無價字馬效口此字畏復乃絲口此字效父匱訟數曰于王鑿門口此

共蝕 木枝用青徒賣頤絲五夫用百爰即錢字漢者錢也古者以二十兩為三鈞故攻工記戈重三錢

十鈞為鎰梁重六兩太半兩堵案尚呂刑與康成注許慎說文解字云鈞也今東萊或以太半兩為鈞

脫俗儒以鈞重六兩周官劍重九鈞俗儒為是鄭不用六兩之義故以許書及東萊云云為証許氏之學

即出于遠故遠亦以六兩為俗說馬融則直用之矣余雅曰二十四銖曰兩兩有半曰捷倍捷曰舉倍舉
曰銖銖謂之鏤亦承馬融之說更記周本紀銖作率是借字又平準書有白選漢書蕭望之傳有金選亦
而銖與銖字尚書大傳云夏后氏不刃死罪罰二釐釐亦與選字同蓋釐即選字耳銖字別出
而銖與銖同義也古者釐罪每云銖亦云釐此小子數作井叔作罰罪之詞故亦用此字耳
五夫□□上謂匱□又君衆豈全井叔曰才在王□此字匱竄□此字不迭遣叔手同即解字之
靜習毋畏長疑感字于比習則拜詣首受茲以爲即茲字五□此行疑釐曰隨卽卽字古曰頭曰龍
日□此字未詳曰相事爰以告比匱畏□此行共以習尊返仲傳父鼎有是云羊茲三爰用到茲及習
酉每借爲于比□此字行十九字舍戮夫五乘曰才在尚畏處乃邑田比則畏復令曰燭

右共百有八十二字蝕者二十一字存百有六十一字疑者一字

替昔僅歲匡衆及臣△私夫寇習禾十秭詩曰陳設爲飾解以匡季告東宮迺曰危乃及乃弗退我與
受其敗解女匡罰大匡匱首于習用五田用衆一夫曰標卽益字解字有逾云翰文作孫用臣曰專與
字引作退日翼爲卽鄒字日用茲三四夫詣首曰今論之是從古文余不必從舍省矣爽無匱則寇是
□此字不巧字釐未詳余曰或以匡季告東宮習曰才在唯朕□此字賞賞東宮匱曰賞習禾十秭遣
十秭敬敢△私秭此字穉或弗賞則此字曲此字秭匱或卽習用田二又有臣此字月伯庶
有且薛尚功用卽習田十曰乃五夫習受匡山此字秭

右共百有三十七字蝕者四字半蝕者一字存百有三十二字未詳者四字

鼎高二尺。圍四尺。深九寸。款足作牛首形。藝文類聚引三禮鼎器圖云。牛鼎容一斛者是也。銘分三節。第一節蓋因王錫忽赤環亦全瓊等。而用金作牛鼎。以祀文考宄伯也。第二節則小子徽與井叔訟。以金百爰贖五夫。忽受五夫。而爲誓詞也。第三節則匡衆寇忽禾十秭。忽告東宮。因與匡季爲誓詞也。合四百字。乾隆戊戌歲。巡撫公得于長安。屬坵爲釋文。土花歷錄。不盡識也。既命工鏤剔。字蹟顯露。因以偏旁證之。古籀。而可辨者。咸得焉。巡撫公矜此幸存。與同幕士更唱再和。成聯句一首。以坵如豫章之識韓城鼎也。令略疏文意。兼紀由來。書于詩後。若夫字畫難稽。或磨泐未析。則從闕疑之例云。壬寅之二月十有五日。錢坵記。

陳倉石鼓昔初得。沅韓始欲歌辭不敏。偉哉斯鼎晚方出。秦來坐使才人俊難忍。鑄成二尺徑四尺。長明字或如螭又如蚓。東坡欲讀歎塞默。亮吉南仲如尋有譌僂。賴通六義求偏旁。星衍頗涉百家知的埤。文云生霸合班志。以竊爲魄差可引。沅又云賞平馬証許書。有賞平無償乃其準。推尋井氏得穆傳。秦來考驗王居值京尹。同名不嫌或齊忽。長明去古未遠猶稱朕。信知穆後有共宣。亮吉不到周餘入獵猶。豐富當時大祐福。星衍重器昔聞陪業篋。銘功示世真恢奇。沅覆甕入門何轉殿。六卿無事飽公餽。秦來同姓駿奔分社祿。百鈞涵牛自腹閭。長明半面鑄饜尤目眇。雷雲舊制匣糾結。亮吉彩翠細文浮癡膠。薦之仍几承以輔。星衍佐以莞筵績之純。巧倕如過訝齷指。沅力士試扛曾絕躋。豈知楚問至郟鄏。秦來早見秦

謀動儀軫子孫永寶嗟云云。長明 匕鬯一驚愛恣恣。遷都已謝挈瓶智。亮吉 入泗還聞貢金隕。休屠出世

先嶂嶸。星衍 長翟模形亦輪囷。此時此鼎落何處。沅 藏壑藏舟守其化。咸陽原頭赤流燒。秦來 渭水都前

綠封畛。會鄰馬冢勢陞机。長明 留鎮終南骨嶸嶸。誰云有耳竟沈埋。亮吉 幸免折足遭牽制。宣和大索究

誰獲。星衍 神物欲降須天允。時清一出世方寶。沅 斗際多年氣成蜃。廟堂之質古所惜。秦來 草莽如遺執

當慙。試饜經傳識科斗。長明 藉掃俗學噴噓龍。泥沙乍脫尚斑駁。亮吉 顏色驟開還黦黦。靜思世事直奔

駒。星衍 卻愛字鋒仍畫隼。與君拂拭過銑盞。沅 使我摩挲類珉瑯。焦山鼎存苦狹陋。秦來 吳郡地大空隱

賑。靈巖之山水之淡。長明 積翠疑鬢黛疑鬢。明駝千里好移致。亮吉 錦扇十重宜載租。詎因螭魅避光芒。

星衍 要伴金仙置閑楮。鈞金摩拓動都邑。沅 闔縣傳看走愚蠢。便從空界與山壽。秦來 不共洩沙隨劫盡。

高齋古色燭鬚眉。長明 祕室清吟鉅肝腎。成詩或讓侯喜奇。亮吉 識字庶謝揚雄晒。星衍

開成石經聯句并序

唐刻十二經及五經文字九經字樣。在今西安府學後舍。通計一百二十有八枚。按宋黎持記。石莖在

務本坊。天祐中。韓建築新城。委棄于野。朱梁時。劉鄩守長安。從幕吏尹玉羽請。置入城中。置唐尚書省

西隅。汲郡龍圖呂公復徙置於府學。分爲東西。次比而陳列焉。明嘉靖乙卯。地震。石半摧陷。本朝康熙

庚子。曾經哀輯。未藏厥功。乾隆壬辰。中丞畢公。持節關右。釋奠伊始。詢訪古刻。見下字傾圮。植石零落。

顧瞻悚息。旋於榛莽餒會。復得遺刻數十方。爰議修建堂廡。排比甲乙。分植其間。用以侈錫方夏。垂示永久。竊惟經典所以載道。頤道雖無窮。而器則有敝。石經肇自炎劉。熹平所立。凡四十六碑。魏正始間仿之。所謂一字三字諸刻。久隨運代遷徙。至後蜀成都。宋開封。臨安。並有撫勒。今惟祥符僅存四石。杭郡僅存八十七石而已。夫書原稽古。易著觀文。竊歎古今鑒藏家。偶得宋元剞劂。叢書別集。每相珍惜。夸詡矧夫聖謨古訓。復為唐賢校勘書寫。勒在堅珉。垂諸東序。天球大貝。其為寶貴。當更何如。而世之人往往未暇顧此。其得謂知所先務者耶。壬寅春正月上丁。中丞致祭廟廷。同人咸往觀禮。竣事後。循覽真石。相與共賦長律一章。以志其事。凡八百字。并屬秦來書於碑末。用代題名云爾。

孔壁羣經在。沅斯書八體更。請觀唐太學。長明直紹漢東京。伊昔乾綱振。江寧張復初因泰道清。殷憂開

福祚。坊仁讓戢戈兵。發迹同陽武。亮吉除姦過子嬰。冗員裁伎術。星衍隻日見公卿。馭世方多暇。沅司天

亦有禎。李充陪釋奠。長明翟繡奏開疊。祕閣東西列。復純遺編甲乙呈。其時冬十月。坊二載號開成。鳳漏

傳深禁。亮吉天香雜佩珩。軒堯臨斧辰。星衍稷契掌機衡。先鄭原遙冑。沅臣覃敬署名。備官兼祭酒。長明

乞上法熹平。拜表稱干冒。復純鋪墀久屏營。五三經屢屆。坊百六卷從橫。帝曰嘉斯績。亮吉疇咨展乃誠。

宿儒須日拔。星衍天語自風行。識藉揚雄洽。沅讎資子政精。校量秦博士。長明趨走魯諸生。法變陳留蔡。

復純。形摹下杜程。殊文刪國國。即日月。唐武新字戒蠶蠹。音穿。航吳樣自由元度。亮吉音仍用德明。選臺

知兔泣。星衍驅石有神驚。一一蒲車載。元室堂露闕盛。琅玕交動影。長明絲竹暗藏聲。元白真箝口。復純
 韓裴欲眩睛。扇天當北戶。玷切地倚南榮。峭似崩雲駐。亮吉駢疑駭浪撐。蛟龍時擺畫。星衍奎壁夜晶瑩。
 煥矣依天府。元巋然鎖斗城。下年傳萬萬。長明碩畫自庚庚。豈意壇山石。復純難藏汲縣經。斯文愁一墜。
玷大廈竟同傾。節角蕤苔蘚。亮吉接題竄黜黜。流傳多臆版。星衍剝落半沉隤。一片從樵牧。元何方避鼓
 鉦。代移應鬼守。長明時去懼雷轟。有客來開府。復純多年此駐營。使君終好武。玷幕吏竟非僮。便訝摧爲
 礮。亮吉翻成愛似瑣。聖經危更續。星衍物理否還貞。浮世真過隙。元嘉賓等食苹。揭來同訪古。長明悵好
 值新晴。壁水深浮藻。復純林鴉細學鶯。偶因尋最質。玷復此觀崢嶸。鈎勒會緘籛。亮吉摩挲獨倚楫。升堂
 飲禮器。星衍忘味等韶箴。與士爲模楷。元伊誰覆棟臺。時清修廢事。長明公德及斯氓。謂中手自披跌額。
復純心憐共瓦鑄。護加丹楯麗。玷出帶土花植。石鼓初遷地。亮吉蘭亭頗覆墨。是碑猶磊磊。星衍試擊尙
 經經。賴子窮三體。元因公更一鳴。許書時不用。長明周籀俗何輕。晦史譏非妄。復純參功詎合旌。爲求文
 歷歷。玷直使意怍怍。有口初嫌士。劉字从口。亮吉三田竟易品。疊字从田。王网非秦忌改。秦忌。字川
星三景葛書并。影本作景。葛洪似此諸經易。元能無下士爭。書循安國僞。長明傳亂左邱盲。九易惟從
衍三詩直取亨。雅詞加重鳥。孟音。禮本失濯髮。古文純作。玉筋非無伎。亮吉珉材若待評。時如追
復純史佚。星衍隸豈守秦獻。當代開蓬館。元呈書及晏楹。雅流皆蒼萃。長明藝術有根莖。藜火虬檜澈。復純仙

才虎觀盈。百家刪稗莠。坊萬卷別瑤瑛。論列須公等。亮吉招要盡國英。陽冰會獻東。星衍江式有餘情。玉

燭調方久。沅鴻都事合賡。蜀經成露電。長明宋刻久榛荆。作聖誠超古。復純如川一到瀛。卑唐徒爾爾。坊

佚漢自龔龔。揖讓黃虞夏。亮吉翱翔頡誦彭。魯魚迷早辨。星衍科斗寫誰令。舊刻爭留詠。沅新材待發矚。

大書重作貢。文治翊恢宏。復純

集終南仙館觀。董北苑瀟湘圖卷聯句。圖以謝元暉送范彦龍詩潤庭

一綠千里何迢迢。沅人烟不接水氣驕。泰來雲霞今古見復消。長明天若蓋笠峯覆瓢。坊扁舟胡來波上

飄。亮吉絲風微吹絲雨撩。星衍前有雙妹顏若若。沅下誦經歲猶垂鬢。泰來仙骨一束從風搖。長明欲出

天外難招要。坊坐中一人衣帶影。亮吉華蓋柄曲星垂杓。星衍璫罕戍削侍從么。沅乘風而來氣忽颺。泰

來得非有虞從二姚。長明往帝七澤都三苗。坊從舟三人靜不羈。亮吉綠袂乍舉朱唇歛。星衍排笙絃瑟

相和調。沅始若有慕終無聊。泰來將母楚人為楚謠。長明傾耳欲聽心搖搖。坊萬象匪意所及料。亮吉零

陵內史仙格儔。星衍新亭促別心焉切。沅詩非沈約迺謝朓。泰來想涉太古神琴瑟。長明憑誰意會來生

綃。坊鍾陵仙人官庶僚。圖畫見聞志董源微軀遠寄如鷓鴣。星衍中湖北渚時逍遙。沅瀟江湘江初上潮。

悉來。水色欲盡天為繚。長明其下雜插蘆葦蘆。坊間以弱柳垂烟條。亮吉一千年前新月嬌。星衍遠映漁

子來巖腰。沅罨若蛛網人蟻蝻。泰來目所到處神與超。長明真宰上訴誰遮邀。坊靈均墜魄已莫招。亮吉

王郎經湘亦復天。

星衍

蛟宮龍堂悲寂寥。

元

水底大集文壇鼻。

秦來

靈珠出握光入霄。

長明

以日爲夜星

爲朝。

坊

幻作墨寶猶騰焄。

亮吉

翻飛落手豈倖微。

星衍

裝之古錦匣亦雕。

元

東西北隨使者輅。

秦來

秋堂

展翫清以漉。

長明

題詩媿比英威辭。

坊

直須大斗胸中澆。

亮吉

爲公浮白歌離騷。

星衍

消寒一集登靜寄園平臺望南山積雪分賦得雪字。

層陰凝高齋。凄念集素節。凌晨瞻終南。歲宴已飛雪。華筵撫時序。瑤館坐超忽。凜凜朔朔風。沉沉眺遙闕。微黃辨清灞。積素連太乙。愿井何鬱紆。川原互明滅。幽人來若鶴。深徑望疑月。心空冰柱響。耳訝竹梢折。豐歲諒可占。晴陽盼方切。

消寒二集同人集姚觀察頤冠山園分賦齋中草木

水仙

海客歸無計。江花見有情。遙蹤同水國。小草得仙名。一種忘言契。先春與目成。簾疎莫遮卻。新月影中橫。

天竹

質籀影不同。千點亦玲瓏。秋實偏憐小。春花欲讓紅。拂蘭朱粉暗。映樹火星中。自覺冬容淡。移瓶插數叢。

木瓜

一種香偏永。疎籬曲几傍。殷勤何以報。轉側敢相忘。木性還經歲。瓜期已履霜。青門一樽酒。風味許同嘗。

蠟梅

素心誰與侶。宴歲獨含葩。香冷回殘夢。塵昏隔故紗。過秋疑剩葉。籠月似無花。燒燭須頻看。羅浮信正賒。
消寒三集吳舍人泰來招集講院席上同賦食品二首

鐵雀

銅標郡中記。玉集魯東家。似此名先遜。還應味可誇。以珠彈乍惜。似鐵鑄非差。十月綿初重。千頭炙欲賒。
成羣來塞積。洗處落邊沙。大厦蹤曾託。空倉粒競譁。覆車還共取。墮網亦誰嗟。骨碎登樽俎。肌豐佐齒牙。
蟹登鋒欲避。雞距銳寧加。異物餐難數。吾生欲有涯。未妨調肉糜。稍足點薑芽。食罷興三歎。門前數晚鴉。

銀魚

小言真可賦。微物信堪憐。種匪來銀穴。名真壓錦筵。形輕團柳絮。影細貼榆錢。未覺盈筐貴。初看布網連。
吳船珍乍寄。越客嗜尤先。漑釜難淪色。和羹詎改鮮。晶鹽看乍點。甘雪試同煎。夾箸慙三兩。隨波憶萬千。
餘芬還沁齒。薄味轉流涎。偶帶冰霜質。相忘江海邊。塵情聊自遠。鄉思暫教牽。何日吳王膾。登盤得比肩。
消寒四集十二月十九日爲東坡先生生日同人集終南仙館設祀并題陳洪綬所畫履象後

誰攜玉局堂前酒。七百年來爲公壽。中丞愛公才似公。邀客設祀高齋中。高齋玲瓏棖鐸。壽公無詩公
不樂。公生于蜀卒在吳。吾鄉一樓還號蘇。外家舊宅有樓爲東坡先生撤蘇之所設嘗以此日記先生于樓上人傳樹古樓亦古。公昔撤瑟

子懸弧。童年學句殊清瘦。詩法從公夢中授。樓前溪水百尺流。公前纜舟予放舟。憶公登山謁公入黃樓。十年三度祀公處。略識南顧兼杭州。平生憂樂誰能悉。畫裏蒼然見鬚髮。公也何心詠螭龍。天乎賦命遭磨蝸。世人雖知公未若。公自許。東京黨綱范孟博。北海奇人孔文學。無端住世厭世名。飄然上天作列星。衣裳怪底切雲霧。雙屐一笠浮空青。我于公舊公宜識。陽羨書生住谿北。公思陽羨我思鄉。江岸田荒歸不得。齋香到公應已知。天上樂或忘年時。烏臺舊案公莫思。紫府且復吟新詩。

掃室

居然一室住經春。嬾學緜康得性真。蛛網布來無隙地。燕巢移去擇嘉辰。窗牖未拂雲山翠。簷冷猶樓京洛塵。眼底乍看陳迹淨。檐前鵲語亦懷新。

烹茗

爐響間從竹裏聽。霜華初試酒初醒。參差烟繞屏風碧。深淺山從殺雨青。渴思幾番憐永夜。空江千尺憶中泠。終嫌結習除難盡。訂罷茶經又水經。

試香

數種貽從西域遙。拈來仍與栢同燒。故人一瓣心空寄。繡被經時氣未銷。渾惹凍雲來冉冉。放隨清夢去

迢迢酒痕滿。清征裘敝。且復濃熏度歲朝。

糊窗

近刪竹葉通朝旭。欲易桃符感歲華。作賦十年餘故紙。籠詩四壁換新紗。爐煙已隔香空篆。檐鶻難窺語乍諱。一榻琴書幾回睡。早看晴色上梅花。

消寒六集同人集花鏡堂分賦青門上元燈詞

桃塢南頭閣一層。坐來春夢尙瞢騰。休嫌青鬢風前改。十五年看客裏燈。蕭郎清興本無端。幾度添衣備夜寒。拋卻廣場千頃月。卻來城市覓燈看。坐來不復接雲笙。自理三絃撥玉筍。休放吳歌惱清聽。四圍筵上總秦聲。更闌一騎去匆匆。衣上香飄葉葉澆。行到北樓人海沸。開元坊裏戲魚龍。小徑行來避市諱。生疎還怕路頻叉。蝦蟆陵北寒塘側。月午閒看隔院花。踏歌聲復轉城東。樹影微茫月影空。一盞佛燈同劫火。慈恩塔上夜深紅。漢宮餘瓦尙參差。遺事惟因故老知。想見殿頭傳蠟燭。不教明月擅秦時。城西古寺足勾留。素茗清宵話勝遊。歸騎忽驚春月暗。南山晴雪照危樓。留髡筵上酒頻堪。檀板聲清我尙諳。客散未教春睡穩。夜深鼙鼓在樓南。

頻燒紅燭待孫郎。醉後閒眠六尺牀。遮莫歌筵苦難散。五更催着舞衣忙。

消寒七集招同人集朝華閣分賦長慶集生春詩四首

小樓

何處春生早。春生在小樓。月中簾影上。風裏笛聲柔。綠意枝梢破。紅情燭畔流。三更乍聞語。香氣落瓊頭。

畫廊

何處春生早。春生在畫廊。一雙人影瘦。十二曲闌長。掃壁雲濤湧。巡檐月露涼。微聞屣聲近。知欲探疎香。

遠山

何處春生早。春生在遠山。多時看窗影。幾日驗眉彎。地覺晴雲上。天將空翠還。遙遙數重樹。先合夢中攀。

曲池

何處春生早。春生在曲池。水紋開宛轉。魚眼動參差。荇夢牽萍葉。新愁颺雨絲。凌晨卷簾看。波影上來遲。

消寒八集同人集小方壺賦憶梅詞

一年看梅在廣陵。平山高下樹千層。寒冰乍削波中鏡。碧月初圓天上燈。一年看梅在姑熟。二月花光豔
溪曲。避冷人登白紵樓。尋幽艇放青山麓。曾尋梅信到錢塘。前後山光接水光。幽窗與鶴論高格。石屋隨
禽嗅冷香。富春江郭潮初上。千樹垂垂亦齊放。此水東流我復西。晴波影裏疎枝漾。錢塘歸後住江邨。更

載梅花向白門。刺史宅邊餘幾樹。可憐樹樹識吟魂。家園亦住梅前後。只惜花時客行久。驛使頻看寄遠音。明年花放人歸否。百句爲客住京華。十月先看深窈花。園空陸弟吹簫冷。枝小崔郎壓帽斜。愛梅不合

劍潭
遊宅

秦中走。待得花時憶花瘦。夢裏分明見折枝。閒中寂寞眠清晝。我賦新詞舉玉樽。梅花深館寄汪倫。

有憶
梅館

舊東門外三條巷。臘雪今餘幾樹存。

消寒第九集。同人出西安城西南訪第五橋故址。回途至香積寺。小憩約賦六言二章。分韻得長頭二字。

初三月色雖好。第五橋名已荒。雲與石厓共削。客同原樹爭長。

香積寺中午飯。樂遊原上春遊。水脈欲尋龍首。岡形忽現牛頭。

回途至牛頭寺。
以日晚不果入。

卷施閣詩卷第五

太華凌門集壬寅癸卯

初三日抵玉泉院

雲光已不同。出樹鬪青紅。過澗方三里。穿林復數重。引泉通十頃。築館面層峯。松蔭迎人遠。花香落掌濃。杉條既疎直。荷柄自玲瓏。魚梁棲夜鷗。獸吻墮秋蟲。日沒風雲徑。天低星宿宮。臺廊通靜氣。樵牧接閒蹤。拂塵開石舫。展簟對疎櫺。靜看初三月。才聽戊夜鐘。

自玉泉院至五里關

入谷氣始陰。上坂地復失。盤盤行空中。石亂忽拒轍。維時正晴午。昏晦霧欲結。遂令高峯雲。慘若太古雪。陰寒生蒼苔。錯落繡根節。神工竟草創。巨斧未剗截。萬古積鬱怒。欲下勢已猝。危茲幽人居。蹉向崖底突。云開北邊牖。夜半或見月。欹松橫成梁。直石立作闕。幽瞻正徘徊。飛瀑頂上出。

由車箱谷經十八盤諸險

一松扶升天。一石絕入地。信哉雲門壑。巨石上壑。雲門天壑。四大字。奇險難久閉。坡陀半日上。直下復里計。飛騰挂枝猿。曲折旋磨蟻。非徒鐫錢工。迥出神鬼意。坤靈信難戴。天意恍立異。排空刺日月。鑿鑿試鋒利。仙人萬間

廈破碎忽被棄。巖東不開關。拓以巨靈臂。十折復八折。草路入雲細。回瞻足幾失。直視神乃悸。藍輿尙徐行。天路誠匪易。

自莎蘿坪至青柯坪小憩

出谷始有見。怪峯驚變環。人行莎蘿中。襟袂何爛斑。藍輿折危橋。飛瀑爲洗顏。樓臺破空垂。天頂壓石闌。蛇紆逕蒙泉。虎響生高壇。明明暑氣隆。頓覺秋意殘。客子念早饑。徒侶衣裳單。瞑坐百尺亭。道士伴我閒。掬彼石鏡水。餐此桃實丹。紅日不覺午。青光交一山。巖扃雖云高。目力與往還。森然下天風。靈氣何能關。從天井上千尺壘。

空胸衝松風。側笠敵日色。危瞻千尺壘。出井級已百。驚沙亂迷目。瘦隼莽攫客。雖云級凌厲。益鼓氣峭直。手滑鐵索熟。足落石勢側。幾將隨崩濤。險復墮厓脊。調神久方定。置命往逾力。唇焦呼聲勞。力竭心氣逆。洵洵雲俱垂。蕩蕩天若壁。同儕詎能顧。出險未過刻。身今逾輕狻。狻竿祇百尺。

過二仙橋憩媪神洞

人蹤旣已疲。天險亦少收。行行經危橋。橋回出高樓。房簷交層雲。松子一尺浮。飲澗襟抱涼。蟬聲亦鳴秋。怡神洞門前。石几清且修。絕壁下日光。正置青松頭。高樹皆人巢。飛羽反不投。搆此尺木棲。有若絕壑舟。東西皆深厓。追識路所由。天意開西峯。惟堪化人遊。徒繙黃庭經。塵跡難少留。

經天梯升日月巖、

峰危殊難飛。路斷鐵索在。高瞻誠堪驚。欲往寧有待。思隨天風升。值此雲氣環。千尋無寸曲。百上不一遺。足勢久已虛。腕力忽欲怠。先登倘一墮。直下無地載。誰云心胸奇。驟覺腹氣餒。遵峰意猶掉。履險志不悔。乾坤分層梯。日月絢疊采。巉巖升甫半。突兀觀頓改。腰平終南山。目直大瀛海。

仙人砭望雲臺諸峰

石勢亦欲轉。孤峯圍成岡。道隘東一門。逼仄五里長。絕壁雨露稀。草綠忽已黃。陡上數十盤。飛隼安敢翔。鑿石不少寬。鋒利趾已傷。東西十步餘。飛石橫作梁。肯倚千尺巖。下視萬仞強。華雲披南山。初月映石廊。闌干難重扶。欲落勢早防。直下龍所居。雲霧會渺茫。思隨飛仙人。下一探所藏。離離峩虬枝。盤盤出羊腸。日昃經蒼龍嶺

先登夫何難。欲往恃所執。瞻茲雲路駛。揮此雨汗濕。途危氣偏降。退九進乃十。峯密誰人開。空處踈置級。縱疲欲暫駐。石石倏起立。山腰衝風來。忽攬頭上笠。中途一驚望。呼出不得吸。前行盡頽偃。垂鉞苦繡澁。危均騎虎勢。過趁老龍蟄。內堅向禽志。差免阮生泣。身輕既出險。始覺百憂集。前望金鎖關。慊從訝生入。迴天門縱眺

豈門通天門。獨上願已果。危闌折逾峻。空處雲落朵。先登雷同儕。疲極藉神坐。清泉流巖腰。甘果摘道左。

紆徐手搗搗。偃仰足復髀。高低峯巒奇。濃淡青綠裏。轟轟下山日。烈烈燎原火。冥冥天餘青。落落星綴顆。高瞻數峯色。藉此一徑鎖。當須鼓全神。始力戒終惰。

坐玉女峯望東峯松楸

入雲復出雲。數里上空冥。白玉築一峯。黃金開層層。慚非列真期。已到仙人庭。雲窗借蒲團。坐半日已暝。松楸一萬株。山黑圍古青。空濛洗頭盆。正落北斗星。檐廊時思飛。風掣殿上鈴。非烟亦非花。衣上空翠聲。直下半里餘。樹色尙未暝。回觀信恢奇。物外猶亭亭。

侵黑登落雁峯

大聲非常聲。山響接天響。冥蒙黑四山。顧視青在掌。初升尙牽蔓。絕頂已棄杖。洶洶何隆隆。高絕不獲仰。元衣披雲霞。赤足踏緯象。卓哉峯萬仞。不置一寸壤。清泉冒峯巔。穴大若瓮盎。酌茲冷冷水。空彼一一想。塵寰旣高出。天路愈欲往。瞻西一星曝。下啓六合朗。昏昏三條流。遠近色蒼滢。奇標竟遵一。遊跡實寡兩。燭刻石上銘。來遊異時儻。

夜從落雁峯足至蓮花峯

青蒼無端倪。石石爭作嶽。凜然元氣在。至妙不雕斲。侵冥登峯棧。天頂已在握。中厓視星緯。五色辨班駁。長輿輕堪騰。劈石積不仆。滃滃足生霧。歷歷頂落冠。無端分陰晴。慘若變晦朔。稍西勢逾峭。直上怪風撲。

孤鐘方三聲。老鶴忽一啄。危堦禮星斗。珠露聚作幄。何當逢秦人。險絕臂欲捉。
未曉由金天宮西至環翠巖望山南諸峰

飛車不到處。高松搖天風。冥冥四更山。初日颺遠紅。樵子導客遊。徑絕強欲通。持火破白雲。四山青濛濛。
松花開巖端。香氣來無蹤。屏山西南周。翠色一萬重。引客坐北窗。衣露何鮮濃。清寒香難勝。山霧積欲空。
俯視一徑沉。頓覺來跡窮。時聞冷冷聲。不知何峰鐘。臥起出石門。山童進晨供。

金天宮夜宿

雙闕兀立峰西東。斜陽欲落已動鐘。間階百級聚蟋蟀。要使天耳聞秋蟲。齋心正盥碧潭水。香炷乍謁金
天宮。天衣颯爽垂坐上。神斧彫落交庭中。三重門閉寡天色。山果自落靈旗風。宮中道士張巨儼。自說七
十顏如童。向求軒闥事。偃仰遠指樓閣穿青空。虛廊曠色下無際。歸寢更借神燈紅。闢窗四面且勿臥。星
若龕盞懸當中。作書下寄訝流輩。與鶴共宿南高峰。

松梢亭待新月

東峰戶久扃。蒸此雲氣濕。濛濛梁棟間。松鼠貼若墊。窗開分雲。一西一東。山南歸鴉。驚飛其中。石泉何空
濛。俯映新月色。初生雖微茫。原上千里白。回看黃流昏。色帶清渭夕。青峯收青欲上天。山綠如雨歸平田。
一山茫茫白霧連。空際止鼻香爐烟。爐烟濃。寒歸路。月光如花繞階步。山童搗酒出石臺。卻似野鶴穿烟

來。

縹紗嶺納涼

雲門古松三十七。三十六株鱗盡裂。一松蟠蟠徑離石。勢欲上天猶去尺。白雲移松巔。巨石忽欲走。巖風吹征衣。上險切星斗。石鏡露落山泉微。光暝色入樹。松花初黃。人間殘暑不至此。鶴鷺乍著宜新涼。雲光深。霞色淺。倒影空蒙衆山顯。枕泉半日不飲泉。飽向松梢餐露眼。

四更上落雁峯看日出

客夢視初日。起來攜孤筇。河東閃電來。先見中條峯。昏昏九州烟。黯黯三霄中。大聲皇皇地軸空。玉色隱隱天門東。東星西星景濛濛。南斗北斗雲滂滂。忽然前峯開。已發松頂蒙。滄溟陡近一千里。海上視搏桑紅。樓臺金銀一萬重。日上似戴仙人宮。黃人捧日力逾駛。耳畔隱隱聲洶洶。十年絕頂兩度見。壬辰四月遊黃山。晉升仙掌。霞采爛爛光雙瞳。白雲穿空入太行。飛雨若席傾河梁。是曉隔河甚。人間塵夢尙未醒。我倚絕壁登清光。君不見。天高鐘動氣尤肅。下嶺仍須注紅燭。回崖俯視亦壯觀。洛水隨關十三曲。

下抵玉泉院口占答華陰令送酒

昌黎尙識華陰令。李白才登落雁峯。餉我一樽開石觴。乘風先酌玉芙蓉。

華陰廟六十韻

太華高羣嶽。秦神貴九州。帝同周二時。佐視漢諸侯。一德承蒼昊。千年統薜收。原形回阪峻。閣勢出關浮。
 浩蕩門題迴。嵯峨石級遒。練均吳下市。琛集海南舟。一巷營千廩。三衢列八驄。圓場圍說法。隙樹聚觀優。
 磴左盤蒼翠。廊低飾黝髹。瑣窗籠蟋蟀。寶肆挂篋篋。總抗金銀闕。全虛青綠疇。竿危衝太白。棟峻壓神邱。
 絕牖飛烟曷。層城聳幹抽。絳霞披紫閣。白電鎖朱樓。昨者垂紳佩。諸天覲冕旒。到階雙履響。入殿一衣摺。
 侍吏咸依楯。眞官悉擁矛。御香懸日月。宸詠切奎婁。工作千人集。莊嚴歷歲修。詔頒中府帑。頻遣大臣籌。
 黃屋開南面。丹梯閣上頭。更憑黎庶樂。仍望翠華遊。并豫推彌邸。川巖眺欲週。扶天排碧巘。劈地出黃流。
 足跨嶠函險。腰馳曲杜郵。沉雲極羈馬。飛霧洒泉鳩。儼覺巖雷湧。森無野鶴投。雨龍垂檻攫。風鶴入雲搜。
 冥漠心神炫。孤危足力柔。俯瞻秦地窄。高動杞人憂。傾耳聲疑聆。齋心實有求。尙須窮日力。詎敢作神羞。
 降闕瞻叢廡。依楹覽四陬。虛房丹粉落。空室鬼神幽。曠朗人間世。陰沉地府囚。百司紛案牒。兩造恍啁啾。
 意或威林總。觀眞邁等儔。繪墻虛舊蹟。展戶闢新眸。八角檐鈴峻。三層栢子稠。散仙巢棟卽。陰鳥穴杉瘤。
 鐵鎖西封楹。欄扶北偃楸。竄原驚白鹿。剝樹走青牛。槐日舒經漢。松腰折自周。語奇誰紀載。境古足夷猶。
 風柝沿林杪。嵐光瀉瓦溝。斷看碑錯落。精愛石雕鏤。唐碣尋陽孕。周文變暇攸。校量逾宋榻。剝落過岐蒐。
 壓石蛟螭瘦。崩沙蠹屨愁。鑑形當愧魍。識字竟輸虬。凡此殘文在。皆經劫火留。高穹藉撐拄。萬古識琳球。
 記擅雲間陸。聊工爲濟州軍民同知陸君維坦承錄凡碑樹古者皆別標名談窮天口鄒九垓初極寬一葉正迎秋月露零如豆 霄星燦

若榴晦明分積氣。陽雨荷靈麻。早試獐升木。明同應脫鞵。翻從毛女借。詩學楚人咻。肅肅瞻疑在。明明顧易酬。真符如顯燦。帝所亦行游。

朝阪行

一碑僅露尺。細視萬歷年。風吹河東沙。日沒河西田。黃河身高田亦高。碑石九尺埋蓬蒿。君不見。居人耕沙沙沒踵。子孫田盡高曾冢。

三門當黃河。門半以土窒。惟開城西門。日夕車馬出。居民防害願築堤。萬錢窳石兼運泥。君不見。河流已退。催租急。堆土若山堤未立。

昨傳黃流增。驛到八百里。官方坐早衙。失色推案起。白鬚吏人前執裾。官今勿驚安衆慮。君不見。官無一言吏會意。日午傳呼縣門閉。

龍門一百韻

鴻流何包荒。天地縣漏釜。湯湯勢誰極。莽莽氣頗粗。當夫開鴻濛。誰復任析剖。師心厭平坦。用意極莽鹵。奔濤未三折。中路忽一柱。激令流洶洶。奪彼原臙臙。忽高復忽下。驟吸乃驟吐。欲博天帝笑。不慮河伯怒。直看淺孟門。意若撫幼豎。高奔鱗風扇。倒射激天鼓。無端星辰衝。幾作魚鼈塢。馮夷既飛騰。鱗伯亦跋扈。微窺意何居。欲規天作府。巢傾窟更陷。利大害亦普。側聞昔陶唐。其俗雜歎慄。有崇司水職。四岳實舉主。

情哉賢非賢。有若瞽子瞽。寧隨河性導。竟以民命賭。法官罪不糾。悍辟恩轉怙。或言驅蛇龍。何不役熊虎。欽哉虞帝聖。不受岳牧侮。八殞事誠難。任子不任父。九載功復紉。治水先治土。赫然雷霆行。詎假神鬼輔。遂徵百川長。繫以八尺組。招呼不敢後。瑟縮乃欲偃。羣爭貢謨策。遠畢集圭組。雖皆據澗藪。不敢觸綱罟。億夫初離家。正值啓欲乳。出門始聞哭。在室乃敢撫。冠經屢挂木。履識百易籒。茲山當洪源。厥險抵天柱。巖奇未經鑿。功驟不可樹。若高不肯下。若仰不欲俯。回疑氣初懾。凸訝勇欲賈。昂看楚趾高。伏欲晉腦盪。逆如蠻問鼎。順若犇貢砮。峻嶮鼻面削。曲曲卻背僂。纒纒髮全禿。鬢鬢脾半腐。寧成陵黯上。韓信恥噲伍。若行若中止。若立若遭躄。一起一落勢。不得不用斧。喧摧穿右脇。折拉破左股。快哉源昆命。忽一瀉肺腑。又疑天西門。落作秦北戶。神驚走相告。天口忽若杜。意非滔滔平。曷以萬萬古。強爲生民計。不受主者誣。驅除到鯨鱷。束縛若遷殺。尾初出長城。頭險觸砥柱。涑汾澮渭涇。五水畢集潯。艤糧船舶艇。一棹敢入浦。荒荒束奔騰。兀兀植標幟。但聞巨靈蹠。不見女媧補。大哉回天力。允矣幹父盥。九五勳縱酬。百萬工執估。惟神有庚辰。襄役逮甲午。居然奠九圉。功足配兩廡。至今三門山。若集百石弩。誰言下浮竹。不及追駿馵。紅桃漲三春。頰鯉集萬數。箴如梭投機。捷若矢射堵。橫流尾竿楫。挾浪首蒼龜。壁立五里危。直上千尺武。先登頭戴角。已落腹破肚。如藝角闕廷。盛土集鄒魯。夷然美交醜。下者玉雜礫。無慮萬與億。得上百不五。徒然限仙籍。甚或入食譜。尤傷額墨點。那得尾火炷。紛紛收鱗甲。往往旣霽川。奇思一究。雲閉不使覩。

徒勞測尋丈。難復量斗戽。方區信瑰瓌。人物亦蔽繡。有漢太史奇。遭時肉刑苦。表書本紀傳。今古聖賢簿。沉才卞泣刑。堅筆臬盪努。傲高徒權輿。彪固敢翻件。神雖妥鄉壘。名首歷史部。寧惟嵩高嶽。克降仲山甫。探奇搜殘碑。懷古酌濁醪。迢迢望舟楫。歷歷植稼圃。區雄左馮翊。縣近古稂郗。分流灌蒲郤。餘潤及杜鄠。旁田號膏腴。陸產富稻稔。寧能忘帝力。早亦識神祐。朝今邁唐虞。殿昨舞干羽。四聖百卉載。五風又十雨。羣祈奉約束。異類就規矩。禮祠倘思建。奏請每不拒。施丹塗神宮。撐碧向晴宇。磨厓深鐫銘。壑石突作室。允惟萬世功。先薦一束脯。勳勞至高天。鐘磬盍搏拊。推源祀黃熊。配極用白琥。恬波衆皆慶。報德神所取。靈壇交松烟。石屋裊香縷。回聽波濤翻。忽覺風雨聚。靜思元圭烈。普戴赤日照。聖不可知神。吾無間然焉。抵罄屋書院。與王明經開。俟步月至三鼓始宿。

青松夾幽居。高下白鷺翔。客子行入門。衣上新月黃。主人高齋臥未醒。止客暫憩松風局。客行看松出亭外。不詣主人先解帶。主人睡起客復眠。爲客松下開長筵。南山如屏列坐前。山綠似雨零層田。主人新齋月尤皎。遠有松風入簾好。縱談舊事不厭疲。清析數聲衙巷悄。松聲入竹韻滿空。月影穿栢尤纒瓏。軒墀東畔樹如洗。更挂北斗光簾櫳。流螢三更入衣袂。主人無言客先醉。桃笙展罷未欲眠。門外終南立空翠。自城東沿山行至樓觀作。

山雲展碧山禽語。松樾十圍時漏雨。隨風亂捲白石圓。山果礙帽皆如拳。斜行一里山色好。人行讀碑馬

薺草摩挲未已石勢欹。勒馬離碑愁欲倒。仙人舊宅今作祠。騎牛丈人稱本師。五千言古昨校定。昨借秋
風先生
以傳奕本。青山白雲人可思。樓臺切天朱火噴。遠有道士來迎門。疲蹤據石暫思憩。水杓飲滿甘泉温。穹
校道德經。碑列三層石橋亦尋丈。馬嘶巖石鞍挂松。塵外溪山覺清曠。巖腰一角鳥道空。遠見下觀斜陽紅。前宵一
雨尙未足。濕霧滿谷雲滃滃。邀登百級歷飛觀。人語寥寥落天半。爲開仙幄禮上真。更止殿門揮雨汗。殿
旁松竹闢一扉。揖客入坐紛追陪。山風吹顏露瀉衣。清齋飽餐松子肥。飛泉分流竹梢重。瞰壁依微出深
洞。邀遊客倦復苦辭。上馬出門鐘已動。

清曉由蓋屋書院二十里入南山遊玉女泉歷黑龍潭並憩仙遊寺作五首

出門望山行。再轉山已失。鄰鄰白石灘。遠水漾朝日。清寒生松林。涼露時墮一。朝饑亦堪忍。探袖出桃實。
沿流飲清澗。澗淺足不沒。時聞山花香。橫波弄晴色。沙田極千頃。秋至課梨栗。清絕廿里程。幽人尙局室。
巖腹徑十里。四山圍平田。飛瀑山頂來。正灌麥壠邊。人家亦無多。雲白接炊烟。山童跨黃牛。掉尾不用牽。
數步過石橋。就飲飛瀑前。林禽亦忘機。飛鷺何翩翩。愧挈馬足塵。跋此草色鮮。曉日開北窗。山齋望疑仙。
雲紅開層扇。草綠迷半里。牽衣來山亭。泉聲出亭裏。瓊璫扉既開。窈窕窗亦啓。層山列如屏。高處聊隱几。
天風遞清響。醒夢均可烹。東扣玉女扇。危潭似無底。泉涼齒初沁。石冷跡頻徙。倘有飛仙人。相遣一雙鯉。
山腰落飛濤。潭氣晴亦黑。高低及三里。簪積鐵色石。奔流無回湍。觸柱卽倒射。東西危支梁。傾仄險墮魄。

雖堅壯往志勝寬塗限尺。踰茲盤石坐飛浪高及額。東瞻七層塔。倒影入波直。雲霧出不窮。幽靈信龍宅。
寺古不記歲。門款戴蒿萊。峩峩古金仙。腹背生綠苔。風積丈室塵。經月客未來。款門渴求漿。實指一樹梅。
幽扉既重扃。潭響猶奔雷。閒覓石級層。上此千佛臺。回視當午日。正向南山開。山前飛火雲。騎馬詎得回。
解衣坐須臾。支几消濁醅。

過終南鎮

山禽飛向山。澤禽飛向澤。山禽翎紅澤禽白。終南鎮前一萬家。均飲山綠餐山霞。山溜注水還無涯。良田
出門百餘步。力倦還騎水牛渡。果熟原南悉知數。

急雨登五丈原謁諸葛忠武祠

清晨出縣霞色晴。迷路久指原東行。溪深幸跨馬腹渡。雨急似向龍鱗傾。坡塘陰陰滿杉櫟。原南怪風吹
馬立。離原一里石徑奇。草深尺餘靡向西。風雲變色渭川湧。太息復有荒祠遺。原高洞荒一間屋。廟栢森
枝直斜谷。斷碑棱棱石蝨蝨。土人耕烟拾遺鏃。入門禮謁日已曛。梁棟南北交山雲。陰廊細繪漢丞相分
廡尙祀前將軍。雞豚雅識居民意。祀典雖崇復私祭。遺冢蒼茫失大星。土人傳有 綸巾颯爽留生氣。烏鴉

上樹客出門。卻視渭北昏霾屯。回風蕭蕭馬蹄起。如掌原平三十里。
鄜縣道中望太白山積雪。越日清曉復由縣抵清湫鎮。入太白山三里。慈上池作五首

茲山何皚皚。一白天際突。奇標隱難見。太古已積雪。陰厓絕風雲。寒影刺日月。寧惟樵徑斷。鳥道亦已絕。
遊蹤屆巖肩。當午氣凜冽。天風偶吹薄。時落飛霰屑。洗眼看北山。巖光較清切。
昨來南山風。一雨山半綠。危瞻上峯雪。倒影射飛瀑。三更寒霧重。青氣溢郊谷。皎月出上方。泠泠四山肅。
奔流不注地。奇響間觸木。虔哀禮星辰。留沐壇頂宿。絕隔光景殊。靈明或神燭。
發曙禮清磬。望雲臻層局。行穿松檜中。鞍袂何空青。山禽引雛飛。松子雜露零。陰崖一回瞻。訝若集萬靈。
雲氣出不窮。觸石石卽冥。千尋類深潭。驚見北斗星。天光依微開。山腰出危亭。
亭半泉脉落。石淺泉流深。一掬石上泉。能令千里陰。映泉鑿深池。涼至披客襟。奔瀑灌頂來。四注竹栢林。
頽峯屈成梁。半里石脊黔。嶙峋出東南。建此傑閣尋。坐酌太古雪。永清塵外心。支枕臥石龕。泉聲戛鳴琴。
西峯何高奇。雲出迷向背。青松交雲蘿。展此十里翠。草香難知名。一谷別蒿艾。沿流溯清泉。再轉白石礙。
巖回偶孤坐。竄竄亦時墜。側徑樵語喧。連柯訝危戴。猿行渡深谷。雲白踏欲碎。幽賞歷一時。晨曦上衣帶。
後漢陂行戲贈汪進士應奎時汪主鄂縣書院約同遊不至

馬蹄三日行山前。高下不盡南山田。原高土肥喬木列。時有流水鳴澗澗。稷州城東及鄂西。窮披縣圖尋
漢陂。沿山十里歷阡陌。祇見果熟秧低迷。土人爲言百年涸。決水爲田收萬斛。田塍積雨亦作潭。水淺無
能及牛腹。陵移谷徙何代無。漢代蚤失昆明湖。茲遊適值新霽夕。萬頃明月同波鋪。朋辭暑疾不至此。壺

鷓鴣來岸頭止。君不見。不特溪陂前無尺水。好奇亦少岑夫子。

春盡日偕陳公子曠攜酒至曲江村看牡丹作

殿春花紅酒亦香。攜酒十里來花旁。春衫少年束急裝。玉鞭搖搖君馬黃。花堂主人酒先把。揖客登樓望君馬。游絲拂地柳接天。連騎直至花枝前。花枝紅紅水波綠。照水花光十分足。墻隅一朵徑若盤。顏色轉盛蜂成團。紅闌影外春陽轉。主人惜花幕難捲。花枝照眼酒入唇。綠鬢未愧辭春人。午餘花酣客微倦。攜鞭出門馬嘶汗。更插花枝馬頭看。

將賦南歸呈畢侍郎六十韻

微生三十年。奔走及廿載。方其探幽奇。直欲出宇內。秦中富名山。高欲兩秦岱。公乎稱好士。一世冀盼睐。備書羈爾臺。引領西望再。維時歲辛丑。四月節值晦。春官初下第。喜極乃不慨。急束一篋書。重欲等相未。艱于行李費。肩背自負載。塗長三十日。勇進不暫退。微聞番回肆。小醜盡芟刈。公時調兵粟。旬日敵王愾。全秦一書生。十氣自百倍。疲車來青門。十五亦列隊。公才善鎮靜。曾不耀甲鎧。乘閒一投刺。急復請相對。嘉其一言善。俾得列朋輩。宵僚皆天人。詎敢驟置隊。均蒙采葑菲。各各沃觴醉。周旋旬日中。技發不得耐。陳書近百軸。云以待清誨。公云有數才。洵足名一代。極知言獎假。厚意實可佩。公時出一篇。雅頌等切割。賤文百重繭。筆力欲透背。時時驚望若。不敢冀津逮。維于廣堂上。默坐聆警效。偶道一士奇。名已入夾袋。

嚴冬十丈雪。深夜理茶焙。愛此說士甘。足若蹲兩敦。吾鄉數蒙莊。新
鋒淬。寶筵有時開。燦若列采績。殊源復千派。到海一一滙。孫郎才偏奇。近苦性隔礙。人爲推甲子。星或入
計宇。非公察其實。世視若棄穢。新年陳華燈。列坐視硯碯。行牽歌袖急。幾至酒德悻。維公善調劑。諸語息
衆懟。前時別公去。咸激欲傾肺。公無慮其狂。狂實恃公愛。鄙人最無能。才足守水碓。童年承母訓。勤學掌
亦悴。今來秦楚大。詎可列廊鄩。公也待士均。一一勤勞徠。軒寮皆周行。闕物卽頒賚。爲開軒楹東。點入山
半黛。感今得知己。生世可不悔。雖然受恩深。益不揣冒昧。一言願陳公。好醜匪一概。公雖仁覆物。曲木勿
姑貸。今將別公去。非爲憶鰕菜。郵奴馳高函。發紙忽三嘖。爲言叔衰病。久客覓自在。昨復一書促。厲語責
憤憤。行買百斛舟。柁鼓湖上埭。公前爲購室。屋好不破碎。行當列花竹。喜尙遠閨闈。明發函谷關。思公我
心海。

卷施閣詩卷第六

中條太行集癸卯甲辰

自西安至安邑臨黃二景仁喪奉輓四首

生何憔悴死何愁。早覺年來與命繆。病已支牀還出塞。君扶病自京師逾太行出家從典屋半居舟。魂歸雁門始抵安邑故莊命給。

好人王官谷。名在空懸太白樓。君早年以太白樓詩得名。一事語君傳欲定。卅年心血有人收。西安府將。

歸骨中條我未安。為憐親在欲憑棺。君病中欲歸骨中條。須營江畔墳三尺。好種籬前竹百竿。君生平喜竹。空有頭銜書。

尺旒愁餘名紙伴高冠。君衣裝為僧梁質。盡卒。後餘名紙及敝冠。數事。才人奇氣難銷歇。六月松風刮強寒。

早年獲鶴與齊名。月旦人先赴九京。君河先生嘗呼余及君。為後在。今先生已下世。共哭寢門思往日。先生計同哭于興善寺。

獨臨遺殯愴生平。貞孤論盡朱公叔。存沒交餘范巨卿。卻愧素車來未晚。樹頭飄雨旆將行。

倜儻平生孰可如。遺緘欲發屢踟躕。交空四海惟餘我。魂到重泉更付書。君作太夫人書畢。自己嘔復。庚蘇乃更作書。貽于西安。

亮報函疑可達。臺卿朋友感難除。傷心昨歲青門道。執手危言未盡紆。君不善攝生。去歲別西安。余又苦規之。君雖頷之而不能從也。

五月十五夜宿蒲州城外因遊普救寺作

人來桃林塞。月出普救寺。蓬蒿埋山門。碑斷覓餘字。急行百里馬汗流。卻向寺東謀少休。寺僧開門揖客

入一塔面坡高百級。閒尋石級上五層。遠見太華高峯稜。蒲州城郭亦殷阜。夾縣石闕分衢燈。山僧煮茗來。遊客月臺坐。僧言家本縣北居。五十年從寺中過。恆逢征騎急叩扉。不詣古殿尋廂西。山僧語客客微哂。更引長廊看朱粉。

臨晉道中

驛騎抵二更。衣上殘月出。風沙浩浩茫。峻坂復百折。奔馳念亡友。詎憚炎暑日。沉痾逮三載。慈母旨甘缺。臨終馳素札。瞻嶺願歸骨。置茲達士懷。烈彼遙念切。吾徒重然諾。未可異存沒。殘夜聞馬嘶。荒塗險相失。道中望中條山作

昨歲連峯宿。看山百里遙。茲來因哭友。不及訪中條。雲色分秦晉。河聲捲暮朝。急行凡幾日。猶未及巖腰。風陵渡歌爲巡檢李璣作

風陵渡頭行客喜。昨來長官聞姓李。長官白暫尙少年。法嚴不受津吏錢。津船月支得歸橐。十舸巖巖敢橫索。官騎白馬立岸頭。行者色喜津吏愁。津頭鯉魚長數尺。長官市魚時宴客。漁人得鯉爭進衙。發錢還比市上加。我聞客言爲動色。長官清貧我亦識。君不見津船東西暴客多。客行結隊乃敢過。官好安得常盤河。

六月初六日襄陽舟中望峴山作

昔年羊太傅。勝地日相還。賓客黃初後。勳名太始間。我來登廣武。無淚灑茲山。欲試登臨興。征車偶未圓。
初七日泊舟候風

沙上月初白。微茫漢水東。三更峴山色。斜影舵樓中。村鼓偏迷曙。神鴉已警風。無人共杯醴。復此憶羊公。
舟中曉起

一程復一程。山縣枕邊過。平明讀道書。飛雨書上墮。青松障天赤。日東魚網尙挂星。瓊瑤舟人關窗曉氣紅。卻入萬頃荷花風。

六月十五夜宿漢川板湖口夜起視月並送舟子回家
夜闌關戶光明徹。不覺月圓疑曉日。靈湖萬頃影接天。巨魚枕波效客眠。平波無聲岸風快。柳絲牽船出天外。船行十里人不知。輕扇未舉生涼颺。隨波微茫歷湖口。朝寒初生水楊柳。舟人夢醒船抵村。卻喜到家還扣門。將至漢口江水大。漲舟行值風甚險。

大波如帆飛。高岸徑三尺。小波如荷卷。葉葉悉翻白。大波森然湖氣黑。小波粼粼滿舟濕。帆檣東西若車搖。人影高下生林梢。村人三日懸釜爨。危視屋脊來長篙。此心安得百念平。眼底擾擾心猶驚。君不見風聲水聲驚飛起。隻影掠波還數里。

鸚鵡洲

七子才著建安三十奇不獲全才人易與忌者奇陳琳不誅非偶造雄謀生殺人頃刻斷皆果平原書生無一可世能殺之不必我狂生不殺示有容持刀乃早及孔融宏農少年亦融伍峻網肯寬楊德祖唯哉禰正平奇足與命鮮生作鸚鵡賦死葬鸚鵡洲君不見大兒與小兒一死尙等倫君逢愴父亦殺身惜哉已辱薦禰人

二十一日自漢陽渡江登黃鶴樓

初日波如掌平飄一葉東攜童自登閣與鶴共臨風曉氣三層白塵聲八面通延回望江國青霧點遙空再偕友人登黃鶴樓

仙人真復好樓居樓影涵江江影虛一客正攜京口酒百錢復得武昌魚相邀話舊三層閣共展臨風尺

一裾卻望洞庭西灑淚素交詩句十年餘

望問見亡友黃仲則庚寅年詩句

七夕吳上舍紹濶招同畢山長懷圖王太守嵩高暨諸同人集漢江天都禪寺抵暮泛舟後湖至二鼓始還率成四律

是日雲如蓋亭亭向客舟柳邊才繫艇花裏一登樓病鵲栖難去奇書曝欲收鈞簾待嘉客清景足淹留復此秋堂集佳期已及年風花澹今夕河漢渺中天波影吞簾白霞光照座鮮一舟迎一客鼓浪乍如仙坐覺覺宵永秋鐙替月來夜聲千樹出涼意一帆開鄰舫乍飄笛賓筵時舉杯樓臺厭睡黑白鷺忽飛回

醉後衫裳委。聞當入畫圖。溪山留勝賞。風味憶吾徒。鼓棹出潛鱉。到門啼夜烏。惟應良會好。客主念全無。

是日舍姪琰以小病不至作此柬之
行穿修竹倚疎桐。到客皆憐鄉語同。合坐九人浮醜白。卷簾七夕拂雲紅。吾家法護工秋思。小病維摩怯
晚風。穩待明朝洗車雨。清涼應復門詩筒。

江漢書院喜晤秦表兄朝鈞賦贈一首秦前官楚雄太守

官清萬里乏歸裝。轉向名區闊講堂。爾汝共憐生計切。江山如許著書忙。時以所著消寒詩話等見示宵深已入高堂
夢。話舊都稱大父行。忍把外家遺事譜。十年羣從半淪亡。

漢江舟中謁座師杜凝臺先生時奉使自湖南回復奉諭旨至武昌讞獄率上二律

晴川閣外挹江亭。落落天空見使星。迓吏乍傳津鼓急。關風先值畫檣停。帆圍鸚鵡洲前綠。旆曳胭脂嶺
上青。明日鰲生須謁事。高情還啓碧莎廳。

三度清江使節馳。公庚子年曾奉命至四川獄獄實心尤荷九重知如山案理淮南獄。匝月襟題漢上詩。官燭幾條當座
出。新涼一葉墮波遲。受恩祇覺彭宣最。此日辭公有所思。

黃鵠磯題仙人祠

黃鵠磯。似黃鵠。仙人遊空鵠飛落。鵠壽計以百。仙壽計以千。我不識黃鵠。安能信神仙。神仙何人云費禕。

亦如鵠言翟子威君不見兩黃鵠言猶莫據何況樓成鵠先去

大別山訪魯肅祠

大別及小別兩山波中央小別戴土頂以方大別累石形何長楚水窮綠楚天蒼江流合漢流來此明鏡光故妃墳前桃李香山相傳有息媯墓將軍祠旁松栢荒行人前來問桃李松栢荒涼廟將圯君不見勳存此土不可忘曷不附祠神禹旁

七月望日觀前湖放燈二鼓復至梅子山憩臨湖亭作

山石百級湖波千層山月不復輝耀此湖上燈湖船遙遙來叩關一湖燈光隨上山松梢竹梢露初炫時有鴉影驚飛遠開蓬扃歷松嶺天青欲壓四山頂君不見人聲既遠月亦涼松頂如蓋危亭方

崇府山飲劉氏園

山城半里卽一曲曲處山光照牆綠城欲上山猶礙麓主人園好冠一山非有逸客門常關竹徑過雨花爛斑爛斑花紅弄秋影主人壺觴客酌酌城上角聲吹酒醒

舟中望匡廬

終南太華類秦關關外中條昨偶攀獨客塗長四千里泱旬遊徧五名山到來大別秋方永看罷匡廬棹欲還九朵白雲天際落好同瀑布浣征顏

自九江關放舟至彭澤作

曉涼吹雨出江關。薄暝彭湖第幾灣。舒簾正來殘月影。推篷卻望小孤山。道書有味教童讀。秋水無心與鷺閒。臥聽鄰舟集鄉語。北風猶是計程還。

彭澤卽事

四山圍一縣。泊處月昏黃。空水足魚影。吹波生晚涼。雨雲愁黯黯。葭菼路蒼蒼。獨酌盈尊酒。因風醉馬當。移舟泊小孤山

湖雨初飄江雨收。大孤遙影小孤浮。湖風直上北邊閣。指月正生東海頭。雲外數星連斗極。檻前九派接天流。請看直下千餘里。不覺人愁我欲愁。

東流江舟憶唐縣尉軼華卻寄二首

唐尉時此縣

頻從使節到江干。壬辰戊戌皆隨學使者幕至此秋半江聲帶雨寒。雙鬢綠慚爲客改。四山青憶上樓看。故人作尉功名冷。小閣臨流烟水寬。甚欲寄書憐道阻。倚檣離思忽無端。

未因善哭識唐衢。肩拍洪崖廿載餘。春水到橋同喚渡。綠楊垂巷共鄰居。巢門尙記雙鷓鴣。釣艇頻攜尺鯉魚。憐爾宦遊予久客。夕陽荒徧舊茅廬。

江行舟中雜憶從母姊弟四首

孤露家何處。江千尺五墳。但餘松滿徑。無復杖迎門。搜篋衣裳故。尋圖笑語溫。昨宵秋漏永。千里乍通魂。
昔日雷津戍。參軍寄妹書。今逢江口月。憶姊亦踟躇。馬磨生猶窘。鰥田稅未除。一名期弱弟。何日得眉舒。

相依曾幾載。憔悴日支牀。眼底無兒苦。懷中有母香。老猶儲粟米。從母早寡。惟二女生。計甚窘。尚時謀拯之。別每誦河梁。外

父所受淡魏詩百餘篇。略能上口。時下傷心淚。應知爲培鄉。時愛女新寡。

秋來惟憶弟。衣敝客經時。薄宦欣堪就。衰親惜未知。寄兄書有淚。先我鬢添絲。風雪柴門望。歸期莫更遲。
二鼓順風自花揚。鏡放舟至蕪湖作。

清江殘月影。放棹下蕪湖。衣袂出螢火。帆檣掠夜烏。吳歌聲乍徹。戍鼓聽疑無。一夕船頭響。奔程百里徂。
舟中望采石太白樓感賦。

清江秋月圓。放棹出晴川。三更舉首別黃鶴。鶴影欲拍空江船。蒲帆南來不可收。竿杪復拂仙人樓。壯哉
東南海氣浮。碧浪影逐紅雲流。仙人昔乘赤鯉魚。遠勝黃鶴腰身瘦。乘風飄忽千里餘。半道或欲遊匡廬。
昔居仙人樓。酒熟輒一篇。掉頭江海別五年。綠鬢詎識才如仙。客遊萬里來。松亦百尺長。松聲如龍客鬢
蒼。樓好亦復侵斜陽。一詩題高樓。一詩寄道士。君不見。借遊少年盡客死。辛卯至癸巳。與顧文子黃仲則
同客當塗。頻遊此樓。今兩君俱

世下我欲登樓淚難止。
舟中望青山因憶舊遊作

翠高谿畔路謝朓宅邊峯。水綠明城上。山青入鏡中。魚苗上。波黑。鳥喙集枝紅。竹深風宛轉。橋淺月玲瓏。野翠添流潤。仙雲落樹濃。帆回曾駐影。樓靜憶聞鐘。闕訝漁梁斷。危看石磴空。勞勞遊乍記。昔昔夢思通。且復吟漁父。還因寄遠公。

抵里門感賦四首

到門已作臯魚泣。久客空餘陸賈裝。猶憶十三年上事。典衣沽酒奉高堂。年時歸值倚柴門。百徧先誇識字孫。今日兒曹誦經過。不曾親聽已聲吞。姑理征衣姊勸餐。送兒三月上長安。如何五載音塵隔。無復牽衣但撫棺。

阿應新來文筆佳。彌甥學語就人懷。謂汪甥應科。近已生子矣。九泉呼姊還相告。弱弟差欣得宦階。姊以季弟幼失學。故望其成立尤切。

八月抵里門寄錢大令維喬二首

握別江干雲樹秋。故人宰縣我狂遊。曾尋舊句南山上。昔遊關中。遠識循聲東海頭。卻晤惠休勤問訊。遙從

小阮溯風流。宦情客況居然似。贏得新涼詠暮愁。

清名搃注瀾江東。白髮衙背說太公。君尊人鑄范先生官蕭山知縣。早值尙書傳使節。更逢仙令繼家風。後門寒素餘徐

邈。北海門生有孔融。余爲君伯兄文敏公門下門生。故云。願借一編書世德。臨風三度感無窮。

八月二十五日薄暮自吳門舟抵靈巖山館借張上舍復純等止宿次日得詩六首即寄西安節署

南去水方迴。上來秋已闌。平橋人語斷。小市夜燈殘。側徑禽迎路。閒扉鹿抱關。星明瀉灘急。樹暗上樓難。疎窗響叢竹。石砌點幽蘭。悟徹巖棲志。泠泠泉在山。

空蒼千盤松。紺翠百切壁。森然西向青。卻此東日赤。幽人旣宵起。山館候晴色。直下千頃波。棧棧遠帆仄。山風吹黯黯。松果墮歷歷。開扁面軒牖。梁燕訝素識。容膝坐小齋。稍休試登陟。

谿橋連葉東。小閣靜回風。聚此游魚影。能令水氣紅。房廊檐互覆。竹栢葉交通。月采依簾沒。天光卷幕空。蘋絲旣迢遞。石柱亦瓌瓏。半日看雲坐。還疑碧鑑中。

重簾驚宵明。室暗光乍吐。披衣見殘月。水色亦映戶。東南遶回廊。叢竹靜堪俯。冷然岩露下。絕壁恍有覩。疎窗出燈火。因復禮菴主。茅堂無鐘魚。何知非太古。

楊柳三層閣。芙蓉九曲廊。晚花偏旖旎。秋士覺心傷。寒蛩抱根泣。疎螢點節涼。一花依靜檻。千葉隱回塘。氣候當秋杪。池塘生靜香。

萬安僧袈裟塔歌

平生不謁梅檀林。今日偶訪袈裟塔。袈裟塔名由義士。不爲西來傳佛法。宋家未造僧萬安。爲僧作將皆偶然。此身所自有君父。不敢浪語稱逃禪。流離燈昏粥魚墮。卻使滿城飛劫火。轟然巨礮衝雲梯。半天淋漓肉雨飛。飼鷹飼虎苦不飽。何似茲僧捨身好。年經七百塔尙完。赫然空門爲改觀。莫謙之。徐道明。方外。

節義皆錚錚。君不見。子昂不識忠孝字。空寫佛經盈一笥。

九月九日蔣太守熊昌招同人集息養齋雅集卽席賦贈

昔我同君遊。雲露草堂月。雲露明月踏百回。草堂主人飲連日。十年重招邀。素髮已欲飄。黃花滿籬酒百瓢。訪君乃在烏衣紅杏之雙橋。似聞欲息塵中缺。近有一齋名息養。淮頭穎尾官六年。傾囊卻喜餘酒錢。酒錢雖多酒人少。坐上招邀半詩老。我豪于飲詩亦豪。胸有太學終南高。爲君消盡百壺醪。明日訪菊還東郊。菊花黃。菱角香。北墅泛艇。東郊浮觴。風聲雨聲一句絕。月影星影三更涼。君不見。主人閒客亦狂中。秋飲醉連重陽。

遊西山白花壑坎至慧聚寺因止宿

連山東南隅。金碧塞天地。檻盤殊難升。徑窄入一騎。抵門聞疎鐘。再轉石級細。樓臺從東開。參差屋檐麗。頽松蒼龍蟠。修竹巨若臂。憑高一遙眺。妙欲出視記。山風颯然來。萬戶倏爾閉。一谷白日遲。桃梨聚春氣。紅牆及巖籠。碧瓦山翠膩。猶餘綠干盤。蒼萍被割葉。芒鞋輾輻轉。輿極乃一憩。瞑色衣上來。天星出眉際。由慧聚寺上嶺行三里許。抵化陽洞。復持火入洞行二里許。

千盤升天門。再轉入地腹。先行聊示勇。寄命一寸燭。高伏勢如削。入險恐不速。鋒恬旣嚙腹。偃仄忽礙目。陰飈來颼颼。蠟炬光已縮。何知莓苔青。但訝衣袂綠。高疑衆靈居。敞若萬間屋。泉靈恍無底。梯迴欲出覆。

呼聲引同儕。怪響集空谷。石罅捫有稜。腥疑熱龍伏。牽衣乍前踵。引頸屢後矚。奇險不可名。靈區晒卅六。
由羅喉嶺抵檀栢寺憩

北谷天未曙。李花明一山。稍南辨晨光。驚此桃葉丹。花香本難名。草氣郁若蘭。層田植梨棠。密林間松檀。
五里及寺門。流聲已潺湲。碧瓦見佛樓。清泉出僧關。屏山忽然開。萬樹綠欲戀。山靈待遊蹤。百卉未敢殫。
俯見木筆花。高低映修闌。明昌搨殘碑。舍利建石壇。寥寥百千年。倏若指一彈。塵境不遠接。僧難導躋攀。
興倦高闌眠。赤日門外閒。

由檀栢寺後二里抵龍潭憩八角亭作

湖泉來空山。百折泉不見。亭午微北風。千林落花片。孤循危磴上。花瓣驚拂面。半里懸石樓。疎鐘禮神殿。
危崖急奔溜。直下有如箭。石墮儼作梁。松頽合成澗。山僧導東轉。傑閣忽高建。百卉合一山。人稀闢蒼燕。
清泉鑑毛髮。坐久復生戀。涼燠既倏殊。風光亦千變。谿茶向樵乞。山果有猿薦。瞑坐不覺逝。歸塗月如綫。
戒壇古松歌

沿山西行日光斷。一松如龍黑天半。松根一龍榦。九龍欲擺臺殿。凌虛空。虬枝北出風力駛。五里亭邊落
松子蒼然一頂常宿雲。巢鶴不敢呼其羣。枝蟠入石石不知。石竅常見生靈芝。年深力厚觸山破。根斷猶
穿北山過。客行破曉卽看松。高下樓閣清光中。南枝迎陽日氣濃。北枝臘雪猶未融。倦時眠松根。醒時看

松色山僧愛松亦如客。隔歲松花餉人食。一株旁倚態亦奇。偃蓋靜覺春陰移。復有一株雲氣重。一風微吹榦俱動。寺僧名爲活動松其餘八九縱復橫。傾耳聽作龍吟聲。初唐武德至今遠。山古寺古濤聲平。寺創于武德五年我留三宿非愛山。松下百匝偏忘還。君不見看松如我亦無兩。黃海終南各千丈。余歷遊諸名山所見松最奇。

龍潭憇八角亭。亭外櫻桃百餘株。花色紅白可愛。桃杏亦盛開。因而有作。

我行入谷正湖風。一山桃花飛向東。山深谷轉風不到。尚有杏葉垂深紅。孤亭八角當山半。百樹櫻桃向春炫。此花顏色異常花。紅影壓波波影絢。傍花前行轉坡陀。花氣撲處春禽多。墻隅花積厚寸許。照面忽覺朱顏醅。四圍青山落白雲。高下南北花光薰。亭坳坐久不知返。袖底香氣來氤氳。惜花平生不折花。祇向花下矜春華。山僧定後始招客。石上分餉新煎茶。如眉新月已上牆。花葉尙帶斜陽黃。歸塗似聽春禽語。明日白雲將作雨。

獲鹿縣早行

出門欲看山。山險落額上。盤盤車輪摧。巨石橫一丈。疎林縱森峭。遠與峯頂抗。怪禽啼檐端。聞聲不知向。冥濛氣成雨。谷暗久不亮。缺月墮半規。昏星露三兩。梢梢寺鐘動。塔頂儼可望。居然升天關。至此斷心匠。凌空勢如擢。入穴險欲葬。千盤隨高低。百態具偃仰。馳驚掣車幔。露腳衣上漾。破曉望始蒼。黑雲蒙一嶂。

井陘關題成安君祠壁

輔楚滅輔漢。與耳乎曾客魏陵。項不臣。劉不屈。餘乎能死趙王歌。存忘不易心所安。亦如留侯志存韓。不然富貴易易耳。稍一屈節。王無難。鬚眉英。面白皙。趙邦立。祠名報德。世人漫說李左車。不從其計原。非愚君不見英雄。一誤殊堪死。刎頸交先有張耳。

由固關營至井陘縣山行

人傳井陘奇。山石立若幹。直下類削成。泉聲出澗亂。斜行人深谷。人馬祇見半。匡空響易徹。隔嶺遞相喚。松櫟忽萬重。天青四垂幔。偏于危絕處。觸目得奇觀。石罅花亂飛。禽驚入雲竄。坡陀更前折。性命呼吸判。危維此天險。卓絕念神算。居人耕土脊。時得鋒鏃斷。成安以爲趙。淮陰以爲漢。太息陵谷遷。殘陽落高岸。

井陘縣

我行縣東及縣西。百里石田麻麥稀。青山缺處見城郭。楊柳合抱山禽肥。前宵一雨春泉足。水淺石深傷馬腹。停車問路客始愁。卻到斜陽盡頭宿。

核桃原

持鞭笑指官塗左。濃綠一山將作果。鳥聲綿疊枝上墮。果熟垂枝園已鎖。深山五月果作糧。客來入錢許。飽嘗高枝纍纍。搃盈握。行人食殘鳥還啄。

石門汛

遠山青。近山綠。不斷山光與天復。異花團團如覆屋。南岡北岡果齊熟。危塗一綫盤兩輪。忽然青天開石門。行人失喜車軸折。停馬看山還半日。

寒魚城唐受州故城址尙在。今作汛。

一綫月。開天關。車聲馬聲去不還。關頭老兵持火照。十里回皇谷猶燼。我乘殘月來寒魚。馬走半日偏嫌徐。君不見。荒臺合有神靈守。城廢花開大如斗。

介休縣署中望介山有感作

我思古聖賢。憂來不能坐。庸人均遭逢。抱志獨輶軻。包胥旣逃賞。夷叔共高臥。茲山號旌善。云以志君過。猶封綿上田。終勝鬻桑餓。

禁烟緣子推。競渡弔蠡屈。秦昭專上祀。陶潛名九日。不知千載上。何竟少佳節。古風殊堪欽。吾懷若饑渴。四序任所遭。何心記年月。

晚宿水頭鎮

水郭帶山城。喬林倚修竹。人家總臨水。山翠亦浮屋。遙聞城西鐘。知從水南宿。萋萋三月暮。芳草綠成幄。鄰歌度崇垣。聞聲惜遺俗。懷人屢開篋。推枕起燒燭。卻上嶺千盤。靜看汾一曲。

曉度韓侯嶺。嶺有淮陰侯祠。俗傳侯墓在此。

持燈行三更。十里雲氣溼。一穴落半天。乘車穴中入。土門既回互。石罅復百級。樵蹤升如援。貼壁立若熱。初疑徑深阻。再轉亦已及。足劈樹杪雲。參差見原隰。鷓鴣及疲馬。破曉山頂集。荒荒開幽琴。忽忽墮雨泣。征衣慙短後。下馬致長揖。西瞻秦塞迴。北望代雲立。雷雨交一時。披蒿讀碑急。

國士橋

智宗已滅誰報仇。趙人乃漆智伯頭。漆頭何爲作飲器。臣亦漆身甘作厲。漆能變體炭變音。所不能變惟其心。咄哉劍術非不精。離橋數尺馬已驚。嗟嗟原過生。不若豫讓死。中都祠荒萍水泚。千載石橋名國士。

原過祠在北齊中都縣故城西一里。又史記原過見霍太山神于王澤。

曉發洪洞由臨汾襄陵至太平縣宿

汾水四州綠。姑山三縣青。前晨發介州。莫擬宿太平。道經伊耆鄉。懷古跡久停。風俗固大殊。茅茨而土型。炎雲起堯祠。義義昔神京。樵蹤絕千年。松柏頂上平。摳衣致心虔。下馬五里行。高低多原田。一徑入窈冥。引領夕亦勞。停車飯初更。縣小無百家。十室九已扃。深黃草頭花。新月荒半城。

出運城二里抵野狐泉復上亭子望鹽池作

野狐拜月昔有亭。野狐得仙泉亦靈。泉靈終覺在山好。百折不肯逾禪局。亭邊老梅乍垂實。實密枝低鹽。

上結。車箱連日厭火雲。愛看清涼萬堆雪。

歌薰亭

山光合處樓臺陰。直下百級窮幽尋。青天白雲不改色。只有山溜無鳴琴。琴聲宜民俗以康。坐使風俗同軒皇。君不見。石琴七尺猶在牀。想見當日垂衣裳。

運城與沈運使業富話舊即席賦呈二首

萍蓬蹤跡尚天涯。十五年前客郡齋。辛卯歲沈君官太守余客其署太至此固應憐范叔。見公猶憶在秦淮。丙申夏于江

會從官閣聯吟久。及與郎君上計偕。令嗣以癸卯秋登賢書今春同客都下唯進士聚。兩世知交幾回別。又逢投轄暢離懷。

炎天騎馬謁公門。剪燭頻招旅客魂。謂黃君景仁去夏客死于此一桁山光憐久別。十年賓從孰誰存。辛卯壬辰間與

中者為買田祖願九苞及黃君今已先後下世壁中尚欠分題句。衣上空餘舊酒痕。元伯縱亡留母在。白頭朝夕感深恩。謂黃太

寄丁二履端二首並柬崔二景儼

人海叢中兩少年。憶聯昆季鎮隨肩。詩慙敬禮新投句。近有見贈詩四章書答宗之遠寄牋。時得崔二浙中書研北故應

留絕業。城南都復少閒田。心期白首真無幾。短趙狂孫共此賢。

何因躍馬向西行。蹤跡偏憐去住輕。幾日羽書馳隴阪。三旬腹疾臥咸京。高齋說劍山泉湧。小閣看星夜

漏平。疎賤未嫌關國計。靜燒紅燭佐籌兵。

言舍人朝標自西安攜唐開成十二經石刻回將貯于先賢言子祠屬作詩紀事並以志別

舍人南歸時百碑載一軸爲言先賢祠遠在尙湖曲名宗富翠從薪楚秀相錯童而受諸經頗誤里師讀

安其所聞見竟以登簡牘紛然誘偏旁令甲屢不錄已卯甲午二科君里中及昔鄉以書紙執字畢舍

人憂之深思一變習俗茲經唐石刻元度所詳覆雖非禮堂定合者十已六牛要束之歸莫飽蠶魚腹祠

旁爲相地列以十間屋旬時登拜暇把玩亦可熟尤期鈔萬本急欲正里塾君家諸小阮麗句輩流服儻

欲窮六經應知讓臣叔

贈程上舍教卽題其抱經圖卷子

我初識君時君方作文我賦詩癸巳歲讀朱竹均先生校八年相逢在京邸君耽六經我注史少年已過

學亦深君窮古文我古音時君校說文解字及釋名等此圖初作我能說兀兀圖君抱經日畫師詎識君

少年不貌昔日風姿妍堂堂歲月三十載貌更蒼于作圖歲拋殘心力祇兩端枕書甫了還據鞍燕齊馬

首歷欲盡秦漢蠹簡窺將完宵半語今昔我慘君不懽作詩纔畢示孫子時與季仇白日窗外升三竿

甲辰四月自都門抵西安聞使節有太白禱雨之行追及于盤匿遂同尋仙遊潭止宿時四月望日也莊

大尹斫方辛此縣公子達吉因繪元池訪古圖索詩歸塗于馬上得一千字卽寄大尹并公子

我遊西山來欲與南山抗太行升盤盤赤日貼背上醒夢二十程忽已過千嶂才經蒲東門大華傲相向

驚雷隔河至，電影衣上颺。手劈雷雨開，徑渡百尺浪。河西土囊口，城闕樓閣間。跨鞍窮日力，如棹不一撈。山形盡東轉，似復有所讓。忽然青天開，徙落千里障。滄澗雲霧塞，恍若渤海漲。兼程追使節，勒馬時一放。迷塗入深谷，屢被野人誑。一日一夜馳，旌節乃在望。持鞭才半揖，已見馬頭傍。代拂三斗塵，驚喜問無恙。材官及步騎，各各腰有鞞。鳴鉦屏喧雜，旗幟悉肩擱。騎從飭皆停，征馬各繫抑。一谷驪駱驛，灘左色混濛。頗慚碧潭水，爲我洗泱瀟。雲山招客久，不暇述近況。翩然攜狂孫，星踏此碎石囿。鄙人十年來，特辦屢數。東西及高下，興至靡不往。王生_四馬疲甚，屢坐體偏壯。頻遲不能到，殊覺致深悵。再折入一山，已隔塵埃壘。摩天青松枝，當午日不揚。人家隔流水，列屋摠如舫。白鷺羽若霜，軒窗以馴養。桑陰翳南牖，列筵飼蠶蠶。經年住城市，奇氣久抑喪。茲來豁懷抱，各訝神色王。袈裟穿樹出，香炷集半巖。樓鐘不須擊，風至自播盪。寧惟叟叟樸，雞犬亦殊狀。風臺暨龍堆，案籍覓式樣。穆滿祠已古，南北高有闕。入駿繪四隅，逸氣壁上旺。稍南讀書臺，淺步石磴疏。我諳輿地志，石室此蓋妄。搽奇涉危構，懸屋身閃閃。高臥一小亭，四壁大若帳。匡南防獸突，車軸塞數兩。時聞控弦聲，一矢忽集阮。十人言山有虎時掛箭兵數十屯谷口備之班狸窺無跡，祇見野鷲掠。是時將仲夏，春色尚駘宕。紅白滿路花，庶草亦鬱蕃。泥夷置行帳，圍坐一隅廠。微開暮鐘動，極視益軒曠。南寺北寺間，水谷深且漾。橋危支獨木，空處絕依傍。森森高浮屠，積雨青綠荒。蛇行出危岫，石缺補以鑿。山神避何處，深谷走跟跟。恨不揖之出，專我歷蒼莽。羶王_編逃官筵，私復買郵餒。拉客人蘿徑，痛飲腹

屢脹。居然遊興發。無暇事揖擻。選徒饒十輩。一一均可仗。入險戒不譁。足恐致跌踢。公然遵部勒。私謝善將將。猶驚賢令尹。僻處皆供張。山廚清脆備。僧更具蔬蔣。羣餐毋過飽。云欲歷叱嘯。四顧白一山。屈指月正望。北斗垂谷口。大欲奪螽蟄。溪奔石復滑。窄徑樵所創。頻于奇絕處。欲以性命償。松根劃山破。石力不敢擋。石谷蟲亂鳴。幽深忽如壙。清頭松栢露。寒意欲挾纒。塗危值犇獸。訝極以臂攔。竟復貼耳過。似不敢嚙。狁。匡南旣無路。西去若有嚮。草深愁毒虺。鼓勇孰先倡。狂孫首頻肯。非是不獲暢。梨桃及乾糗。絡繹有童餉。逼仄路若繩。月暗天忽亮。折松插巖肩。歸路備遺忘。冷冷天風吹。遠遞樵子唱。升中眺天闕。直視無所妨。繫壘星壓帽。高絕不獲仰。山僧促歸頻。改道走橫嶂。荒祠偶長揖。非欲冀神睨。力盡捉短筇。如瞽者有相。洵洵黑潭水。直向頂上漾。極知終宵饑。急語致饑餒。百壺澆茗飲。未若酒無量。暝臥玉女房。殘月落衣兜。夢中諸仙人。各各手與元。稍眠復驚起。傳語束急裝。亭午集樓觀。兼訪化人葬。元哉五千言。似欲一彭殤。終焉委恆幹。致我久惻愴。阿戎忽狂呼。鋪紙窮意匠。作記累百言。三復寄微尚。君才當避舍。我尙負輩行。索詩故不應。先乞飲醇醑。我詩本能奇。近避俗人謗。匆匆據鞍就。別馬走踉蹌。紫閣白關雲。嘗騰醉中訪。

82

341804

(2)



書叢本基學國

集文詩江北洪

(中)

撰吉亮洪

行發館書印務商

書叢本基學國

集文詩江北洪

(中)

撰吉亮洪

行發館書印務商

卷施閣詩卷第七

緱山少室集乙巳 戊申

寒食自潼關至閿鄉道中書懷二首

塵欲浮冠浪拍肩。未成寒食賣餠天。兼程驛路猶飛雪。是日大風隔岸山村乍禁煙。舊友別來逾二稔。風

檢李處名花看盡入中年。匆匆節序渾難遣。柳葉牽人到酒邊。

一種人間未了愁。杏花斜月屋西頭。都無芳草能迷徑。只有閒雲易上樓。金釧影移籠畫軸。玉簫聲徹動

簾鉤。殘宵舊夢何時醒。門外黃河拍岸流。

出關日先柬畢侍郎

花暗長堤草覆汀。上坡楊柳接天青。半春移節來關外。一路傳書向驛亭。管下名山皆有嶽。坐中奇士盡

談經。報公欲著河防略。燭跋更殘手未停。

清明後一日懃靈寶東二十里風雪寺作

馬上游絲拂面過。匆匆寒食奈愁何。落花已逐華年去。風雪偏于岐路多。石鼎水清勞更淪。壁苔碑暗費

親摩。重來綠髮蕭疎甚。入定枯僧鬢亦皤。



緜山道中夢遊仙詩

懶跨茅龍上玉京。新涼踏月海中行。回頭碣石都無影。移得黃河近洛城。
眞誥親緜太古前。容成展上本齊肩。吹笙歲月三千載。子晉還稱後輩仙。
三度人間謫乍還。玉虛容易緜仙班。淮南雞犬偏無劫。穩住紅雲碧落間。
來往閒雲不定方。莫遊西海曉扶桑。玉龍行雨都無暇。驅作羣仙代步忙。
八駿前頭一鶴翔。步虛聲引玉鏗鏘。不誇帝繫誇仙繫。幾度瑤池侍穆王。
上界仙人住杳冥。閒來紫府鬥心靈。青天大似彈棋局。空裏時間有落星。
裁雲片片作窗紗。銀漢西頭織女家。天上書閒無個事。隨風時唾碧桃花。
自檢名山結靜緣。藥爐丹竈火陰然。忽然萬里紅雲破。流下仙人濯足泉。
太室峯連少室高。黃河空裏影迢迢。緜山幾尺神仙地。引得羣神日夕朝。
蕭史吹簫子晉笙。半空鸞鶴鳳凰聲。神仙一例都年少。白髮無從住玉京。
天都逐便訪浮邱。更向空同石室遊。鶴背乍涼還乍暖。不知人世幾春秋。
閒童五百執香爐。玉節新從紫府除。碑石拂雲都嬾看。神仙不習漢唐書。
紫府三層碧玉臺。曉雲濃處百花開。蒼龍白虎司天闕。卻放騎馱道士來。

妙義同參帝釋居。龍華會上集簪裾。忽然海水浮天去。無數星官盡跨魚。
秋半天中看月華。廣寒宮闕泛浮槎。玲瓏玉樹交無影。空裏聞香不見花。
天上仍攜古錦囊。依然覓句擅詞場。都緣長爪仙人少。勅取麻姑降李鄣。
膠舟南邁世人憐。傳說昭王作水仙。畢竟上蒼忠厚報。一家眷屬搃昇天。
采樵三日入煙深。絕嶺分明屐齒橫。再轉一山雲氣隔。松花如雨落琴聲。
遊戲東池采碧蓮。被風吹得髻斜偏。倦來只踏飛鴉影。卻訝羅裙黑半邊。
詔書新降玉霄宮。南下關門啓數重。勅取海魚三百尾。放來天漢待成龍。
借得仙雲一片平。展來如席睡難醒。多因夢重雲頭落。閣在松風盡處亭。
金闕南頭奏玉牋。薦將師曠更司天。神光豁處雙眸炯。曾見仙人總角年。
天帝分明築外臺。琪花瑤草勅齊栽。斐家玉杵溫家鏡。挈取神仙眷屬來。
洗馬清談庶子狂。勅來仙案與司香。才名畢竟人天重。詔册仍徵白侍郎。
共守東皇藥竈邊。傳言玉女試金仙。回眸不語拈花笑。一夕都生離恨天。
駕鳳閒來碧海濤。霜柑偷食近千林。都因橘債償難滿。強得天公爲雨金。
玉妃兩兩鬥新粧。騎鶴公然下界翔。卻瀝黑塵迷世眼。不教親切見衫裳。

童顏如玉髮齊肩。自守丹爐五百年。騎得石牛偷下世。一生不願做頑仙。
怪得雙成玉手溫。博桑三日弄朝暉。鯨魚死後滄溟漲。添得天南綠一痕。
嶽瀆羣神賀正回。玉皇高拱坐層臺。虛窗亦養紅鸚鵡。慣述人間瑣事來。
無多識字便成仙。香案惟留易一編。詔取洛陽王輔嗣。茅亭重與論先天。
上方光景若飛煙。臺殿空明徹四邊。三十一天無月看。月輪只照兩重天。

欄旱

鎖日帷車坐。偏愁雲氣晴。客行殊望雨。敢說爲蒼生。
兩歲多憂旱。山田赤地多。到秋霖雨集。瘠土更防河。
百車汲井華。梗斷水亦竭。辛苦野人言。殘冬已無食。
三月黃花少。蓬蒿積菜園。殘燈山館夜。殊復愧傳餐。
嚴侍讀長明屬賦歸求草堂十二詠

思話軒

我愛思話軒。默坐久無侶。香草一尺深。秋蟲自相語。

冬讀書室

寂然冬讀書。一夕抵一歲。若及三十年。便足一萬載。

知白齋

坐臥知白齋。萬卷閱金石。墨氣升作雲。寥寥室生白。
過雲室

一室名過雲。箴軸紛滿架。掩卷看青天。雲生亦如畫。

蒲盧學舍

學舍名蒲盧。萬事取相類。只恐劉真長。當今本無輩。
知魚檻

深梁靜觀久。自謂能知魚。魚相忘江湖。豈復知有余。

賓竹廊

長廊列篔簹。此君無不可。他日或生孫。大父行慰我。

目矚臺

言登目矚臺。四望各百里。身世忽若浮。大江流足底。

茶塢

我尋茶塢來，茶味如在口。倘欲邀狂生，墟旁合呼酒。

兼山

拳石有山名，石勢殊卓犖。如許山不看，出門遊五嶽。

白兔泉

冷冷白兔泉，石闕高一尺。倘值梁王賓，應繙兔園冊。

小香林

寒深香意遲，夢破花枝小。無數鶴飛來，江南春正曉。

孫大自句容來貽我二石刻喜甚各賦一詩

吳衡陽太守葛君碑

君歸止三月，我夢已百回。君來打門夢初破，破夢示我孫吳碑。我聞黃龍年，赤烏日一縣，神仙都姓葛。靈沙大石人棄之，取以作碑奇字突。鴻臚冷卿倘舊昆，南海傲吏稱文孫。羅浮章上罷官急，遠遜衡陽政聲立。試問鄆湖酒一甌，何如句漏砂千粒。君不見，葛君碑在縣西，縣南英英祀達奚。縣南有達奚將軍廟，莫能得其本末。將軍夜半過太守，賀爾石傳名不朽。

梁天監十五年井銘

祇園近小池。一雨沒深井。并在句容崇明寺側。余乙未年春句容與孫大等時遊焉。我看紅荷花。時餐井華冷。井闌危坐無處日。詎識足邊奇字出。孫郎爲別百年苦。楷法棱棱三十一。蕭家半壁江山麗。塔高參天井入地。寺有塔甚古。相傳六朝時建。清和月後天驕陽。千乘萬騎來皇皇。淨名釋後兼好道。去訪宰相華陽岡。此時淮堰成逾月。梁書天監十五年四月淮堰成。萬井森森植楷骨。仁心詎惜五州民。卻憫居人道旁渴。茅山道士鳩工徒。作井十五遵臺符。一亭覆一井。一井深百尺。行人如願飲甘泉。宗廟反憐非血食。尋源知味不可忘。欲蓋石屋名蕭梁。與亡一瞬中。都付塔鈴語。更喚井底龍。亭前作飛雨。龍言守石已千年。奇石既顯龍升天。

胡民部文銓蔣公子光世招飲相國寺

已排泥飲度蕭辰。紅樹前頭忽覺春。偶語乍來窺檻鶴。高枝偏隱上樓人。相看舊雨都如夢。更展屏風已隔塵。幾曲豔歌歸去晚。碧沈離瓦綻星辰。

籠街紅燭照歸鞭。書記平安有報牋。天放薄寒醒宿酒。人傳太白是真仙。隔坊宛轉猶聞曲。上馬僭騰祇欲眠。明日戟轅傳勝事。哦詩聲徹曉鐘前。

贈陸民部鐘卽送入都

去秋同侍鹿鳴筵。二百人中最少年。通籍早司金綬重。趨庭還羨采衣鮮。機雲落下東西屋。韋杜城南尺五天。今日送君春正好。青門遙望紫絲鞭。

聞謝大令聘由固始擢守鄧州卻寄

太傅園亭我下帷，早年蹤跡鎮追隨。琴爭別墅心尤競，詩學春坊格未卑。王庶子大雀爲君房師製錦乍來遺愛里，

栽棠留伴叔敖碑。同官尙有吹笙侶，留滯天南報最遲。謂屠大令紳

自密縣至登封謁嵩高山留山下三日徧遊嵩陽書院及少林寺回塗訪三石闕

中牟及鄧州風黑已三日，行經大隴山谷險忽距轍。天青被原野，氣候亦殊別。十里輒一亭，穿雲到新密。

山光時破碎，風捲出林栗。一谷石若羊，高下嚙馬膝。地肥巒翠暖，村叟袂衣出。馬尾別大隴，馬首揖太室。

洗眼洧水濱，看山庶真切。

四面各萬里，茲山天當中。言尋古圖書，名號有獨崇。足踏河洛流，背與三塗通。赤日照上方，正如心在胸。

誰云無神仙，軒昊已築宮。天帝湯沐饒，嵩陽與登封。自非雨露殊，何以歲屢豐。是冬大有年不見長松枝，亦扇

天門風。

登封壇處南，外方祠在北。惟留少室峯，割作化人宅。少林寺在峯下祠前一株柏，屋外太古石。言從天地始，便已

挺孤直。軒轅雨七晝，堯代雪三尺。倘欲與細論，長風閃林黑。太室少室闕，開母季度銘。茲文在世間，一字

一列星。我來遊嵩高，兼謁縣吏庭。覓得數榻工，南北敢暫停。如援升松梢，先刺蒼蘚青。聞聲不見人，墨汁

樹杪零。三日始畢工，爲文謝山靈。字既徑寸奇，文亦比六經。牛車馱百張，回鋪草元亭。

自少林寺攜僧欲登少室峯以積雪不得上還憇子晉峯待月

山空無定影。雲白亦疑花。坐待輶轅月。聊烹堦院茶。曾聞餌雲母。誰解贈丹砂。五岳此遊四。還家鬢未華。

余嘗謁真定恒山及六安霍山。壬寅秋復陟太華與此而四。

送王大令復之官臨漳兼寄楊州牧芳燦伏羌徐州倅書受太康

函關西去川原古。下第六旬行役苦。余以甲辰報罷後入闕始與君訂交是時君爲短主簿。夷門東來景物澄。河浪三月方

飛騰。是時人呼壘縣丞。君才作賦尤可傳。景龍才人王子安。競爽遠有楊盈川。卽論詩筆亦擅場。鄴下首

潮登樓王。作配乃有徐偉長。梁園賓客嘉書記。才子爲官亦游戲。卻被人呼作仙吏。君不見。神仙吏。不可

忘。楊伏羌。徐太康。王臨漳。

戲詠玫瑰花

芍藥花嫌小。茶蘼香較濃。連宵枕函裏。開得一枝紅。

偶得五百字酬景方伯安枉贈之作

五年客京師。五年客西秦。十年亦何爲。頗與載籍親。昨來遊梁園。編校事亦殷。雖依尙書居。一面或數旬。

貪讀終卷書。久立門外賓。盤盤齋西頭。乃與公比鄰。君前官按察時。衙齋與節樓比。識面雖未嘗。吟聲日相聞。前奉一卷

詩。未讀已束紳。開帙贈友篇。古意何溫醇。我雖未面公。已晤公心神。豈惟識公賢。公友亦絕倫。方今富羣

才。作者日以新。誇多而鬥奇。如鳥爭鳴春。若論性情詩。當代無十人。昨來喜雨篇。憂國何諄諄。民之饑渴。懷乃若在一身。聖人垂衣裳。周覽靡不臻。惟茲大河南。民俗庶可淳。疇咨雨暘區。責此司牧臣。溫溫今尚書。百族依其仁。抑聞爲治方。寬猛得並伸。推誠固宜先。條教慮勿遵。自非束吏嚴。曷表于物勸。此方當河衝。水旱又已頻。調劑幸垂思。蘇此十郡民。明明哲人言。芻蕘亦諮詢。吾儒道無方。詎敢分域畛。眷陵詩一災。露坐每達晨。雖無牧民責。憫此俗痛呻。又聞垂空言。不若實意存。元公生中唐。疲俗善撫巡。眷陵詩一章。字複語句陳。不妄作一言。言言盡真純。重之如典謨。敢並詞客論。期公亦如斯。古治藉以振。立言非徒然。六籍乃本根。公行擁麾幢。我亦邦國珍。各望致遠謨。貴在質有文。廿年客諸侯。利弊相得分。前蒙相公知。謂大學士英文獻公謂可軼輩羣。相公居東華。于公世婚姻。我行讀公詩。宗法倘可循。公才及前修。況乃性行真。感激贈一篇。交誼賴以敦。行當計吏僭。千里馳短輪。方其未屆塗。先欲一掃門。傾心于所知。拂拭衣上塵。公其佇清聽。含意庶畢申。

戊申社日送友人至河北

去年社日風。鼓浪渡河北。今年風更峭。捲卷送行客。梁園作客無可誇。春半欲過無春花。昨升射圃望原野。青草不見餘黃沙。狂來濁酒誰能捨。更逐兒童趨里社。丈夫志業亦區區。割肉聊同宰天下。

杏花四絕同方正澍作

倚墻臨水只疑仙。豔絕東風二月天。要與春人鬥標格。有花枝處有鞦韆。
春陰薄。薄霧濛濛。魂在江南細雨中。千朵冷光看不定。辛夷花北柳枝東。
春當好處鎮無聊。自向簾前理玉簫。手把一樽歌一曲。紅顏祝過百花朝。
十年騎馬曲江頭。拂袖籠肩憶俊遊。畢竟植根高處好。占他天外小紅樓。
開封寒食懷里中。勝遊並記壬寅癸卯看花章。曲之勝漫賦二十截句。
黃卻黃壇酒滿卮。破愁聊飲半春時。東風吹得沙成海。不見江南雨一絲。時早甚。
沙堤高比甃浮屠。不信經時草未蘇。七百年來理春夢。開窗私展上河圖。
才人豔說李深之。束髮能題七字詩。一事至今忘未得。賣花聲過晏公祠。未句余童
年作也。
枕溪樓閣水迢迢。租舍南頭巷北條。半樹桃花一雙燕。與鄰家共
之故云。十年同住裏河橋。
開來時傍女墻行。半里蘇蘇草欲平。蝴蝶滿樓人不信。日烘花氣上春城。
經旬曾未踏蒼苔。杏樹花疎欲替梅。紅到枕邊驚夢醒。一枝揜破紙窗開。
溯流歸去路偏賒。欲到溪南被柳遮。時有鶉鴉啼一兩。墨雲如夢卷千家。
辛夷含玉柳垂金。覩得簾前一片陰。渾愛曙光初破處。遠闌來看百花心。
短短籬籬曲曲塘。過橋十步破雲光。春衫不上梨花影。只覺月明衣袖香。

一拳奇石構幽居。小極攤書向午餘。何事鏡奩光不定。紫藤花影罩紅魚。
醉醒渾未識天涯。古寺南頭一徑斜。似有塔鈴傳細語。菜花黃徧那人家。
兩年頻讌曲江池。紅杏尙書是本師。知要傳公舊衣鉢。碧紗籠徧紀遊詩。
樂遊西去幾長亭。杏樹交紅柳接青。卻礙白雲無路上。南山屏是百花屏。
豹林谷口亂山交。三兩幽禽挂樹梢。與我一般無宿處。木瓜花覆舊時巢。
半日招提問路行。欲歸已有野僧迎。一峯才轉一峯出。北斗向人衣上明。
皇子陂前一徑通。藍輿三宿水聲中。小樓東面不曾掩。夜半月來花頂紅。
傷春筵上憶王郎。容我朝眠錦瑟傍。榆莢盡飄荷樣小。更無錢與買年光。
折柳傾觴日數回。班驩欲去更徘徊。送人一片南山月。穿到霸橋東岸來。
花時頻入少年場。兩兩遊蜂逐隊忙。悟後始知春意淡。沿溪都種白丁香。
被塵封處客難行。破曉愁聽粥鼓鳴。輕燕不來人跡少。客窗誰與證清明。

寄錢三惟喬鄞縣

昨聞急使到河干。珍重臨期語百端。念友心情成疾疾。著書蹤跡尙平安。
閒中閱世誰先覺。夢裏聞君欲去官。繞宅太湖三萬頃。幾時同我把漁竿。

張憶孃簪花圖

花紅無百日。顏紅無百年。只有茲圖中。花與人俱妍。當時一笑春風開。頭上好花終不落。可知花福亦修來。長得纖纖手。香握卷中小。立亦百年。不覺衣帶飄束邊。幽蘭無言露猶溼。花意人意交相憐。百年花尚香。百年人不老。題詩我憶卷中人。莫更錯呼張好好。

題夷門餞別圖爲凌上舍廷堪送友

三千食客都無用。四十斤椎乃有靈。風黑滿天塵繞地。欲從何處送秦青。雖云卿自用卿法。坐覺人愁令我愁。目送羊車出城去。柳絲五月已驚秋。

趙大懷玉寫經圖

小時一筆不得書。吾母教以分行疎。小時一字不能識。吾母教之先點畫。識從一字至九千。寫自一筆幾連篇。年華屈指心先悚。書欲如山筆成家。人言學術有淵源。我視庭闈若周孔。自傷孤露東家子。不謂君前亦如此。卅年文舉冠九州。可識從親授書始。白雲溪頭橫舍東。吾親若親昔過從。互依膝下問奇字。各舉傳記談如風。檐前風樹聲無定。不待孤兒讀書竟。生年不造痛亦同。六十三年月冬孟。吾母及君母葉三下世又貽親望子以令名。我免爲惡慚先靈。卽論至性愧君甚。泣血寫徧千回經。吳門日昨來何駛。其並以十月。貽親望子以令名。我免爲惡慚先靈。卽論至性愧君甚。泣血寫徧千回經。吳門日昨來何駛。其展雙闔淚難止。時余亦以寒樂永題篇不敢寫今稱。母但知兒小名耳。慈闈獨君賦長句

七夕詞徵方五體

閉門三日雨無聊。聞說秋霖漲絳霄。若使天孫有餘巧。柳梭應已化成橋。
汲船新到綠沈瓜。早汲銅瓶薦井華。佳節莫栽閒草木。牽牛花映女郎花。
商量羽葆日相過。肅肅長雲島島波。莫喚填橋舊鳥鵲。好教精衛去填河。
紅閨小極戶常扃。只看銀河眼轉青。忙裏卻添閒意緒。拜完新月拜雙星。
題仕女屏風

尋幽徑有三更霧。小病人如四月花。胡蝶影多籬影少。幾回隨夢入西家。
怪來書味上春容。校得仙經意乍慵。不信驗他雙指爪。粉痕猶淺墨香濃。
三年渾住宋家東。一語嬌羞尙未通。他日曲江亭子上。借他簪鬢一枝紅。
徐孝廉嵩芙蓉湖上讀書圖

有峯三十六。都接海天青。爲要魚龍聽。先繙嶽瀆經。鏡收千樹綠。鏡借一湖星。莫厭春蔬淡。時餐雨脚腥。
嚴侍讀長明平生樂雨花岡二忠祠竹木之勝沒後適權厝於此其子爲鬪乞詩因賦此篇

梅花如雪開朝暎。昔時翩然來叩門。山僧驚起款尊客。石上煮茗春泉溫。佛樓花謝剛前度。遺魄偏來賞
心處。山僧行脚尙未歸。返使先生作常住。梅枝垂實葉暗廊。琉璃一鏡綠到房。闌干幾曲助風勢。總帳瑟

憑生新涼。萬言結習難忘。卻真見唵聲出樓角。可知此客不尋常。三護鳴鑿四登嶽。壯志方期獨擊鷹。赴書已附西飛鶴。枉憶春風去住舟。癸卯甲辰間與君先長懸夜雨東西閣。謂同遊紫閣白閣君不見。雨花岡南坡草青。前後車馬來無停。先生高臥事亦得。不見墻外勞勞亭。

黃通守易訪得漢武梁祠堂石刻聖賢畫象既爲亭覆之又繪訪碑圖索詩

高平石刻皆雲烟。千載復見嘉祥阡。平原武安吾不識。得姓要在西京前。大河南移川變陸。削石棱稜數間屋。不隨巨浪入滄溟。中有聖賢牢置足。四百餘字漢八分。句字樸棟如皇墳。以之持較李剛刻。四角但少龍鱗文。訪碑客至何瀟灑。拓地爲碑營大廈。道旁錯認魯東家。一車兩馬栖栖者。

八月初九日將赴楚中童少詹鳳三邀同張學使灑崖編修景儀趙舍人懷玉蔣上舍齊耀預至吹臺登高歸飲寓齋卽席賦別

人生擾擾東西走。快意登臨亦何有。梁王城外亂雲飛。天預商量作重九。翰林仙人張別筵。邀客先上層臺顛。五車聯尾出東郭。七騎矯首來雲邊。紅沉綠暗青林表。人亦踴躍若飛鳥。中臺陡接天半風。吹斷語聲空際鳥。歸來酒腸誰最寬。詩老昨幸留餘歡。謂張學使一時忽得兩短李。崔趙何處可覓詩方干。時約方五正對不至冥濛樓閣鐘聲細。清夜淹留賞心地。遊客鄒枚讓馬卿。酒徒毛薛依無忌。卻憶三條權燭人。時正局青衫白襪雨如塵。名經我愧身非佛。作賦羣推腕有神。少詹及舍人皆以召試通藉勝遊一夕聯吳會。別後萍蹤復誰在。明

日朱仙鎮上眠。先商黃鶴樓頭醉。時少詹亦將遊楚

中秋夕自尉氏至朱曲途中玩月作

四望各無際。疑行萬里沙。碧天微有影。初日定輸華。露采驚棲鶴。雲光發檻花。此時心跡冷。誰復夢思家。
中秋夕三鼓作

林露下千點。砌蟲鳴百端。此時羅袖影。一一上闌干。佳節異鄉好。清輝徹夜看。延回思往事。坐久不知寒。
自樊城渡漢遊峴山歸謁羊杜二公祠作

我從南陽來。欲飲襄陽酒。秋霖三日不暫停。馬足泠泠挾波走。還攜梁園客。遠上樊城望。昨日秋風捲地來。一條漢水浮天上。襄陽城北樓正開。放艇若從天際回。城樓高與柁樓對。無數山綠衝帆來。松楸連綿十餘里。客到寺門山忽起。昔聞峴首今始登。一石真堪入雲裏。可憐好景輸後來。削壁點上千年苔。紅闌千落一江水。白日照舉堂中杯。當時幾掬西風淚。更值山公百回醉。寥落征南身後名。何如眼底杯常在。習家羣從噪一時。我知葛疆亦可兒。滄桑陵谷幾回改。何處可覓山公池。白雲茫茫一千頃。會照前賢角巾影。羊公遊後渺無人。秋草荒寒沒人頂。山前一亭昨復傾。騎馬上與浮雲平。難追國士濡頭飲。亦愧英雄髀肉生。一碑橫眠一碑側。石上摩挲感今昔。百世來分風日佳。一編欲正春秋癖。時著左傳語 歸路惜騰醉不辭。乍醒還謁二公祠。可知此客今無輩。放許高吟峴首詩。

隆中諸葛忠武祠

遂有經時臥。知逢漢德終。地當天下降。山即宛中隆。蜀國望難極。沔江流不窮。蒼茫墮清淚。知不爲羊公。
九日雨中飲楊進士倫江漢書院齋舍卽席賦贈

堂中書百堆。門外雨三尺。堂裏讀書人。修髯新若戟。前時別君處。七客揖馬鞭。歲月苦未多。兩復地下眠。

謂莊舍人選寔君思武昌魚。我饑終南鹿。食鹿苦鹿肥。還尋渭濱竹。首春寄君札。八月無報書。聞言楚水

高。魚蝦自登廚。我乘東南風。鼓此接天浪。帆落卽訪君。疑君坐天上。讀君五年作。飲我九日觴。腹笥旣已富。修髯有時張。轉思三十年。交君及君弟。君弟亦服官。時君弟官從舉州判官適至自知吾老矣。無言契闊久。且喜會

面初。兩心苟相親。天地不得疎。

道中作

亂峯高映斜陽赤。谷裏人行已深黑。溪南新月透山來。千朵白雲不遮得。東西秋水隔一村。跋涉尙喜山泉溫。山村樹溼乍宵雨。石屋冷冷出蠻語。

黃鶴樓

黃鶴磯前黃鶴樓。到來一笛欲迎秋。神仙蹤跡成長往。吳楚江山此上流。帆影靜排千雉堞。檐形飛控兩雄州。支頤我正東南望。卻有雲生碧海頭。

仙峯亭

纔泊金牛港口沙。上山亭復做浮槎。真疑楚國萍如斗。誰識仙人棗比瓜。白鷺雨餘飛急浪。紅闌天半放秋花。談深我亦饒鄉思。時值里中舊友百椀頻澆陽羨茶。

月夜再登黃鶴樓憶尙書師荊州

上城已有角聲催。曠黑窗櫺信手開。十月魚龍先入定。三更烏鵲自飛來。巴人路向雲邊出。楚國天從滄口回。誰敵庾公樓畔月。不勝清興待銜盃。

種菊

古人愛深黃。今人愛淺碧。豈惟人事殊。花亦悵今昔。今晨買花至。隙地種盈尺。百種盡棄之。聊存花正色。清泉日疏灌。間以數奇石。倘訪泉明居。沿流卽彭澤。

食蟹

江客嗜飲江。烹鮮及藻藕。無緣傍江住。常復面山走。茲來愜心素。百步距江口。江水照讀書。江船送春酒。武昌魚既好。鄂渚柑常有。右手留校書。持螯還左手。

黃鶴樓送史上舍善長至南昌並寄王方伯昶

蜻蛉舟。黃犢車。爾不如仙人。陸行有黃鶴。水騎赤鯉魚。豫章城。武昌郭。仙人不如爾。朝登武昌之飛樓。夜

宿豫章之傑閣。一樓既參雲。一閣復接天。洲前鸚鵡喚客不能住。閣上蛟螭飛舞開寶筵。司勳詩筆王郎文。我優爲之何論君。成名當世偶然爾。拍手笑殺神仙羣。神仙舊侶吾能識。方平牧羊今作伯。有時耳傾彭蠡百斛濤。手拗匡山幾方石。明月湖光一碧。百花洲香四塞。與酣容我倒玉山。不然爛醉從君校金石。
方伯近著
金石集成

送蔣孝廉知讓歸江西

屋角新月明。送君在今夕。君言歸故里。營家有期日。一奴一馬縛兩羸。千里冰雪高嵯峨。黃塵飛盡綠波出。卻上黃鶴同高歌。
時鶴進士倫主講
武昌君言當訪之君家兄弟今無輩。百歲相知亦何愧。知君念我當有時。啓戶來看

九江水

爲張孝廉鶴題烏巢風雪卷子

枯楊聲已悲。夜烏啼不歇。男兒處窮海。十日九風雪。朝烏催讀書。夜烏催閉門。枯楊作薪爨不溫。老屋還倚枯楊根。去日長。來日短。夜烏窺人顏色慘。讀書成名何足言。不若識字依親前。君不見。兒行不離親。烏飛不離樹。烏巢呀呀能反哺。失母孤兒哭何處。欲望重泉作歸路。

卷施閣詩卷第八

靈巖天竺集丙午至己酉

跋英文肅相國所藏錢文敏詠物詩卷子後

故紙方三丈。尙書五字詩。九原悲宿草。七客有餘思。是日集余風雪經堂者七人同觀是卷粉墨傷心色。詩以雲母筆寫就。烟雲過

眼時。猶慙門下士。亦辱相公知。余爲文敏門下門生。夢

入值同趨朵殿偏。匆匆落墨寫險戩。會攜暖翠浮嵐上。夢堂相公藏書畫。忽寄閒坊冷巷邊。文敏幼弟維

得之坊市上。時相國下世甫數月。小友忘年情愷惻。兩家多故淚纏綿。相公詩格尙書筆。當代何嘗有後賢。

丙午二月十日偕錢三維喬楊大夢符等元墓探梅作

停帆及山椒。雨點忽破夢。東風來林間。春衣香氣重。尋山三折至一亭。樹梢微紅雨脚青。山光雨光乍零

亂。薄暝花紅出天半。空林黃葉時一零。木葉盡脫花含馨。全湖香氣收欲盡。時有孤客揚幽舫。白雲不在

天。碧霧欲沉水。一片溟濛盪成海。危瞻花路復百盤。瘦影先憐幾人在。時錢君偕崔夫人等先在花光如月澹不分。松

翠入戶團幽芬。繞花百匝不知厭。可惜下有春人墳。時尋明張持千觴。揮百尊。不飲已慚花下人。來聞曉

磬聲。歸及晚鐘動。春泥深深鞋沒縫。十里回途花作街。

贈崔三景侃二首兼寄哲兄景儀都下景儼劍門

客兒微子本齊肩。未向衙齋識阿連。今日西堂賦春草。懷人蜀道上青天。難兄執筆趨蓬觀。小弟裁詩歷綺筵。三處離愁一杯酒。夜寒聊與對牀眠。

曾訪疎梅徑石橋。錢郎度曲蔣生簫。謂錢大令暨蔣上舍陳尊閒愁歲月過三十。如夢谿山似六朝。五夜衾裯交燭淚。一旬衣袂未香銷。穠春正好須歸去。且莫風前折柳條。

由淨慈寺至龍井道中作

離湖始入山。一徑青裊裊。土風殊清淳。花比桑麻少。人家嵐氣重。屋角出青草。馬上人影高。窺林撫巢鳥。空外山雨來。方嫌出門早。

龍井小憩

昨夜月沉前灣。朝來白雲不閉關。款關僧少復誰伴。白鷺引客來前山。山巔一亭高百尺。峯後峯前勢相及。行人天外忽舉頭。一谷石奇都欲立。

冒雨尋三生石

一寺雨松梢。零天半樓閣。開青冥三生。寺邊石如屋。我坐剝蘚看題名。山空氣候殊難省。冰柱檐前燕巢冷。春風開徧半山花。尚有半山紅樹影。

薄莫至湖上小飲

行人乍離山。山色已如夢。回聽南屏鐘。薄暝數聲送。衣單思中酒。春醖喜盈甕。漁人蓄魚處。引水漸成術。雙鯉欲飛時。全湖綠俱動。

錢唐舟次作

芍藥開雙枕。芙蓉刺裏衣。不知花是繡。蝴蝶上牀飛。

錢唐歸舟寄錢三維喬一首

昨來揖客津亭東。布帆如雲已挂風。春風亭前一杯酒。送客多于道旁柳。我行小別君遠官。十艇接尾衝波寒。虎溪橋頭住經日。塔影亭亭對波出。全湖雨勢閣上來。放艇忽欲尋疎梅。梅枝高寒雨聲急。倒著羊裘雨中立。攜花滿船夜不眠。花底裙屐皆神仙。時崔夫人亦偕往我船載酒獨欲前。更有一艇鳴玄絃。玄絃初斷笛聲起。白鷺繞波飛不已。哦詩聲細出舵樓。更放健筆圖清遊。時方作拙舟雅集圖快哉風帆不獲收。一日一夕來湖頭。湖雲正好湖月輝。惜爾遠宦余仍歸。五年回首別孤嶼。夢度江波逐君去。君行送我一惘然。何日更放梅花船。君不見。故人十輩多爲吏。誰爲梅花決歸計。

送楊大夢符至東平書院

巷南春泥深一尺。知爾欲行行不得。杏花枝頭春日晴。爾今別我有遠行。欲行不行奈何許。隔渡先聞喚

船語。莊生莊四。玉立北岸偏。瘦影已過溪橋前。趙家兄弟巷東走。拂盡垂垂道旁柳。沿溪送者三四人。日
 日痛飲酣青春。青春回首六十日。與爾同舟及旬月。忽然疑我欲作仙。著脚萬樹梅花邊。忽然疑我欲出
 世。百尺崖邊悟無始。看花十回月五回。更向西浙看山來。山花流紅照杯酒。碧月蒼茫墮湖口。茲行樂事
 無不有。十觴我裝集良友。樂亦既已極。別亦不必嗟。劉安鷄犬亦同徙。羨爾一舫攜全家。此時只憶城東
 門。桃枝李枝將放春。莊家笋足酒亦溫。可惜眼底皆離人。時稱大齊耀將赴選盛二停大入作詩寄耀崔
 兼與瘦錢說。年荒花好難久居。我亦清明挂帆別。

花朝日訪袁大令枚江寧即出隨園雅集圖索題因賦以志別

生年雖後可不慙。圖中五君識者三。吳門尚書年近百。艤舟亭邊亦相值。沈文瀾我讀尚書篇。已識袁尹
 賢。白門深秋一相訪。苦說詩人惟瘦蔣。蔣心餘騷壇落落此數翁。若論文筆尤推公。圖中少年昔驚坐。州
照此日鬚眉已如我。公前罷吏學閉關。卻有謝傅遺東山。後先居山兩安石。公不爭墩名自敵。翛然松竹
 倚北原。因憶主者名隨園。國本隋織造所卅餘年來執牛耳。不到茲園名不起。公自言名士未偶然落筆
 貌昔遊。歲則乙酉時清秋。園林疎疎風屑屑。已覺尙書履聲出。彈琴既無絃。垂釣亦直鉤。少年落紙不肯
 休。我見識是非常流。此詩此畫誰能逮。出筆都憐才蓋代。南北詩人十數公。卷中如莊滋園劉文定尹文
文整彭芝庭諸尚書均已下世。僅餘一老稱前輩。山中訪客當花朝。擲我一卷如牛腰。止留紙尾盈一尺。寒夜乞我來揮

毫是夕令留宿。小眠齋外花光紫。窗前蔭花甚開讀盡讀詩愁不止。尙餘一客昧生平。掩卷來尋尹公子。圖中及謀面

道中遺懷十首

月館風廊望若仙。眼花濃笑髮齊肩。讀書燈下匆匆見。此事分明十五年。
欲歸清漏已迢迢。忽覺沿溪笑語飄。風裏紙燈拈不定。暗扶絲柳過紅橋。
長廊轉盡款幽房。鐙穗微紅月乍黃。天半忽聞金釧響。最高樓閣整衣裳。
私理銀瓶汲井華。個儂薄醉未回家。鸚哥欲睡人還立。團扇親拈自煮茶。
看星歸去已匆匆。早闔園扉怨小紅。贏得夜深談往事。一雙人立雨絲中。
春波東去逕西斜。紅杏枝低戶半遮。垂淚別他雙燕子。烏衣巷口欲移家。
酒溫香膩乍魂消。月采冥濛隔絳綃。早有玉人傳細語。百花生日是今朝。
團團月扇放簾低。對面梳頭背面啼。故倩旁人說春夢。自來庭北剪棠梨。
夕望征帆已百回。模糊明月上梯來。梨花一樹宵無影。卻傍人人素袂開。
往事怔忡一夢中。欲滅清淚寄東風。可堪行到無人處。一樹桃花著意紅。
秦二世泰山石刻止存二十九字在泰山碧霞元君宮乾隆戊午年復燬于火榻本甚少今夏黃州倅見

構得一本寄孫大因爲賦之

昔者東海神。照見泰山火。惜哉篆法存。竟值爇燬禍。神人嗜古理則同。急雨已下元君宮。碑雖不存紙本出。光焰尙燭秦封中。我聞漢家重六經。丞相半武夫。秦人棄詩書。當國悉大儒。咸陽門邊呂覽收。泰山碑旁斯篆留。一摩巨石衝天上。一抱遺經入黃壤。爲陵爲谷倘有年。碑石沒地下。遺經出人間。經學旣大昌。籀法亦可窺。人摩一本日觀寫。豈數丞相東封碑。斯言雖狂由激發。且寶斷碑臨萬札。君不見。欲將一字比一星。二十八宿應添伐。

童上舍鈺所藏晉太康五年買地菑歌

大男楊紹買地菑。太康五年歲在乙。文云九月廿九日。黃滕關澤北瞰湖。古名今地勘不符。今爲山陰十七都。明嘉靖中山陰十都。七都。七都人耕地得之。乾坤六合甫歸一。日月四時須作質。瓦尾更言如令律。可憐青蓋飛前年。四十三郡登降踐。當時曾不費一錢。太平土價高于玉。買土爲墳傍山麓。四百萬錢稱賤鬻。土公當日疑有私。賣地不與天公知。故列證佐詳年時。前孫吳與後司馬。劫後山川餘片瓦。光欲流虹手難把。童君好古無一田。一瓦乃直二百千。抱瓦日向高齋眠。瓦文稜稜六十字。不及質君真恨事。采入晉家置域志。時著東晉名。悉采入山陰縣下。

青門送別圖爲史上舍善長賦卽送歸吳江

渭城西去青門東。古今送客愁不同。咸陽原邊馬行少。只覺客從東去好。去年別青門。今年客梁園。梁園爲客忽不樂。放眼歷歷思秦川。幾年君向何方住。君久客甘肅卻望秦川作歸路。貪看削雪萬重山。行到斜陽最西處。東西歷盡詩一囊。已抵陸賈千金裝。吳江楓落句雖好。何似變體吟伊涼。讀君詩完飲君酒。七尺憐君好身手。塵衣浣向海東頭。飽看日上滄溟流。

送邵祕校晉涵入都補官

君行不得行。一尺大梁雨。流潦衝夷門。街泥積如許。大梁雨足欣有秋。君雖不行我夷猶。廿年三度與君別。被酒歷歷追前遊。逢君乃研經。逢君乃注史。當時苦說兩少年。只惜黃郎已前死。仲則騎龍弄鳳戲里閭。斬蛟射虎節不拘。性情至此忽一束。細校科斗牋蟲魚。讀書識字居然異。長句猶能矯奇氣。大龍山下別君時。千六百言君倘記。辛卯壬辰與君同客安微學使幕後于懷寧城下相別各爲詩八百字以贈焉壬辰三月上巳筵。江水一樓詩一篇。我欲白拾方詠月。君著宮錦行朝天。長安米貴居偏易。蓬觀爲君著書地。宣南坊外三斗塵。一客入門驚故人。故人久別儀容野。日倚陳編與傾寫。已看貴紙寫南都。君時著宋南都事略及爾雅正義尙少築臺名爾雅。十年哀樂事亦同。往往相左紅塵中。丙申夏君奉諱南歸訪余于里門不值是年冬余亦遭太孺人喪及甲辰春入都訪君又于三日前奉太公諱南下不及見矣梁園握手亦意外。濁浪飽吸餐炎風。河流拍枕朝難醒。官燭燒殘夜忘永。蠶魚窺客客不知。雙鬢都垂二毛影。盤盤萬卷縱堆窗。只覺逢君氣早降。禮堂若寫羣經定。君署南江我北江。君據漢書地理志許君說文定分江水從餘姚入海因自號南江余亦據地理志

贛北江在北東入海因顏
其草堂曰西漲北江云

黃州倅易得漢石經尙書論語拓本殘字共一百二十七因自繪象于後索賦一篇

陳留中郎真大儒。六經能以一手書。一手書後萬手模。太學門外車填衢。闕堂皇皇三百尺。日月入之光

欲奪。當時共喜聖籍尊。可惜偏遭漢家末。碑成不遺麤蠹馱。預恐識字驕龜豨。惟應儒者得觀覽。證以師

說無差謬。六經之文萬萬古。水濡火滅均可補。周篇秦已值祖龍。漢刻晉還逢石虎。水經注石虎載

左右地可觀。掘土尺許皆琅玕。魏安僊家逸書出。唐御史府遺碑傳。宋初開地唐御史

疑古疑今日詳度。八分縱異石室體。一字已勝稽山閣。論語碑較蓬萊閣刻黃君是年三十四。尺璧換來

殊不易。賞音不啻鑿下材。寶墨尤逾枕中祕。吾儒策勳亦可哈。詎有麟閣象雲臺。研經半世貌逾古。畫像

且復登蓬萊。虛堂六月消暑色。且借此碑饑隸釋。中郎中郎不能值。我見虎賁三歎息。

送沈秀才思詵回浙中就試

三日檐漏聲。正虛大河決。沈郎馳征車。乘此疎雨歇。一奴鬢蒼然。一馬色驪栗。亦有酒一杯。迎門且言別。

歸裝不憂儉。萬卷深壓轍。八月天地潮。排空試詞筆。吾鄉窮令尹。錢大令維禱望我一書切。軍門亦吾友。陳提督大

天上吹鷗策。君行倘相值。定復詢消息。為言頗善飯。暇即耽著述。去去弗復遲。沿塗有新月。

吳大令錫緯以二月抵大梁即奉檄勘賑西平遭疾遽卒亮吉等斂金相助至九月旅櫬僅乃得歸率賦

此首哭之

夙交君叔暨賢昆。子與君季父祖健及仲兄繼緒素相契。相識方欣萃一門。濟水南來會門酒。辛丑夏予下第偕崔吉士景依赴陝中時君在臨清權署。

一日大河東去與招魂。夢為蝴蝶同飄忽。昨夢君及莊同年。運宸莊為君美弟時下世已一年矣。生與蟬游競且昏。更向邢溝尋舊

侶。十人今僅兩人存。君所居枕邢溝卷東西最長。予童時舊相識。如錢伯謙仲默升之守之。唐介石在茲耳。二人兄弟孫思雅布衣。潘章叔上舍。二十年來先後下世。今存者惟君叔暨錢樹參明府。

耳二人

送汪秀才領堂歸錢唐

琴堂曉日列長筵。執卷呼名始得前。君尊人邦憲曾令陽湖。予始應童子試即識君。我傍土牛依砌下。君騎竹馬出簾邊。論文尙

記三千士。時二縣應童子試者至三千人。此事多應二十年。今日送君惆悵甚。使君墳草已芊芊。

喜楊大芳燦至大梁即送入都

十年復一面。萬里各在胸。重來酒壚邊。恨已無黃公。謂仲我方強仕歷九州。尙恨未極天西頭。君才早宦

原非過。僅得一城如斗大。花門整面昨負恩。城大如斗真思吞。升平本乏邊塞績。小醜乃建君奇勳。手揮

稜稜萬言檄。左手更兼能殺賊。城頭一矢落一人。餘者不敢來爭門。飄然望君一千里。時予客日讀軍書

爲君喜。丈夫事業豈偶然。頗恥僅以文章傳。等身著述亦何有。我抱壯心看北斗。涼秋九月集大梁。左蔣

並在寧辭狂。時左孝廉輔蔣上舍。青澗適皆以事至。此時頗復憶孫楚。謂淵爛醉尙滯華陽岡。眠遲消盡雙紅燭。別久話多

還抵足。尙書愛客知客狂。夜勅齋廚餽醞醢。一旬送爾城南臺。倘得殊擢君還來。君不見。吾徒會合真無幾。更隔十年愁老矣。

乞梅詩投左二

故人齋畔樹。植我小池東。他日花開處。如君笑口紅。
疏池貯科斗。搆石帶莓苔。預恐秋窗寂。先移春樹來。

卷施閣落成偶賦四首

我非一世人。世味本無泊。中年感孤露。顧影失棲托。故巢有時歸。戚戚寡歡樂。妻孥中道合。久對面生作。衣食粗已完。聊爲事疏鑿。閒身置天地。非可自菲薄。憂慘忘世事。幽賞寄巖壑。藉此山一房。寥寥通五嶽。晨涼始讀書。午倦亦展衾。昔夢旣爲昔。今夢成其今。夢醒理未殊。安得分戚歆。昨者疏一池。貯水不欲深。安知旬日間。不復成雨霖。閒門盡常關。石古苔氣陰。積卷貯石旁。一詠兼一唵。掩卷忽慙然。此意難復尋。迷陽花斷腸。卷施草傷心。傷心以名閣。淚下霑衣襟。
東鄰啼鶉鴝。西鄰蟬噪柳。忘機一延佇。物態欣有偶。茲晨風日好。爲具約吾友。豐歲慶有期。先秋富蔭藕。雖童識南北。款戶速誰某。齊年居七八。大者顏未叟。各各徵所聞。居然足談藪。傾觴及終日。僅足盈一斗。中坐或慨然。年前失黃耇。

昔者慕著書，鉛槧二十年。傳世雖預期，庶足慰目前。前年少尹亡，黃仲檢討疾亦綿。孔攸惜哉同心人，生命均不延。初日照屋閭，神澹不復眠。偃仰萬卷中，有若田大田。注史忘歲時，炎暑忽已遷。一雨斷往來，展卷晤昔賢。餘事非所營，庶以全性天。

七夕獨遊放生禪院兼至楊氏宅訪友有懷進士倫武昌

一院千聲出，風蒲葉葉秋。怪雲都上殿，野水忽平樓。石徑歲逾圯，禪堂昔未遊。夕陽真有意，穿樹到東頭。九株松檜綠，遙識草元亭。鄂渚客偏久，山房昨已扃。款門逢地主，佳節指天星。正好涼汀坐，相攜采素馨。

初八夜蔣太守熊昌招同人小集卽席賦贈

久別真憐廢過從，舅家庭樹尙葱龍。所居本余從舅氏故宅樽前秋思催春燕，天外晴雲挂雨龍。安志約僮刪徑草，

閒心邀客鬥詞鋒。狂嗔痛飲都成慣，不管前溪渡口鐘。

冒雨

行人未歸處，雨點黑如鴉。細路獨三里，秋原餘幾家。魚梁人渡冷，荷徑送香斜。爲有年時舊，留賓過水涯。

破牆南望處，十里月空明。秋露洗逾綠，殘鐘敲更清。樹疎涼意定，塔古夜光生。不覺心神寂，寥寥夢未成。

夜起

水南一燈明復昏。欲歸不歸夜向晨。秋花如拳挽行客。月露似眼迷歸人。流螢出門光乍小。徑密人行復披草。卻到橋西憩石欄。寒鴉噪客來何早。

早行

曙鶉聲一片。秋露洗高原。暗影驚谿樹。迷塗出毀垣。磬疎分寺埕。波響涉泉源。略徇危如此。松梢手欲援。紅梅閣小憩。

野人愛郊野。近郭行半里。紅樓出林梢。星壇入雲裏。因緣開北牖。半日坐難起。秋圃黃金花。空潭赤文鯉。東郊憩劉氏花園。

出郭閒行閱歲華。風光偏足野人家。涼生碧玉參天樹。秋到黃金布地花。小閣四圍巢燕棟。夕陽三面響魚叉。林園不欲窮幽處。留與閒時共鬥茶。

飲酒十首

人生天地間。各各私所有。未知室中物。屬客百年否。百歲非可期。得半亦云久。萬事取目前。沉沉飲吾酒。憶從墮地來。不識天上事。同儕應念我。久別及一世。飲酒或夢之。時時致沉醉。寄語區中人。無爲掇余唾。嘗嫌生世遲。千載隔鄰魯。不知更千載。我又成太古。詩文代相祿。視我卽鼻祖。所以勤著書。空言不無補。作客二十年。衣食知其難。卑身與周旋。不敢忤世顏。人事旣以希。飲酒輒閉關。頗陋一世。人苦說不得聞。

性癖喜獨尋。不避邱與壘。高原何蕭蕭。愛此木已拱。要知百年後。行者皆接踵。春到骨亦知。柯條節間發。涼蟬飲清霄。下者口亦啄。物性饑渴同。飲酒人所獨。神明頓通徹。味乃勝食肉。所幸吾已多。東鄰酒家屋。黃生苦不達。飲酒或酒悲。孫郎庶通方。量復與興遠。吾皆與之交。泥飲輒不歸。一死一別離。行當徹尊壘。秋聲來無時。當戶鳴蟋蟀。夜短心甚長。沉憂逮朝日。卑身處天地。非敢計家室。百念集一尊。傾觴亦將墮。客有一寸心。抱此亦云久。妻孥不能知。庶可喻良友。悠悠二三子。悼歎莫吾偶。一世乏賞音。吾將寄身後。前日無好懷。昨又寡勝侶。今晨心賞至。檐外忽風雨。蠟屐雖已攜。塗泥積如許。感此復閉門。終朝杯獨舉。將至烏鎮率成二首呈崔通守龍見

我騎竹馬甫成童。綠野堂開識寓公。

王午歲于錢文敏公第中識君時甫成進士

裁句早甘牀上下。飲泉今徧滯西東。君歷署金華處

州及烏鎮同知雲霄事業看兒輩。

謂長君編修景儀

夫婦神仙豔里中。若說通家較清切。伯孫榻畔拜扶風。

蹤跡愁邊與病邊。放懷應不受人憐。中郎才筆推前輩。太傅門牆記往年。謂錢文敏威鳳羽儀終就日。成龍腹尾盡升天。淮南賓客如相問。只我遲回懶作仙。

四鼓渡爲脰湖

三更涼月侵。放棹復幽尋。客念此時寂。鐘聲昨夜沉。露翻千葉白。雲定半湖陰。只有閒鷗鷺。能知天地心。夜話贈蔣上舍陳尊二首

秋樹齋頭夜氣深。故人久別話升沉。黃金市上空求骨。白雪尊前孰賞音。循吏幸依崔不意。君客嶺通守署中最久

專家應學董無心。

時訊董孝廉思願消息甚至

年來絕業誰能識。撰到清風與竹林。

二十年前共閉關。白雲谿上著書閒。曾拋屋畔撈鰕活。君有別架在鵝湖近闖人矣卻買州南射虎山。君尊人近買十

頃云十年後當獲其利別日壯懷應少減。故家生計未全慳。何時得遂幽棲志。擬笛風前與往還。

新正二日太倉毛州倅大瀛招同鉛山張上舍舟歛方上舍正澍無錫鄒公子恩三山徑探梅卽席賦贈

六首

昨來世事繁。今晨賞心果。寧惟市塵絕。十里斷烟火。行盡落葉聲。寥寥花數朵。衡門當道左。客至主人辭。園林非一所。樓閣掩經時。開傍宜春帖。離離紅亞枝。合牖敞風樞。離堂開雨宴。陰晴花氣殊。深淺雲容變。猶斂向南枝。將無待春燕。疎香不到處。山水足清華。曲澗流時斷。幽巖路忽叉。閒心聊點筆。元日詠梅花。雙筵旣藏鉤。獨客時唸句。淺醉已學狂。欲歸猶未許。且上百尺樓。簾疎試春雨。居然人慕蘭。毛君字又襄故云亦有字同楊。方布霧方誰學。談天口乍張。無爲勤遠送。揖別此花旁。

初二夕宿漢口開爆竹聲不絕

漢水入江處。東西一道斜。五更喧爆竹。十里散飛花。已被早梅萼。還驚徹曙鴉。聊應當鄉語。淺夢乍回家。

確山贈金同年朱楣

故人爲此縣。幾載有賢稱。隱几書三尺。當門嶺數層。雨肥山郭蘚。風瘦驛樓燈。馬亦諳清況。衝寒只飲冰。

元夕宿尉氏贈張大令大鼎并寄徐州倅書受

去歲中秋永。去歲中秋日往武昌道過此留飲今年元夕寒。兩回明月好。都向此城看。邑宰幸同譜。盤餐聯素歡。遙憐徐

騎省。雲外倚闌干。

朱仙鎮元夕

鄭塞逢人日。朱仙值上元。殘燈依半壁。春夢入中原。月直危樓影。天連野燒痕。明朝騎馬去。又過古夷門。

洪兒歌爲徐同年書受賦

尚之三十後生子。乞余命名。余舉前人之例。名以余姓。而以余名字之。曰孟吉。則因其庶長也。並作是詩。

昨來欲訪夷門雪。獻歲發春才十日。故人舉子乞我名。我名故人子不輕。我年始十三。六經都過目。書堂學咏新月詩。得句先令輩流服。爾來卅載饒憂患。文筆天人倘堪贊。我老雖漸晉始興。兒行何減吳元歎。字之以吉名。則洪富貴或過我。文章止期同。白雲谿北餘環堵。我有三兒健如虎。架上盤盤萬卷書。他時一半應分汝。

董生詩贈董上舍達章

董生賦吳山。指上立采虹。董生賦南海。舌本翻龍宮。我知董生由趙左。趙大襄玉。左二輔。不識董生才過我。我詩

往復頗不窮。不及董生句更工。我文亦饒氣。不及董生律尤細。董生知我我不知。直待頌徧千篇詩。袁君

愛巧大令徐愛真。書受大二者生筆皆能臻。不然何以天風海濤相間鳴。亦復雜出紫燕百舌黃鸝聲。董生

三十無世名。我吟一篇見者驚。還生詩編生自省。我在何能歷公等。

開官詩

徐上舍均、爲言乾隆壬辰年、其尊人某、官邢臺令、沒于官、喪歸至臨清、大風覆舟、一妹三奴盡斃、惟均子甫四歲、憑棺蓋得免、時奉天何士錫爲開官、爲出錢募役、得曳柩出水、四人者皆爲藜菲、又賃屋居生者、數月、均甫自邢臺至臨清、得奉喪歸、暇日爲余述其詳、余感何君之義、爲賦此篇。

臨清開、開置官、開官開開方一日、忽見天上來浮棺、浮棺誰、舊令尹、急溜失風船、沒板、一女數奴魂不返、漆棺浮處沉四屍、棺頂乃復憑嬰兒、漕船裝裝下水來、大聲呼開開不開、開不開、衆皆鬻、開官倉皇掉其臂、三百開夫聲若沸、曳棺出水兒亦蘇、魚腹奪出雙亡奴、漕船不前漕卒怒、拍手大言官得賂、官寧受取得賂名、爲德不卒非人情、奴行烘衣兒進粥、更爲羣棺賃雙尾、周巡一日至數回、越六十日喪方歸、君不見、何開官、教人出死力、送喪淚尙垂棺側、竟與棺中不相識。

濟源謁濟瀆廟作並寄錢州倅姑西安

我昔尋淮源。騎馬至大復。濟源今始訪。尚未及王屋。馬頭星落日未光。天半忽然落太行。山形西上水東下。中有百里雲之鄉。雲鄉萬畝收常最。水鳥驚絲時作對。開門飲水性不浮。頭上白雲還可戴。尋源入廟得數潭。酌以木杓殊清甘。坐思地脉出靈異。更有一源穿寺南。延慶寺四南有深潭名海眼。藻萍靜覺微風起。那識泉流及千里。不是天青落眼前。都疑赤日行潭底。殿頭斜交松柏風。碑頂錯落填青紅。九州三瀆得配食。北海一神成寓公。廟後祀北海神。又有三瀆殿。水光沉沉走靈氣。飲水況兼知水味。點波縱乏魚眼紅。入饌復添萍葉細。土人以萍菜作羹。雛童道我行不休。出廟遠看珍珠流。土人指點復非一。我臥欲向山南遊。斜行卅里無平地。石觸馬蹄如斧利。車箱側坐作一篇。聊當西尋濟源記。我有故人官故京。萬言能辨濟爲榮。州倅以附雅濟爲澗爲榮字之甚辨。何時並馬入河濟。應訝蔡河原號楚。

延慶寺

向西行一里。側耳水潺湲。古寺埋荒草。春風被北原。上樓迎雁過。遠樹避禽喧。欲抑飛揚性。時時酌水源。

盤谷寺

日斜來谷口。新月正東升。石壁餘千仞。空山祇一僧。品泉殘雪淨。當竈白雲蒸。照我歸途好。寥寥塔上燈。

盤谷寺東山墅題壁

我來百級盤空砌。一樹臘花香蓋地。寺中臘梅一株花柔。出門正值過嶺風。半里疎疎挹香氣。此山泉水不出山。曲折偶落幽人關。泉流落處開飛起。更向天半支紅闌。閒心款戶還相揖。一馬一奴催去急。隨行偶展几上書。窗外白雲如鶴立。

盤谷寺道中

盤谷路屈盤。怪石都欲齧。馬行既傷蹄。騎馬復傷膝。馬鞭苦不前。奴亦涕垂尺。當其勢倉皇。天頂作深黑。天黑未黑幸有星。松樛百樹流空青。入山行遲出山急。馬上別山聊與揖。

宜溝行

宜溝驛中逢節使。三日馬蹄聲不止。銜途驛馬苦不多。役盡民馬兼民騾。民騎不給官家食。更要一騎增一卒。馬行三日力不支。馬病乃把民夫笞。長鬚壓後尤無忌。急選官驛訪官伎。民田要雨官要晴。一日正好兼程行。車前與夫私歎息。曾與此官居間壁。官前應試苦力疲。百錢得驢說若飛。君不見。人生貴賤難如一。不是蹇驢偏有力。

夜過漳水橋

十里平沙兩戍樓。薄寒衣上點春愁。行人莫問銅臺事。漳水如今入海流。

自錢唐放舟至上虞卽寄唐大令仁植嵒縣

我拋西子湖。來訪山陰月。山陰道上夜不眠。明月都疑古時雪。古人何太閒。今人何太忙。四明山色笑人久。狂客一去誰能狂。山陰舊友無人到。還訪山陰昔時廟。巢梁秋燕忽翻飛。螢火遙遙出門照。山前月綠山背紅。十里燈火連青松。神簫法鼓聽不足。水面黑已搖靈風。北山雲暗誰能見。星點如萍落波面。枕中秋夢爾許長。船上月痕移一綫。我思訪友至剡溪。故人手版歸無期。曹娥江水秋轉綠。話舊還來此江曲。天台山連天姥青。舊遊十載難重經。偶然雲朵錯江上。訝落十二芙蓉屏。道旁峩峩孝女碑。當日偏遣兒童爲。閒繙榻本坐船屋。落落可笑時無才。自非賀季真。誰識李太白。我羞黃絹詞。祇憶錦袍客。詩成絲雨忽下汀。屈指明日秋當晴。會須散髮飲官酒。百尺樓上眠秋聲。

湖上看雨

雨聲不著地。惟走松栢梢。山風颯然來。時時撼鴉巢。歸鴉點黑雨。點青星出復沒天。冥冥樓高百尺陰。晴變山外月。明山裏電。

湖上坐月

闌干既懸月。月亦戀闌干。十二回廊內。無人徹夜看。青天沉沉黑雲破。時見東山鬼燐火。星沉月落雨一天。闌牖更枕荷香眠。

湖上夜起

背山十里行何遲。沿湖草香人不知。草根螢火草頭露。照客歸夢三更時。紅疎綠暗誰家宅。十二曲欄眠
獨客。開門無意望雲山。秋水連天月華直。

韜光精舍

山頭戴屋屋戴山。山上又復開禪關。斜行百步路深阻。飛鳥不到人應還。竹梢垂垂柏陰直。一徑夕陽紅
欲沒。雲深草暗不見人。蝴蝶花開四山碧。

山陰舟中

四山圍一澗。流水不能東。青草添波綠。高寒映樹紅。挂帆零竹雨。啓帳引松風。已覺衾裯薄。寥寥秋氣通。
夜坐

三更人意定。風竹自敲琴。樹樹月華直。峯峯秋氣深。海雲當戶落。齋磬隔烟沉。莫飲寒潭水。空明此夜心。
中秋詞

樓上月疑尋人穿戶。南北還當門。牆頭花疑伴客。覆屋高低復窺隙。秋棠軒北待月華。出戶小語聞呼茶。
尊絲如指藕如臂。齒冷怯進西園瓜。池臺左側闌干右。隔巷萬燈輝若畫。琅玕鎖徑不一開。坐久竹風涼
逼袖。三更月暗絲雨飄。約伴溪北行三橋。走橋人多不相省。獨向橋心鑿春影。

錢三維喬以桃花卷子屬題時新室將落成因作長句貽之

春風百萬花枝旁。桃花李花能不香。桃花紅紅李花白。誰比春風好顏色。昔人飯桃三十年。顏色姣好都疑仙。人生駐景亦虛語。聊取玉貌臨風前。披園一人美無度。綠鬢猶留遂初賦。東邦溪北斗城南。欲種桃花閉門住。一株花開千萬株。紅蔽天。卷圖忽忽念疇昔。此景只有南山邊。牛頭寺古慈恩側。雲欲不紅何可得。君今臨水築新居。縱不栽多亦當百。春風一吹香半空。隱几如坐南山中。半城鶯燕在何處。聞氣只掠花西東。初陽入樹光淩亂。一日風光百回換。尋常客至門不開。祇許鄰童上牆看。我家亦傍溪水隈。桃無一株愁舉杯。豈徒鶯燕不相訪。蝴蝶絕少窗間來。與君街東西。屈指月三五。攜樽來遊莫相阻。我今題作桃花塢。

楊秀才峒谷漁樵問答卷子

聖不自聖。何其謙。執射執御。無能兼。儒羞爲儒。亦何意。欲漁欲樵。誰者是。方其學爲樵。不識世有淵。方其學爲漁。不識世有山。用心可一不可二。君意胡乃雙相關。我知終日樵。薪復不盈束。何以贈君。爲君歌。伐木終日漁。魚復不上竿。何以贈君。爲君詠。忘筌吾儒之道。無不該。況乃二者嘗優爲樵。夫笑士匪無謂。漁父鼓枻。何悠哉。君家家法爲樵好。天祿可騷元可草。堯夫經世吾懶觀。復恐誤爾儒爲禪。有入都者。偶占五篇寄友。

孫比部星衍

自君居京華。令我懶作詩。作詩與誰觀。誰爲定妍媸。一篇偶賞心。世論不免嗤。一篇牽率成。俗賞反在斯。我雖不敢言。得失我自知。唯我與子心。膠漆難喻之。我工子開顏。我拙子不怡。非惟字句間。兼爲審篇題。前寄袁尹章。教昨答汪叟詞。著彖上皆有墨瀋。由君指其疵。或時作一篇。我心如亂絲。置君于我旁。素者卽以治。別君居三年。作詩少千首。以此厚怨君。君能識之否。

邵校理晉涵

自君居京華。令我懶著書。一義偶有疑。搜篋復發樹。不然在君旁。理蘊已畢抒。問一必答三。背誦若貫珠。君疏爾雅篇。訂正五大儒。使我心上疑。一日頓掃除。君師錢少詹。大昕精識世所無。吳門及錢唐。復有王鳴盛。與盧文弨。皆言此書傳。遠勝唐義疏。虛爲校三匝。誤字一一劬。惟嫌體清羸。力疾廣授徒。穀梁疏尙成。孟子義定乎。別君居三年。我書不盈尺。以此厚怨君。君行亦當識。

章進士學誠

自君居京華。令我懶作文。我前喜放筆。大致固不淳。君時陳六藝。爲我斧與斤。不善輒削除。善者爲我存。儀真有汪中。此事亦絕倫。貌視六合間。高論無一人。前者數百言。並致洪與孫。勗其肆才力。無徒嗜梁陳。我時感生言。一一以質君。君託左耳聾。高語亦不聞。君與汪論最不合君子文體嚴。汪于文體真。筆力或不如。識趣固各臻。別君居三年。作文無百幅。以此厚怨君。君聞當瞪目。

管民部世銘

自君居京華，令我懶詣人。詣人或有忤，時時致紛紜。誰能爲斡旋，並復正色論。我病非由他，半或飲酒醇。君齒逾十年，戒之每諄諄。畏此一尺面，嚴冷無陽春。我交有趙莊，懷玉迷祖。我交有楊倫，數子亦獻規。使過不敢文，餘人非不言。言亦或不聞，言豈有不同。數子愛我真，前時傍君居。藉此得束身，備書蘭臺中。得免一世噴，別君居三年。酒失屢自讎，以此厚怨君。君行倘相念。

汪學正端光

自君居京華，令我懶入山。君雖不能遊，喜我窮躋攀。陟險慮我危，懸樹驚我頑。管坐白石邊，靜日待我還。復恐相背馳，時喚林壑間。每挈酒與肴，解我饑渴顏。共艇泛釣臺，同車出昭關。七十二盤嶺，三百六十灘。時登仙人峯，時上毛女壇。我狂不可遏，藉子爲捉攔。不然險上天，失足性命殘。紀遊實雄奇，君誦皆循環。別君居三年，過山亦不詣。以此厚怨君，君時當一噓。

酬崔太守龍見時攝處州守

萬里歸來攝一州，桃花嶺畔使人愁。松杉密處稀耕隴，麋鹿閒時滿郡樓。到海怪風聞尚懷，愛山狂客記曾遊。丙申秋從王學使至此官清何事忙偏甚，幾許新詩落案頭。

寄崔三景忱三十二韻

昨來遊西湖。兼爲訪君病。迎門一相見。坐語不能竟。欵臥六尺牀。朝曦與相映。紅窗闔兩扇。尙畏曉風勁。藥物貯枕函。醫嫌不符症。復言昨攜燈。失手不持柄。燈燼誤拂眉。癩痕額間釘。君雖顏色瘁。玉骨尙精瑩。竹扇揮不停。羅衣最娟淨。神清能照物。朗若玉爲鏡。楊畔數冊書。拋殘未裝訂。爲言是君集。偶亦取諷詠。雲箋蒙四壁。愛好實天性。蕤几插白蓮。秋桃花亦倩。朱魚貯蠶棹。水淺喜游泳。憐余欲稍憇。深室早除褥。阿母喜客來。開扉急延請。齋廚戒葷殺。蔬筍搬欲罄。銀梨手中擘。綠果盤內釘。傾觴復攜榼。一一催使令。憶昨握別時。君妻尙初聘。今聞娶盈載。嬾婉並能敬。君兄持玉節。失喜早相慶。仲子昨有書。潛修怕奔競。惟君忘進取。所喜達時命。晚挈臥具來。紗廚放端正。辭君不可得。連榻話宵靜。絮語不覺長。疎疎佛樓磬。雖癩談尙劇。使我醉時醒。一夕話數年。奚奴隔窗聽。松檹移影徧。殘月復窺徑。明發倘別君。重來尙難定。

九月念一日自府東街醉歸由迎春橋取空閣處玩月歸舍喜而有作

我從缺月看至圓。復自月圓看至缺。其間何夕最賞心。初八十三今廿一。月當八日剛上弦。日午已挂城樓邊。私心催送夕陽去。好透清影來窗前。十三此夜清輝好。遠挈幽人踏衰草。是日借錢竹初莊廷叔飲趙家樓上。趙家樓上。千盞清。縣尉衙前百燈皎。今宵無意復出遊。坐客失喜相攀留。守余存。辛招客因拉入坐次。主人初歸萬餘里。塵面未洗遊朋儔。歸途正值如圭月。照我城東壞樓隙。沿溪寂寂摠閉門。剗得清涼沁肌骨。我生愛月歷八州。月色無異殊歎憂。中間多病復沉醉。誰肯徹夜懸篋鈎。少年二八還三

七。得月不眠眠若失。古巷迢迢走欲窮。高樓漸漸看將徹。出門漸遠月漸親。千里對月如鄉人。幾回愁苦向之說。高興引亦同清榜。海門浩渺江流羨。看月出波還沒浪。萬斛清光一葉舟。誰言我不居天上。蓮花峯東玉女盆。五十六無黃昏。齋心曾向石壇坐。百怪看月來松門。嵩高夜色尤無匹。霜一層蒙尺深雪。緱山明月向南來。三樣寒光一時結。東西南北遊萬場。祇恨不上天中央。我疑青天月色不及此。有若鏡面皎潔鏡背無輝光。看殘月慘新月歡。百歲月止千回圓。尙嫌平地住時久。起處落處不得一一窮其端。我詩被酒尤清快。說月還愁衆星怪。夜深說月更有神。引得一番兒女拜。

爲史秀才次星賦焦尾硯

爾。硯才係端溪石。閩江舟人以支茶竈。史君客閩時。出錢三百易之。其半尙焦。後琢爲硯。因名曰焦尾云。

昔有焦尾琴。今有焦尾硯。山中木石豈有知。不遇才人不能辨。琴來鑿下五尺長。此亦日久支茶竈。磨之三日故紋出。洗以海水逾清光。端溪僞質今無限。此石故應稱舊產。有時攜向沸水旁。蟹眼尙侵鵝鶻眼。史君才大不可量。攜硯陞涉天南方。與來草辨漢赤壁。否亦或賦秦阿房。草堂他日吾當識。匣以紫檀時拂拭。人生皆作如是觀。爛額焦頭稱上客。

偶成

情懷苦被繭絲纏。時醉時眠亦偶然。誰向西窗喚人醒。一房春夢碎難圓。

卷施閣詩卷第九

西苑祝釐集庚戌辛亥

萬壽樂歌三十六章并序

臣謹按唐臣元結有補樂歌十章。白居易有新樂府五十篇。類皆言簡意深。可以播于樂章歌曲。臣嘗慕之。伏見我皇上御極五十五年。仁如天。宏如地。舉凡廣聖極神。謨文定武。類非形容所克盡致。今者恭值八旬萬壽慶節。臣幸得擢巍科。備員詞館。自正月一日。恭讀恩詔以後。親見皇上敬天法祖。勤民察吏。諸大政足以度越百王。而垂則萬世者。已不下數十事。輒不自量。謹依類撰次。爲萬壽樂歌三十六章。非敢繼元白之逸塵。亦庶乎衢謠壤詠。得附本朝樂章之末云爾。

元日詔第一

上章之年月初建。旭日初升。太和殿。詔宣宗伯上玉墀。二十二條宣讀徧。九門以外齊歡呼。一日數驛馳郵夫。殊恩豈獨神州內。普錫還教外藩逮。遐哉上古迄漢唐。三千年來無此祥。皇皇天語真堪述。每遇庚年輒逢吉。

讀寶錄第二

作者聖。述者聖。天命元年逮雍正。我朝開國值泰交。百八十載如一朝。夜向晨。讀寶錄。玉檢金函日三宿。人言帝治超軒鴻。崑師三祖及二宗。

巴勒部第三

巴勒一部。遠在西徼。酪食漿飲。同時獻表。云敬大皇帝。如敬佛三寶。珠瑟瑟。衣班班。道畢拉。兼烏闌。哈哩薩野先稽額。巴拉八都還合掌。

坎扒窪經第四

樹頭櫻高五六丈。其實纒纒花可釀。葉名貝葉取寫書。一葉百字如聯珠。梵經不到西南部。以意作經遂四布。國基既兆立普哇。傳經亦名坎扒窪。坎扒窪經有義。不歸佛法不歸僧。只願歸依大皇帝。

貢子象第五南學所貢

貢子象。貢子象。人面刺花人性獷。遠邦百載名老搗。左佩右佩皆雕瓜。別乘數象來中華。不嘉遠物嘉誠效。特敕象房增俸料。

春燈詞第六

昆明湖水連天碧。萬盞燈輝一天月。臨湖亭上看春燈。魚龍曼衍從東升。春燈詞接春帖子。遠自乾隆丙寅始。辛壬以後皆八篇。卻與卦象同綿延。生生不已真堪卜。今歲自隨還至復。年年歲歲游豫同。誰識義

總陰陽通宸篇下計歸政日。卻合伏羲全部易。

普免租第七

免錢糧。免漕糧。四次兩次看膠黃。今年詔下恩尤厚。普免正供由萬壽。三分減一十減三。前史盛事何庸談。大農錢粟雖頻散。耕九餘三積儲慣。戶部銀仍八千萬。

殿勤政第八

夜未央。乾清宮中燭煌煌。日將出。勤政殿前傳警蹕。機庭綸閣三兩賢。日或一再瞻天顏。萬幾當晝皆周徧。七品宰官多引見。法官御苑名總同行在亦復懸堂中。江寧行宮有勤政堂讀書若以今方古。隻日視朝何足數。

續石鼓第九

太學中。周石鼓。二千年來石文古。若將一字比一篇。卻合關雎及殷武。石鼓舊存僅三百十字親加排比較短長。重刻十石陳堂皇。舊者藏茂珍珠琅。流傳至久還堪數。周宣中與製石鼓。乾隆萬壽年春補。

八徵璽第十

古稀天子古已稀。復越十載符貞期。重華宮中製聯句。既壽永昌猶泛語。嘉名肇錫得未曾。璽章特與鐵八徵。石經若舉殷宗例。享國百年重製鑿。

五福堂第十一

萬年天子兮。萬年觴。五代元孫兮。五福堂。儒臣歷檢明宋唐。得者六輩錢吳張。士夫獲此慶已長。帝籙從未膺斯祥。膺斯祥。由慶洽。十一世還徵玉牒。

盤四部第十二

四部書。帙萬萬。提要一百卷。臣陶臣熊奉敕撰。全書告竣已十年。有敕亥魯須重編。本朝實事皆求。不遺傳疑留一字。文淵畢。燧文源。百臣日夕來御園。東南三分皆無誤。海上然藜校文湖。

御製集第十三

御製詩。御製文。近自己酉湖丙辰。文一千。詩五萬。五十五年成百卷。九經廿史義蘊宣。四岳五瀆搜根源。遠紹二典三謨傳。巍巍卷軸如山立。豈特帝王難冀及。十倍漢唐文士集。

五國朝第十四

東西南北車書極。朝正國王三十一。三十一國分年來。春秋冬夏邸第開。普天同慶當斯日。五國遙遙適相值。神雞五色魚八揅。貢及犀兕兼拾獠。史臣若舉春秋筆。五國來朝王正月。

開經筵第十五

讀洪範。讀召誥。五三六經開秘奧。萬幾之暇日一編。春仲敬復開經筵。經筵樂奏何囉囉。抑詩還取衛武公。昔賢今聖皆先覺。九十耄期還好學。

親釋奠第十六

臨雍歌。幸學詩。八十天子猶尊師。崇賢坊。大成殿。二月上丁來釋奠。春渠如鑑波溶溶。前年天子臨辟雍。太平盛事皆稽古。鄉飲酒歌詩樂譜。

朝日壇第十七

朱旗絳扇來城東。至尊親詣朝日宮。黃軒紫幘光如燭。至尊親詣齋宮宿。太平五色雲擁輪。迎日正見雙黃人。雙黃人。捧日起。朝日禮成天下喜。

登岱宗第十八

曾稽南恆岳北。西及五臺中太室。天旋向左帝邁東。卅年六徧巡岱宗。吾皇卓識超秦漢。但禮天中不封禪。天門日觀瑞色開。八旬天子騎鸞來。

謁闕里第十九

猗昭維則。聖人在昔。衆善若林。六經乃宅。猗皇是欽。聖人在今。宗謨既纂。祖訓是尋。青旗央央。越歲來謁。前聖後聖。其揆則一。歲則庚戌。月維庚辰。山左三大。禮祀畢臻。

白歲民第二十

廣督摺。直督摺。百歲耆民比肩立。演撫章。皖撫章。民間五世共一堂。太和翔洽超前代。不產麟皇產人瑞。

朱提文綺出上方。幾餘染翰錫一章。耆年壽婦布魯特。絕域貢珍由感德。

萬壽科第二十一

萬壽節。萬壽科。九十八來娑娑。春官一百二進士。外一百八年已至。詔出東華盡宣賜。膠庠抑阨五十年。闕苑盡許稱神仙。白髮亦戴花盈顛。升平盛事誰能及。兩宴南宮值庚戌。大學士臣璜謝摺。

勤察吏第二十二

盜不讞。責總督。清苑縣官愆莫贖。吏盜民責撫臣。高郵州牧罪較真。皇躬一日周萬幾。外省案牘何從稽。詔書直下諸大吏。當戒江南與直隸。

清字藏經第二十三

西華門中關經館。大小乘經堆欲滿。法門先寫百二章。排比兩晉兼三唐。國書結體尤嚴重。舉筆如龍復如鳳。經成一藏功萬千。佛力祚皇萬萬年。

黑龍潭第二十四

三月麥。四月秧。不雨麥瘁秧將黃。行宮宵旰無時釋。先詣黑龍潭外歇。排空萬朵雲垂垂。真龍不禱雨不來。

三大祀第二十五

三大祀。歲必親。五十一月象。登陳南天壇。北大內。百尺燈竿與相對。壇內宮中合虔拜。耆民夾道成風謠。
五十五徧躬南郊。

山莊夏第二十六

灤河之北臨邊牆。每年避暑來山莊。雲山四面奎文署。云是山莊最高處。澄然四海集一心。日日亭上占晴陰。殿前引見員營滿。吏部帶來分月選。更撥幾餘念柔遠。山莊但識無炎歎。日昃可念宸衷勞。

經壇設第二十七

九門中。官吏車。一日百輩來徐徐。殊方絕域摩肩入。在籍諸臣亦羣集。分曹百輩爲一班。盡檢大寺開經壇。湖山郁作梅檀味。初日輝輝照初地。青梯樓閣須暫開。無量壽佛拈香來。

盛典增第二十八

萬壽盛典凡六門。聖德聖文兼聖恩。萬方集慶儀文重。其次繪圖同獻頌。巍巍蕩蕩難具書。特徵二事古所無。八徵五代奇祥起。塞外關疆三萬里。

夕月壇第二十九

朝禮日來東郊。暮禮月來西郊。鸞輿親向齋宮出。萬壽節過才一日。規壇不獨祀夜明。二十八宿兼經星。不見唐貞觀樂五閣。隋開皇坎三尺。豈如吾皇大祀躬致虔。禮成光景生中天。千秋金鑑懸當前。

安南來第三十

安南來。安南來。國統雖舊基新開。廣南大吏爲陳奏。親詣天朝祝天壽。路人指點盡識名。安南國王阮光平。海邦自此知冠履。好變文身與椎髻。阮光平奏請從本。朝章服特旨。愈九。

前殿宴第三十一

太和門中頻列讌。日日平明御前殿。七旬宴後復八旬。下逮屬國兼陪臣。年九十階一品。特賜金尊殿前飲。千人統計歲萬千。稽首合作今皇年。就中受恩誰最樂。國子監臣郭鍾岳。

祝嘏樂第三十二

祝嘏樂。樂一部。歌者歌。舞者舞。敲銀瓶。擊銅鼓。萬里遙遙來祝嘏。太常樂奏列四蕃。不數貞觀兼開元。蕃王親向階前祝。更獻十章名法曲。法曲十可歌亦可謠。一章一章名特標。謁金門。賀聖朝。阮光平進萬壽詞凡十章。

昇平寶筏第三十三

三層樓。百盤砌。上干青雲下無際。上有立部伎。坐部伎。其下回皇陳百戲。蟠天際地不足名。特賜大樂名昇平。考聲動復關民事。不特壽人兼濟世。萬方一日登春臺。快看寶筏從天來。

王會圖第三十四

東西廿里如繩直。夾道樓臺成頃刻。千層覆屋百尺臺。大舸載自東南來。回廊曲檻天然合。空處扉樞自

開闢方壺圓嶠咫尺間。海上頓訝移三山。拈毫若準唐貞觀。王會圖應添百卷。

普天慶第三十五

日庚申。圓明園中法駕陳。日甲子。乾清宮中鹵簿起。宮中御苑石作塗。萬叟夾道還嵩呼。如山燈火連湖曲。想見太平調玉燭。

萬壽節第三十六

萬壽節。日以十三時。八月月瑋日微皆叶律。我皇御極當丙辰。越若稽古堯期臻。五五數復箕書陳。無疆若展大衍策。萬有一千還五百。

馮少卿應榴夢蘇草堂卷子時馮作蘇詩合注。

少卿室冷無纖塵。頽瀦翩然來叩門。履聲皇皇響空谷。欲前不前猶躑躅。褰簾一笑霜滿空。迎門次公立長公。長身高冠貌奇古。七百年來親詩祖。邀公不入亦可思。一屋光燄皆公詩。夢中自謂得所師。敬告欲續施元之。公雖不言心已可。來處仙雲落如朶。裝眉山月清可憐。半夕移挂高齋前。來時不迎去何送。我謂非真亦非夢。醒來急詣南頭翁。謂翁閣學方綱證以畫象將毋同。君不見。少卿詩名滿人海。夢裏師公醒如在。因君我亦念瓣香。太白樓前一江水。

自蒙陰縣界早發從車上望泰山半日始抵山麓又步行半日憇高老橋日已曛黑乃尋路而返

夙昔好大言。俗宗視秋毫。茲來距百里。意念肅不驕。靈風吹車帷。總向西北飄。日上戴一山。半白雪未消。平明開東峯。忽與天爭高。向背卅里間。鉅細無不包。聖人坐明堂。若受萬國朝。半日走未休。才能憇巖腰。絕頂豁一門。注視久亦勞。誰云千丈松。貼若徑寸苗。海氣瀆石厓。天聲走林梢。來乘西月光。去揭北斗杓。小酌白石泉。吾行過飛橋。

臚傳日馬上口占寄畢尙書師湖北

五年爲客曲江頭。屢向慈恩寺裏遊。曾解綠衫陪廣譚。愛拈紅杏上高樓。看花未必輸前度。擢第偏教遜一籌。好邀公門舊衣鉢。至今慙愧說袁州。

昨年里中有入都者。偶占五篇寄友海內交。舊見之共詫。以爲洪體今適一年。余留官京師里中。知好復往來。不能去懷。適汪甥楷以定省南歸。爰更賦五篇寄諸同人。末章并以示弟原吉及兒子飴孫。見者幸勿復以爲創體也。

盧學士文昭

里中誰最憶。我憶抱經堂。抱經翁七十。讀易猶琅琅。餘經貯案頭。日漬丹與黃。盤盤經師居。庭草一尺長。問字數百人。誰來上堂皇。匪徒文體乖。書仍誤偏旁。俗學銅性靈。反厭師說詳。一月偶一來。惟應伺餼糧。就中領悟誰。庶有顧明與臧。維時願生嗜說文。臧生勤爾雅。百里澄江中。誰如二人者。

錢大令維喬

里中誰最憶。我憶竹初居。前年養疴歸。買地十畝餘。四邊何周遭。桃梅竹棕櫚。規高欲巢禽。掘地乃種魚。魚鳥既獲安。餘力營吾廬。一室開八牕。風日來徐徐。主人欲登樓。花氣爲紫紆。主人欲出門。芳草擱衣裾。北巷呂秀才。景尙南頭畢居士。函偶有剝啄聲。經旬一來此。

趙舍人懷玉

里中誰最憶。我憶味辛齋。味辛齋中居。風日多好懷。五日一出遊。經旬宴朋儕。我居與若居。僅隔南北街。花時與月時。出入必與偕。君尤善清談。觸緒理不乖。差苦持論莊。時爲雜談諧。同志六七人。均能外形骸。無日無客來。闔敝不必排。不來亦有時。或值體不佳。盛尊大。吳堂近南歸。莊貧。蔣齊。復遠宦。預苦離別多。臨觴定三歎。

蔣上舍馨

里中誰最憶。我憶杏花樓。杏花既已枯。種杏人在不。雖無一株花。花下石尙留。雖無種花人。畫象懸樓頭。昔爲大母居。謂外王母。今屬孫曾遊。孫曾昨問訊。敬我齒已優。童年看花詩。黏壁尙四周。種杏曾幾時。一讀一淚流。檢點樓下人。半又客遠州。阿三庶雁行。阿二延耀。尙兄事。何時續栽花。吾當日三至。

弟原吉兒子飴孫

里中誰最憶。我憶卷施谷。拔心不死人。時來谷中宿。谷中有羣書。谷中有嘉木。主人出門去。書好無人讀。花紅上斗拱。草綠出垣腹。賴有主人兒。時來埋書篋。稍移礙籬燕。時剪出墻竹。昨宵家問至。北上期亦卜。愁無束裝具。典卻里中屋。一書寄令弟。一書示伯孫。此谷不入券。爲吾鎖重門。

自題城東訪月圖

余家清暉橋。距城東門不三十步。出城古寺五六。排比而立。寺後爲晉陵縣故址。廣場數百畝。幽人三兩家。余每晚食後。必一詣其處。半里之內。鳥之有巢。花之有名者。莫不與余相識。卽風雨夕不能至。夢亦詣焉。庚戌歲歲將北行。友人錢明府竹初。畢上舍蕉鹿。爲合作城東訪月圖。遂係以詩云爾。

月初三。至初九。一日一回城外走。十三以後人不閒。人靜月好更先闌。徹夜不遣城門關。月過二十看星出。乘殘月歸更欲絕。人言我愛月如癡。不識城東月尤潔。城東有白墔。城東有紅橋。橋痕下欲枕蘋蘩。槍影上直干雲霄。迎春堂北東西路。一草一花都識數。匝月能來二十回。繞堤何止三千步。三松一客靜淹留。復有危巢結四周。好寄吟魂與烏鵲。夜深隨月上城頭。

張進士若采梅屋讀書圖

築室高丈餘。鑿楹深尺一。我愛一屋中。書外無長物。無心種桃李。無心種桑麻。我愛一屋旁。梅外無餘花。書牕只向梅邊拓。果熟好從書上落。長身如玉忽然來。不是主人疑是鶴。

送莊通判所至漢陰新任

太乙從西來。終南向東轉。我前甚羨君。十宰山水縣。君歷宰鄆鄆宜居蓋屋富平長安高觀潭上銘。牛頭

寺中詩。君前亦羨我。五醉桃李時。花枝歷亂山南路。紅欲上天雲。轉妬君從山縣。偶然來。一路尋花入章

杜。黃河西岸渭水隈。我頃亦復騎驢來。時余皆曾至其署中君家令子亦好友。十日留飲三千杯。仙遊壇

北風飄瓦。君坐藍輿我騎馬。意外孫郎手重把。慈恩塔下日炙軒。君摹石刻我上巔。拍手尚有婁江錢。謂

獻之。尚書賓從居然異。醉裏後先升上第。萬條紅獨百篇詩。贏得人傳杜書記。識君已卅載。別君又五年。

重陽風日正晴好。相與共話金臺邊。治中別駕今何有。五十才名作通守。鄂杜山田買不成。全家更進窰

斜口。離筵重傍菊花開。適有尚書信使回。畢竟梁園賓客好。如今視草用郗枚。

吳布衣蓬癡寄示紙仿秦漢瓦當爲題二絕

陶泥作瓦形難古。近西安陶者能燒瓦爛紙爲泥法轉良。總是劫灰燒不盡。有人閒裏仿阿房。

應共錢獻之程翥齊作雅遊。青門西去曲江頭。蠻牋十樣如分寄。君定能成五鳳樓。

送李同年廣芸赴任浙江

上章閣茂歲。科舉由萬壽。我方登岱宗。三月乃北首。遊山筆殊健。得逐衆賢後。同舉一百人。于君契尤厚。

君才富詞藻。早復窮篆籀。閣中萬言策。兩策蒙進奏。春官遲錫譏。新例試當授。光明殿東西。賢良門左右。

聖人親試士。如漢策孝秀。衆中君最捷。一卷成正畫。引見來御園。麻衣改紳綬。人才較清拔。竟以民社授。官由楚改越。以親老改近。母老欲遷就。十月始出都。風號雪花驟。同袍凡八輩。執道旁候。疲馬出北門。依然學寒瘦。阿翁循吏傳。君尊人亦以進士。宰江西有忠政。車上可尋究。努力報最先。無徒事琛賧。輜軒倘重到。舊侶可全覩。郎官改祕閣。此例亦有舊。二十有七人。今歲家恩入館。者共二十七人。待子成列宿。

王大令復自汴中來遊同人小集借陰秉燭山房羅布衣聘作圖紀事是日并送儲明經潤書南歸分韻得租字

有客歸何急。疑收陽羨租。似君來正好。還挈朗陵厨。官滿趨金闕。春濃買玉壺。朝衣吾幸典。衫笠入斯圖。十五夜對月獨坐有懷里中舊遊

獨酌一樽酒。合情上小樓。故人難會面。明月卻當頭。隻影長廊入。清輝滿鏡收。誰云天上好。今夜不勝愁。送萬大令應馨之官廣東

謫仙樓頭乍相揖。君年三十我二十。初識君在朱竹君先生節署下。所云高顯張黃皆署中客也。平山堂外飄長裾。君年四十我有鬚。

廿年歲月真如駛。高東井願文子。張方海黃此中死。即今海內論心交。汪子劍潭憔悴孫郎淵如豪。馬蹄亂踏長安市。前後與君成進士。若論位置殊可商。君爲外吏我漫郎。一官遙遙六千里。三月仍難具行李。撞饑馬瘦住不安。我轉質衣謀爾餐。孫郎汪子交終厚。日揭破車門外走。窮冬行色略已成。此時送君須

出城崇文門前別不足。更借宣南坊裏宿。故人有子稱能文。謂仲則子昨歲主我今依君。君不見貧交生死原非偶。此子年來況無母。君先令讀等身書。我爲故人兒娶婦。

錢同年福胙乞假南回書此送別

君歸我何憶。我憶西湖水。飲水亦已香。水中菱更美。湖中誰最憶。我憶裏湖魚。小鱉雙蓬艇。時來五柳居。湖頭誰最憶。我憶山陰酒。一葉載百罇。千錢沽十斗。湖邊誰最憶。我憶上山茶。煎向深甌內。如開數朶花。預想君歸時。食單先出宅。烹魚水要鮮。醒酒茶先摘。此時卻憶金臺人。無米飽飯天街塵。人生快意當有日。君倘能來我應出。

崔公子景僞竹樓圖

竹綠參天筍亦抽。偶然竹裏有高樓。不知樓上人何處。我欲打窗尋不休。

三尺寒檠七尺牀。阿三曾共捉迷藏。謂令兄景侃落來畫裏還相識。爲我窗西補夕陽。

袁安臥雪圖爲王太守嵩高作

屋頭無炊烟。門外一丈雪。此時屋中人。已恐不能活。永平及永元。三世弼天子。此時屋中人。如何邊能閉。門一臥歷一時。門外雪深殊不知。洛陽縣令來何巧。從事汝南饑欲倒。門外雪花飛入窻。從茲舉足一出門。衣被四海皆陽春。眼前高臥匪無意。預想俗敝當遠醇。君不見丈夫一世歸懷抱。有事日多無事少。

卽論無事亦須眠。那得閒心訪安道。

三月廿五日小病初愈至法源寺看花適得崔三景侃書卻寄

剩得韶光有幾時。病餘端不負花枝。商量欲把春衫典。又值微寒颺雨絲。
幾日人閒蝶卻忙。引人花底款遊廊。傷春正憶昨年事。迎面一枝紅海棠。
冥蒙花外語呢喃。燕子真同佛一龕。千尺綠陰吹不斷。粉紅牆北是江南。
鶯鶯燕燕可憐春。乍款花枝乍款人。無數亂紅飛上柳。更疑楊柳是花身。
一春心事費商量。欲趁春陰夢幾場。花上曉星花底露。分明著眼看年光。
春盡傷心抵歲除。江南別後意何如。丁香花底憎臙醉。卻展崔三二月書。
五月初三日偶成

蜀葵如錦粲籬根。檐雨初添屋漏痕。新月乍來簾正捲。槐花落盡不開門。

五日憶白雲溪競渡作示兒輩兼寄錢三趙大里中

黍稷菰蒲酒泛芸。薄醺閒話小兒羣。江鄉四月饒新雨。樓閣三時盡白雲。
溪果作紅偏礙帽。岸波搖綠欲煎裙。誰憐天上清如水。手擘桃符遠憶君。

送丁二履端南歸

白雲溪水向東流。我住南頭爾北頭。小市酒帘頻夜飲。斷橋蠟屐共春遊。場來天上愁無盡。卻恁人前罵不休。屈作宰官原可惜。時擬借崔陵亭太守至荊州。以教習期滿。以知縣用而止也。應差勝客荊州。

法學士式善招飲詩。並至西直門看荷花。卽席賦贈一首。

翰林近日詩名盛。遠有詩龜近詩境。翁聞學方綱額。其齋曰詩境。詩龜主人尤嗜詩。退直閉戶吟多時。

龍樓鳳閣森前後。尺五天邊住偏久。五經山色落墻頭。時有閒雲墮高柳。開門十頃荷花潭。邀我早日同

幽探。啓明星落已催駕。我本蓄意來詩龜。馬前遙遙兩紅燭。十里路中晨睡足。詩龜已到不索詩。舊讀主

人詩已熟。東頭詞宗百菊溪。百侍御。歸宗伯宅復連街西。錢侍三人分日操選政。時有滿洲四朝詩選。一室墨雨揮淋漓。

以詩存史誰能及。佚事多年苦撻輶。遺山已矣傳習亡。北斗以南惟此集。清談已竟還傳餐。飽食散步來

河干。城門正對御河口。萬柄荷葉風聲搏。官衢南北車如織。騎馬欲歸歸未得。青槐影裏晝初長。我亦玉

堂將入直。

七月初四日遊極樂寺看荷花分韻得看字

出西直門三里而近。有極樂寺焉。長河蔭前。高阜倚後。其東有國花堂。西有勺亭。皆城外之幽構也。梧門學士以偶日下直。徧招同人。飯于詩龜。接軫以往。車行者三里。舍車而徒。復二里。甫抵寺門。綠陰當空。赤日亭午。池荷東西。曾不百步。間以傑閣。繞之回廊。水氣升岸。結爲輕綃。林香入波。漾此晴采。于是

或暝坐巖側。或孤行竹中。或擊篋庭隅。或讀書塢側。堂高于垣者一尋。門低于砌者百級。重寮洞開。直視十里。負戴而來者。望之如鷗。乘軒而過者。擬之以艇。坡塘高低。岡阜回互。香氣拉雜。雲光降升。僂織繞砌。聲如碎琴。風蟬過枝。韻疑零鐸。遊藤綿延。上樹皆紫。細草芬郁。杼花必黃。乃蔽炎熇。爰開北窗。松露尚零。柏風成陣。家京國者。雖然有雲表之慕。宅南中者。又恍然有江鄉之思焉。林陰屢移。羽觴乍接。果則紅暈徑寸。與藏冰而共升。瓜則生黃滿盤。汲井華而并薦。陶令之槩。無說不攜。韋公之筵。適心而飲。相與商確。今古縱談。雅俗據石。命句臨流。作圖幽襟。旣抒勝賞。斯愜。又破曙而遊。薄暝始返。星河滿空。影乍曳乎籠燭。雷雨在後。勢忽掣于軒帷。此又晴晦出于一時。涼燠交于俄頃者焉。同遊者爲許封君兆桂。張運判道渥。李刑部鑾宣。何工部道生。吳明經方南。及梧門學士。與余凡七人。運判旣爲之圖。余因序其顛末云。時辛亥年七月初四日也。

長河萬柄紅荷花。匝月不來開已半。花枝似嫌河水窄。幾葉亭亭欲升岸。初陽入浦看難定。十里雲光自淩亂。寺門南下景最幽。可惜年時水波斷。田田葉瘦花枝悴。我欲重頰桔槔灌。新秋天意亦可知。雷雨急將新水換。別來花不忘前約。一朵迎人出橋畔。東西燕剪掠不停。惹得盤珠落無算。爲黃檗白來成陣。一見花如欲喚。花香深處朱樓好。檢點新涼放詩案。明朝無用騎馬來。盡取花枝卷中看。

送趙大令希璜之官夏邑卽題其三十二峯詩集後

昨來卸輕裝。今復馳急騎。牛腰詩卷行必偕。復恐人呼作塵吏。趙生三十詩名早。脫手羣公已傾倒。黃生謂仲租屋與對門。五夜疊誇詩句好。爾來十載官長安。君行入關我出關。終南太華昔皆歷。所恨背我遊梁山。搜奇剔勝狂如馬。好古如君亦應寡。摩天欲覓秦昭箭。掘地能尋漢宮瓦。山南山北行不休。官好到處容勾留。幾年頗喜善摘伏。一事可慙同摸邱。盤盤法物歸樽俎。奇字入詩詩愈古。我披三日手不停。可惜良朋已黃土。指仲歷官差喜名區多。昔傍陸海今黃河。譙城北去黍邱右。不日佇聽疲民歌。河流日夜奔馳速。此土年來亦非沃。故人一語欲規君。好破夜唵披案牘。

跋鐵宗伯保容臺詩卷後

梧門學士交何遲。乍見示我容臺詩。宗伯屬梧門學士轉示亮吉容臺詩名高北斗。三百二篇如一首。誰言官貴詩難

工。此卷半出雲霄中。西清南苑日趨侍。日月混漾天花紅。橫山北上溱陽道。眼底萬峯青不了。直廬夜半

忽朗唳。披地倚天長句好。琅邪參政劉向嘉禾翁。魏侍詩名海內歸秩宗。先生健筆復軒舉。要與冀北開

宗風。萬條紅燭聯官騎。正好同官有難弟。閩學玉河斜月午門鐘。馬上百篇成復易。我前讀公詩。今復隨

公遊。殿頭作賦公最賞。可許執筆從螭頭。君不見。丈夫事業垂區夏。豈僅曹劉與方駕。他時一品集編成。

我欲作文同鄭亞。

法學士式善山寺說詩圖

茅屋十數間。青松百餘樹。昔爲說法場。今作談詩處。說法祇了生死緣。不若說詩能使死者不朽。生者傳。倘同天釋較功德。一瞬萬古殊相懸。梧門學士才名勁。說法亦同僧入定。席前傾耳凡幾人。木佛都疑座旁聽。談深不知寺在山。高論往往通天關。指揮若假鐵如意。花雨欲落茅櫺間。詩窟左右詩如海。時近人詩

丹墨紛披幾年載。他時悟後忘語言。更有不傳詩法在。

送周同知世紹回西安

詩名官蹟廿年中。雅興高三十五同。君行二十五年故云。雙卽正堪膺上佐。百篇曾共賦東風。同官一輩憐亭長。錢之自號。因者亭長。時宜況甚苦。因爾連旬夢石公。君與報舍人石公交最厚。欲別更邀通夕飲。城頭殘月已如弓。

贈陳方伯淮

十年兩度謁行旌。叩閣皆逢失喜迎。殘雪曾蠲滋水驛。經秋風月武昌城。詩名早見題襟集。世澤欣承曳履聲。倘許從容話鄉里。鵝籠我本舊書生。

偶成

白露甫三日。闌干著意涼。偶然飛雨至。花亦點頭忙。

雨中答法學士見懷之作

重門三日雨。百鳥響俱寂。秋館渺無人。青苔夢行客。閉房夜難寐。矯首望城北。昏霧接半天。連林色如墨。

遙憐通德里。定閉草元宅。瓦燈紅一盞。砌草荒三尺。應有苦吟人。披牕檐漏滴。

卷施閣小集

秋樹脫一葉。素心來幾人。將以屐齒頻。補此閒庭春。閒亭立多時。一客入門喜。胡蝶亦翩翩。飛來客懷裏。斜陽條西頰。新月已在東。同心六七人。圍坐秋陰中。秋陰何離離。一棹傾未了。幸有石上藤。先扶醉人倒。屋南青梧桐。屋北雙株槐。諸君欲言歸。正好月滿街。

十三日張運判道澁招同人小集分韻得露字

長安路。花無邊。酒無數。醉中陶陶十年住。酒客家家識門戶。西風幾徧吹。酒人去何處。今朝花下飲。忽復思前度。主人愛客黃金富。何不先將酒人錢。長安路。人生行樂須及時。君不見。屋角殘星草頭露。

中秋日無月獨飲

中秋月一年無。一年有。有月卽出門。無時滯盃酒。離離雞冠花。短短鴨脚草。秋紅既傷心。秋綠如何好。秋雲吹黑入酒尊。長安比來無酒朋。坊南深冷一間屋。判與無月還無人。闌干影外初停雨。舞罷筵前小兒女。我有心情梁燕知。三更尙作將離語。

十六夜有月

幽人喜新晴。屋角看星影。巡廊才數武。圓月出西嶺。白雲東西飛不停。七里壇樹秋烟平。危樓驚起白蟻

蝠似曳正練空中行。天橋南北千家宅。萬瓦參差月光濕。柳絲如沐草垂珠。添得碧苔無限色。微風吹空
月流波。山翠落向城隅多。清輝入掌覺微膩。衣上似復傾銀河。歸來敝南軒。傾此一榼酒。三更靜後無一
人。卻喜戴頭惟北斗。北斗未落客不眠。一榼酒盡愁無錢。光明如此不須燭。卻把道書梯上讀。

卷施閣詩卷第十

祕閣研經集辛亥

南樓憶舊詩四十首并序

夫鳥以高爲巢。魚以深爲穴。居魚鳥之中者。人也。築基九層。而上爲之樓。則與鳥爭高矣。濬池十仞。而中爲之島。則與魚競深矣。然鳥啁啾而爲巢。使無矰繳之患。則終歲猶是也。魚屏營而爲穴。使非芳餌之誤。則畢世無易也。人則不然。飛狐落雁之嶺。八埏之險也。鳥所不能飛者。人或上之矣。奔霆浴日之區。九州之浸也。魚所不能歷者。人或過之矣。則夫陟險不已。將迷東西。揚帆倏來。杳無津涘。當此者。其亦有故巢之戀。在沼之思乎。南樓者。外王母隄。太孺人所居也。余以孤童。幼蒙鍾愛。年未毀齒。從母移居。姊越十齡。弟才匝歲。魯國男子。方驚毀巢。漢陽孤生。未歌窮鳥。由春徂冬。衣無單複之製。以夜繼日。瓶無逮晨之糧。筮筮焉。踽踽焉。蓋十五年于此焉。若夫雨龍竹馬。瓦狗泥車。探春燕于棟頭。捉秋蟲于徑裏。岡踏跳而將平。井投輒而欲滿。臨溪咒鴨。涉渚撈蝦。既兒戲之無方。亦童蒙之求我。此一時也。隨母梳頭之歲。從師識字之辰。烏焉混于一篇。蚯蚓登于半紙。藏書之篋。時匿意錢。衣帶之旁。私攜面具。同學則謝家阿買。送登則裴氏小奚。盼日影之不西。怨雞聲之太早。此一時也。至乃歲值元枵。門憐奇。

窘仲理則廚難耗鼠。史雲則釜欲生魚。井淘麥屑。反避知親。徑拾墮薪。偏逢長者。然而天青入牖。水綠周堂。秋月塞門。春花交砌。何嘗不破啼而四顧。擁絮以周遊。此一時也。又或蘇季上書。全家盡返。桓姬索米。半舫爰來。謂釋齊與氏及適楊氏從母中外則雙丁二到。不乏奇童。弟兄則朔未封胡。并饒道蘊。虛堂論史。鵠亦垂頭。側經讖詩。蟲來嚙躡。篙師南巷。雅乞書符。蠶妾北頭。偏多問字。此亦一時也。授徒北館。作贅東堂。卜商色養之時。買誼秀才之日。會稽僚壻。動色而見嚴生。陽元尊章。改顏而親劇子。鄰有束紉之饋。室無冥釜之聲。關竹徑而待賓。借柏堂而讌客。此又一時也。詩曰。維桑與梓。必恭敬止。又況螟蛉果贏之場。與松柏蒿蘿之所乎。此則明明如月。難忘在闔之辰。悠悠我思。無踰樹杞之里。遺聞傳于廝養。瑣事得于鄰童。畦栽赤莧。則滷上之蒼頭。穴識金鑲。則羊家之故媪。失簪楚國。墮履徐方。燕知春社之人。犬識衰門之客。延陵之劍。無封樹之堪懸。班惠之書。有篇題之可認。能無墮傷心之淚。鑿思舊之銘乎。又况臘頭社尾。上巳元宵。餅值春辰。餠名令節。楊柳半橋之月。芙蓉北市之燈。水增一尺。則已嚙閭門。樹密三重。則隱開樓扇。燭龍之首。與鳴尾競高。彩鷁之竿。與神燈並出。販脂鬻粥。擊鉢吹簫。莫不紛至沓來。風馳雨驟。此又晏嬰之宅。因近市而居奇。虞氏之樓。以臨街而角勝。標孝侯之風土。記荆楚之歲時。差可連類而書。削殘以奏者哉。詩四十篇。稿成。以寄巡檢二兄。上舍三兄。文學四弟。凡爲此者。亦所云寄魚鳥之思。今昔之感也。

沿溪樓閣枕南頭。溪水迢迢自北流。怪底近來鄉夢好。一句多半杏花樓。

余家自追賂先曾祖大同城工核減幫項田產悉入官至先君

子下世遂無乙棟可居

循廊三折入層梯。板屋居然判眇畦。不向大家樹索米。自泥新竈小樓西。

外王母以南樓四偏一間令太安人率余兄弟及三姊居之

學長也

七齡入學感孤兒。逃塾先教都講職。燈下國風還課讀。始知阿母勝嚴師。

余七齡附學貧君舅氏書塾則師爲樞牧先生外兄筆新則

亦同寄修脯歸供匱乏

婉轉隨娘識百髮。貧家照水亦梳頭。不知梁燕緣何事。卻怪春人懶下樓。

此言諸姊隨太安人作苦終歲不下樓也

三月青黃不接時。燕南書札寄歸遲。朝來欲糴桃花米。已報租船到水湄。

外租母田不兩百食指浩繁每及缺乏時素園舅氏館于京師

時多惟結臘乃回

一年多半住江邨。饋歲匆匆入里門。不待郡城元日到。江船先已送河豚。

此謂素園舅氏妻楊孺人江陰楊文定名時猶女也一歲歸寧

十齡左右謝家甥。孤露偏憐身長成。縮得一般雙角髻。家家戶戶拜新正。

侍郎宗派號東莊。愛女先教住近坊。便了作奴如願婢。有人分口饋羹湯。此謂適莊氏從母事外。王母最孝當分日饋羹。

西頭阿姊慣旬留。小極扶梯不上樓。約得走橋諸女伴。背八月午更梳頭。

天中節後賽神多。十六雲車次第過。剛是卷簾迎面看。水嬉又報進城河。吾鄉雲車相傳陪司徒陳果仁守城時所創。今司徒誕日及羹

神皆設之城內外。十六坊故數亦十六。

迎門西去徑欹斜。曲曲房廊被柳遮。一尺井闌涼沁骨。記曾團坐說人家。外家門西偏有井。最清冽。近間已涸矣。

清明過了又端陽。母不梳頭針綫忙。幾日斷餐緣底事。疊錢來買束修羊。吾鄉從師者。饋束修當以清。明端午九日及歲除為四節。

衆裏聰明百不如。學將新樣寫神茶。比鄰一半迎春帖。乞取蕭郎弱腕書。歲除前數日。陰溪三五小。家每將紅綵乞書春帖子。

久別都應見面生。相逢幾徧問年庚。早來阿母房前過。親切重聞喚小名。此指適河橋程氏姊。姊為孀。邱氏次女與余同庚。從宦京邸。

十年歸而問齒長幼故云。

江鄉豐歲景偏饒。親製連環小樣糕。一榼半丸三百顆。歲除筵上吃元宵。此指適楊氏從母居城東鄉。芳茂山下。歲除嘗饋外王母餅。及

粉丸外王母以分給諸孫。及余等粉丸俗名元宵。

走索人教細馬馱。十番纜了又秧歌。臨街樓上惜騰坐。要看魚龍徹夜過。樓前為縣學場。每春日百戲俱集。

問訊廚娘去不回。歸寧百徧使人催。五更枕上春波響。知是山橋艇子來。從母棹自接居後。隔一二歲始歸寧。外王母必遣人促之。始

至

樓前楊柳最依依。樓下人家試袂衣。那識清明好時節。滿樓胡蝶雜花飛。

雲溪清明的後風景尤勝

尋常不放到門邊。生小都憐疾病牽。記故廿三蓬縣考。小心囑上渡頭船。

此指十五歲時初寄籍陽湖。臨堂子試也。

連隴北出甌新添。疊日齋廚課米鹽。買得呂家新宅子。小房分住白雲尖。

露齋與氏山後從外祖文元遂徙居白雲尖。

新裁錦襖束當胸。競渡先將通浪衝。日午晏公祠外路。暖波初試小青龍。

香鄉競渡最盛以余所見不下十餘有金龍小金龍青龍小青色龍諸目。

龍白龍及五色龍諸目。

別開池館隔重牆。半種芙蓉半海棠。留得一方明月在。倩人涼夜捉迷藏。

此指從舅氏啓宸先生所居在南樓四個繞有花木余幼時常

與中表寅谷定安等嬉戲于此。

社公生日是來朝。已聽沿門畫鼓敲。今歲燭龍添九節。簇燈還插滿油菱。

元宵及社日並有龍燈。自王節至九節不等其灰燈之佳者浴

名諸池菱。

八字門偏路復叉。春陰曾不隔窗紗。冥濛添得墻頭黑。知是東鄰皂莢花。

此指從舅氏秀若先生所居在南樓東偏鄰有皂莢一株覆屋

常

塵土真疑欲汚人。尋常衆裏亦嫌身。蓬門一例先教鎖。明日高齋會六親。

自移居後外家有大燕集。太安人常綸余兄弟于室中不令出。

一條幽徑幾家通。徑轉偏憐曲似弓。攜得紙燈何處去。石榴廳北捉秋蟲。

外家東廳側有長巷一條門凡三四從外祖永嘉及從舅氏于

橫先生等並宅瑪石
橫即從男氏居也

銀泥榻子粉紅墻。蛺蝶遊蜂爾許忙。一陣暖風初過處。百花齊撲曬衣場。南樓後有隙地一區為諸宅曬衣之所
纔過中元又下元。賽神簫鼓巷頭喧。年來臺閣多新樣。都插宮花扮杏園。賽神會中每用七八人扛一臺上扮金元院本諸故事名曰臺閣

手簡先蒙羣從招。郭東明日合登高。晚來乳媪床頭說。好吃倪家九日饅。南樓外臨水有小家住宅三四其一日賣紅為梨倪姓即乳母王氏女

新來小婢勝樵青。識字依稀認一丁。乞與百番書紙仿。章郎十五擅書名。此指素園男氏自江西罷任回有浙婢名小丁最慧常給事書

一室如瓢枕水隈。綠楊影裏小門開。紙鸞脫手人驚散。卻值先生曳杖來。外家書塾名園書屋
昨宵短至飲梅漿。功課新添日影長。遠喜學堂人散早。初三新月上紅墻。南樓迤東即學宮寮垣

家姊妹于南樓守
月華恒至微曉

除夕初開燕喜筵。諸孫合隊拜床前。有心欲乞奇書讀。辭卻朝來押歲錢。歲除日選奇錢結百未賜小兒名押歲錢亦名百未
圓扉斜對禮門開。纔著檻衫馬已催。惹得比鄰皆注目。秀才初謁泮宮來。此余初補博士弟子員日也從

露滴新紅水染藍。兩重門裏試單衫。薺花撩亂春如海。記得年時三月三。注鄉諺云三月三。薺菜花兒單布衫。外祖母以乾陞丁亥十月晦日。只把聰明譽。說將孤露便聲吞。紗帷寂莫庭花死。垂淚頻過通德門。下世不數年。樓前杏花亦萎。

題張同年問陶詩卷

同輩二三子。詩各有所優。或優春夏氣。亦或優于秋。惟君一卷詩。盡把秋氣收。讀詩亦不同。候有昏與風。或當曉疎星。或欲秉明燭。惟君一卷詩。宜剪秋燈讀。昨攜君詩歸。氣候已迫冬。儻然一室居。四面皆秋蟲。又疑秋鳥鳴。嚶嚶滿塞空。此聲非出砌。此聲非出籠。有聲亦無聲。均出詩卷中。秋燈乍滅。還乍明。時復朗誦時孤行。思君此意不可得。無乃造物賦爾偏多情。燕臺住十旬。蜀道遠千里。思親兼念友。悵悵何能已。我欲借春氣。生君十指間。方君作詩時。桃李皆開顏。迨余讀詩日。花色猶斑斕。然後登君堂。飲君酒。我狂可百樽。君捷亦千首。謫仙和仲人。二公皆蜀故云。並庶幾。若說今人已無偶。

附原贈作

張問陶

翰林曾未遇。名高神采王。歌聲塞寰瀛。筆與嶽瀆抗。今春同拜官。識面巒坡上。示我紀遊詩。雙眸豁層障。墨雲騰十指。一往但奔放。崧嶽想嶽崧。江湖寫滄曠。眼前真質語。入手見奇勗。五字作長城。驪壇躡名將。我生齊楚間。望古心無讓。衣染泰山雲。帆迴洞庭浪。年來苦餓走。轉喜遊蹤暢。足跡半人寰。舟車隨所向。夢中窺海日。愁外看雲嶂。方域所區分。鶯花亦殊狀。方知詩律難。一得終無當。小技具神工。乾

坤歸醞釀。軒然讀大作。一片官音亮。萬象羅心胸。此才胡可量。詩人遇不窮。名士語何妄。努力頌昇平。殷勤副時望。

長至前一夕。久坐待張同年。不至兼懷里中舊。遊拉雜書畢不覺破曉。

三更正懷人。一馬嘶過巷。失喜自啓門。正與馬鞭撞。馬鞭東指客面生。孟浪客前還致聲。入門無聊出門走。更向街西市春酒。歸來風葉隨打門。打門豈驚欲聾人。撞癡貪眠客食起。十二曲闌行不已。隨闌一曲酒一盃。靜若主客相追陪。青天淡淡雲如掃。月光畢竟江南好。金波樓閣紅闌橋。去年此月還此宵。相思不獨人如鶴。兼有野梅初破萼。梅枝開落未一年。轉眼客路成三千。人燒銀燭朝天早。我典金貂猶醉倒。坊南遠客期不來。不覺一窗先白曉。君不見。我居咫尺郊壇中。壇外雲氣升如龍。更殘烏鷲不敢東。天子今夜居齋宮。

附

張問陶

臘月十三日。與朱習之。石竹堂。錢處夫飲酒。半夜忽有作道士裝者。影門掩入。視之。則洪稚存也。相與痛飲達旦。明日作詩一首。分致四君。同博一笑。

勝侶偶然合。何妨一舉杯。南隣朱老聲如雷。大呼僮僕無遲回。曼卿亦復隱于酒。錢郎爭勝推狂吼。閉門歡笑儼一家。掃除賸客如揮帚。回看好月來窗下。更洗清樽同卜夜。肴盡將擒寺狗烹。壺傾又向鄰

僧借客貧歲暮時搔首。豈不懷歸愛吾友。任他風折響三更。密坐談心還執手。何處微風入。開簾若有
人。羊裘鹿履五柳山。莊嚴妙相如天神。大叫取酒來。四座皆逡巡。疑是唐朝酒人李太白。不然定是荷
鑄所埋劉伯倫。尾漏之神或大笑。公等無鑿混沌之七竅。樽有餘瀝且澆之。乾坤浩浩知爲誰。吁嗟乎。
乾坤浩浩知爲誰。醉中各化飛雲飛。

十二月初三日雪霽邀同年張問陶顧王霖過飲醉後作

樽東半畝園。雪積難置足。客來門亦銷。護此一庭玉。高低枝上白。萬條愛惜不遺兒。童搖今宵卻初三。新
月出墻腹。峨眉山下人。閒來訪庭竹。掃此枝上雪。迸作盃中春。冷飲亦可堪。胸次饒春溫。閒中富貴誰能
有。白玉黃金合成酒。屏除重僕不入門。行酒卻驅坐上賓。公榮不飲亦殊苦。罰作怪禽筵上舞。墻陰一尺
掃不開。醉便埋此何須回。一層銀燭輝。一層新月影。樹頭屋角看更奇。倒射清光百餘頃。主人不送客亦
行。脫略酒後皆呼名。來時衣上黃。去時衣上碧。來乘斜陽去月色。君不見。人奇馬亦清。到骨嚼我海棠枝
上雪。

附同作

張問陶

臘月初三。雪後拉容堂就禪存飲酒。醉後酣臥雪中。不知何以遂至松筠禪院。五更酒醒。見案上有朱
習之方茶山名剌。僮云。此二公者。昨日戌時過訪。坐此室中。談笑久之乃去。主人不知也。因細詢昨日

事。僮云。主人在雪裏時。但聞洪顧二公呼李太白。主人在床上時。但聞朱方二公叫劉伯倫而已。

賓主威儀一笑空。酒杯嵌入雪當中。大家伏地同牛飲。直有無懷已上風。錦衣玉帶雪中眠。醉後詩魂欲上天。十二萬年無此樂。大呼前輩李青蓮。

何人負我入輕車。混把空門當敝廬。寄語鄰僧須看樣。非仙非佛是真如。上帝敲門也不開。偶然醉死亂書堆。比鄰二妙真多事。悄入遊仙夢裏來。

張同年將乞假歸蜀醉後作兩生行送之

一生居坊南。一生住坊北。車聲馬聲不得停。十里路中常若織。我馬見君馬鳴聲。一何高。君僮與我僮。望著手卽招。我來時多子來少。馬繫寺門僮醉倒。青天如磨旋不休。醉裏有時來打頭。心癡直欲走天外。下瞰日月方開眸。朝沽三升葶盈斗。吸盡東西兩坊酒。朝衣典盡百不憂。尙有身上青羔裘。一生皇然開笑口。那著酒錢街上走。一生無聊想更奇。酒盡伏砥壚邊泥。有時忽下牀。有時忽出門。人來雪裏衣盡白。疑是送酒柴桑人。幕天席地原無礙。十萬人中兩人醉。醉中分手亦不辭。淚墮黃公酒壚內。君不見。長安莫復輕酒人。酒人腹裏饒經綸。容卿百輩等閑事。爛醉尙復噓陽春。一篇我作臨行曲。馬帶離聲僮欲哭。從此長安少一生。酒星只照南頭屋。

附同作

張問陶

讀君兩生行。涕笑一時作。黑夜關門讀不休。打窗奇鬼爭來擾。懷詩急走心茫然。遠登雲棧如登天。人言彼土卽吾土。藏詩可以經千年。我方欲西行。一星墮我前。戴罽衣。纓佩龍勺。俗客驚駭疑眞仙。莫驚鬼奪詩。我爲公呵譏。且復立斯須。和此好詩去。是時下界冬已殘。風狂雪虐天漫漫。一生牽衣愁欲絕。一生和詩嘔出血。城南萬柳禿無枝。天詔酒星縮離別。重讀兩生行。如見兩生情。一若吾語。大痛難爲唐。翩然一躍入杯底。繞地萬人呼不起。生瑜生亮偏同時。萬古之名今已矣。酒星抱月來。擲入兩生杯。兩生驚起糟邱臺。歡呼轟作降冬雷。忽聞門外征馬語。兩童泣下紛如雨。馬聲高朗童聲俯。似訴兩生離別苦。一生聞之悲。一生聞之喜。兩生悲喜人不知。天外浮雲地中水。君不見。開天盤古氏。其情最可憐。九州莽莽無人烟。獨坐獨行一萬年。又不見。高眞之居亦孤寂。舉酒招人人不曠。九天費盡百神謀。僅奪唐朝一長吉。兩生把盞同軒眉。居然日日相追隨。一生偶送一生去。臨期何必吞聲悲。我馬莫憐君馬獨。君僮莫向我童哭。雲天萬里好聯吟。共把長空當詩屋。

再送張同年一律

更從何處別。且復上高樓。一世眞遊戲。三旬偶滯留。已超生死劫。難破古今愁。何日青天外。同君一舉頭。

附同作

張問陶

吸盡都城酒萬杯。此行原不算空回。眼前醉語天收去。別後詩情夢補來。小住談心孤月滿。狂呼拍馬

亂山關。思君他日書千紙。定向蛾眉頂上裁。

小除日仿唐賈島例與張同年問陶祭一歲所作詩並屬王文學澤爲作圖各係以詩

君詩四百篇。我詩六十首。君詩苦多我苦少。差喜流傳同不朽。我年二十登詞場。接詠已有橋西黃。仲則晏公祠內祭詩處。一屋神鬼皆憎狂。生年三十尤奇肆。是日孫郎號同志。筆壓南山白額愁。挺鋒復把生龍試。燕秦楚趙遊何壯。所不能臻祇天上。風月千場酒萬場。醉中歲月偏奔放。爾來四十氣已降。筆陣敢翻今無雙。異才爾復出西蜀。百斛龍鼎邀同扛。前年同客龜山左。我不知君子知我。直待蓬山頂上行。相知一世方能果。我詩與君詩。識者不能別。雖然我自知。與爾陳一一。長江一萬里。先瀉君門前。若論飲水源。我較輸君先。一年三百日日有昏曉。若量日出時。我比君家早。君如吸盡江水源。使我門外朝夕無奔湍。我如繫住西馳日。令爾屋頭終古長如漆。我放白日西。爾蹴江水東。高高下下總無極。與爾分半填心骨。爾筆何處架。青城與蛾眉。我硯何所支。黃山與天台。天公夜半笑口開。餘子位置茶難哉。此時一瓣香。鼻入九霄碧。惹得千家與萬家。如椽紅燭都無色。君不見。黃郎黃郎已前死。不及見君詩百紙。孫郎雖狂一字無。見爾亦作奇人呼。今宵約不來。苦說有官事。坊西令我走不休。欲把閑人作陪祭。醉中一客爲作圖。更遣一客題分書。時米同年交翰適至君不見。門前車轍痛掃除。分付鬱壘同神茶。今夜俗客不許來催租。

送張同年問陶乞假歸蜀并序

乾隆五十六年歲在辛亥二月朔日同歲生張君問陶乞假歸蜀其父洪亮吉采玉田之蔬挈山陰之尊送之于國西門曰足下家居遂寧婦留成都。君子遠宦已傷親心。勳臣忤秦復悲身計。然則足下辭金門而南邁。並亦日以西馳勞乎此行。蓋非能已。仍復迂道。寄洛戒途。雍梁爰謀。襄糧並訪親舊。西嶽道士留之而不能。東方細君隨之而共反。百武之外。弱弟出迎。一門之中。密親咸萃。解笏金而貯案。被采服以娛親。雖嚴生告歸。相如乘傳。不是過也。又足下宰相四世孫也。葛侯冢畔。八百之株尙存。召公祠旁。一隅之宅能割。谿茶可采。則病婦攜筐。山笥欲抽。則衰年補徑。秋原半頃。稅給于王官。春韭一畦。食供于家老。而且煮米作糲。春麥爲鹽。以資餘人。或給耕者。甫生之饋。等愛于孩提。頻來之燕。視同于親故。則亦物我均適。心形兩忘者焉。又泥蠶經禽演。不乏奇書。蛤港贏田。別開精舍。臘頭宴客。社尾迎神。朝衫忽著。則鄰里詫觀。縣令偶來。則牛羊驚竄。南軒旣闢。北牖時閒。果落枕前。花開鏡裏。一林百樹。招鷓辭雅。雙澗疊波。留魴放鱧。若是者。采其吉語。娛我眉梨。懲彼殺機。戒茲子弟。播三田之種。開七巡觀。廣七月之章。房中屬和。未嘗不集吉門之慶。極幽居之致焉。定省之暇。時而出遊。則峨眉當其前。青城出其後。大江流其左。資水徑其西。解角之鹿。可施鞍橋。浮鼻之牛。以當舟楫。餐雲欲曙之嶺。采藥斜陽之洲。團蕉數尺。非佞佛而可跌。危梯百層。不學仙而亦往。閑防疾厄。時覽方書。偶有篇題。緘之經藏。此則金門大隱。不止平原。玉笥真人。復來宏景。若夫僕與足下之交道。又可言焉。僕處鳩音之里。君居

吠日之方。蛩距之合。無由牛馬之風不及。乃闕前一覩。忽若素知。飲中百篇。愛同前哲。顧性嗜釋氏。敢修前因。亦鄙道流。詎云緣法。靜言思之。迨卽吾儒之所謂如舊相識乎。夫卅年成世。足下旣近之。僕則又過半矣。俯仰一身。離合萬里。常恐百年交道不盡。然精氣不散。當成神明。風車電帷來往不絕。則僕與足下。又何慮哉。又何慮哉。自此之別。一日之內。僕眺朝陽。君眺夕采。一江之流。君飲水源。我飲波末。則亦何嘗有須臾之間。遠近之殊哉。保齋神理。時時讀書。簡牘不詳。悉之于夢。亮吉頓首頓首。

城南初日照高樓。樓下勞勞僕馬愁。此日別君須握手。古人見爾尙低頭。交同北郭推三世。學許東方記十洲。竟欲上天留不住。夢魂隨過古安州。

附留別詩

張問陶

離筵相新別情多。曾與羣仙會大羅。半世心交偏得爾。十年詞筆偶登科。堅持壁壘爭詩律。亂擲尊罍開酒麴。忽送孤鴻天際去。月明千里意如何。

年年奔走逐風塵。又對春明折柳人。蓋篋隨身千管秃。鶉衣銜雪一童貧。山中酒熟還家好。雲外心閒得句真。肯學長卿西去日。高車駟馬嚇鄉鄰。

一椽破屋寄三川。累我西行欲上天。十萬峯巒生足下。尋常雲月在眉前。花時泥飲從田父。雪夜狂歌理釣船。只恐重來忘禮數。倒持手版謁同年。

小僮輕車出鳳城。東風煖到子規聲。一官偶得常疑夢。萬里能歸豈好名。細詠白華真樂事。便言畫錦亦人情。迴鞭忽下憐才淚。八百孤寒羨此行。

袁大令枚病中。以自挽詩索和。率賦一篇寄呈。

我生爲鮮民。逮養苦未果。孤真同孟陋。名合作楊軻。雖然檢此身。欲死尙不可。唯公丈人行。早結文字緣。事勳與文章。一一喜可傳。卽論委蛻期。事亦須推袁。幸公未死時。我欲代公述。二十膺志初。七十著書畢。若論文福兼。公可死者一。早年預清班。繼復作循吏。風謠至今留。俎豆尙可冀。若論位望亨。公可死者二。君卿取十妻。諸葛得二男。身如柏枝強。境若蔗尾甘。若論居處優。公可死者三。十洲縱未遊。五嶽已畢至。黃山武夷間。垂老游復肆。若論山水緣。公可死者四。拾遺踏耒陽。供奉隕江澗。昌黎不攝生。和仲備疾苦。若論年命豐。公可死者五。中書廿四考。方鎮四十年。汾陽處危疑。長沙疾絲延。身命匪不達。得不償失焉。何如公致身。半世臥巖谷。入門與出門。偃仰無不足。若論心志舒。可死不止六。世凡號爲儒。家置公一編。上者師公文。次學公詩篇。下逮決科策。誦之口流涎。公名曷嘗知。公貌僮媪識。或疑天上人。或引作前哲。寧知公尙在。年僅七十七。如此復不死。寧能望神仙。勢必神采離。形作塊壘牽。與其臥閨闈。曷若墟塚間。顏公自爲銘。陶令自作詩。頗怪同輩中。一一不和之。逮公始創例。徧索執紼詞。我謂果愛公。生并致脯奠。及公能飲食。一切口嘗徧。庖人出新意。尙可令公羨。又公在地上。說鬼不肯休。恐歸地下時。萬鬼聲啾啾。

蓄憾既已深。瓦礫伺間投。公其見夢余。聊可助一臂。公雖塊然亡。我尙有生氣。鬼車與鬼馬。辟易一萬騎。公今雖自挽。我更欲速公。公如讀之竟。大笑聲隆隆。當嘉此狂生。交道有始終。

袁大令以辛亥除日復作告存詩七首索和戲加二絕奉答

赴書昨日過江東。消息傳來總不同。我信戴逵無死法。越中名士勝吳中。時誤傳錢少宗伯載赴書至京

儻來勳業那堪論。絲竹東山道自尊。卻見白鷄原不礙。故應久占謝公墩。

已抵紅塵一百齡。名山五十載韜形。如何更展人間限。天上多應妒歲星。

告存纔接七篇詩。此語賓朋喜可知。誰識仙山樓閣裏。有人望眼欲穿時。

準擬銘旌已欲題。無端白日忽回西。生天成佛都應後。莫晒精廬孟會稽。

耆舊居然歷輩羣。老來心力著書勤。十分彭祖當時壽。卻愧公還未一分。

人嫌不及此偏過。恐是神仙受折磨。謫籍至今填未滿。周妻何肉累公多。

名山咫尺好攀躋。趁此春江綠欲迷。畢竟太真年命脆。請公來日試然犀。

脫手新詩衆競鈔。豐干莫怪舌偏饒。兩篇多作非無意。先代巫咸賦九招。

里中十二月詞

辛亥小除夕。避債沙河門側。因憶里中舊遊。及諸勝事。爰成十二月詞十二首。

西瀛里畔人聲沸。翠色染天紅蓋地。排門剝粉書豐年。屋後水扉燈影連。橋上入橋下艇。不斷櫓聲兼帽影。東迎邠水西接城。夾河祇聞爆竹聲。料量香燭南街口。共向喜神方上走。元宵節近當出遊。卻喜客歲晴中秋。吾鄉四瀛里中爲百貨叢集之所。臨河一帶牛皆染坊。屋上飛竿插天。大率皆曝布。廊也。除夕爆竹聲尤盛。請朝紅綠紙。種地常至寸許。又里諺云。中秋雨打上元燈。若隔歲中秋晴。則元夕月必大好。以此爲驗。

右正月

神祠明日鏡花笑。屈指社公生日到。龍燈九節菱滿池。就近還參各神廟。後街絲管聲沸天。鏡影直接斜橋邊。衣香隊裏春雲熱。謁廟仍須夜深出。燈光疎處穿市過。社公不拜拜社婆。延回只說歸塗枉。朱雀橋邊水聲響。笑指鄰家姊妹言。百花生日還相訪。里中近年尤重社公生日。燈火較元宵更盛。城內外社公徹夜不絕。傾城士女皆于更定後出遊。朱雀橋在玉梅橋東。過橋卽楊氏園亭也。

右二月

二月二過三月三。薺花黃徧穿單衫。單衫何處尋春好。先踏艤舟亭畔草。紅梅開接迎春堂。一路草香花亦香。紅牆缺處危樓突。正好滿塘春水活。賣花擔子不得停。昨日寒食今清明。花間古廟門開早。一片香烟接花鼻。傾城人出不遑歸。緩步卻從城北回。君不見。興闌欲訪閒桃李。卻惜山莊前已圯。里諺云。三月單布衫。織舟空紅梅。開迎春堂。皆在城東。距城北三里。有青山莊。爲前明吳氏別墅。林壑之勝。甲于郡中。雍正中。張布政。適居之後。籍入官爲里中富民。所有乾隆三十一年。其家中落。遂拆以飲。迎今久鞠爲

黃草

右三月

玫瑰花香一城嬾。數起數眠天不晚。城勢北去竟午涼。柳線亂將行客綰。鱒魚上市值萬錢。山筍轉嫩櫻桃鮮。微泉開枕緩雲閣。商略欲啓茶蔭筵。廉纖梅雨纔經夕。已報江波入三尺。趙家樓上望欲驚。畫舫卻與樓窗平。出東門至天寧寺後有曲巷一條名城對中納涼所也微泉閣在縣學西侍御史並玉虬別業今歸趙氏綬雲閣在雲滅東舊屬呂氏今圯

右四月

桅工昨日支關鈔。迓得龍頭出神廟。龍身沉處奠酒肴。頃刻龍尾波心搖。六龍城古龍舟七。城北東西接方色。一層彩纈燈一層。水面徑看高百尺。晏公祠外臨河潏。朔日先聞賽神鼓。三元高閣颺錦標。聯尾北出迎春橋。飛竿快槳都成隊。船上樓中卷簾對。打招要取波面寬。一舸前呼百船退。雲溪半里樓接天。一河鐙光人不眠。龍頭纒過看龍尾。四面十番絃索起。洞庭楊梅甜不酸。更有盧橋堆成盤。舵樓吳姬約早餐。港口昨到江魚船。每歲競渡時一龍舟例支綵雲閣稅銀十餘兩常州城有六門舊號六龍城余所見底而以龍頭繞廟中至用時乃迎取焉晏公祠三元閣皆在雲溪

右五月

萬花開後園林老。日永如年客來少。銀衫斗笠思出遊。城北水上多危樓。窗櫺豁處天光現。十頃荷香撲撲

人面東西兩水夾寺門。水綠欲把門扉吞。紅闌幾曲生林杪。屋古似巢僧若鳥。閒僧喚客客不應。小艇出市前溪淺。晚涼莫向閒街走。九栢山房門新酒。城北放生苑內外有池寬至十數頃荷花甚盛苑南即元處士謝應芳祠祠後有樓甚涼飲又西行數十步即楊蓮山房也。

右六月

七月七日侵曉妝。牛郎廟中燒股香。回塗更把裙衫整。織女橋邊窈窕影。彎彎新月看至圓。結伴好上臨河船。東塘北岸人爭覩。倚艇低頭放鏡去。今年鏡樣人更誇。飄出萬朵紅荷花。年年歲歲祈無疾。自信今宵鬼緣結。君不見東家女兒結束工。染得指甲如花紅。斜簪茉莉作旛勝。鬢影過處饒香風。又不見西家女兒還未嫁。閉戶挑燈坐深夜。神鏡社火總不看。獨望銀河占米價。北門外十里有牛郎廟旁一木橋俗名爲織女橋中元日土俗普放河鏡又多市楮幣于深夜燒之名結鬼緣七夕前後天河隱不見者常十數日吳俗以日數之多寡驗米價貴賤多不爽

右七月

十三月如元宵。十四十五光尤饒。兼霞莊來仙莊。更有蘆野菱堪嘗。歸來樓上開扉望。正見光從海門上。江波濯月月更涼。千戶萬戶堆新霜。層樓影向三更直。高下棧棧瓦檐濕。更殘女伴出走橋。行過八字剛三條。顏顏難卻鄰姬請。更走烏衣及紅杏。莊家燈謎猜不完。曲巷更有花鏡看。打十番。跳百索。攔路復看飛鼠落。兜鞋纔了復墮斂。南街怯行行北街。君不見團團明月方迎面。一入采棚天不見。兼葭來鶴二莊桂花發盛蘆墅

在北門外西庚戌莊產菱尤佳八字橋在城東與紅橋及元豐橋相對烏衣紅杏二橋名在郭溪上近年中秋燈盛行已西庚戌莊公子達吉在里門延名士十數人尊司其事以是所製尤膾炙人口中秋前二日恭值萬壽聖節居民皆結采爲棚張燈至五晝夜大街及西瀛里尤盛

右八月

中秋說餅辰重九題糕節汪三湯餅倪婆糕卻與饕九作三絕出門衣袂多北風偏向南郭聽齋鐘再轉
 辭寺來城東驚聞天半人聲雜一郡人登七層塔攔門一客索一錢鼓勢直上浮屠巔窗櫺八扇迷方向
 咳吐皆飛鳥巢上前行如挽後若推足底復有人頭來飛梯盡處波如鏡坐久蒲團始神定閒尋菊種來
 僧房更借茗澆詩腸歸途忽見紅燈籠禮斗筵前夜焚錄雲漢倪婆製糕葛仙橋汪三製餅皆舊有名
 外九月中秋香會頗盛自城南至東郭必出崇慶寺前太平寺在東郭有塔七層爲九月登高處里中人常以九月禮斗城東毘耶室塔隱山房皆禮斗壇

右九月

一花一草都無色黃葉砌邊堆數尺下元會好強出遊乍冷客亦披輕裘齋辰欲借笙歌暖排得雲車大
 街滿迎神曲好還送神香篆影裏回陽春馬山紫蟹螯鶴蕩青魚尾屈指消寒會當起舍南竹屋梅乍開
 掃室便已安尊疊趙君飽噉吳君飲更有蔣君工食品潁州酒政推嚴明不到四更杯不停君不見坐中
 有客歸何遽欲附租船上填去里中賽神以清明中元下元三節屆期城隍神皆詣北壇行禮出入儀從
 嚴舍南竹屋則余侍御吳氏舍也食品每出新意他人做之皆不及又香櫛屨臺以清明及十月

右十月

租船歸日盈筐載。精穀上倉粗入確。嚴寒料理及齋鹽。買得城南幾挑菜。花豬成隊羊一羣。冬至日前商祀神。蜡筵開處賓朋滿。紅燭壓簾行酒緩。清歌小部方上場。門外嫁女笙簫忙。君不見。東鄰贅壻仍開議。自說豐年百般便。連天爆竹西半城。一月不停歌吹聲。樂工醞醞里巫飽。卻謂今年日辰好。吳俗于冬日斤以鹽漬之。可經久不壞。里中富人于冬至後報賽名曰蜡筵。是日必循請親朋。又里俗婚嫁事。必擇冬季。若遇豐歲則更多。亦昔人霜降逆女冰判而止之遺意也。

右十一月

桃仁滿把餠盈掬。臘八家家煮膏粥。袈裟三百紅滿街。穿徧一城云化齋。闌干影裏飛花爆。和約廿三先祀竈。神祇五路土五方。屋後有井堂前倉。小兒新年上學堂。牲醴并欲祠文昌。年殘百物先儲蓄。家議賓筵喜俱足。君不見。書生計絕可憐。研斷凍墨書春聯。臘月八日。以百果煮粥。并饋親鄰。城東天寧寺僧徒常三百餘人。臘月初則空寺。盡出名化臘八米。

右十二月

祀竈。舊以廿四日。今則家計稍裕者皆移廿三。土俗以五路神為行人。歲盡則祀五方土。士人則加祀文昌。朱衣歲除寒土之最尊者。恒設竿硯于通衢。代寫春聯。可日得數百錢。

卷施閣詩卷第十一

五經聯騎集辛亥壬子

雨窗讀何水部道生詩適有饋蟹者率賦一首卽題卷末

平明生輕寒。秋雨閉門大。窗風扇如鬼。梢人竹數個。起來天冥冥。枯坐無一做。攪得一本詩。中邊頁先破。
案頭光正黑。捉就窗隙臥。讀一首兩首。大叫急起坐。波濤欲掀屋。日月忽顛簸。無端蟻虹霓。光怪生七莖。
排空一枝筆。五岳透皆過。凝然七字出。重欲百馬馱。又如五兵利。當者無不挫。讀時忽狂笑。一屋悉驚邏。
一句復一滴。恍與檐漏和。雖然萬言富。無救一日餓。忽然敲門來。送蟹有鄰左。是時雖正晝。牆外黑若磨。
安排醋盈盞。登取薑桂剉。呼童急斟酒。好句我欲賀。遺經懶書寫。卽此當清課。時爲幼子讀詩一兩卷。食

蟹七八個。快哉復快哉。屋漏頂上墮。

自蘆溝橋西入山至花犁坎道中作

山程七十里。半道馬已死。時同行劉檢討主人寄坐僕告歸。一馬乃載三人來。前山蒼蒼月初出。對面一

山看落日。微紅入水尙有光。水底已復鋪新黃。山風斜衝兩山口。倦客欲眠山石走。一峯櫛葉下趁人。車
上鈴鐺聲疑喧。客行無糧馬無草。三兩人家閉門早。卻怪前頭紅樹多。囊駝不到山初好。

自慧聚寺北行歷化陽朝陽觀音諸洞晚上極樂峯作

峯形南北殊凹凸。入地上天皆一日。潛行五里不見天。蠟炬光遠空浮烟。莓苔森森綠疑夢。蝙蝠手捫皆不動。一風衝出微帶腥。足底萬竅聲俱鳴。好奇徑欲窮頭末。行僮失聲炬將滅。四人急轉我後來。風黑恍有千人追。是時屈指嘗交酉。出洞見天天尚晝。飲泉百盞神始清。坐調鼻息方遠行。樹巔斜行途轉窄。窮點撲人如雨黑。東行一洞勢較低。一洞復出清泉西。斜陽沉沉巔頭落。客意極疲龜極樂。下方已黑天頂青。側帽恐礙當頭星。

自潭柘寺至龍潭久憩

一亭蓋清泉。再轉泉已失。山腹空若囊。時時怪風出。青松高穴蒼鼠肥。紅葉遠雜烏雛飛。四山茫茫樵跡稀。山翠沁骨思添衣。斜陽下嶺客上山。山寺防虎門先關。坡陀百轉行客餓。林果却從頭上墮。

宿慧聚寺山房

寺門望殿樓。樓迥若天上。一松蟠殿角。高復出千丈。山僧導客行不休。石屋轉出青松頭。客行開窗玩松頂。下視僧房若居井。秋衾鋪月夢不成。一夜枕上皆松聲。松耶雲耶不能省。月裏千重百重影。三更闌戶禮上真。北斗正南來瞰人。

日午抵潭柘寺至猗玗亭久坐

到門諸峯低。青翠收一殿。直上百級奇。雲紅撲人面。穿廊入廚院。百匝水聲偏。危亭圍衆綠。當午無所見。林杪開北風。晴陽落如綫。山體當殿展。涼燠亦時變。朝饑誰可喻。山果幸時薦。吳筠雖說餅。束皙仍賦麪。臥枕明昌碑。狂思永和讌。亭有流觴曲水故云。

慧聚寺夜起行馬鞍山麓

三更東峯明。斜月逗林左。連閭無人聲。獨往意亦果。北戶昨已扃。山風自開鎖。梢南通一徑。細路出墻堦。碧樹合作屏。黃雲散成朵。低同馴鹿步。高與彌勒坐。一寺十數廊。閒行止餘我。徘徊念儔侶。水黑月已墮。歸路愁徑昏。山榴綻如火。

山房與邵侍講晉涵話舊兼呈曹侍御錫齡劉檢討錫五張運判道渥

憶昨從君遊。青山謝公宅。五更搖夢醒。君苦行不得。出門殘月尚在牆。照見四野黃花黃。傍花前行衣袂香。綠鬢欲與花爭光。看山百度花千度。鏡裏朱顏已非故。五嶽雖成汗漫遊。一春每被風光誤。洪厓仙人寧足誇。君亦懶種青門瓜。雲山無意忽相合。且拾山果烹露茶。對床七輩今誰似。可惜三人已前死。壬辰同遊青山七人。今朱竹君先生張上舍方海黃二尹仲則並下世。學士才名上舍詩。還餘李嶠真才子。今日張頗有替人。曹劉聯轡出風塵。青松白石談遙夜。斃李天桃訂好春。時約明歲三月重遊。歸途遊石鏡山作

馬行半日坡皆陡。樹葉隨風出林走。桑乾河北飲馬時。却望樹色還參差。平沙茫茫埋馬膝。復有一山當路出。遠尋千級到寺巔。寺外城堞皆衝天。紅林蕭疎日光薄。破樓無鐘殿扉落。庭隅堆草溼。邊夜半或有山題眠。

梧桐葉

梧桐葉秋來大如掌。肅肅西風催蕭蕭打門響。

何工部道生招飲卽席羅山人聘曹指揮銳張運判道澠合作一圖名秋堂雅集因鑿以詩

一人畫山一人畫樹。旁有六七人。嚶嚶屋中住。曹興宗昔時畫馬今畫松。羅江東畫人不工畫鬼工。張風

子畫卽有風。蕩葉恍起秋室中。兵曹詩百篇。法時舍人酒一斗。劉滿比部談天。李石我叉手。屋頭有樹樹

杪山。却怪樹底門常關。晚晴巷口車聲接。一徑呼僮掃紅葉。斜陽入樹留一分。道遠客欲趨城門。時帆居內城

君不見山籬窺客喜復噴。認是昨日遊山人。

遊古寺

入門悄無人。北風吹小住。誰肯揖先生。長身一松樹。

朱孝女奉親圖

孝女婺源人。誓志不嫁。以養父母。父亡事母幾二十年。及母沒。孝女年已五十。依兄弟以君繪父母象

懸室中。朝夕事之如生。其兄某爲作奉親圖。索詩云爾。

二十事父母。三十依偏親。四十作藐孤。哀哀逮晨昏。父亡事母母亦亡。高齋却掃爲影堂。影堂西偏兒所住。生死不離親一步。行年五十不下堂。父母以外無尊章。畫師敬復瞻顏色。髮白未筭何可得。椿兮萱兮合作圖。旁有几榻兼詩書。君不見。孝可生。孝可死。由周秦。逮今此。伊誰作配光青史。北宮之女嬰兒子。歲暮飲酒詩十篇。

一屋無閒人。勉復出門走。一巷無閒人。驅車出坊口。東西街十里。排戶款良友。皆云出門久。十至九不偶。沿路爆竹聲。兒童拍雙手。車來仍復返。斜日已交酉。一世無閒人。誰同飲盃酒。

飲酒或不樂。時時復嘯歌。讀書有時疲。披篋亦吟哦。設榻書案旁。所以消匪魔。房廊亦周行。時還撫庭柯。大抵一日中。良朋間經過。飲酒時究少。讀書時究多。

自爲京朝官。童僕色不展。連晨朔風至。寒色到雞犬。吳奴昨告去。朱戶別思款。今辰關右僕。衣被亦將捲。欲留心不忍。各爲計安善。十年依倚久。一旦忽辭遠。周親復交臂。食窘衣不暖。笑讀東觀書。何如北門管。學士不能飲。而時負酒錢。法時帆喜招客。侍請久較詩。邵二獨喜客贈篇。孝廉耽宵吟。王揚日出擁被眠。廣文退食遲。注負券愁逼年。皆隔十里遙。誰能比吟肩。歡杳難尋。俗累苦復牽。惟應孫比部。澗如時聞笙歌筵。

比鄰指揮署。對戶車贏坊。鄰雞第一聲。馬嘶人亦忙。否則公案側。貫索聲琅琅。羣動既已繁。吾行起徬徨。門戶尙未開。初日上北墻。窺廚炊烟稀。正苦瓶無糧。吾師昔人言。冬日則飲湯。

歸鴉值歸鴉。十十復五五。酒人憶酒人。相思倍云苦。寥寥心一寸。誰復可傾吐。欲因西逝日。寄此蜀江辭。

江水杳以深。高原復相阻。思君不能見。夜起聽更鼓。安得雙鯉來。奇篇慨今古。此首寄弟同年船山

屋頭無星辰。積晦已三夕。凌晨先習霞。騎馬懶入直。生徒來饋歲。野怒聞鮮鱗。更有酒一樽。聊云破岑寂。

雖慚通德里。差比草元宅。呼兒開美醞。小酌經案側。正好無俗人。門前雪盈尺。

人皆處城西。我獨居城東。城西人不來。寶坐時時空。非徒息紛紜。藉臥篇籍中。日盱弱弟歸。粥飯喜與同。

兒曹誦經餘。得句輒復工。爲善無近名。我師陳仲弓。干祿不欲多。我法邴曼容。興至卽舉杯。消磨寺樓鐘。

昨來京華居。闢室作影堂。晨昏覲吾親。旬朔申瓣香。祿苦不逮親。時時我心傷。幸伴弱弟居。諸甥亦隨行。

誨以勤讀書。庶幾能顯揚。歲晏風雪中。懷人益傍徨。一舅依郭門。兩姊居江鄉。何時能合并。築室先墟旁。

向生無他奇。貧甚益偃蹇。人言年歲竟。屏當無一件。開函展然笑。一室尙仰偃。泉明乞食詩。吾行恐難免。

欣然噉妻子。且設歲除宴。爲歡極今日。先把百愁遣。待過元日期。衣裘亦堪典。

歲除以酒灸。醉亡僕窺園。并繫以詩。

自余爲諸生。汝卽侍左右。皖江隨學使。姑熟依太守。兩年居白下。一載住京口。逮擢明經科。相從浙東走。

窮冬遭大故。九死返林藪。汝也痛哭隨。衣穿露跟肘。經年聖廬內。料理及糝淺。一僕乘間逃。蓬門汝兼守。余心感其義。待汝乃不苟。除喪來日下。百事益紛糅。春秋兩闈試。十上九顛踣。屈指十五年。所值苦不偶。親知久相弃。汝乃誓不負。落落十數州。商量竟升遊。梁才匪歲。客陝時最久。中謀金半百。爲汝歸娶婦。南下不半年。長儂婦先詬。跟蹤復追及。訴室有病母。汝才工料事。兼復習科蚪。每寫百幅書。人疑出余手。余交徧區宇。能一數某某。孫黃暨崔趙。識我交最厚。不來同我憶。來卽具尊酒。各能諧食性。默爲理糝韭。武昌城郭外。客歲歷申酉。地也南北衝。郵墟雜花柳。平生汝頗謹。苦被僚僕誘。到此亦有由。都緣婦奇醜。妄心希外遇。或可副箕帚。放艇夜渡江。時時逐鷄狗。衙推頻乘隙。間值墨尿毆。有時方縱笑。遭我出行陡。厲色一禁之。鞭笞願甘受。扶痾方就道。風雪復連嘍。余來幸通籍。解汝顏色。徹道歸迎眷。屬兼爲克糲糗。汝時雖已病。聞語尙抖擻。今年附舟至。面色益昏黝。殷勤覓醫藥。病早醫乃後。短至節氣長。時時伏床嘔。屏除諸食品。日僅啖蕩藕。沈疴由自取。將死乃一剖。彌留三兩日。作札呼汝舅。瞠目不得言。頭從枕邊叩。卅年爲一世。誰識汝不壽。汝行雖劬僕。汝義實兼友。汝不善攝生。吾行又誰咎。急爲馳惡耗。書至月已九。汝母哭定癡。汝父顏亦叟。伶仃遺弱女。學語未離毀。一棺雖草草。必爲枕邱首。除夕酌一杯。傷心汝知否。小除日寓齋卷施閣祭詩作。

昨年祭詩日。同館挈仙史。謂張船山今年祭詩時。闔戶僅兒子。一兒讀詩業未醇。一兒學選粗有文。呼來筵上

作陪祭。不向屋外招詩人。事功一歲慙何有。詩一百篇文十首。借之作達亦可憐。敢向衆中誇不朽。此筵設自我。此例舉自唐。浪仙詩句鏤肝腎。積歲預恐心神戕。我詩直欲寫胸臆。元氣未剛何由傷。雖然一日間。檢韵亦已忙。灤河仙鹿北谷羊。作脯聊潤詩人腸。南鄰詬譁聲。北巷市塵沸。吾廬雖冷一事無。尤喜門無索租吏。一詩焚筵前。一詩寄蜀中。狂生避債作臺後。預想拖戶浮千鐘。我行亦返卷施谷。欲仿長江作詩屋。更邀諸老同祭詩。短趙狂孫附權陸。陸秀才繼轡年尚幼。已工詩兒子友也。

小除夕從家大人祭詩歌

節孫

兒時放塾庭前過。重慈提攜侍行坐。桑陰屋側隨嬉遊。手捧新詩當餘課。十年負笈從師遊。樓前學詠珊瑚鈎。開中分賦荷奇賞。出語不肯同朋儔。歸來朗誦喜阿母。慈顏一笑開眉愁。歲除亦解束詩卷。雅伴積軸堆床頭。屋傍十畝富風景。絕愛春晚晚兼新秋。偶然好句覺自得。僮僕往往嗤呀嚙。羸舟亭畔茲河地。花落花開總能記。年華二十春二分。入世文章敢遊戲。春明北上隨慈親。歲星在亥月在辰。曾登鳧繹望泰岱。更喜擊楫經滄海。看山看水不相識。問名一一窮本根。祝風咒雨一枝筆。行客舟子驚奇珍。燕中隨宦樂趨侍。一卷兀兀隨晨昏。過庭重誡爾小子。學詩一語言重申。閒堂月好命分賦。擘牋賜管噓陽春。一篇偶合長者笑。一篇若拙長者噴。弟昆相賀復相戒。冥索時復煩心神。金臺芍藥闌河柳。快飲百杯詩百首。夜闌掩戶時朗吟。一屋兒童都上口。卷施開集排西東。更列酒脯酬天工。庭除恪侍

作陪祭。缸種疑綠花冥漾。太華培塿並時列。光氣凌亂殊青紅。瓣香縱不在前哲。敢說家學能兼通。他年倘得爛一藝。略比過邁隨坡公。

花朝日獨遊二閘歸適馮編修集梧得田侍郎雯大通橋秋泛卷子索題因率書長句于後

花朝日展重陽圖。百年風光今在無。蓼紅荇碧色不減。只有卷裏人俱徂。河流北去都成岸。蠟背紅塵亦頻換。誰從物外觀古今。石墪亭亭峙天半。惜哉秋好何如春。津水乍綠無纖塵。獨遊徑苦意蕭瑟。坐恨不見當時人。百年似此清遊寡。都策疲驢不騎馬。沿堤正好迎面風。攬得柳絲盈一把。米船東來盡舸西。百丈往往率朱旗。羣公觴詠致堪樂。可念民力東南疲。君不見。東南十郡沿江潯。陟險誰憐挽輸苦。就中若以河沙量。我亦江鄉一編戶。田郎仁者固不同。刻石告誠垂橋東。卽論文筆亦殊健。赤幟已植騷壇中。風光過眼誰能久。感舊懷人一杯酒。春禽送客如有情。約我重來看新柳。

葉舍人雯移居觀菜園上街東作圖索詩爲賦長句

樓頭壁山作兩峯。門外江漢流無窮。先生開軒日正東。繞宅萬樹桃花紅。朝烹武昌魚。暮飲江渚酒。卅年撰述無不有。博士一官堪白首。無端欲將閩園排。愛看紅藥翻當階。江頭池館覓人住。反使猿鳥情俱乖。水程迢迢陸程少。糧盡唯憑讀書飽。津門橋南賃百驢。囊金雖少書有餘。場來都門三易居。菜圃開處眞吾廬。盤盤老屋橫街後。分半貯書嫌不穀。銷廳退直事亦忙。目力苦短書聲長。談心時接北街李。小松編修聯

句尙有南頭王。楊夫君不見。買山何似還山住。一樣門前幾株樹。屋頭添得十丈塵。失卻雙川合流處。

法學士式善屬題曹指揮銳張運判道滌所繪二卷子

蓬壺有仙人。早歲卽食祿。所居尤禁近。丹闕森在目。官清饒暇日。當千駐車軸。閉門詩作命。萬事不貯腹。我頃謂先生。身外物皆足。無須更誅茆。天地卽詩屋。苦吟朝復夜。雙舉日月燭。惟愁鑿幽險。或致鬼夜哭。元氣不可滿。期君返真璞。詩名試屈指。海內不五六。餘如閱傳舍。彼此可駐宿。賞心雖偶寄。過眼亦苦速。茲竄庶突兀。表以出檐木。名山原有待。壇坫今已築。我亦念故居。卷施一隅谷。

右詩龜圖

我家門前接早潮。却行一里數十橋。橋邊朱樓橋下艇。千尺闌干漾清影。扶橋楊柳高接天。樓上著客疑飛仙。偶然窗際落高詠。却惹遊魚出波聽。此橋此屋別幾年。轉眼風月凋朱顏。幸從塵外覓棲止。百步尙有泉濺濺。車聲馬聲何日歇。每遇橋名輒驚絕。橋心何止無水流。反惹岸塵高一尺。先生詩思本最超。更喜晝裏逢溪橋。桃花溪南楊柳梢。著一斗室如鴉巢。我因鄉夢頻生妒。君爲尋詩盡延佇。徑攜秃筆及剛蕉。明日從君畫中住。

右溪橋詩思圖

寒食出遊詞

牆頭無雨聲。墻下無草色。杏花一枝空。復情薄。暝吹香作寒食。春衣初試欲出門。東風吹塵日已昏。天橋南去路如掌。楊柳缺處藏春墳。春墳高高盡尺五。貼徧紙錢知有主。橋西燕子飛不停。啄得幾家墳上土。啄殘墳上土。來作梁間塵。堂前宴客開酒樽。卽是掃墓歸來人。世間行樂皆如此。一邊生人一邊死。消沉代謝那得知。冷眼卻輸雙燕子。東風吹塵日向西。燕子亦逐遊蜂飛。成團蝴蝶出門去。屋角幾樹桃花低。坡陀高低土無隙。高種花枝下栽麥。老翁往歲食有餘。麥穗旣黃桃實赤。今年無雨桃少華。麥隴三月飛黃沙。關心歲事各惆悵。令我興盡思還家。歸來閉戶同誰語。一枕輕寒夜如許。忽驚飛夢到江南。借得鶉鴉來喚雨。

館僮折梨花一枝供膽瓶中率賦一絕

折枝聊復詡春華。插向文窗影絳紗。蝴蝶一雙來入定。錯疑添得樹頭花。

三月廿三夜丁香花下獨坐適法學士式善以庚戌辛亥兩年所作詩屬訂定因跋于後

丁香花底展君詩。花穗千條月一絲。句向卷中吟欲活。月從窗裏墮多時。商量握管題長句。珍重臨風喚亞枝。明日欲邀花下醉。更憑殘朶索新詞。

三月晦前一日清曉獨遊法源寺看海棠花下值馮戶部敏昌因同過寺旁亡友黃二景仁舊寓室已傾圮不可入感賦一首

出門誰是看花路。縱馬直前知不誤。斜行七里破曙光。馬不識途能嗅香。平明一寺闌街出。萬綠衝門馬驚逸。客行下馬方拂塵。花下已有先來人。羨君何止尋花早。花氣入簾餐欲飽。十分花事惜已過。砌下漸比枝頭多。明朝更惜花無幾。窗外怪風成陣起。看花人老花莫悲。花下幾見常追隨。不然花枝南頭兩間屋。曾有詩竄抱花宿。眠時如鷗立如鶴。看得開時復看落。如今寂寞鎖幾春。花屋祇當詩人墳。門闌雨圯紙窗破。時聆唼聲夜深墮。君行歎息欲出門。我更代花招客魂。君不見。客窺定在花深處。怪底曙鶉啼不住。

暇日校法學士式善張大令景運近詩率賦一篇代柬

我詩時苦難。法詩時苦易。若欲詩筆工。兩人先易地。張君下筆有古人。我詩下筆苦有我。若論詩格超。有人有我皆不可。咄哉詩道匪易言。何況雅頌至此已。及三千年。誰無好句播人口。大抵來往起滅一一如雪烟。天有日月星。地有嶽與瀆。筆端撼之不能動。何以奴視荆朱僕。賁育若夫一身之內理更該。心志各凌爍。口眼各闔開。不將我之心志。口眼寄于古人。四體百骸內。始覺我與天地錯立成三才。不能已于心。乃復出諸口。爲天地立言。于我亦何有。有所溢于目。乃復失厥音。爲山水寫照。而我何容心。一言二言精不磨。千語萬語寧嫌多。鋪牋直可概八極。濡墨真欲成江河。然後張君詩法君詩。牛腰巨卷擲我我欲頂禮同所師。且令前萬古與後萬古。得我數輩中立藉可相支持。

晦日卷施閣餞春偶賦十首

紅杏枝前拜朔來。丁香花底餞春回。冷官一月無餘事。祇向疎闌數舉杯。
經旬常坐此花前。花幔愁開日影煎。怪底鬢絲都不潤。江南拋却已三年。
白雲間有護花心。時墮高枝作曉陰。雲起接天花委地。欲憑誰與判升沉。
細語檐鈴那得聞。城東風物感羈魂。春原一樣平如掌。只少棠花黃到門。
雨絲真欲比黃金。尺五闌階草未侵。九十日春晴過了。却餘今日是春陰。
春殘排日鎖飛沙。自掩疎櫺護碧紗。誰向燕南記風土。屋頭青草窖中花。
閒禽多半向城東。花裏高樓面面通。不看生紅看生綠。天壇十里柳絲風。
送春歸處敞斜扉。星露微茫點袂衣。休更梯牆看風色。明朝不放紙鸞飛。
悟徹繁華總是空。興來擲笛自西東。尙餘幾尺斜陽影。要與春花鬥晚紅。
一種心情小婢猜。四更猶自踏蒼苔。燕疑殘月銜簾出。那識幽人秉燭來。

惜春詞

一風吹自東。一雨來自西。風催花作塵。雨催花作泥。作塵飛揚作泥定。誰是春花舊心性。桃枝欲窺廊。柳枝欲窺樓。窺廊見客行不休。樓上柳眼看春愁。入門復出門。不見碧天色。離離滿徑堆綠陰。明月欲從何

地白心長夜短睡不甘。曉夢亦復歸江南。夢時看花醒時叫。芍藥如盤向人笑。

四月十三日張逆判道溼招同王給諫友亮劉舍人錫五伊比部乘綬何水部道生胡文學翔雲陶上舍

渙悅至海北寺街古藤書屋看花小集分韻得花字

一屋如舫門開斜。半空吹香不見花。入門老榦復橫路。根古半入鄰人家。抬頭花向竹梢颺。一架正把天光遮。綠雲濛濛雜紫霞。花朵缺處蜂爲衙。花光豈止潤眉宇。坐久衣上濃香加。主人華筵開咄嗟。有盡可賈無須除。巷南喧喧來酒車。花片驚落隨飛鴉。以花入酒沁齒牙。海濱石首津門蝦。更喜蘆筍先抽芽。年光慨如赴壑蛇。春止一日須豪奢。十五日握拳透爪拇陣譁。上樹百徧能搔爬。酒盞嵌人枝丫枝。不爾恐有旁人掣。十三清宵月正華。笑視竹影生窗紗。忽思逃席路復叉。一徑却好鳴官蛙。到家冥冥吹曉笳。袖底香氣留些些。

自御園回半道遊五塔寺寺中有古樹二株出檐幾數十丈花開覆屋寺僧曰銀杏也爲賦一律

五塔寺邊雙樹奇。馬行迂道款禪扉。高枝似向雲中出。落葉猶能天半飛。清磬幾聲催夕照。疎香十里點

朝衣。鄰齋東去春如海。寺旁即梅樂寺。牡丹蓄蕪盛放。較爾濃陰覆院稀。

廿二日侵曉偕孫大至豐臺看芍藥

馬聲嘶過柳梢頭。宛轉雲容清淺流。十畝竟從人外闢。萬花如向鏡中浮。狂思海國春三月。夢斷江城尺

五樓。小坐不妨遲日出。滿汀濃綠撲藤鉤。

國花堂看牡丹

新綠叢邊競吐芽。柳陰先爲障飛沙。縱教風雨無寒色。占得樓臺是此花。幾日酒中勞悵望。有人簾底惜韶華。如盤莫向閒時笑。第一銷魂數謝家。

崇效寺看海棠

入寺先教蜂蝶忙。殿前一樹倚朝陽。若逢蜀客應回首。不作秋花恐斷腸。夢雨心情初挹露。冠春顏色肯施香。紅紅白白看千朵。莫更臨風笑野棠。

題阿少空彌達西尋河源卷子

鞭梢生層雲。馬尾搖晴暉。却行數里即天上。側帽忽礙星芒歸。雲外一株樹。我疑是落棠。不然何以夸父擲杖來。茲方石林何周遭。復疑天盡處。不然何以豎亥遂欲回步。地高于天石壓雲。北斗背上生峻峒。幾回洗眼望來路。祇覺黃氣一縷從東奔。漢家西南羌。元人鄂端尾。去此不知凡有幾。一條天路雖分明。歷萬萬古無人經。飲源三日馬亦靈。五色石上飛而行。天河轉近滄溟遠。三面銀光截雲斷。行經萬里無一人。立久氣如春日煖。乃知山經水注皆放哉。眼底甫覓真源回。道逢青鳥亦不訝。見慣捧日黃人來。中

拾花翎君不見。相公奉命安河流。怒濤如雷喧七州。此時那識鑿空使。貌爾已據天西頭。一尋其源一疏黃馬挂。

委。同日奏功天子喜。雲梯關北望板桐。只隔地中三萬里。

立秋前一日法庶子式善邀諸同人至積水潭滙通寺泛舟觀荷分韻得學字

入門一徑何礪礪。山鳥迎人如鼓樂。繞垣三折到寺樓。松樾圍堂密如幄。是時正值新晴後。破曙園亭色
班駁。張顛窗裏先揮翰。以指擊牋如可學。卷頭祇寫波一層。已覺清光動棖桷。苦吟尙歎人聲雜。逕上高
枝與商榷。何生入座先邀客。後日出遊期可確。時約遊南西門外金尚書園亭坡陀高下石百堆。坐啖冰棧與瓜飴。新蓮
去葯桃芟核。客未及餐遭鳥啄。纍纍紅果堆綠陰。不問鄰家聚先撲。誰人升屋思逃酒。墻角銀衫險遭捉。
樹頭啖果人不知。風峭時時墮菱殼。碧筒歪好長三尺。荷露殊清酒偏濁。東西拇陣何喧雜。熱暑欲將衣
袖濯。趁閒拉客凌波去。忽有小舟無木樅。船頭三四船梢兩。喜得吳儂體修掣。豈惟快飲荷盤露。盤底嫩
紅時一擲。離離百頃生晚涼。此樂江南庶堪較。坐中誰復唵詩健。欲以持撓抵橫槩。弄波東去香尤迥。指
爪時驚刺菱角。潭平日落風正生。手撼前汀鷺絲覺。

法學士以康熙己未鴻博前輩徐嘉炎等崇效寺雪公房探梅詩冊索題爲賦一律

聚花寺裏看花日。我後諸君祇百年。見說雪公疑古佛。却驚梅幹亦飛仙。馬蹄聲冷春三月。鴻爪泥留尺
五天。莫晒阿儂題卷末。後來應又作前賢。

卷施閣詩卷第十二

黔中持節集王子

八月十四日關中奉視學黔中之命紀恩八首

手披口誦日巡環。清福誰言不等閒。却愧主恩原過厚。校文纔了許看山。

未妨旬日緩征程。官關西偏瑣院清。時居會經堂西八百孤寒倚回首。使星猶傍玉階明。

學荒寧好作人師。心賞偏教下筆遲。日向一堂橫處坐。沉思不異課經時。

二十三人說聚星。三主試十八同考及內橫排几案徹扉樞諸公僻事勞相訪我尙應慙劉石經。

一紙除書下九重。凌晨傳徧棘關中。神仙亦有升沉感。閉向瑤階說杜沖。時分校十八人惟余及江西李編修傳熊奉視學恩命。

箱擎甲乙卷縱橫。宵漏沉沉入五更。忽得一篇勤擊節。却逢紅燭語分明。俗言燭花。

七尺筠籃手乍拋。舉子入場例攜竹籃貯什物。竟攜文筆試同曹。官資深淺由君較。坐中有言科分深淺者是以及之。 只我前年尙白袍。

姓名題向榜頭遲。短李才偏噪一時。填榜舉本房頗有知名之士。纔欲解顏先下淚。孤兒十載已無師。子少孤從太安人授經今太安

人下世已十七年矣。

九月十六日次子盼孫殤

一病經旬朔。行蹤爲爾遲。如何束裝日。却值蓋棺時。檣楚感初斂。子存課參苓命不支。九原翻羨汝。先得待重慈。兒爲太安人所愛

臨發志感

萬里初持節。經旬屢斷甑。受恩原色喜。念母忽聲吞。負米程非昔。傳經席尙溫。明明昨宵夢。親見倚閭門。
蚤發良鄉小雨

村雞喔喔五更餘。馬陟坡陀步轉徐。昨日晚涼翻急雨。滿堤黃葉似遊魚。

良鄉道中

我行雖值秋。氣候已冬月。尙喜天宇溫。風霰猶未烈。濛濛遠道開溼光。楊柳綠盡初生黃。歎鄉豈獨民無業。樹底饑鳥亦餐葉。

早發涿州

寒夜雞失晨。馬嘶聲愈警。十籠銀燭輝。遠遜殘月影。

由涇陽驛早發至望都縣小憩復抵清風店

早發涇陽驛。兼程日未西。力疲山縣馬。聲短戍垣雞。旋落雲千頃。秋成菜百畦。傳餐吾自愧。車下有饑黎。

蓮花池募訪汪修撰如洋不值留柬一律

豈料塵千尺。猶留水一方。風沙來數驛。烟雨忽橫塘。漿仄開波暖。星圓蓋樹涼。主人何處在。雙雀入書堂。

趙州雨花庵小憩壁間有雍正三年吳少宗伯襄題句和者甚衆亦用其韵作一首示菴僧滿坤

一菴當孔道。終日鐸鈴譁。但願土宜麥。不須天雨花。乍醒完縣酒。頻浣趙州茶。知我南來客。勞勞問九華。

宗伯自直九華山人故菴猶詢及之

邯鄲題呂祖祠

兩年前尙一書生。持節今看萬里行。自恐功名亦如夢。漫逢人說是皇程。

自柏鄉至磁州道中雜詩

一日行兩驛。所苦乏昏曉。十日歷數州。尤愁值僞殍。眼中過百井。生計殊草草。閭邑雖尙盈。歡顏抑何少。日斜楊柳外。一一閉門早。驛亭依北郭。路斷垣亦倒。吏婢供億困。愍此山縣小。僮僕有人心。宵餐不能飽。昨日馳縣東。今日馳縣西。屈指兩月中。萬里積四蹄。我願騎馬人。惜此馬力疲。渴引就水源。行無使長饑。此寧欲市恩。體物或庶幾。廩吏慘不仁。鞭撻詎有期。我詩寫驛亭。墨淡字亦欵。用以警牧民。危言匪無稽。十里一驛樓。三里一堡房。塗皆列五軌。楊柳疎成行。持較江以南。地力殊太荒。行者色苦饑。居者無餘糧。岡原何高低。土脈鬱不揚。洺水旣已微。滏流庶湯湯。欲著水利書。俾引清濁漳。越俎尙代謀。何人宦茲方。

北風連晨來。節候已冬月。荒荒野燒紅。補此炊烟缺。人家林木外。氣象何凜冽。饑來聊飲水。乾糗苦時絕。誠知年歲歉。生理亦殊拙。道逢駝背叟。引與話清切。辛苦無他言。惟祈一冬雪。

道中寄真定邱太守學劬

雨花庵內柏林中。太守文章老更工。得句便思勤寄與。郵筒今變作詩筒。

湯陰道中簡管同年世銘時在河南撫署

強半詩從馬上成。孤吟不覺過層城。人因入洛三年別。天許看山萬里行。尙喜石交難割席。若論子舍各

沾纓。時君方居憂夷門東去繁臺路。明日知君望遠情。

衛輝行館憶己酉春計偕北上阻雨于此一日逆旅主人尙識之

臨街樓上雨縱橫。三載重來感客情。莫訝馬前雙節引。道旁還識棗繡生。

早發鄭州

此地通河洛。車聲徹旦昏。適逢秦歲首。來過鄭時門。百戰荒原在。三椽遺愛存。謂子土垣青不斷。一綫上

朝暉。

鄭州十八里舖

連閭擊柝破林昏。候吏迎人過一村。無數鵲聲原上起。日光濃塞戍樓門。

自鄭州至新鄭道中作

鄭州及新鄭。百里劣不足。程其土色堅。乃可礪剛鏃。森森禿邱阜。厥性不宜木。行過郭店驛。益覺欹地軸。土門何陰森。岡隴愈回復。出如雲露穎。入訝車脫輟。是知名函陵。曾不異函谷。前行泥沒髀。後囑塵眯目。危橋經洧水。我馬行始速。十里陘山青。原田亦輟綠。

早發新鄭作

陘山月落尚有星。紅燭亂注幽禽驚。坡陀逼仄若行巷。楊柳缺處天初明。濛濛豈獨衣垂霧。點滴初明馬頭露。天寒十月已有梁。無假縮足升車箱。

將至穎水橋

高原日午露初收。紅葉踈林尙帶秋。岸勢欲南岡自北。一條清穎向中流。

十一日暮抵襄城行館作

龍陂山色參天半。城內石坊高插漢。昏時騎馬出南門。烟水微茫欲無岸。沿橋南北皆石堤。鋪岸月色何高低。排空忽奏軍門樂。驚起大魚波面躍。

抵南陽行館蔣表弟青瞻自舞陽來訪因邀至前驛共宿談次出行卷索題爲拉雜書此并以志別

白雲谿之東。書屋名圓飄。君家屋東偏。小巷走北條。酣嬉少年遊。厥性誰最豪。我齒加長三。賭跳欲競高。

阿母愛汝深。縱汝塾屣逃。壓袖十數錢。日市倪婆糕。上樹或偶閒。墻東紙爲飄。阿定與阿馨。屈指無汝刁。光景若目前。歲月忽已遙。自余爲孤兒。怕與親串遭。往事一縱思。痛極祇欲號。十年三值君。京洛及漢臯。情話苦太長。日短繼以宵。今作萬里別。離懷益蕭騷。爲汝設一筵。環之以兒曹。汝姊亦不眠。頻將燭花挑。袖中出短圖。灑落白紵袍。頽松兩三株。日午響怒濤。不飲顏亦紅。唵聲激林梢。鬢豈類禿翁。須亦磔蝟毛。欲我作一詩。爲汝略解嘲。前發泮水頭。樂土願久倚。我意乃不然。欲汝返舊巢。庶幾三徑中。剪此蓬茅蒿。他時我歸田。與汝頻招邀。投老暇日多。歡悰續垂髫。支木斗拱間。勻甌補堂坳。盆池益栽荷。更植千葉桃。因君夢還鄉。小立紅闌橋。我醒君已行。雙淚頻頻拋。

王大令復以雪苑消寒集屬題因憶甲辰乙巳間與大令同客西安畢尙書師幕府亦有此集預其會者吳舍人泰來嚴侍讀長明賈上舍元模莊通判斫鏡州倅站朱秀才燦徐布衣堅蔣縣丞齊耀王文學開沃孫比部星衍凡十人今甫八年存沒相間不勝懷舊之情爰作一篇跋大令集後并寄尙書師武昌

憶昨三冬飲。誰如十客閒。嚴吳歸地下。王賈散人間。別有神仙侶。偏淪簿尉班。謂錢朱雲稱久疾。孫楚亦

長綬。避債媧山側。謂逃禪皆水滸。謂徐禱期總霄漢。遊戲偶塵寰。醉每忘階級。狂寧避謗訕。別來經歲月。遙

隔萬雲山。吾子官初達。高齋客乍還。一編沿故事。百首許重刪。驚坐名原振。陳明經登樓賦早嫻。勝遊

何灑落。逸興與躋攀。水碧圍衣帶。峯青鬥髻鬟。嘔心憐句好。握手恨緣慳。我愧持雙節。行將化百蠻。凌門

欣咫尺。謂向寺師在武昌。河水歎回環。恩有同堂誼。時方子雲孫香泉皆同在幕府。都愁會面艱。感恩情抑抑。懷舊淚潸潸。爾日風多厲。相思月乍彎。持牋不能寐。已恐鬢添斑。

夜至林水驛

薄醉馳三驛。迷途轉數岡。岸藏茅屋小。村入密林長。水鳥依沙白。天星映月黃。依稀有漁火。此景是江鄉。

夜抵呂堰驛。因憶戊申八月與方五正游赴武昌。阻雨于此。却寄一首。時方尚在武昌節署。歷歷經遊所。明明美語溫。半廊斜礙砌。雙榻小依門。隸覺饑年瘦。燈憐雨夜昏。思君幾回喚。恐有舊時魂。

樊城

樊城三萬戶。美語徹晴江。帶得斜陽影。都開臨水窗。賽神沿楚俗。吹笛雜吳腔。正好衝風渡。漁人盪漿雙。

涉漢欲至峴首。與丁誤輿入九宮山。時日已將暝。因小憩而返。山光欲雨。江欲晴。雲黑復白。波微明。此時擊楫涉江去。薄暝始向前山行。林梢一抹斜陽色。高下山礮一千尺。雲中道士來遠迎。語不分明指碑石。纍纍林果紅。一山傾耳。祇覺禽聲疊。道旁礫石削如鐵。山溜滴瀝苔花斑。沿岡久立怯北風。送客出戶聞敲鐘。昏江棧水聲起。却喜一星明舵尾。

羊杜祠

拍手兒童送遠行。荒祠重到轉欷傾。金環倘識生前事。石碣誰爭死後名。偶爾折肱成素志。居然垂屨毀

遠岷何如紙學山公飲。日日高陽未解醒。

官城

一路沿江轉。隨帆到郭門。燈明小河集。縣古大堤村。欲飲宜城酒。偏貽京口尊。是夕暨縣事楊君餉京口百花酒壁閣詩

句在。三復憶狂孫。行館壁上結余及淵如聯句詩

將至荊州先柬太守崔丈龍見

昔年判郢鎮。昨來佐臨安。我皆騎驢來。訪舊河之干。痛飲會幾時。丈人復原官。君前守順慶。緣事左遷。近始復原官。郎君昨

來稱使星。次者近復成。明經劉綱夫。婦鬢猶綠。往往聯句開中庭。黍前五輩吾皆識。阿四形疲阿三瘠。因

君我復念存亡。痛哭東山謝安石。君為向世錢文敏公壻。是以云我今行役敢厭遙。昔者司寇馳星輶。相傳一日行五驛。

鞞肉總向忙中消。稜稜執法原無礙。過峻差貽後時悔。王令先悲少子仁。鄭公幸有孤孫在。此州地大甲

楚中。城險況值江流銜。五年民氣未全復。所願吏好年常豐。尚書用法公施惠。法立民方識慈愛。但使遺

黎說有瘳。何妨大府稱無害。武昌欲往道苦迂。我視荆郢兼程趨。心知尺一定相逐。果有驛使來通衢。談

深夜久殊難別。駐馬卸裘謀久歇。酒酣試問座上人。量好何如浙西日。我持使節難久停。明日送我西南

程。匆匆更作道旁語。殘月欲向衣邊明。武陵南去桃源路。回望荆門在何處。一山歷盡復一山。不到青天

恐難住。

自麗陽至石橋驛道中作

移居欲避千章木。山鳥山人齊出谷。高低一月共苦辛。高處結巢低蓋尾。客行望谷如可遊。前欲涉水愁無舟。茅齋了了見烟火。笑語自共谿聲流。背岡北去行難速。嬾向溪東石齋宿。三更入幄甫卸裝。頓起開戶看山光。寺鐘初鳴鶻聲起。月墮長林三十里。

早抵荊門州憩象山書院

殘月已墮風淒清。水綠自向城頭明。冥濛山徑開一綫。巖栗吹處幽禽驚。吟堂豈獨山堆案。堂下水聲還拍岸。芙蓉雖枯菱葉黃。枝榦尙帶前時香。周堂綠竹復千箇。惹我百徧唵回廊。堂虛無人水聲急。雀到空亭與長揖。出門數步馬忽驚。却訝樹頭山欲立。

本欲詣武昌以驛道迂回不果行次建陽驛三鼓得尙書師急遞以適欲至襄陽閱兵爲先期行二日約相會于鍾祥塗次時亮吉已越行二百餘里勢不能回車再圖握手夜起不寐輒成長句一箴却寄

從公十年遊八年居幕府離公祇兩載月僅二十五

余自己酉春從武昌計階北上至壬子三月尙寄入覲都門復得握手統計別時僅二十五日耳

年公入覲復得旬日從自喜師弟緣時可意外逢慈恩縱愧傳衣鉢幸出公門早持節鑿鑿百驛敢厭遙

更喜路從荆沔出才過新野縣已得鄂渚賤葵隼一何雄控馬拜道邊襄陽日訪閑僧寺兩日待公書不至酒酣上馬嬾出城縱有峴首愁重經大堤南去方逾夕夜宿荊門建陽驛三更門外遞急郵失喜讀罷

翻成愁。偏憐此度緣難巧。急遞書遲我行早。自悔玉尊叱馭忙。欲從墨子回車好。細思會合亦有期。公待入相光綸扉。同門數子各清要。謂邵二雲孫淵如我亦官滿歸京師。城南奕奕鳴珂里。早侍趨朝算歸邸。三館書我定隨。百篇脫稿公應喜。此時憶公因不眠。起視落月行檐前。書騰却夢旌麾過。只隔武陵山一座。

抵荊州

早行荆南展然喜。碎甃砌塗三十里。渡舟復有兩下篷。恍若置我秦淮中。濛濛水綠低飛鳥。近郭更聞人語好。差憐屋瓦碎不完。昨者江浪衝城垣。危樓傾欹石坊倒。城北至今人戶少。爾來差喜皆有年。移戶漸入居城邊。長衢似砥房廓寡。頰飭官鑿急燒瓦。此州歷歷鎮重兵。戶號十萬田疇盈。災傷元氣亦易復。吏不擾民民已足。宰官迓我勸駐驂。導訪息壤來城南。荆臺遺跡渺何處。但見蒼茫接江樹。西琛南貝夾道陳。簫鼓一城稱賽神。君不見。新城峨峨堤屹屹。我仰廟謨同禹烈。城工及堤皆本勸建

至公安寄崔三景侃

十年五度手頻分。猶喜常時入夢勤。行到驛亭殘月出。一叢修竹臥思君。

澧州城外渡澧澧諸水作

澧水綠如玉。水清魚露目。沿波惹得鶯絲忙。高下日光飛不足。紅霞欲渡波攔住。一綫分明接天處。澧波入澧澧入沅。欲向何處尋江湍。殊方晚稻收偏早。黃葉自零花自好。行人十里香筍蹊。踏得澧陽岸頭望。

宿澧州行館夜雨因東州守方維祺

昨來行館宿。蕉柏雨縱橫。更漏分明處。思君吏術精。一麾今出守。三拜昔知名。他日潯陽浦。彌添望遠情。

至清化驛

澧州六十里。行抵清化驛。其中涉三水。淺者亦沒膝。前旌及行李。半晌渡方畢。盤盤升頰岡。轉轉歷黝穴。肩輿忽高視。天上炊烟出。圓頭戒僕御。至彼謀久歇。初日出縱高。杉林帶殘月。晴光時破碎。宿雨明復滅。岡南勢稍坦。我馬行已疾。手劈樹上橙。聊先慰饑渴。

大龍驛道中

五塘汛南塗百折。二十四岡斜刺日。大岡如龍小如虎。復有如雷水聲阻。肩輿力盡跨馬行。屈指籠燭當相迎。溪風蕭蕭生馬尾。一綫日光馳卅里。

桃源行

沅江水碧疑無岸。一路布帆飛入縣。藍輿偶憶義熙年。三復陶公一篇傳。我知栗里宅。卽是桃花源。武陵路遠不須涉。咫尺好上潯陽船。陶然酒後詩成偶。可識漁人亦烏有。試問千株洞口桃。何如一帶門前柳。北窗日共羲皇遊。眼底尙恐無殷周。何言秦漢與魏晉。卑論不欲驚時流。華胥以上風尤厚。事隔千年已非舊。雲中雞犬尙有知。肯出淮南八公後。但書甲子仍作詩。此意亦有誰人知。永初開國是何世。不若洞

裏忘年時。沉沉遠岸楓林出。恍若溪桃欲成實。波流千折樹百盤。再轉或恐逢真源。

夜抵桃源宿江上行館

澧水既已綠。沅江流益清。三更鑑江波。波影逾空明。昨宵雨足山流黛。添得江波幾層翠。帆空若行明鏡中。鏡裏對舞山禽紅。涉江何處江波狹。欲向回塘問鸕鷀。鷗鷺忽迎殘月飛。扇得水波流向西。溪深綠暗途尤阻。纔見郵亭一燈吐。三層閣上客少休。閣底自任江聲流。虛窗閃白疑人面。却是布帆來一片。

桃源行館夜起

明知宵漏竟。開牖光尙黑。萬木寒一亭。森森日難赤。瞻西殘月影。微露遠山碧。高低飄溼翠。不放白雲白。江溜昨有聲。回汀沒三尺。

涉蘇溪

蘇溪何彎環。中有百家屋。出間臨水坐。炊飯白如玉。樹頭山果殊酸甜。祇向縣中求食鹽。涉溪前行馬礙脚。水鴨多于枝上鶻。

過長板塘進山口作

甫過長水塘。山色當晝昏。林木既回翳。湍聲急東奔。樹杪出數家。登闕東出門。非徒便趨麓。藉可瞻朝暉。欲習筋力勤。絕壁居子孫。昨構木百章。營巢畜雞豚。空處立一橋。下倚松柏根。我渴趨此林。索水貯瓦盆。

箕踞進一瓢。詎識官長尊。戒吏勿使呵。喜彼風俗淳。

武陵行館飯畢戲作

欲飲何其涼。佐以稜稜薑。自常德以上水性過寒每食必啖薑少許。煮魚何過美。芼此青青菜。溪田晚稻亦有香。山果嫩綠橙生黃。蠶腸似荷山神憫。爲我一林生瘦筍。

新店驛夜起

四更林梢明月出。光甚暫。山禽影落波。反使遊魚啖。欲搗雙艇子。遠至谿南泛。離岸山雨來。衝波閃燈暗。出新店驛雨暫止留東李學使傳熊

積晦殊難霽。山靈倘待君。料量三日雨。留得一溪雲。高閣燈初燼。東峯曙欲分。猶餘竹間露。衣上灑紛紛。入沅陵縣界雨中遠望壺頭諸山

沿溪雨猶零。七嶺天始曙。帶得桃源雲。來穿沅陵樹。濃澗竹木覆。一山不見馬公穿岸處。男兒出身須立名。足底萬里遊行輕。雖然垂老亦宜審。當日何意輕南征。君不見。二十八將登雲臺。馬革獨裹公尸回。論功我意亦未允。不特蒼苴遭嫌猜。蕭蕭谷口松杉直。怒榦都抽一千尺。精靈倘化蜀山蛇。夜夜山頭望京

相傳穿岸處有一巨鱗卽公精靈所化也。

發界亭驛

昨宿新店驛。今居界亭谷。試看黔中山。久已離地軸。藍輿不至天。恐未得歸宿。雲中數騎出。北斗貼馬足。我驚一回顛。詫是後來僕。濛濛露迷眼。背上北風蕭。高處難久停。身心願時束。

廿八日五鼓師子塘西見殘月。

如塵似霧影溪流。惹得行人馬上愁。却比初三三更消瘦。曉星一箇占當頭。

過揚武堡升嶺

我方下嶺謀少休。前騎又復穿雲頭。藍輿待得土岡脊。一谷白雲無馬跡。高高下下半日中。百偏起伏隨雲峯。有時望嶺行欲及。石復離雲自孤立。半空山果紅欲然。連臂恨不如羣猿。到來始信高居好。從此擡頭已無鳥。

將至辰州先柬陳太守廷慶

到州已歷百重山。消息應知太守閒。釀酒乍迎千里客。作歌欲化五谿蠻。日邊書至顏先啓。天上詩成手自刪。爲問玉堂前度宿。可曾飛夢入壺關。

界亭驛南以山險肩輿增棒夫八名

卅日歷萬山。所幸軀未損。今晨出門望。失喜忽一哂。輿丁增八箇。繫繯筇輿本。爲言塗崎嶇。藉此力勉賤。不然升陞壁。或復致狂窘。我感郵卒意。百計致安穩。回思立身處。曾未藉牽引。茲雖憑衆力。失足亦能殞。

途同蟻旋磨。客類牛負紉。高低既相倚。曲折若施華。天路即可通。吾心尙當付。
白露塘道中

沅陵三百里。秀止萃林木。居人讀書少。見客輒矐目。雖云枕山住。愛結水邊屋。十月溪無梁。行歌赤雙足。
山深寒不至。荷榦尙芬馥。商賈出市鹽。門前菜畦綠。

山行

日光沉入淵。水光浮上嶺。水日空明中。禽魚趣何永。無窮物外意。所苦人不省。魚將蘋作屋。鳥以谷爲井。
飛行寧復越。各若守疆境。我讀莊周書。開觀倘心領。

廿八夜飲陳太守廷慶署醉甚四鼓起行四十里至馬溪河乃稍醒

森森萬竹竿。日出溪上綠。涉此徑寸波。溪魚圍馬足。溪流三折忽暫停。石上戴土營危亭。茅菴一僧聞誦
經。烹茶餉客酒始醒。指途南行入峯缺。壁陁仍煩數人曳。沿山松竹忽無聲。一嶺蘆花白如雪。

將至辰州道中望大小西諸山作

施黔江上望山路劣纒通。天壓松杉綠。雲連橘柚紅。緩行長水驛。時見伏波宮。入沅陵界居人祀伏波甚虔我亦無他
願。書藏大酉中。

初一日未曙渡辰溪

一州及四縣。皆以水得名。凌晨渡長溪。天黑尙未明。臥聽柔櫓聲。知較沅水平。上流一燈飄。爭渡喧有聲。輕帆觸烟來。誤向溪左行。船丁正徘徊。穿出林鳩鳴。

從山塘驛行十里至龍門塘一陡坡作

削峯峨峨天半立。白馬白雲爭路入。有時雲向馬首飄。馬足亦與雲爭高。坡陀直下蹄難駐。雲始離山欲升樹。乃知馬亦戀白雲。行過西坡復回顧。

渡周溪入山

沿山三日西南行。山果愈美溪魚腥。出門忘挈種樹經。靈橘百樹疑冬青。水花茫茫亦登陸。一頃寒蘆雜修竹。山危不平心轉平。馬上睡起知身輕。

十一月朔日發懷化驛輿丁甚速行三十里至板橋塘天始曙

四更排馬陟山岡。候火齊明竹樹光。欲向藍輿續殘夢。鐘聲驚過第三塘。每至一塘。輒擊鉦相迎。雙溪水繞一山流。溪上冥濛薄霧收。睡起不知雲弄采。錯疑天半有朱樓。

大山顶

山頂樹樹杪人。樹底歷歷吹輕塵。回頭人復出樹底。樹上棱棱一山起。危塗似却反得前。要在絕地方通天。拋書莫笑無心得。幾日山行增學識。

板橋塘北入山

五色溪光炫眼新。到來不信是蕭辰。穿林石墮偏驚鳥。出嶺雲奇欲趁人。小夢乍迷千樹橘。長吟想見萬山春。行經谷口須重問。恐有當時鄭子真。

已刻抵羅舊驛

我來羅舊驛。日已及午候。陰晴勢未分。赤白雲相鬥。須臾赤雲升。日影乃微溜。白雲復歸谷。空作一川皺。山雲本無心。人意有左右。白鳥亦喜晴。勞勞向川咒。

抵羅舊汛卽沿無水行

今來見無溪。不復憶沉澧。同此石磷磷。無流清到底。沿溪山百折。勢斷復中起。似欲勒波住。不放出山裏。魚遊戀潭曲。鳥亦鑑波喜。最羨臨水居。峯峯石如洗。房廊藏暗谷。石罅墮蕉尾。天半露一窗。知聞馬嘶起。山行至一谷。

好奇往往入雲窟。此谷樵人或未經。行到上頭心轉怯。四山綠欲破天青。

至巴洲汛無水中生。一洲長幾一里無。水至此分流復合。

無谿忽分流。水色仍可辨。洲窮溪復合。波影益葱蒨。沿溪盤細徑。直下欲如綫。馬走北谷中。恍若帆一片。紆回出林杪。馬上露人面。同行成久別。忽復得相見。稍休厓石上。一喚名徧。愛水故緩行。吾真欲成殿。

自芷江縣曉行

沅州出西門。頗苦歷永巷。出城卽板橋。長逾一里。上皆覆屋。馬行幾不能舉首。坊廡無隙地。覆屋不獲仰。俯行一里始出坊。欲曙未曙。星猶光。溪深谷陡。杳難辨。撲面祇覺林蒼蒼。前旌半日途疑失。數騎驚看隔山出。人行貼樹馬逼厓。上下朱纓紅奪橘。看山一路不覺疲。吐納雲氣忘朝餓。峯奇正惹人回顧。急溜偏從馬頭注。

下山至大栗塘

與丁愁上山。我意怯下嶺。步放不得停。顛危出俄頃。白雲英英鋪嶺平。誰識左右山崎嶇。行人欲前飛鳥停。勸客暫憩山前亭。一坡稜稜注千尺。直下途危況深黑。始知身世總若浮。譬若鴻毛輕一擲。

上回龍關

夕宿無谿西。朝發明山東。藍輿天半忽一折。坐處正落空潭中。心驚不敢復俯視。尙喜缺處交長松。回頭願僕復不至。人說尙隔雲重重。行經平地願少憩。飽聽萬壑衝松風。

山行

探奇因失路。觸處總高墳。渡水雲成陣。爭山獸作羣。轉愁人跡少。渺與世塗分。一响支頤坐。沉沉靜見聞。
使水驛行館見水仙。一盆榦長三尺香。亦較江鄉者馥郁爲賦一絕。
傍山臨水幾人家。下馬匆匆感歲華。牽得客懷無別事。芷江驛裏一枝花。

騎馬行

我昔居里門，騎馬如騎龍。屏息不敢言，急復掣馬轡。十年作客奔馳急，與馬誰知日相習。風陵渡北中條西，百里風馳入安邑。謂赴黃仲則之喪，一日馳二百餘里。即今騎馬如騎羊，馬亦步步隨低昂。愛之不忍復鞭策，一日常教餘馬力。朱纓纒纒玉轡把，我馬力常先衆馬。舉鞭問僕笑不休，何似吳下蜻蜓舟。

渡無溪土人名大河。

溪亭皆有屋，分半水禽巢。昨夜前灘漲，遊魚上樹梢。

無溪道中

我行十日歷五谿，馬蹄不南卽向西。凡渡邊，旣旣辰無五水。山深愈轉塗愈出，令我日日看山疲。臨溪飯罷行尤急，

轉眼斜陽欲追及，亦知此地近西垂。好擇一山看日入。

將至波州汎行入一山，轉轉不得出，林木甚美，爲小憩少頃乃別。

沿溪北折山如夢，濃綠堆林欲無縫。忽然樹杪一綫開，穴底倒射天光來。一村松竹復疑綉，鷄犬亦雜居樓臺。林陰染黛山成幄，我酌水泉疑漱玉。君不見，炊光上與雲頭平。烟火亦徹仙人肩，他時縱復得復舉。誓與此山通性靈，僕夫催行三十里。我坐松陰不能起，卜鄰結宅亦虛言。但假十日山中眠。

波州汎南上山

東峯視西峯。已與碧天界。南峯更孤迥。意乃出天外。峯頭一峯雲不收。似向天外仍回頭。前山行完後山阻。我識天公用心苦。六曲屏風界黔楚。

將至大魚塘山行

水聲湍急處。山亦讓溪流。只此萬峯隙。何來一葉舟。石潭魚瑣碎。竹徑鳥鉤駟。正覺孤吟好。黃梅發嶺頭。過風木塘有感

及此塘西路。連岡百折餘。徑荒飛野馬。名古泣泉魚。人說官資好。吾傷祿養虛。望原徒步過。不忍坐藍輿。曉發玉屏劉教諭嗣武陳訓導秀升率諸生相送與中口占六首示之

一例青衫馬首迎。羅施山半見諸生。眼前指點爲文法。似此峯巒始不平。

童年敢說有師承。一事如今記尙能。堂比雪深三尺路。不曾辜負讀書燈。予少孤蒙太安人授經。

潛修莫恨閉門遲。倍惜分陰是此時。却喜十州民氣愿。殿頭早荷聖人知。召見日蒙諭以對名士習淳樸須勤爲教導。

閣帖堂碑奈俗何。烏焉三寫已成訛。子雲門下生徒盛。誰比侯芭識字多。

一字雖音總不成。黔音差較楚音清。諸生莫憤稱天籟。好屈周顒學四聲。

我無奇術報殊恩。欲闢當時通德門。他日講堂勤問業。六經誰似鄭公孫。

發玉屏縣

玉屏及清溪五十里不足。其中山雜沓，頗覺寡平陸。寥寥依斥嶽，時有幾家屋。西南綠吞山，雲歛日光縮。猶欣枝上棘，土性無曲木。山凹諸土著，居各面林麓。邊微歲屢登，稍聞事儲蓄。深林鶻聲喜，時得啄餘粟。前及羊坪塘，村烟已成簇。

山行

出山泉百折，殊有戀山心。澗水復時落，重源何處尋。紫藤垂岸陡，白鳥渡波陰。臥聽灘聲急，勞勞自古今。
將至漫溪塘

漫溪途猶危，絕巘立斥嶽。心疑不能到，再轉谷已濶。遵坡何洶洶，雲出與石鬪。不知雲起落，但覺一山皺。前行塗轉晦，時見涉波獸。濃綠復萬重，密林無正晝。

將至清溪縣上嶺

障坡千萬樹，不覺有山城。忽訝鳥巢外，時飄人語聲。撥雲看塔峻，映柳識橋橫。及渡清溪水，方知水色清。
清溪行館見梅一株花甚爛漫喜而有作

風利如刀雨若梳，一林花密竹蕭疎。塢頭更有山無數，疑是江南二月初。

何曾驛使解封題，空向長安醉似泥。三載別來惟兩面，白雲溪外卽青溪。
都門不產梅，惟庚戌春初，計借北上，將大齊爐錢我于舍南竹

屋時老梅適放數花，然不及此十分之一。

夜移瓶梅人紙帳。伴曉起香愈酷。烈復賦一首。

自來荆郢南。山路愛曉行。馬蹄慣踏紅燭影。送盡殘月聞鐘清。偏憐昨夕山窗裏。竄滯疎香不能起。風疎雨薄送出城。猶執一花籠袖底。

發清溪縣至梅溪塘二十里。沿無水行。山徑逼仄。幾不能上。

盤山道險幾不通。大石礙路如癡龍。灘聲愈急嶺愈峻。嶺似不放溪流東。一卒引馬。十卒引輿。頗念衝途人。不得常安居。兒童生小登山易。履險真如履平地。百錢縛肘餅繫腰。口吸山泉詫甘味。梅溪才過復小溪。十里肩上籃輿飛。書簽倒落茶具剖。只有梅枝猶在手。山行望舟始覺平。舵樓客眼尙未醒。君不見行經平地撲夫喜。一葉舟驚突波起。

渡水至焦溪行館。山水環抱。林木尤邃。覺巖灘剗中無此奇勝也。

山百折。溪百回。到來山水欲俱斷。一葉忽破青冥來。南津樓。北津樓。津樹對出雲分流。嵐光密處山花好。十月猶青堤上草。沿溪一帶飛綠烟。偏向人家鏡中島。人來岸南立少時。岸北征馬聞驚嘶。行人衝寒馬流汗。馬影度波魚忽竄。

盤石塘

黔中行兩日。山險止梗道。東西無起訖。所苦穿匳要。行經盤石汛。石脈始森峭。奇峯破天出。頽石突若廟。

排空立一徑。萬古不得到。中疑穴靈怪。縷縷雲出竅。飛瀑復百重。誰能抉真與。生平好奇性。失喜忽一咲。尋路欲出山。鷓鴣恍前導。

曉曉入太和洞

轉覺岡嶽峻。難容地脈回。客方升閣望。山欲渡溪來。市郭燈初暗。帆檣霧未開。半時心境敞。孤坐此層臺。

上油榨關

一石橫絕天。一石橫塞地。盤空兩巨石。缺處復鋒利。雖云厓營汛。劣僅入隻騎。前經絕壁下。轉覺人馬細。東南初破曙。一縷入雲氣。大息撫鳥巢。吾形願同寄。

下關逢驛使却寄張同年問陶

時張方由蜀入都

君來蜀道如天上。我渡黔關入地中。今夜相思倘回首。各從北斗辨西東。

相見坡

小相見坡折不休。三起三落時句留。藍輿正對我來路。迎面不復勞回頭。盤盤路向雲中辨。七里來尋大相見。石古途危細如綫。馬頭亂撥雲濛濛。馬上人面猶雲中。東西對立峯何陡。天半俯看一招手。馬頭已西人面東。隱約尙見坡竿紅。飛泉欄路復衝出。人面始同坡面隔。下坡十里行轉遲。縱不相見還相思。還相思。不相見。我願天下人。皆如此坡面。東西縱復隔浮雲。一日之中時隱見。或云會面數則離。此則仍復

分東西雙坡近又判兩縣。大紹見坡屬施秉。亦若古者好友百里愁分攜。乃知在遠仍如邇。我念神交倘如此。劉家塘畔作一詩。火急封貽二二三。

偏橋

重鎮當年建節旄。石闌千步尙迢迢。江南到此川程絕。想亦應名萬里橋。

天梯閣在施秉縣城內。

樓閣排空雉堞齊。霓旌高閃夕陽低。萬山過盡疑天上。不信前頭尙有梯。

二鼓至飛雲巖。秉炬上巖略周覽。卽回至蒼雲閣宿。平明獨行上巖。并至聖果亭。雲根泉等久憩。

盞輿小睡已二更。半里外響飛泉聲。入門一徑生虛白。是石是雲同一色。前行百級卽少休。秉炬却憩巖西頭。征衣暫付山童澣。先煮山泉與山款。自來京國夢始寒。枕上一夜鳴飛濺。平明待得雲全出。始向山根搜石窟。乃知雲亦無石奇。石轉覺瘦雲嫌肥。壘壘却似枝垂果。一朵峯尤奇。一朵飛騰只在人眼前。不遑拔地思升天。遵巖欲及仍難及。石却戴松空處立。玲瓏百竅生百松。飛起松亦當排空。松身夭矯本若龍。會見汝植天門中。須臾日晦光開闔。雲復飛來與山合。出門雲動石覺行。雲脚送我來黃平。

巖側古梅一株花正放

碧澗層層暗綠苔。石闌千畔久徘徊。不知樹向巖中出。祇覺香從頭上來。新月正宜當檻坐。高枝疑欲待

人開。寺僧云今日泉聲石色都成戀。便繞花光亦百回。

黃平州西見日出

黔中行兩日。天短日苦陰。玉屏及清溪。尤若日暮行。黃平州北逢初七。甫見平衢流赤日。車前歡喜到八
騶。馬上曝背寒威收。宜娘山外風尤峭。一半花苗出趨廟。紅綾肩上半一腔。七尺花轎引神轎。相遠百里
風土殊。山前老苗亦讀書。怪來門帖宜春字。明日欣逢日長至。

至日發重安江行館憶京師早朝諸君子

過盡州西劣。勦峯重安江。水綠溶溶。獨從萬里橋邊宿。却憶千官闕下逢。三殿左趨燈影密。石經國史諸館皆在殿左。

五雲高捧日華重。幾年此夕朝天慣。猶向山齋數曉鐘。

渡重安江上嶺作

三里與江背。冷冷響尙聞。前經百重樹。始隔一川雲。天向松梢暝。途從石罅分。寄書情較切。空有雁成羣。

入大風洞半里阻水不得進
途行抵清平。山不秀而樸。盤盤十里外。石脈已潛伏。巉巖當面出。劣欲轉地軸。停輿入歇徑。風氣早森肅。
泉流四飛注。細石時礙足。絕險劈一門。途寬不紆曲。東南諸洞穴。所苦地維促。茲遊庶森爽。敵及萬間屋。
恍若古達人。推心貯人腹。渾淪含衆有。不太別清濁。巖奇列千竅。尙未及雕劂。乘虛一燈入。百怪露人目。

風輪覺森森。大氣自回復。窳裳行欲進。捫黑若相觸。陰房長入夜。日月光不燭。狂思傾海水。一洗龍霧毒。
東西靈境闢。真見列松竹。方志云洞深可廿里許昔有高一廬者乘炬深入忽見天光豁然洞外松竹森列 瞑坐一縱思。莓苔照人綠。

晚晴自白泥塘至楊老驛山行

才收薄霧卽新晴。似畫溪山馬首迎。添得白雲成睥睨。連岡真似古長城。
白泥塘北石零星。下坂難教足暫停。幽絕山村幾家屋。晚霞黃處炊烟青。

宿楊老驛

雨山中間夾一驛。驛路如繩盡高出。山凹忽現數百家。瓦屋鱗鱗若居穴。下山欲向橋南住。水碧堤青渺無路。更殘繞砌空百回。新月不過山岡來。

度響琴峽

排空石筍立一山。人向筍上行。轉環藍輿舍。此卽無路危。在皆從筍失步。行人至此亦掉心。空有細響同鳴琴。琴聲愈急步愈促。一跌幾將陷山腹。我行萬山無此奇。過此一折山仍夷。君不見危塗莫謂無人到。此是康莊通六詔。

黃花坪道中

黔中雖易雨。一雨亦易晴。溼翠甫欲收。早喜霞光明。山花亦時開。助以百草馨。最好山徑奇。一轉一曲屏。

才過清水塘。已抵黃花坪。回頭望諸山。復覺雲冥冥。

冷溪塘

四山盡高出。中陷若一井。居人欲入縣。數里方及嶺。松櫟若井闌。沈沈閉升景。塘兵瞻導騎。半日已引領。砌杪百尺樓。樓前柝聲永。相將過溪去。溪水清鑑影。太古雪尙留。何嫌水光冷。

牟珠洞

層山天半列作屏。下有洞壑藏真經。到門口缺若建瓴。一徑斜入天光青。飛空真人倚疎櫺。法象奇古忘年齡。千百萬態蹈真形。旋螺三折步不停。石上戴石何瓏瓏。巖深無人杳冥冥。石腹天矯參龍形。中陷若穴堆蜻蜒。凝脂點乳流素馨。石嫩可指膏猶零。恍如鴻鐘擲寸莖。絕巘往往揚空舲。有聲無聲難可聆。偉哉造物實至靈。鑿出雷斧穿飛霆。另闢一洞居明星。小者如盎粗如瓶。否亦或是仙人庭。百丈高處懸飛鈴。更有一曲雕雲蜃。馬前兩兩排仙伶。馬旁力士疑五丁。後來一人殊伶俜。側首髻影光熒熒。回身匿避如尹邢。千年老雀初刷翎。絕壁萬丈懸猿猩。或如空原萃鵠鶴。或如高枝綴蜻蛉。如人狒狒似豹鼯。回毛宜乘細角鷹。形奇態詭孰使令。久視方得心神寧。稍南一厓結作廳。嫩綠錯雜同圓汀。碎影點出踈踈蜃。一門森森列萬釘。五色變幻形玲瓏。巨者恍若浮江萍。山南如坎北若陘。幸有巨石層層回。萬古不入蛟龍腥。靈風蕭蕭雨濛濛。晦朔借乏知時莫。來遊如夢出若醒。刻石欲作山前銘。我留一言神倘聽。巨斧徑

欲鐫哈特。一綫裂處開明廷。從茲光怪不得局。正午赤日來亭亭。時諸欲用四川開鑿井法。于巖頂鑿一穴以通日光。

過新安塘未三里見絕頂一關高出鳥道卽隴首關也延回行半日始至

才過新安塘未抵壠首界嶺樹千重復萬重。驚看白道懸天外。計程七里行半時。我意尙覺來何遲。回頭忽驚飛鳥墮。隔却白雲穿不過。

晚至龍里縣

清絕山城祇百家。城門樓上晚吹笳。猶餘溼翠收難盡。商略明朝作曉霞。

早發龍里縣道中雜詩

濛濛四山雨中有一山晴。漏得朝曦影。林鳩復怪鳴。絕巘疑無路。雲穿一徑斜。野花隨意放。不復有人家。山樵值山樵。陡壁亦相揖。濛濛雨不晴。莓苔綴圓笠。牛羊識分界。不復過溪隈。只有躑魚好。斜穿石罅來。全家三五輩。種藥此山中。開牖摘生果。朝霞滿袖紅。誅茅搆一亭。遠近皆可徙。因貪聽溪聲。移入前林裏。觀音閣

溪聲流不盡。三折到橋南。初日紅猶斂。殘冬綠尙酣。乍疑僧入定。真與佛同龕。北閣休教掩。衝寒性所耽。
小除夕祭詩作

南行邇萬里。小歲入三更。爆竹斲心碎。桃花照眼明。時桃杏及海棠
諸種並已盛開祭應遵舊例。醉復盡餘觥。笑向兒曹
語。今年峽已盈。

除夕寫歲寒圖貽徐太守日記

樂府新傳二十篇。太守近勘事定番
州有樂府二十篇。燈花斄鳥倍鮮妍。使君循蹟吾能識。記得相逢又廿年。壬辰年太守
官英山令時

余隨學使者至
六安得識面

風光知否入春無。竹葉青蔥柳眼蘇。欲祝一番交誼永。臨溪仍寫歲寒圖。

卷施閣詩卷第十三

黔中持節集癸丑

人日登東山遇雪復攜客至黔靈山久憩

別來方十日。春色滿山村。樹矮將穿牖。峯奇欲突門。
半城新綠影。齊上振衣岡。露濕樓鴉徑。春濃選佛場。
我愧非安石。山真似白門。乍披天半牖。同醉雪中樽。
松陰委曲廊。杏樹攢高關。城中客始來。原上花先落。
積雨廚烟重。穿雲澗水溫。馬頭山鶴噪。牛角野禽蹲。
樹侵官道窄。山壓女牆低。馬逐雲頭上。人隨雨腳西。
三層樓上雪。百尺樹頭花。白欲迷天影。紅疑迸歲華。
廊長縱獨行。甍小容危坐。天上有人聲。山樵墮松顛。
小亭三面影。清磬四時聲。樹暗蕨西嶺。窗明瞰北城。
半窗初積霰。一枕昨聞雷。時連夕 臘意屏前散。春容鏡裏開。

新正月初一日發筆

誰向黔陽記歲時。殘年氣候較參差。夢回昨夜燈猶永。春入空園柳已知。小病乍將人事減。薄寒聊遣酒杯支。驚雷爆竹都成陣。門外三更雨若絲。

初春憶里中諸同人

萬山深處住。忽憶海邊春。不特花香好。兼思花下人。花枝濃濃柳條長。花裏高樓日堪上。危橋東轉多坡陀。一水出城名蠡河。河流至此剛三折。亭號蟻舟人亦歌。左家兄弟工煮茶。閑訪屋北踈梅花。錢郎多愁趙生嬌。瘦董超然癯崔廼生兄弟鄉語好。毘耶室冷畫不扃。塔影七級看亭亭。圍鑪聚久清談足。小臥還繙蔗經說。豪華興逸不可當。來及曙色歸斜陽。一童攜錢每先走。爛醉城東市橋酒。此時十輩五客燕。兩客復住荆江邊。我頃南行路七千。遠道誰拍洪厓肩。山形盤回水迢遞。夢裏還家亦非易。作詩火急欲寄回。屈指到日榴花開。

貴陽元夕燈詞

花野連宵爆竹催。惹他桃杏一齊開。惟餘徑草難全綠。却值山南絲雨來。西南郭外盡平疇。節使筵開百尺樓。燈火似山人似海。忽驚天半一回頭。廿家門巷一樓燈。火樹銀花夾數層。只有笛聲淒怨甚。四更還待月華升。

金鎖橋西送客回。趁人叢處廣場開。蘆笙吹徹秧歌起。逐隊花苗跳月來。

一句強半雨連綿。不信黔南是漏天。騎馬出門思鏡聽。沿街却喜說豐年。

廉訪齋南笑語諄。姜肱使開陽工射。每集同官角勝負。真當筵絕技使人誇。射棚一盞銀燈上。牆外驚傳鼓子花。

花枝不異故園春。短巷長廊記却真。倚徧石闌干畔月。就中只少走橋人。

簫鼓初停坐客稀。晉巖節使以予不觀劇爲擇日另設一筵。半酣筵上換春衣。七千里隔津門路。却有黃魚入饌肥。

古牆陰碧燭花紅。待月樓高影數重。一簇銀燈山半墮。乍看真訝下天龍。

踈楊成幄水如烟。錯認江南二月天。星月未來樓閣暝。萬枝燈裏漾秋千。

清鎮道中

春陰一堆紅百堆。山翠缺處桃花開。冥濛綠意石根迸。春筍昨夕聞驚雷。行人衣上泥猶濕。高樹塘邊漾

晴色。山泉日午開鏡光。菜甲花滿疑斜陽。

過龍井塘上坡

李花如含顰。桃花已迎笑。藍輿再轉復一岡。天外奇峯門清峭。春塘北折凡幾家。飛蓋過樹驚棲鴉。回厓

陰陰蝶飛滿。春在海棠深處暖。

春分日抵安平行館作

清削峯巒得未曾。峭厓馬上却肩承。山泉圍郭綠三里。村樹接天紅一層。遠道書來春正半。小樓人去月初升。商量欲待尋巢燕。齊捲疎簾喚上燈。

沙作塘西上陡坡

連聲爆竹鶻驚回。正好山南雨欲來。只有桃花解迎客。趁人叢裏一枝開。人家多住石塘西。石屋參差望欲齊。空裏鶻鳩聲轉急。山雞飛上故巢啼。

中火塘西入山

東厓及西厓。深巷密無縫。厓窮山寺突。補此密林空。行人下岡脊。騎劣急施鞚。石罅三百家。隨波綠疑動。冥濛遠天外。飛鳥忽相送。宿雨時一零。檐間杏花重。卻盡一層雲。山房尙春夢。

寒食出安順府西門校射

閉門甫經旬。芳草已如積。黃花滿平疇。春露曉逾白。青山迎道左。濕翠馬頭滴。關圍三里餘。朝晴試騎射。隄旌紅閉野。岸柳綠窺隙。山鵠閃畫弓。林鳥占門戟。子焉心寄賞。觀者足若植。甄無養生技。敢論扶風德。聊記在蠻方。西郊度寒食。

三十日遊金鐘山

百盤升作嶺。一石削成臺。山筍高逾屋。天風響若雷。澹紅雙徑羃。新綠一窗開。正好容危坐。齋鐘莫屢催。

武當山久憩

道人侵曉初啓關。一城花光浮上山。闌干影外春陰膩。香氣依稀塞空際。交鳴鶯燕殊有情。三里路中飛不停。深紅淺白看難足。葉底參差間新綠。看山百回眼轉青。山殿開處洞元冥。殿旁一徑天風墮。我借蒲團向風坐。此行訪客擬夕陽。一騎忽復來山房。傍花南行衣袂濕。花裏先聞響鳴鑼。是日彭平門延

初一日出南門至華嚴洞持燭入三里許

百折山已深。遵巖復千轉。山扃深萬仞。欲往怯途遠。洞門蟻炬擲兩頭。直下無底光難留。奮身一擲若飛鳥。回視偏驚洞門小。土花濛濛綠滿衣。巨石礙路如雙扉。牽衣屈曲入屏罅。飛瀑偏從兩肩下。危崖覆釜下轉空。大聲如鐘疑蟄龍。孤筇欲拄不得拄。地底陡復衝天風。屣窮路斷天愁晚。半寸燭中人復返。高低三里路蜿蜒。出履平地同登天。當時誰把華嚴說。已覺豐干太饒舌。我欲磨厓易舊名。讀書山畔藏書穴。華嚴洞外山甚秀。折而無名縣人趙氏聚族居焉。余歲試安順。趙氏子弟獲勞者文武各二人。因以讀書名其山。從士人所請也。

城南十里路回環。百折烟嵐水一澗。却喜青衫迎馬首。華嚴洞口讀書山。是日值諸生釋菜回。

初六日發安順作

昨旬騎馬入行臺。草腳踈青尙未回。今日藍輿向西去。海棠花放蜀葵開。韶光欲老愁梁燕。碧月初圓照

酒杯莫更匆匆感時序。石榴紅綻客仍來。

上巳日自鎮寧抵安莊道中

銀塘北去山如鎖。正好一村新綠裹。沿林乳鵝飛刺天。掠得餘花落千朵。盡與小睡轉數岡。夢裏時觸幽蘭香。山危已換長繩挈。一半花苗帶花出。林深綠暗路欲迷。却喜穿樹如鴉飛。今年上巳風差緊。分水橋邊。鑿春影。過橋南北分兩堤。樵徑北去行人西。柳絲濃濃挽客衣。去路開徧黃茶廳。

白水河

我尋白水源。潤削流殊細。西經白虹橋。河聲始如沸。前行十里響不停。巨石欲裂穿驚霆。河流至此經千曲。激得飛濤欲升屋。回頭屋後山俱破。却讓河流隙中過。非烟非霧鬱不開。此景豈是人間來。忽驚一白垂無際。高欲切天低蓋地。泉聲落處搆一亭。水色正壓翠山青。離潭一尺波如斛。襯出空潭影逾綠。壘方三月景不妍。賴此兩兩懸珠簾。轉愁萬古籠難捲。隔得仙源愈深遠。潭側有水篋洞。爲昔人避兵之所。潭旁一枝花較紅。照影只在空潭中。四圍山色高如岸。祇覺白雲顏色暗。眼中神物誰得看。潭中相傳有犀牛伏此。會待月午波心寒。行客去不停。孤吟我偏久。泉飛兩派君知否。分送行人出山走。亭側有二道往雲南。及南龍府者于此分。

鷄公嶺

險絕鷄公嶺。枝蟠百斛蛇。嶺背有古藤。粗幾百斛。上樓天欲墮。攀樹日初斜。怪石圍孤寺。燈烟簇幾家。下山途更窄。

驚客有棲鴉。

關索嶺

山南路。鳥飛亦不知。排空翠巘逼天住。乃識細路懸如絲。前行問路頻相失。時入穴中時出穴。東西向背杳莫分。幸向林梢辨斜日。兩山中間夾一橋。細水畢集聲如簫。過橋三折方遵嶺。忽訝危橋若深井。前行筵蔭後感施。時俯時仰愁難支。征衣匆匆棘心挽。攬客復有青松枝。居然一廟藏山半。上視山巔尙霄漢。停輿聊復酌山泉。以手讀碑疲復換。後先濟美誰所云。嶺上有關索廟相傳。當日或隸征南軍。神扉開處。山僧送。我敬英靈且先拜。虛亭留客聽晚鐘。炊火遠雜山花紅。出門撲面風尤大。幸有扶人竹千箇。君不見。來途一綫雲初破。天上驚看馬頭墮。

永寧道中

一馬行天半。雙旌逼嶺頭。澗光黃奪月。山勢黑吞州。蟻穴開平郭。猿梯直戍樓。人家止三兩。相對雨中愁。

哈馬塘

哈馬塘邊路。肩輿趁午晴。山如重甌合。人亦左擔行。竹密都題字。花香不識名。前旌且回緩。留酌野泉清。抵盤江過鐵索橋。久懸復下坡。至涼水營午飯。

盤江水。流千里。三月江水清。泠泠望無底。岸東安順西南籠。天半一橋飄若虹。空中正練交如織。知費當

時幾州鉞高低兩層鋪板平。人行半空馬不驚。登樓試面晴江色。陛下驚看一千尺。四圍山勢若削成。樹亦直上無縱橫。危厓盡處僧房鎖。三月榴花已如火。闌干影裏望行人。一半分趨石厓左。巒中節物何太忙。百卉開落誰平章。賞心豈獨無儔侶。鶯燕南來亦登語。出門石罅路不分。鳥道十里鋪黃雲。涼塘三百家。忽覺春如海。我食盤江魚。還憶盤江水。

普安道中作書寄南中諸友

別來春色已成圓。一種花枝隔水看。榴火樹中風驟暖。芭蕉聲裏雨仍寒。巒方不定陰晴景。瘴嶺先備且晚餐。南麓一府處貴州極南微有瘴氣。客此者宜節飲食居處是以云。便欲寄書無別語。七千里外客平安。

新城行館卽事

繞廊不厭百回行。客已離軒酒尙傾。銀燭一條花兩樹。伴人清夢到三更。闌干都復綴青苔。鋪地松陰綠不開。半捲竹簾貪看月。鷓鴣啼雨枕邊來。

南籠苦旱余抵郡二日卽得驟雨然麥苗未暢發也十三夜甫就枕卽聞雷聲自南來雨急如注徹曉不止喜而有作卽柬張太守鳳枝

經旬誰說使車閒。憂旱心情未解顏。乍覺清涼思擁被。忽驚雷雨欲移山。沿堤松栢爭飛瀑。合隊烏鴉猛叩關。却趁電光升開望。已聞歡喜到苗巒。

答張太守鳳枝見贈之作

領郡天南復幾春。退衙仍是苦唵身。苗蠻繞郭風偏悍。孔李通家誼最親。千樹影中圓月上。萬山深處一

官貧。閑情譜到雙紅豆。莫哂吳儂白髮新。太守有紅豆詞二闕極工。

南籠府東郊試射土作

燈馬場西綠欲勻。紅旗獵獵起纖塵。貪看一角春山翠。忘卻當前角伎人。一條馳道倚晴空。破曉先聞響角弓。正是柳塘風急處。亂花隨馬入雲中。

南籠道中夜行

盞輿三折面方塘。雨後溪光著意涼。行到石橋剛夜半。野花殘月鬪深黃。

羊場塘西見海棠

三月風光疑有恨。十分顏色已無香。林昏露薄誰人看。留得松陰護曲廊。

發新城道中值雨

別來春色已陰陰。收拾高低徧野金。來時菜花極盛。一晌東風豈無意。雨絲都灑百花心。

三望坡騎馬歷黑土坡老鴉關諸隘

三望坡前綠欲迷。一鞭高與白雲齊。多因馬上人回首。惹得春禽逐馬蹄。

楊柳三層接綠苔。春陰如海浸樓臺。山凹一騎穿花出。錯認雲帆天半來。
度老鴉關

絕險疑無路。回頭雨復來。正愁疲馬感。却值嶺雲開。細草黑如霧。野泉聲若雷。與前長官拜。何處與徘徊。

安南令張君
世昌迓至此

過保甸塘至盤江道中

隔江途若綫。正對行人面。更轉百坡陀。江流尙難見。

春盡日發新鋪至永寧州道中

到曉風難定。山雲欲亂飛。上樓初破夢。過嶺復霑衣。石澗草蟲響。藥欄花事非。去程三十里。如夢雨霏微。

道中作家書戲占一律

過得鷄公嶺。巒風說亦愁。春田喧蟋蟀。晴木轉鴉鷗。雷雨輒排戶。牛羊分占樓。居人怕飛瀑。竹屋製成舟。

自永寧州署發至北口塘值雨

百折途如綆。千林晝若昏。嶺藏初祖塔。苗別仲家屯。竹瘦欲穿石。雲奇竟塞門。隨車謠已愧。偶值雨翻盆。

連日至安南永寧皆得
雨土人有遊車之語

觀音洞

仄徑西來日欲曛。洞門流水綠沄沄。擡頭忽覺老奇峭。錯認天空數朶雲。
半厓音響若聞鐘。石罅纔開薜復封。誰識洞中仍有洞。小橋流水一株松。
自界首塘至駱家橋道中

南岡北阜自分條。如雨谿光路轉遙。欲引行人向東去。柳花攔定駱家橋。
乾溝道中書所見

新綠填街馬過遲。幾家竹屋枕陂池。鴨欄明淨鷓巢整。却有野棠開一枝。
初六日渡鴨池河至四方井道中作

隔窗催客鳥何動。涼甚先將濁酒醺。才欲出門衣袂濕。馬頭猶罨昨霄雲。
江干清曉泛浮槎。隔岸山隅路幾叉。行入白雲紅萬點。半空都放石榴花。

將至黔西東州守張同年會游一首

憶昨相逢渭水邊。忠宣門下說齊年。同官萬里君尤遠。曾幸三峯吏是仙。到處溪山疑綠野。
予曾兩詣桐城並至相國

園別來京國望紅箋。
時郎君計借北上 衙齋借榻心殊慰。爲我先開卜夜筵。

四方井至黔西州道次
危途旣稍夷。平壤拓十里。溪聲流四面。山亦伏不起。良田富林麓。百鳥展然喜。固知巢危厓。心亦匪得已。

溪田新雨後。波活掉魚尾。鳧鼻青竹竿。抽梢入鳥裏。途長怯晴日。迂道走坡底。一頃荷花風。炎蒸忽如洗。
十九日至大定城西坡上。校射歸塗。復詣斗母閣看飛瀑。

射場距五里。清曉聞吹笳。初日旗幟翻。鳴鉦出官衙。拂露過北郊。先驚樹頭鴉。藝士植若壘。臺高建崇牙。
下馬入鎖廳。山青四周遮。臺杪射的紅。高低奪明霞。一水出道旁。來源抑何除。牆缺竹樹交。路若之字斜。
直下百尺餘。依稀有人家。雲氣復四飛。驚風走汀沙。回路改郭西。山田夾鳴蛙。飛瀑空際來。濕此半嶺花。
客倦欲暫停。禪扉試煎茶。

路穿巖

萬仞峯何峻。巖腰豁一扉。遠從波影入。已有日光飛。攀徑野花綠。排空石笋肥。谷菴偷覲客。時復閃紅旗。
烏西塘

清晨馬上來。薄暮烏西宿。烏西人已知。巖頭注雙燭。

黔西州署西偏有海棠一株。大蔭半畝。惜花時已過。同年張君約科試時。再過此相賞。因作此以贈之。
海棠籠半畝。辜負此花時。車馬何因暇。闌干有所思。碧窗懸舊句。紅藥剩殘枝。不是張公子。誰能訂後期。
張同年邀遊東山寺

山廚連日綺筵開。邀客東峯角伎回。是日約同人。在山棚角射。我比謝公心更冷。屏除絲竹始能來。

石峭潭空夜氣生。少焉亭上燭縱橫。酒闌尙復待殘月。北斗欲斜山四更。
將至爛泥溝上嶺

四山飛瀑合。鳥亦誤西東。乍劈林梢綠。遙分寺角紅。幾家波影外。終日雨聲中。絕險藍輿折。尤防撲面風。
革撥塘遇急雨

百道飛泉合。魚龍欲上天。戍樓何處在。野水忽無邊。徑仄花迷眼。厓傾棘刺肩。夜程猶十里。愁絕馬難前。
夜黑行三重堆汛南諸山中

卅里羊腸路。高低夜色浮。虎風腥撲面。榴火艷擡頭。雨急三層磴。雲迷百尺樓。林梢一聲磬。隱隱出平岡。
贈周刺史景益

卅年家住蓋河灣。只隔衡門不往還。清切早聞登上第。沈淪我亦廁朝班。閒情偶欲消餘晷。君善度曲遠宦同
應歷萬山。何日對床鄉夢好。白雲流水自潺湲。

渡渭河橋

渭河北去路尤稀。急溜橫衝石徑微。二十二條衣帶水。劈空爭欲上山飛。

楊柳塘道中

雨絲初斷日光微。十里亭前試蓑衣。剛被軟香吹破夢。滿山黃徧野蒿薇。

白蠟坎道中

忽覺身無據。藍輿下半空。冥濛萬重綠。中隱夕陽紅。客醉連宵雨。花殘昨夜風。誰言播州惡。土脈較疎通。

鳴溪道中

水田千百級。中有石泉青。一道復孤下。四山相與冥。過溪晴乍永。隔岸雨猶零。最是椒花好。時時破夢聲。

五月五日遵義試院憶里中競渡之勝十首卽寄錢三維喬趙大襄玉

溪流一曲巷雙條。燈影三層接畫橋。我亦趙家樓上客。七千里外憶今朝。

新闢柴門遠市廛。病餘讀書復逃禪。謂錢多因暇日添遊興。偷上吳娘鴨嘴船。

內河昨日雨蕭騷。溪水平添綠半篙。惹得龍舟銜尾去。十番船泊北城壕。

簫鼓聲聲壓畫櫂。整衣多半出褰簾。檝頭艇子如飛去。就近還趨八字尖。

河干扶醉却歸來。聽雨樓窗半面開。偏是謝娘諳食性。枕函堆徧紫楊梅。

兒童撲手說端陽。杏子輕紅梅子黃。乞與一瓶桑落酒。醉眠仍入少年場。

三元閣上久徘徊。天氣陰晴乍熟梅。畫舫塞河人塞岸。忽驚雷雨打頭來。

雲谿谿北接官衙。添得紅闌眼乍遮。好是一河燈影白。橋東錯認月西斜。

連日河頭畫舫開。無端鄰媪亦追陪。溪南一樹石榴盡。都到美人頭上來。

艾葉紛披蒲葉長。盈觴酒綠泛芸黃。蕭王里畔鄉風好。幾日門前角黍香。
遵義試院

花紅結作屏。山綠圍成障。引領望山城。山城在天上。

遵義校射場。在城外六七里。因就近假副將署射副校士。

三面青山繞角場。僅餘一面入斜陽。沿林石細馬堤脆。帶得落花來射堂。

三里周垣百尺臺。斷碑如戟翳莓苔。多應曾作老蛟宅。夜半石厓喧怒雷。
署本明場
咄龍宅

回龍洞

過橋凡五折。已到遠公廬。徑削才容馬。溪喧欲土魚。曉烟搖竹栢。初日定村墟。莫訪垂龍洞。泉靈脈久淤。

桃源洞

名區馬到亦徘徊。竹葉迎人鳥語催。已覺溪山隔城市。絕無鷄犬有樓臺。前塵事向殘碑讀。
洞土人相傳
爲李太白聽
處。絕壁花爭五色開。依舊澗聲流不住。錯疑重到武陵來。

渡烏江

出山殊有戀山心。飛漿迎人過浦陰。百折水紋千折嶺。急流時見點波禽。
江流中劈四山開。雨後江聲怒若雷。萬朵白雲空際落。錯疑潮自海門來。

馮巡撫光熊招飲卽席賦贈二首是日馮初度。

早識雲間大小馮。時令子開州牧克。蠻方何幸服官同。欣看裙屐筵初啓。難得民苗歲屢豐。蒙筆卅年呼

內相。公久值。趨朝四日領司空。自山西巡撫入覲特旨署工部侍郎四日卽有黔撫之命。到來尙竟稱觴地。却有東山若待公。

咫尺衙齋遞往還。識公心跡幾曾閒。五年官已移三嶽。公自山東布政司調直隸。八月恩先洽百蠻。州任

調撫雲南。秋半風雲迎使節。樓高烟雨夢鄉關。移家我合稱同里。只隔明湖水一灣。

使院後墻俯臨縣倉有荷池十頃癸丑二月將按試上游命工築三層臺于墻內五月杪歸池荷正花臺

適告竣因分日讌客于上同里楊上舍浦爲繪千葉蓮臺雅集長卷同人各繫以詩余亦率成此篇云爾

北人喜看山。南人喜看水。我雖南人居北久。有水有山方不悔。胷中先有萬仞山。山外流水聲潺潺。欲從

山斷水流處。更種疎花築廬住。拜官昨歲來筑中。所見宛與胷中同。不特有山有水有高閣。且喜山綠繞

閣閣外十頃荷花紅。爲補竹百竿。爲築臺三層。倉廩百舍比如櫛。靜裏已落書窗燈。花枝紅。水流碧。雲氣

時黃亦時白。有時天黑雨欲來。却好一窗收五色。宴客既有藕。藕底復有魚。池遠可劈桃。可食酒盞借此

青芙蓉。簾垂百尺樓千丈。讌客真疑在天上。窗櫺八角燈影聯。一城居民望若仙。樓高高。觴滿滿。豐歲莫

教行樂緩黔中有山皆可田。雨足便已成豐年。新秋昨夜涼風起。樓閣都歸雨聲裏。君不見。紅荷花開亦

無幾。接得稻花香十里。

七月五日曉出南門三里至南嶽山下射圃校士回塗小憩野人籬落偶成

數月不一出禾麻已盈疇炎暑曾幾時節序慨已秋
離離瓜田花黃露未收日出鷄尚鳴沿灘飲犂牛
射圃向北開南折路苦修旗門揭峯前東西兩高樓
迤左百尺牆觀者積上頭山鵲噪不停矢向巢上流
馳道滄白雲馬行亦遲留回途改西南偶作物外遊
園扉映方塘竹筍秋尚抽防鷲幽人眠花裏停鳴騶
七夕四首示女紡孫

一歲十二回回回拜新月何事禮雙星一年惟一夕

牛女緣何摯天人路本殊何須借靈鵲月裏有蟾蜍

挈得書千卷樓頭曝不停分將小兒女樓下拜雙星

銀漢間紅牆迢迢理七襄天孫如果巧何事不成章

十六日姜廉使開陽招同馮巡撫光熊萬方伯寧吳超尼堪什張繼辛三觀察暨徐太守曰紀聽綠軒賞
荷卽席爲賦采蓮詞十二首并邀諸君同作

群柯秋到雨如麻盼得新晴露已華我自看紅君聽綠

一月前余曾遊同人集紅香館賞荷

參差一月賞名花

曉日華筵水上開瑣廳千尺接層臺笙歌小部雍容甚都雜兒童竹馬來
門前赤棒肯欄遮齊放遊人入使衙惟底鶯絲無立處壓波人影黑于鴉

鳴鷗來處甫侵晨。午榻橫排任欠伸。各占一亭陳百戲。却忘賓主是何人。
東素腰纖點履高。是日令諸歌童結采蓮女子。花非勺藥卽櫻桃。旁人錯認紅粧好。十五吳姬刺錦箴。
偶然擊楫趁波平。也學津船打鼓行。消受小年無個事。一花開處一飛觥。
綠垣日午轉驕陽。一例都將小繖張。知有美人空處立。好雲低爲護明璫。
水心亭北接危城。亭左先聞按玉笙。見覓柳陰深處坐。暫停雜伎奏新聲。
無端燈影欲迷星。高挂檐牙下繞汀。空裏忽驚添异采。晚篴黃入電光青。
百重檐子憩檐陰。小合高擎唱點心。一樣酒帘花外颭。亂吹羌笛搗胡琴。
薄暝遙看打漿迎。紫微花點照波明。若非萬里橋橫岸。軒側有萬里橋。尙認吳頭楚尾行。
廿年前乏此花枝。貴州近年始有荷花。小艇何由泛曲池。此日黔陽似江左。當筵爲譜采蓮詞。
十七日徐太守曰紀偕安順遵義思南石阡黎平銅仁六太守威寧麻哈開州普安四刺史松桃丹江兩
司馬貴筑遵義及候補諸大令復邀集聽綠軒賞荷是日馮巡撫萬方伯以事未至卽席戲東諸君子
笙歌隊裏許閑行。月黑籠櫺水自明。鸚武亦知遊客意。此來看雨昨看晴。
夜涼移席屋西頭。燭跋都同笑語流。怪底諸君興偏逸。座中有蟹少監州。是日始食蟹。
鄭州倅覬自永豐寄近作百篇。乞爲點定因率成長句題後并寄張太守風枝。

我從黔靈山。望子萬峯底。知君升黨領。夢遠亦千里。山能隔面不隔心。一月不斷瑤華音。官閒一室開常早。虎跡訝多人跡少。使君句好誰能繼。高吟賦憑石點頭。怪來詩札縞如許。道遠聞經普安雨。我時宴客開華堂。發函光擲馮侍郎。侍郎讀詩笑語我。屈宋衙官何不可。東南賓從萃一時。更拓北牖哦君詩。八行莫訝詩牋皺。入坐荷香可同嗅。三更客去益朗吟。涼月正墮層波心。倦來復憶南荒守。索米還家得之否。書成燭跋贅一言。蠻府參軍我詩友。時太守欲假百金歸。爲兩親壽聞尙未得。

馮巡撫既作外臺讎集詩及見余采蓮詞十二章。即日復依韵見答其用韵之妙不減皮陸爰作此志謝傳棧飛騎一何忙。射虎將軍善挽強。不特事功吾拜倒。瓣香直欲到文章。

新秋回憶早春時。頻把餘閒付酒卮。燈影兩層花幾朵。博公二十五篇詩。公元夕燈詞及兩次。徵荷詩共二十五首。

吳司馬玉堦洗硯岡

瓶花齋中書有目。不減鮑家知不足。按羅各本元宋明。天一閣中無此精。東方冊萬言。南閣九千字。盤盤嗜古三十年。歲宴不知門外事。忽然四十作漫郎。騎馬遠復來炎荒。牙籤錦軸誰寄將。書少乃珍硯一方。蠻陬豈獨無書假。硯亦止憑縑素寫。君未攜硯來所見止有圖耳。一世難耕慨石田。半生卒業思蒼雅。可憐有硯不鈔書。僅寫年來主客圖。開緘忽欲念良友。讀書已覺忘朝餉。因君我憶卷施谷。千本異書碑百束。他時兩客各歸田。硯北還從借書讀。

十四夜坐月

初三達十四。月止晴一宵。差喜寘已圓。清光徹層霄。鄰東歌吹聲。舍北亦叫號。豐歲庶有期。中坐喧酒豪。而我亦甚閒。銜杯飲陶陶。一酌天宇開。再酌雲氣消。悠然到三酌。月采如鮫綃。兒女集我前。鏡索梨與桃。礎酒既已收。房廊步周遭。幸此徹夜光。歡喜到汝曹。他時返江南。水郭景倍饒。結伴或采蘋。沿堤泛輕橈。比舍攜密親。相將走谿橋。此景汝勿忘。興至我欲謠。紅燭忽斂輝。開簾已崇朝。寫管下名山。圖八幅。寄富尙書綱。

古人祝長年。類取象岡阜。我今頌尙書。亦以山爲壽。尙書八州督。惠澤及民久。前時持節處。閩海及陝右。仁風所丕播。地方實雄厚。每于奇絕處。皆得未曾有。中南從東趨。太白向西走。武夷清曉海。華岳秀參斗。尙書前按部。一一迎馬首。飄然來萬里。清夢憶之否。雲奇嶺復奇。條又落吾手。碧阜出我前。蒼山峙其後。烟嵐日千變。各各入窗牖。春秋多勝日。時復挈賓友。咸云享清福。得此蓋非偶。慙余課士暇。秃筆有如帚。翩然圖名山。不敢雜培塿。圖成寄尙書。應復開笑口。尙有飛仙人。同來獻春酒。過隴首關。

排空傑閣勢迢迢。百折才能及嶺腰。只向密林深處轉。怕憑風力上層霄。

新安塘道中

橘柚叢中半里遙。秋雲如畫束林腰。溪南欲訪閒親串。趁曉先支獨木橋。
村村都喜說豐年。板屋斜開羅縷邊。飽飯芋魁無個事。盡收雞犬上樓眠。

廿二夜看殘月

團圓時節雨辛酸。待得如鉤轉耐看。那識幽人有深意。五更樓閣坐高寒。

谷子塘

人行谷子塘。林木始回互。野花生東西。葉葉悉垂露。肩輿欲東轉。黃犢忽攔路。柿影拂曙鴉。鶯飛四穿樹。
初陽開谷口。樓閣恍無數。知有山僧居。泠泠曉鐘度。

九日偕署中同人至城南福泉山高真觀登高鄭大令五典設筵于此相待卽席賦贈

纔經寒露辰。已值題餠節。騎馬上城時。暉暉半樓日。胭脂花紅菜甲黃。夾道半里來山房。主人開筵樂未央。琥珀作盞菜莢觴。幽禽語琳琅。清磬聲疎越。騎馬下城時。輝輝半樓月。仙人樓閣涼意生。隔嶺遞響山泉聲。燦光如霞出山頂。却摩萬家燈火影。

九月十一日發平越至葛公橋作

平明天氣晴。送者逾五里。言尋葛公橋。乃復居釜底。泠泠江一綫。絕壁插江汜。嶺樹鬱百重。凌晨露如洗。危亭峙林表。初日出亭裏。花朵映日紅。晨扉竹中啓。鄰舂杵相答。童叟色俱喜。白屋飯已香。幽人睡難起。

清平道中

四山茶花香。黃白均可愛。花苗聯袂出。時折一枝戴。秋葵盈半畝。野蔘色如醉。危塗穿竹徑。竹密出岡背。險絕天半程。疲蹤屢思退。前旌久延佇。半晌甫及隊。行及羅仲塘。山雲轉深晦。

藍嶠至草塘關道中

藍嶠及草塘。十里壁如削。濛濛棘生刺。左右難著脚。回崖野花豔。谷口日西灼。石竅噓北風。鷹鷲馬頭掠。人禽爭一竇。撲面險欲著。東西缺盈丈。道險藉略約。樹杪俯石樓。窗櫺望依約。驚沙莽成陣。馬走前復却。半道聞語聲。長纜刷山藥。

過偏橋西三里上一陡坡

石黑雨亦黑。行人向何處。巉巖當面出。欲往決無路。蹊斜非意想。時隱復時露。石罅逗一門。奇花忽無數。高低盤百級。樹杪作回互。遠客西北風。洶洶有如怒。頻于奇絕處。欲把生命置。老樹猛攔人。踉蹌敢回顧。危疑行半日。深險已畢度。出谷路轉平。欣然下徒步。

翁頭塘道中

半嶺昏雲積不開。空山秋盡恍聞雷。怪他百道山泉合。却詫藍輿飛渡來。翁頭塘北路尤除。屋脊橫看一徑斜。誰向閑門訪秋色。夫容開徧野人家。

自平貫塘至白巖汛道中

午餘都枕白雲眠。兩兩飛泉出竈邊。肯向淮南乞靈藥。本來雞犬只居天。
馬頭濃綠間深紅。半日全行複嶂中。百轉千回抱村塢。江南無此好屏風。
濃濛絲雨日千回。夕照光中霧半開。怪底樹頭山鵲噪。却驚天上筍輿來。
秋來風味足山家。深淺園林百種花。先有入樓紅柿子。飽嘗聊可當露茶。

百阡城南溫泉

石罅空濛逗燭光。訪泉亭上拂衣忙。半生莫訝塵勞甚。已試人間第七湯。
予所試溫泉直隸則盤山陝西則臨潼整屋江南則黃山硃砂

泉及和州句容與此而七矣。

白石渾疑築釣磯。流從壁隙漾依微。形神釋後卻危坐。蝙蝠嚇人頭上飛。

自塘頭舟行至思南府城外

青山至塘頭。南北忽中斷。驚流適有幾葉舟。一半舟行半登岸。帆影欲入地。馬嘶驚上天。高高下下行不歇。馬力反後帆居前。雙江合處波流折。急溜平添水千斛。高低橘柚合一村。五色石中魚比目。風帆北轉飄雨絲。馬上戴笠知多時。舵樓半响耐清夢。馬背人愁濕衣重。江流曲處城郭開。岸上一騎驚先來。船頭吹笳船尾鼓。濕霧驚開日剛午。

出思南府遊化門道中

一山方如筐。一山圓若筥。山真中繩尺。雲亦就規矩。偉哉造化功。幻此亦奚取。奇奪不能割。嵌以數僧宇。霞景正欲升。炊烟穿縷縷。林紅初曙日。澗綠昨宵雨。誰關天半扉。幽人正軒舉。

至思南府城東七里校射作

三里出郭門。七里至角場。材官藝士已先待。日乍破曙雲蒼涼。忽然對面誰能覷。霧捲千人萬人去。須臾一騎來破空。帽影正罩晴暉紅。斗坡直下誇輕舉。馬背白雲飛縷縷。山雲高高上接天。萬綠條現屏山前。紅林蕭疎噪山鵲。屋後人家飛矢著。

夜起至射堂看殘月

樓臺高下樹縱橫。環郭峯巒不見城。好是四更山月上。獨來亭裏聽灘聲。

觀音閣

到來已覺上青天。尙有人耕屋上田。老樹綠零前夜雨。夕陽黃破半城烟。江聲似恨山重疊。鄉夢都迷路七千。且倚石闌閒啜茗。半空靈果落僧肩。

小厓關

足底先驚萬壑山。半空樓閣自回環。紅雲堆砌不知冷。白水繞門無用關。日影鏡光偏照燼。鳥聲人語合

綿蠻差憐送客殷勤甚。七里岡前馬未遠。

將至掌溪塘道中

歷徧危岡陟淺沙。沿江途細欲如麻。蠻鄉秋盡饒春氣。十月猶黃菜甲花。
客程難得片時閒。穩臥藍輿出險關。欲剩心情看江水。垂簾行過幾重山。

將至石阡道中

水西林塢好。迢遞隔東村。偶跨水牛渡。閒從石嶠蹲。嶺穿疑有路。雲定不知門。清絕垂綸叟。忘機坐竹根。
重浴石阡溫泉

百里裝方卸。孤亭馬獨來。誰云此冬日。聊比坐春臺。磴削穿巖竇。屏虛障水隈。奚童款扉入。一棧夕陽開。
曉發路瀨塘

離堂尙聞雞。暗谷甫見日。濛濛荆棘影。披草至絕壁。露氣周一山。秋衣冷侵骨。回瞻驚後隊。如蟻穴中出。
前旌復穿雲。石瘦路如髮。風蘆聳清聽。時墮隔林橘。客倦欲少休。茅軒樹頭突。

將抵荆蓬塘

誠知山百折。每折非意想。飛瀑間一層。泠泠愈神往。茅齋雲際逗。絕壁倚仙掌。十月花尙紅。松濤落清響。
山田欣倍入。石困列三兩。豈僅人事饒。雞豚藉生長。兒童乘冬隙。倚戶結絲網。相約捕渚魚。烹鮮佐樽盎。

過思南塘道中

高下田如百衲衣。人家初日啓雙扉。草中尙有閒胡蝶。却恨蘆花作雪飛。
轉覺空山氣候春。冥濛花氣拂蕭辰。峯根獨石誰來坐。時有松枝掃落塵。
出鎮遠城南三里。試射士

一半山雲雜水雲。到來空裏草香薰。環牆人語覺清脆。曉日射堂紅一分。
寥寥飛矢去如星。惹得樵蘇跡暫停。天半午鷄啼不徹。東南樓閣燬烟青。
沿流歸復誤西東。出郭燈光映水紅。不信烏巢皆戴屋。幾家樓貼半空中。

送姜簾使開陽入都

相離真不忍。且盡酒千壺。每歲衝風雪。憐君在道途。君自言五年除夕皆在途中計應朝北闕。且莫憶西湖。好趁帆檣便。行過故里無。

同官凡幾輩。接跡戍三邊。謂歸王願三方伯吾子能孤立。君恩僅左遷。暫還諸季節。行贈繞朝鞭。他日金臺側。相思屢寄牋。

冒雨訪諸葛洞

雨聲無時停。天宇忽已黑。輿從空際下。蹊路有白石。前行未及轉。飛瀑已及額。蒼蒼兩層崖。萬古積暝色。

懸流至三仞。雲出波下白。排空列千竅。難作老蛟宅。居人掩關坐。屋上浪花織。傾耳聽此聲。天空地疑拆。再度響琴峽。

黃平州度玉虹。

玉虹峽在黃平州南。

青天飛下一白龍。魚梁江度琴峽。十萬絃聲驚拉雜。大聲疑宮小聲徵。激得山

雲去如駛。斷崖峻岫石色紫。崖上沈沈日光死。離波百步飛雨飄。隨響曲折經危橋。溪風蕭蕭溪月靜。疑有神魚出波聽。

黃花坪道中

連岡西去路千重。竹色蕭蕭間嶺松。照路野花然似火。出山流水活于龍。風棧時掣當風燭。雲朵驚飄隔院鐘。錯認脫綿時序近。豈知寒序迫隆冬。

再經隴首關

朝晴爽氣通。胡蝶尙西東。錯訝春花放。平原野燒紅。掩關算復朝。香篆生林末。孤客心易驚。上樓雲欲活。

雪意試黃山。書院諸生題得先字。

嚴凝雲樓杳難眠。是處林巒爇瞑烟。飛霰乍飄孤嶼外。重陰欲釀小寒先。光埋高下三更月。雲踏西南半壁天。不是官齋望偏切。欲憑盈尺卜豐年。

卷施閣詩卷第十四

黔中持節集癸丑甲寅

初五日近山堂消寒一集分體詠秦宮人鏡鏡銘云天上見長心恩君王八字

六王雖畢閭左空。男行築城女入宮。長城東西萬餘里。永巷迢迢亦無底。宮中永巷邊長城。內外結成冤。苦聲入宮詎識君王面。三十六年曾不見。轉思天上歲月閒。那識相見期仍難。班班血淚銷難盡。剩得圓樂一方鏡。攜來照影影亦寒。明月尙作秦時看。非珍异物思垂鑿。背上千年土花黯。君不見。鏡銘八字誰所爲。篆體絕似東封碑。留伴斯刻千秋垂。

家大人命同作

貽孫

祖龍一臥羣雄起。三月阿房土花紫。千年宮鏡出人間。往事分明亦如此。玉容顧影人爭羨。昔日紛華鏡中見。驪山明月夜梳頭。竹宮歌舞朝勻面。鏡能察面難察心。冷眼那及金銅人。菱花徑尺青絲紐。拂影都誇好身手。可憐三十六宮懸。不辨興亡辨妍醜。天上迢迢望本奢。昭陽銘後事如麻。誰攜玉匣閨中物。去照宜春苑裏花。

初十日漱石山房銷寒第二集題張太守鳳枝珠還圖

圖爲太守侍姬冉氏所作。姬母無賴，妄構訟端。姬由是遣歸。其母謀別嫁之。姬剪髮自誓，乃止。同人感其義，勸太守復迎焉。爰作是圖，名曰珠還，亦所以美太守也。

瓊廳圍坐獨如山。本事詩成手自刪。輸與清廉海南守。六句傳說去珠還。

自返蓬門百事非。香雲和淚剪依微。從茲百幅梅花帳。不覺蕭娘髮影肥。

兩條官燭影闌珊。百詰初窮語抵調。絕勝河陽舊潘令。種花猶易護花難。

暇日閒窺青瑣旁。玉山筵上未頽唐。抵他一曲鄴風怨。只有銷魂淚兩行。

客見絳齊太守在席不覺垂淚。

輕車油碧許迎回。執扇親拈出鏡臺。

臨行徐蔡人以二絕題執扇贈之。

不是求仙舊童女。肯隨徐福住蓬萊。

垂老休嫌善賦愁。使君宗法本風流。他時九曲梁溪上。合與修成燕子樓。

十五日藏春塢消寒三集題范巨卿碑額卽送張州守曾擘南還

昨者黃少尹。

此碑刻係戊戌年夏亡友黃君仲則所贈。

貽我金鄉碑。摩天石刻揭巨孝。復有獨行名孤垂。洪流浩蕩豐碑沒。僅

識青龍舊年月。八分徑寸誰所書。無乃山陽縣君辭。傳觀足令友誼敦。二千年來八字存。若言至性刊金

石。不數王貢兼雷陳。一篇論愧朱公叔。中世交期益翻覆。賣友人傳鄴曲周。面朋我恥蕭光祿。史家創格

非好奇。欲與薄俗貞心期。不傳吏蹟傳友誼。此意亦愁知者稀。開緘淚已垂言下。恨不還君伴長夜。匹馬

招寬又一時。荒阡種樹知何暇。百徧摩塗紙亦光。含情重送郅君章。他時北上金鄉道。醉酒懸臨官道旁。

家大人命同作

伯孫

烈士相交祇情性。一千年來傳獨行。偶從山縣拓此碑。姓氏徧教坐生敬。卓哉山陽范使君。獨抱古意超倫羣。豈其交誼足不朽。乃寄金石垂斯文。千秋一語饒奇旨。生死論交自君始。始知友誼殊可珍。交到重泉合心死。郅君章與殷子徵。未識死友焉知生。長沙學生新野卒。縱不生交亦心折。巨卿好友不顧身。落落死後殊無人。幻形誰復論爾我。一往直欲兼幽明。鄉民霍循縣君薛。留得金鄉墓前碣。篆文不特軼八分。好補酈元經注缺。建安以來世俗澆。慨然何止劉孝標。願將剝落數行字。持贈世人同石交。登鄉刺史殊今昔。況值窮冬束裝日。偶讀廬江太守碑。一篇還贈張元伯。

張州守瀕行又以素册索詩復成二絕句

風雪連晨偶滯留。行蹤莫爲左遷愁。君看判府威名重。絕勝西南領小州。

紅塵十載髮初斑。却喜今因定省還。欲借寒威暢離緒。留君十日住黔山。時留作消寒第三集。

二十日聽雨蓬消寒第四集同詠諸葛燈

尙從遺製識英靈。五夜軍書肯暫停。收燼未應忘火德。穴胸先已勒金銘。虛疑絕徼留銅鼓。遠憶高原墮大星。畢竟出師餘恨在。至今燈影作深青。

二十三日寫歲朝圖贈馮巡撫光熊並繫以二詩

如水臣門日往還。識公清節服諸蠻。何妨饋歲無長物。自寫黔南幾尺山。

錫香粥鼓滿平疇。鬧得花香出樹頭。都是蠻方小兒女。春風竹馬十三州。

二十五日思補齊消寒第五集即題徐太守日記陽春有腳圖

何妨遣婢中閣。聊爾充君下陳。欲賜人間湯沐。先回天上陽春。

蓮蕊屏風凍雨。梅花紙帳春雲。待過消寒九九。預防修竹彈文。

附

餽孫

溫和足底有春光。着意真能識熱腸。頓憶孤山林處士。梅花多處太淒涼。

早從洗濯見風流。一晌春華偶滯留。不着人間閒冷暖。此鄉端合號溫柔。

小除日消寒第六集招同張太守鳳枝孫刺史文煥陳大令熙藩王參軍湛恩暨兒子餽孫卷施開祭詩

卽席成六十韻

我方謀讀書。俗事急除屏。爆竹出我旁。瞿然心始警。起來視林梢。失喜發桃杏。中花

去無影。因之思我友。走僕急延請。陳生疲案牘。王子困箠領。孫郎耐繁劇。張叟性剛硬。窮冬居省會。衣敝

鞞不整。居然七千里。聚此數萍梗。豈無還鄉夢。隔越萬重嶺。蒼蒼四邊山。城郭若居井。牛車行鼠穴。一笑

等蛙脰。差欣合并數。未覺昏旦永。規船作吟齋。製小類舴舻。獸炭紅一爐。先堪辟奇冷。雙棚支鼓子。弓弩
懶不繳。棹門誰更出。一室樂恬靖。房廊稍曲折。衆詫若仙境。堂阿鋪長筵。截脯雜饘麩。霜螯搗初碎。鮮鮑
已剔鯁。演榴暨勻橘。兼不棄梨棗。南方來百物。圓鱗長者區。歲除饒食品。一一列盤皿。非徒祀心神。藉以
壓災眚。明燈懸四角。香炷紅耿耿。高杯羅數十。文石及生礪。雄黃鑄兕虎。犀角刻菱苻。或如肘生柳。或若
瓠有瘦。爭先誇大戶。蓄意欲吞併。盤飴來陸續。誰識夜已丙。慙余少孤露。敢說有殊乘。時時避詩債。獨處
心恹恹。永豐才尤奇。筆早露鋒穎。創爲小言賦。剖析到句鏗。南籠年六十。齒硬截春餅。雖然能飽啖。不改
顏瘦瘠。惟愁酒杯寬。苦語求減省。參軍揮千言。尙說才未逞。微知所宗法。天問及哀郢。浙西饒秀士。遠復
勝汝穎。幸官仁及物。謝獄繼張郢。心雖尙寬大。酒政獨嚴猛。藏鬪兼拇陣。十九冀微倖。與酣開牖望。繁麗
富星景。衝齋闕西北。隙地得一頃。雖非二三月。春樹已華鬪。兒曹不入座。窗隙屢延頸。大兒粗有筆。頗復
愛習靜。年來通選舉。出語喜彪炳。盤盤祭詩筵。得預良已幸。小兒才十歲。逃塾每遭打。擱門喧畫鼓。日轉
益頑獷。阿翁防醉仆。座外戲扶梗。酣眠到童僕。百問百不省。皆言沐餘歡。沉湎誰可傲。窗檯頭互觸。蠟炬
險失搖。更闌客辭主。失笑喉復哽。肩與北風大。各各蔽笞箠。與前馬居後。爛醉戒馳騁。何須更持燎。太白
光罔罔。

新正五日消寒第七集同人集陳大令照藩雪溪吟舫大令以盆栽素心蘭見贈卽席賦謝

此日何日。窗櫺陰陰。撫序不樂。求我素心。素心之人。其室如斗。街南巷西。爲約良友。春酒旣熟。園蔬雜陳。雖未投轄。童先閉門。離離光明。一室四出。重簾無人。花影若月。坐客默坐。咸披素襟。所愧空谷。蒼然足音。移花居前。移酒在左。友知我心。舉以贈我。我家南頭。一開面山。山桃水仙。位置其間。人之素心。花亦相肖。言詮已忘。靜不索笑。時或獨醉。時還孤眠。半窗冥冥。香徹曙前。

賀方伯長庚屬題其尊人蘭竹卷子

畫蘭不畫雨。雨已飛晴空。畫竹不畫風。風已出榦中。稜稜數竿風。卷此楚波白。亭亭幾枝雨。亦勝楚天碧。先生偶開門。漢水澁水流。無痕先生偶櫂戶。蘭枝竹枝約同住。卅年豈以畫得名。轉借蘭竹抒幽情。乃知氣味本無別。與蘭同心竹同節。一幅雪景一幅晴。末幅皎月枝間明。君不見。蘭枝竹枝幅盈十。并寫森森石林立。展圖不及見先生。奇石當前且長揖。

人日消寒第八集同人登黔靈山復迂道訪聖泉歸飲王參軍湛恩一角山房雜成三十二韻

兩載逢人日。三年住鬼方。路疑窮北首。雨欲破南荒。過臘餽簫緊。初晴筍屐忙。願尋何地勝。咸指此山岡。峻嶺回天外。奇峯立斗旁。浮青界演野。濃綠壓城隍。交壁松烟暝。岐途柏鞵擋。幾回衝馬首。百折走羊腸。積潦鋪層殿。罡風響曲廊。解鞍懸石磴。易履坐繩床。果向僧衣落。禽從佛面翔。怪聲穿土穴。仙掌拓蠻鄉。半郭樹光斂。全黔地勢張。天龍煩說偈。野鹿看傳觴。更許陪開士。憑誰禮法王。客方搜古蹟。嶽已下斜陽。

詎可辜清興。仍須束急裝。澗幽留剝薛。寺僻富修篁。殿廟神無火。陰崖虎有俚。微黃辨樵徑。曠黑墮漁梁。
聖水名終妄。上人言投一錢。泉即漲。起試之。不驗。同人疑易其名爲廉泉。廉泉改未妨。逸情嫌晝短。回路覺川長。候騎依官柳。宵鐘出
女牆。雙街籠燭樹。一角訪山房。濁酒何能減。連篇久不償。簪裾來淨域。旗鼓集虛堂。當代爲長句。羣公雅
擅場。俊才同鮑沈。堅筆鬪班揚。設榻容孤臥。行廚約徧嘗。擁爐斟淺碧。升閣望空蒼。此會多應羨。他年誌
勿忘。靈山今夜月。添影照詩狂。

十五日五鼓起看雪

欄門語忽驚。僮報四山晴。蠻地少冬雪。逢人說夜明。冷光飛列帳。寒影淡孤檠。幸有辛盤在。聊將卯酒傾。

陳大令熙藩屬題城南雅集卷子

茲方當九日。撫序卻三秋。早陟高真觀。客次按武平。越九日在高真觀登高。遙思甲秀樓。果然逢大尹。于此集名流。愧未陪
遊屐。題詩最上頭。

十六日消寒九集洪碧亭禪房看雪至二鼓乃返

及此初更後。冥冥雪乍晴。林巒互蕭瑟。水月與空明。兀訝樓臺影。寒流鳥雀聲。情誰圖作障。一角傍山城。
蠻方暫久駐。豐歲喜頻仍。一尺道旁雪。萬家門外燈。爆從冰柱裂。月共凍雷升。是夕大雪。中有雷聲。此夕清虛景。還
應念遠朋。時徐太守馮開州以疾不至。

寒風送別圖送張太守鳳枝南歸

甲寅新正十二日。太守遭外艱去任。將于春杪奔喪南歸。同人欲作黔山折柳圖贈行。余意有未安。易爲寒風送別。蓋仿燕丹時白衣冠送荆卿之例。致白衣冠本弔服。非執喪者所衣。吾輩與太守交厚。于其行。故當素車白馬送之。情事方稱。爰賦三詩。卽邀諸君同作。

名山人日記勾留。乘輿聊同麋鹿遊。一度巷門重問訊。麻衣如雪感蜉蝣。
歸及江鄉五月時。北堂正好夢孤兒。思君欲贈忘憂草。不向風前折柳枝。
易水千年事已陳。歌聲猶若繞梁塵。何妨更舉前修例。皆白衣冠送此人。

初春折柳圖送陳大令熙藩北上

前年來黔陽。長官攝疲邑。貴定城東南。馬前驚一揖。昨年駐會城。長官爲劇縣。衙齋欣咫尺。投謁乃無算。長官爲政甫及今。大吏拭目民輸心。琴堂愔愔靜撫琴。暇復伴我耽幽吟。一行作吏何嘗廢。赤棒森森墨胥避。簿書叢裏集賓朋。撰得城南一篇記。謂所作城南雅集圖記初春柳絲黃及肩。拂拭鞍馬行朝天。蠻方百姓心難足。官好更防遷去速。燒燈節過持瓣香。私向山神社公祝。十月種麥四月秧。官歸正好麥上場。吏胥無權戶殷阜。但祝官遷此方守。

出貴定城雨至高家塘稍止

今晨山氣寒。呵凍集徒侶。行穿石罅中。濕霧黑如許。蕭蕭松竹徑。馬首寒不舉。前旌曠後隊。似隔烟萬縷。忽然衝山風。捲去一層雨。稍復見晴雲。山樵喜相語。

自蔣塘岡至谷洞塘

寒空時復捲風聲。石削橋傾道未成。忽訝禽巢落人語。山樓都向竹梢生。連山無際水無涯。過嶺南來一徑斜。不是數聲山犬吠。全邨都被雪花遮。

早發谷洞塘

一峯雲。一峯雪。一峯冥冥影未開。猶帶前溪夜深月。須臾天平明。月向雪峯墮。冷光百道飛撲人。穿得白雲如縷破。前山日欲出。後山雨復來。深谷隱隱喧輕雷。君不見。蠻方氣候殊凌亂。曉日須萎午須扇。

落月西塘

馬首迢迢溯北風。兩山青破酒顏紅。我來似欲齊昏旦。落月塘西日正中。

將至都勻道中

一山途四出。一水流百曲。山奇方礙帽。水冷復縈足。途危輿轉穩。空處交竹木。前行皆俯視。一綫入山腹。茅檐無冬春。濛濛土花綠。花苗迎使節。半嶺注紅燭。十里戍鼓鳴。蘆笙響空谷。

橋頭汛

過橋方數折，正對石塘西。却望來時路，蒼蒼樹已迷。野蔬全上尾，春水半吞堤。莫厭山程緩，才聽日午雞。

初六日小雨至都勻府西門外試射士

半里冥濛霧，山邨雨不成。野雲隨地落，春樹接天生。白訝懸泉影，清流飛矢聲。射堂寒較甚，馬過亦驚鳴。

初七日射堂試士畢登劍河橋簪翠亭望西北諸山

沿流都有鷺絲飛，空翠時時沁客衣。忽訝危厓突人影，似驚鳴鑼啓山扉。

回潭西去綠沄沄，一角樓臺上夕曛。傾耳却聞空際響，入山雲門出山雲。

勻陽書院春望

春波闊處春堤狹，十二回塘滿浮鴨。晴鳩催換袂衣忙，樓上人閒盡開篋。半城花香裊若絲，新綠對岸愁參差。銷魂別有東風柳，絕似春人十五時。

多結塘

多結塘，遂雨似麻。沿途風峭，尚飛沙。無人知道春將半，時有出牆紅杏花。

晚度大登高小登高諸險

一山當面氣冥冥，高下燈光接樹青。不是雨絲飄左右，玲瓏猶認半天星。

都江舟中

危崖春正半。花氣欲薰天。劇愛東風樹。斜生北斗邊。凌空自樓閣。絕壑渺雲烟。一帶人家好。簾垂飛瀑前。
下陡坡渡鷄買河

上征誠云難。下達亦非易。橫空旋若磨。百折始及地。蓋輿寧敢却。頭上壓飛騎。欲前仍縮足。蟲處石犀利。
胡蝶忽一雙。飛來立人臂。匡窮坡復陡。入隙途轉細。平視雞買塘。斜陽落巖際。

羊忙塘

行徑羊忙塘。奇石破空下。壓雲排萬仞。時裂一尺罅。飛泉頭上出。光景相激射。稜稜峯斷處。欲往少憑藉。
馬首卷北風。孤桃向空謝。杉林轉蒙密。間亦露臺榭。頗念北山人。幽棲若長夜。

石檻灘俗名石門檻

始棹發都江。江干日初起。鐘聲行不絕。奮迅已百里。蒼蒼兩邊山。匡斷石將圯。驚棧時一擲。險欲沒潭底。
石脚萬竅鳴。時時出潛鯉。前行經石檻。舟子展然喜。風暖日亦晴。沿邨數桃李。

雷音灘

一舟挈一繩。一繩長百尺。繩頭持十輩。畢力踞巖隙。高低懸半里。觀者咸失色。一瞥倏已過。微驚眼光黑。
危崖排石齒。都向舵樓突。我僕忽失聲。頭低險遭嚼。長年欣過險。緩棹出匡側。却望四邊山。蒼蒼路仍塞。

都江夜行

前山誠欲雨。其奈後山晴。澗水忽然暝。李花無數明。墨鱗成隊出。白鳥破空行。臥聽花苗曲。勞勞解送迎。

古州登抱膝亭春望

山城二月花光足。空處香飄萬家屋。桃枝搖岸柳拂簷。花裏兩兩懸珠簾。樓臺影外春陰薄。試茗重登一層閣。日斜盤馬射堂西。却送菜花黃出郭。

抱膝亭望憩園花木甚盛欲往未果

小築烏蠻地。全家綠水灣。數聲花外屐。千尺雨中山。午倦童呼茗。春閒鹿抱關。上頭容展眺。未肯說緣慳。

渡溶江登五榕山兼謁諸葛祠作

溶江江頭石如磨。五龍徘徊一龍臥。排空一石支一樓。高幹四出扶樓頭。一枝雅復高羣木。樹腹空于百間屋。低枝欲雨高蓋晴。臘雪尙向枝梢明。年深樹古禽難宿。剩有一巢藏廟祝。行人入廟火伴驚。嗚嗚角聲巢上鳴。

孫司馬鑑。招同彭軍門廷棟。書副將磨。飲署西諸葛臺。並角射。至二鼓乃返。

闌干曲處林陰直。官裏春閒試鳴鑼。平坡十頃吹細香。日色曩曩垂鵝黃。笛聲初停鼓聲警。舫屋深深若居井。忽地排空雨作絲。梨花白得春無影。

八匡塘

一邨都不見。全被李花遮。澗水到門合。山樓出樹斜。露光開梵刹。雲影抱人家。時有遠香至。應知春事除。

夜宿寒麻有苗女年十三四者結隊來歌苗童吹蘆笙和之

歌管初停舞袖忙。燭花紅處勸飛觴。前身合是梁間燕。猶着烏衣入畫堂。苗女衣裙皆黑。故云。

山中夜行

九朝塘

小雨乍三日。梨花合一邨。夜燈紅覆屋。春樹綠當門。卷幕留禽影。開扉驗水痕。更殘月將出。山氣尙昏昏。

九朝塘

薄寒初散酒初醒。炊火斜連嶺上雲。小閣兩層山四面。百花香裏度春分。

宿路圍行館

使節遙從柳外村。一間茅屋侶鷄豚。妖禽入樹花先顫。薄霧吞簾鏡亦昏。吹夢夜風寒有影。接天春水月無痕。柴扉莫謂誰來款。宵半驚雷欲劈門。

將抵黎平歷滾馬坡諸險

古州及黎平。天黑少白日。忽然雲際一閃紅。天外雷驚劈山出。沿山巨石悉欲崩。轉眼已失千家邨。白雲、

茫茫時吐吞。陰厓束人疑鬼門。一坡直下如注矢。削壁棱稜僅容趾。輿夫歎息何至此。呼吸真堪判生死。峯形中斷裂若溝。鞭馬一躍愁回頭。前峯行完後峯起。上欲摩天下無底。眼前親切雲霧生。足底忽已開山城。君不見。平岡鱗鱗鋪萬瓦。突起一峯名滾馬。

出黎平南門

街衢南北嶺西東。柳外高樓而面通。一晌曉霞紅不定。前旌行入百花中。依然江水綠無邊。不信離家道七千。絕似踏青南陌路。暖風晴日袂衣天。

射堂卽事

出郭濛濛霧。林鳥背客啼。梨花三百樹。白到射堂西。隔岸坡陀好。人希馬作羣。過橋飛矢急。穿破一溪雲。極目望層城。春融萬家屋。祇覺遠天低。靡靡接新綠。山樓鼓角忙。歸騎出橫塘。無數春人影。斜陽落女牆。

南泉山

今朝天氣晴。靈鷲聲有喜。言遊南泉山。异境乃獨啓。喬枝森上谷。側出悟石理。生翠羈一山。空青露如洗。蹤波方問路。絕頂尙三里。巖巖石鼎香。迎人入亭裏。天風盪衣袂。雲白欲緣履。卑瞻窮萬仞。微辨爨烟起。

却晒下方人。經旬居釜底。

靈觀開春望。

千折泉出山。百折人上嶺。尋源至亭側。石闕方若井。禽聲千百種。蠻語本難省。手搗石上流。呼童試新茗。那齋憐宵寂。飛騎餉春餅。幽人居絕壑。構屋恍橫艇。微風振林杪。斜日逗光景。闌干飛百尺。坐處據松頂。半日衣袂香。濛濛逗花影。

過少寨河橋

平蕪一雨春花謝。濃綠樓臺若深夜。雲陰如夢不逢人。澗水分從馬頭瀉。波空若行明鏡中。鷗鷺兩兩舒春容。危崖面水不濡水。石腳到地仍懸空。人家屋上山如活。石竅玲瓏牖邊突。沿溪三里行半時。細聽丁丁斧聲出。

少寨河旁入一洞行半里許

一峯高疑帆。缺處作堂奧。前行石當額。側足入岩竅。玲瓏千百隙。曲折孕奇妙。大石開若扉。稜稜縱森峭。左途右爲壑。坐石儼可釣。稍深阻天日。飛瀑光已照。支遁少石牀。稽康留鍛竈。厓同豺虎伏。水學龍鸞嘯。削室驗孟勞。入洞有鍛者數十人。在此製削藥籠。驚伯約。昏程不逾百。閑客倘能到。來欣去怛快。一步一回蹈。半里望始迷。晴陽赤如燒。十里惜未窮其勝。

早發新化塘

水田百級行方半，攔路野雲蹊忽斷。
牽衣避道歷少時，大石如牛復當岸。
行人欲歇嘶馬催，村店正向雲頭開。
山坳石磴暫延佇，衣上綠纒寒莓苔。
冥濛路向松梢破，絕頂一山如石磨。
清泉落處花朵妍，山翠壓樓人尙眠。

平江塘

晴鳩聲裏燕呢喃，高下藍輿睡乍酣。
好向春波寄花片，迢迢此水入江南。
春殘是處綠半眠，十里平蕪盡帶烟。
胡蝶欲高高不得，野花黃已上青天。

出錦屏縣城上斗坡

一山綿一縣，高下里三十。
高者仰如跂，下者俯如揖。
愁霖行撲面，碎石險埋膝。
中途勢倉皇，懸溜復飛及。
天風下林莽，石竅自呼吸。
蟠澗三兩松，人禽亦爭集。
匡深翠燎火，盪此衣袂濕。
濛濛雲氣蔽，却向空際立。
石罅忽啓扉，生苗下山波。

黃泥峽

馬蹄真已踏千峯，上嶺蒼杉下嶺松。
當午日光分顯晦，南山雲淡北山濃。
誰將界石作橫梁，上是黎陽下灑陽。
怪底廟門開向北，南行不炷嶺頭香。

紫雲橋

春山一片疑無骨。都作紫雲扶曉日。馬頭隨意歷西南。無數樓臺復飛出。沿溪一橋如一舟。橋上三面開朱樓。前旌後隊何回綏。似向長虹腹中轉。橋心倒插十丈餘。飛蓋過處驚遊魚。君不見。一山前頭復如井。却喜嫩晴鋪十頃。

師子崖

我行及雙溪。大石黑半天。人緣石隙中。有若蛇蜿蜒。危巖何陰森。行處正壓肩。懸瀑復四飛。時聞響澗濺。藤蘿百尺垂。倒出花朵妍。空處突一亭。簾垂裊青烟。延回出層崖。萬頃鋪水田。清絕半里程。人家總疑仙。沙鳥亦有情。飛蹲筍輿前。

早發叩水

早行出叩溪。殘月溪上漾。濛濛千樹花。正罩叩溪上。花朵落盡。巢禽不知。遊魚吹花。香氣若絲。花光深。萍色淺。襯出魚苗綠千點。枕波樓閣三百家。春夢正好驚啼鴉。橋東覓路才能出。暗影溪頭自飄忽。千林綠電曙不開。一樹梢紅甫迎日。

瓦窠

半程卅里走沙礫。一窠四面圍松枿。雄黃出穴百蟲伏。牡丹壓闌羣卉慙。洞形如屏日鉛采。天頂若握雲

甌藍相攜活火欲烹茗。却有死谷邀停驂。

鬼鳥塘

石徑空濛露有光。四山風刺袂衣涼。杜鵑一樹紅于血。月黑愁過鬼鳥塘。

路瀨塘道中

路瀨塘西石逕遙。人家竹屋半臨流。低飛胡蝶高飛雨。百種花香出草頭。

高下岡巒馬去遲。緩行剛及午晴時。山南一片波如掌。閑看兒童捉活師。

雨夜至石阡溫泉浴

月黑雨聲愁。穿林到嶺頭。似防湯谷沸。飛瀑入池流。

昨宵江水深。沒却江干樹。老鶻無處棲。從人屋檐住。

延江兩生行示貴筑熊生煥章思南安生嶮

延江水。流千里。一生居江頭。一生住江尾。熊生十八貌最癯。自構竹屋臨江居。一室窘乏文豐腴。安生英

英年十九。從宦三年住清口。尊人官江南桃源令落筆居然學劉柳。我前持節來衡文。萬言日試童子軍。惟二子者

超倫羣。雖然日課文一篇。不若日讀書一卷。赤文綠字填方寸。激電驚虹注雙腕。嗟余遲莫猶勤學。矧復

生年甫當冠。九坂一瞬何難屈。尺璧寸陰寧得換。扶起三番翮欲全。遠行百里程方半。佇看子筆排風蔽。

會見余言匪河漢。君不見。蠻中一雨何綿連。延江水流行拍天。吾嘗學術亦如此。努力來看有源水。

袁太守純德招遊城南文昌閣並歸飲署齋卽席賦贈并壽太守七十

我前遊秦中。聞君宰米脂。十年來荆襄。君官擢同知。盤盤政績推尤異。佐郡淹留賞心地。尚書清節號知人。我作門生君屬吏。昨慙持節來黔陽。君亦五馬官思唐。秦中知名楚中見。何似黔中日謀面。春殘約客城南頭。江漲欲從城上流。看花步幃遊山屐。誰信使君年七十。窗櫺八面閣四層。飛步早從高處立。日斜回馬東南街。轉歷百級來官齋。亭危正面延江口。我飲一杯君一斗。眼中落落五老峯。且挈浮邱爲君壽。雨發思南袁太守純德鄒遊戎寬率兵弁出小屋關相送卽席賦贈一首

袁君揖我處。絕壁立千丈。藍輿方欲下。飛瀑眼前濕。竹亭留少坐。茶話覺清曠。雨立三百人。升頭致微愴。愁霖敢安坐。急騎出厓上。澗水奪路流。巖門不能抗。前行泥滑滑。黑霧馬前障。五里甫出山。晴光草頭放。發都勻日枉道過七星山入仙舟引洞

偏仄疑無路。隨雲七里東。水從深徑黑。果向怪厓紅。削壁風徐下。幽軒日乍中。正憐書韻好。鳥語復瓊璫。

諸生徐時英
等讀書其中

卷施閣詩卷第十五

關嶺衝寒集

八月十五夜

蠻方今夜月兒女集樽前。迢遞思鄉國。團欒傲客筵。塔光雲外隱。菱角雨中牽。不寐緣何事。相將話昔年。

十六夜雨

闌干沉不見。都在雨聲中。細霧吞簾白。孤花隱幔紅。半街籠畫燭。一笛引涼風。正好臨流坐。寥寥爽氣通。

秋日登城南甲秀樓訪鄂文端公紀功鐵柱

層樓設重局。事罕與俗接。芳洲歷春夏。送客偶陟躡。節序慨已移。青林半黃葉。雙橋通楚剎。三面俯城堞。攝履偶上征。褰裳畏深涉。豐功細疇屢。往事稽故牒。銷金清四野。立石表三捷。勳名旣騰揚。文史復漁獵。丹方初奠定。黃閣藉調爨。俯仰跡已陳。苗蠻志猶懾。葦祠扉乍展。荒徑露還溼。詎止攬勝心。孤懷濟時業。

九日偕富尙書綱馮侍郎光熊重至甲秀樓登高

菊已衰黃柳尚青。更尋芳杜出前汀。殊方再值重陽日。候館欣聯五使星。是日送對中諸葛廟旁開石舫。伏波灘畔訪金銘。惟公志業差無愧。十五年來邊徼寧。節制滇黔已十五年

徐太守日記餉菊數十盆因結作花籠并邀同人共賞卽席賦謝太守

十日苦雨三日晴。秋老已覺無歡情。打門有客送花至。一笑紅紫紛相迎。來鴻去燕無消息。剩得山雞日
啾啾。搨書堂北日猶長。人與花枝共高格。衝寒花性昔所諳。斗室合作歲花籠。重重籠幕夜難放。勾取殘
月來花南。秋堂夢好偏能醒。看足花窠抱花影。寥寥風味許誰參。不種醪醪稱清茗。醒時看花倦卽眠。人
意花意交相憐。君不見紅塵十丈官道邊。誰有清福來花前。

沈太守丙招集寓齋賞菊

三間古屋如浮槎。靜掃四壁懸秋花。局門不出究何事。却與此花商位置。簞管三寸截作瓶。剝腹滿貯寒
泉清。高低花色誰能省。恍若銀河瀉星影。一花前頭酒一盃。客若不飲花徘徊。酒傾十斛花千朵。醉倒倩
花扶客坐。三更以後客較狂。月影花影催浮觴。君不見花前五客皆濡首。花意未知嫌客否。從花乞假亦
可憐。明日閉門須病酒。

嘉杜軒公譔

嘉杜軒初構。今看一再來。霞從雲外落。花向雨中開。夜已侵三漏。狂猶酌百杯。主人留客墊。隴鳥亦徘徊。

馮刺史克鞏招集七研齋

窗前葉葉芭蕉雨。坐上沈沈簫管聲。不是主人情較重。醉眠誰遣到三更。

入坐先教飲百壺。簾鉤影裏燭花粗。狂來合被時苗罵。蔣濟頭銜是酒徒。

題籍已擅沈休文。頌酒仍須劉伯倫。謂坐中沈太守西劉太守雁門明日馬頭西北去。醉顏還剩十分春。

自新鋪至永寧

馬上尤愁撲面風。坡陀百折誤西東。初晴也識朝陽淡。添得千堆野火紅。

山南山北路嶙峋。只隔蘆花便絕塵。削壁四圍溪半折。野鷹盤處定無人。

安南抵安姑作

幾日西風撲面吹。濛濛尚有柳絲垂。鳩方逐婦天偏霽。馬到安姑路轉危。渴思乍拈籬畔橘。關心還讀道旁碑。山程紅燭誰相近。却喜前邨月半規。

將抵南籠道中作

羊場驛外千山亂。一郡如巢突天半。盡與百折入郭門。細水中分兩峯斷。高低半日坡難上。斜處却留行客館。尤愁馬瘦蹄應碎。不覺役疲肩屢換。居然一巷深如井。對面樓臺若居岸。如龍松柏競瞰城。幸有女牆高處判。已看日沒繁星景。難得雪天揮兩汗。雙旌早駐前山麓。一屋尤爲衆峯冠。排衙纔了且賦詩。百尺龍山作吟案。

南籠試院印事

衙齋高處逼浮屠。天半樓臺落日孤。雲氣大都紅似火。居人多半黑于烏。城隅尙隔三層嶺。樹杪驚看四出途。也識搏猿饒瘴腐。怕從直北展輿圖。

十八先生墓

按南籠府志。明桂王由榔。自廣西至貴州。孫可望處之安籠所四年。無人臣禮。從臣吳貞毓、張鵠、周允吉、楊忠、徐極、蔣乾昌、李元開、李順、朱議展、鄭允元、趙庶禹、蔡續、易士佳、胡士瑞、朱東旦、任斗墟等憤甚。與內侍張福祿全爲國謀。遣之滇南。諭李定國共圖可望。事洩。皆爲可望所害。時人哀之。收遺骸葬于城外西山之麓。題云明十八先生成仁處。自是桂王復入于滇。蓋國朝順治五年事也。

七千里路接蠻鄉。十八先生併命場。絕勝瀛洲唐學士。就中寧有許高陽。

黔中樂府十二首

賽神謠

山腰十數家。屈指無百人。樹頭營危巢。云以祀土神。前門飄風後門雨。偃仄半間神乏侶。村女纒燒一辦香。社公腹內秋蛇語。

打虎謠

斑斑猛虎文。彎彎水牛角。牧童騎牛來。乘便虎欲撲。虎憑爪銳牛角尖。兩兩轉門來山巖。腥風沾林血粘

章虎臥病創俛出齋。

起龍謠

黔中怪底淫霖注。石腹龍藏不知數。聞來龍穴看起龍。頭大如贛聲疑鐘。晴天亦覺風雷湧。百步龍堂陷如冢。排林牧馬莫不收。日盼生駒得龍種。

網魚謠

上山忙。下山緩。花深深。波滿滿。踏波不須郎。儂衣正將浣。腰肢不怕春波濕。村樹陰邊裏衣脫。沿回半响。卽出波。八幅裙拖鯉魚出。

漏天謠

東黃平。西皆定。十驛雨中行不竟。有時雲際露日光。萬戶爭曝泥衣裳。盤山萬疊愁霖透。不說天荒說天漏。老翁自詫八十年。生日未逢晴正晝。

跳月謠

一年中。好時節。前中秋。後元夕。錦袜碧當胸。羅裙紅染血。蘆笙吹徹人欲還。眼波一瞥郎上山。上山亦識儂心切。天際黑雲來罩月。

摘蔬謠

廚中苦無鹽。盤內久無肉。幸喜一方田。青青菜畦足。山家食料常如此。瓜蒂深黃茄色紫。筠籃挑滿手暫停。牽得樹梢红柿子。

采茶謠

今晨懶獨來。昨草歡未遇。裂得憶歡歌。沿山采茶去。春慵不嫌歸路遲。茶籃枕首眠少時。村花滿頭紅未放。胡蝶一雙釘頰上。

宴客謠

男行欲成婚。女行欲出嫁。團團茅柴筵。纔把生客迓。石臺却有八尺長。東西南北羅酒漿。座旁誰牽牛一隻。黃犢雖村亦爲客。

嫁女謠

十五愁嫁遲。十三欣嫁早。嫁女雖十三。偏愁歡已老。山羊十角米百擔。嫁女不惜傾家財。歡來牽儂儂不宿。卻抱黃羊水邊哭。

織錦謠

阿娘理紅絲。阿妹理彩綫。竹閣止一間。織絲看四面。眼波時向郎邊瞥。十指纖纖化工出。春禽怪底齊上樓。織得一堤花欲活。

曳纜謠

上官來役夫走。百板雙繩齊在手。上山居前下山後。排頭雨汗揮不停。髻上都插山花馨。生苗出語真無緒。官好牽他上天去。

自南籠至新城道中病酒

一程纔了日平西。遠近岡巒望欲迷。渴馬縱蹄尋野水。閒禽展翅曝山泥。節臨長至猶餘燠。天入南荒漸覺低。慙愧故人知病酒。滿盞黃橘早封題。

新城行館獨坐

獨坐竹軒內。冷冷夜欲分。半窗斜入月。空徑靜生雲。病酒宵餐減。拋書吏牘勤。同儕知欲至。隱隱馬嘶聞。

小病

小病初除偶自思。料應不及少年時。酒能忤客先宜減。墨欲磨人漸不支。婦解藥方參服食。兒通選學付鈔詩。君親一例酬難盡。閑處齋心懷四知。

三昧塘道中

一帶坡隨馬首東。記程今夜宿波中。敲殘石虎尋雲母。覓慣山羊類雨工。傍屋種松憐地窄。冠厓營閣與天通。寥寥橘柚今餘幾。留伴楓林鬥晚紅。

自高伍塘至安姑宿

高伍塘邊渡隙河。緩程不覺夕陽過。人疑夸父西追日。路識安姑北下坡。白首僧從初地出。茜裙苗憶仲家多。桑間三宿真成戀。況復頻聞子夜歌。

自安姑抵安南道中

界首塘東路復轉。情懷真耐雨闌珊。無魚偶作經旬客。多虎全荒一縣山。捲地黑風迷鬼箚。排天紅葉出禪關。安南令尹驚相訊。走馬來偏走馬還。余往還此縣皆騎馬以避三旺坡老鴉關諸險。

范公子學敏讀書倉廨索題

伏波能聚米。上蔡亦監倉。移作攤書地。真成避客方。水泉朝淪茗。石鼎夜焚香。落月諸峯好。玲瓏影上床。自保甸塘望。盤江對岸諸山半。日行尚未到。感而有作。

半程誰識路途修。百折巖坳尚未休。只有鳥飛偏逕直。往來曾不礙雲頭。

侵曉渡關嶺

之字山程卅字樓。昨宵剛值月當頭。一聲雞唱出門去。小市夜燈猶未收。松樅爲屏石作壇。罡風吹袖疊衣單。相看卽是青天上。莫更頻歌蜀道難。

去歲三月。自安順按試南籠。道過安莊。花事甚盛。今復經此。則秋林盡搖落矣。感而賦此。

安莊汎北路類又使節重來感歲華。依舊野羊眠道左。半林紅葉替春花。

歲莫懷人二十四首

袁大令枚

清福能消四十年。老來仍作地行仙。居然手筆空千古。隨分頭銜寫一編。公頭銜或齊庶吉士或書江
知縣或書陝西候補知縣不拘
例一名士竟須依作主。美人聞已放歸禪。存亡舊例都參破。生挽詩鈔萬口傳。

錢少詹大昕

燕吳楚越路偏長。君官京師余在里中及君服闋友人延
修浙中志余亦自楚中歸甫得相見十載纔申一瓣香。絕業竟傳齊稷下。此翁何似
魯靈光。奇搜秦漢碑無缺。例校金元史獨詳。我亦誼應參北面。淵源寧止丈人行。

畢尚書師時錄事降撫山東

全湖南北節初移。聖主優容俾近畿。五斗未能除薄俗。兩旬聞已昧先幾。右才每構千間厦。左宦仍披一
品衣。山東巡撫兼提督銜此日汲公難臥治。九州分半入封圻。山東一省全得青兗二州境其邇北邇南
及邇東此處又兼有幽豫徐三州地也

錢通判維喬

相識寧論行輩先。爾來久已訂忘年。早傳吏績人呼佛。晚避詩魔自學仙。百種盡除留畫癖。幾時重與枕
書眠。勸君歸後余纔宦。面目多應愧此賢。

王侍郎視

聞聲卅載苦相思。孤露同看母作師。猿雀從軍憐早歲。尊鱸歸計惜衰遲。眼前事業千頭橘。身後才名萬首詩。一卷苦爭君記否。三條官燭校文時。

盧學士文昭

文格蓬萊賦紫微。罷官依舊苦長饑。六經校後真無誤。七十行來尚若飛。雅苦俗儒噓狗曲。閒謀隙地築漁磯。草元亭在雲溪上。除却侯芭問字稀。君自言主講常州三年能請益者惟臧鉅堂一人

邵侍讀晉涵

苦憶餘姚邵夫子。授徒却待勘經回。君策石經國史二館下直即復授徒殊師肯啖公羊餅。君擅發梁學絕業誰營爾雅臺。憶共五經連榻住。也同六郡校文來。謂在朱笏河先青山回首應惆悵。斷送高張幾許才。謂同幕高東井張生安獻學使娶方海黃仲則諸人

屠刺史紳

案牘如山目已迷。趁閒偏欲逞篇題。縱官刺史無千石。却學君卿有十妻。好友總拋疊嶂外。全家憶住小湖西。所居名四小湖何時共泛南歸棹。臥聽溪禽自在啼。

李太守廷敬

五載欣看歷四州。清郎出守最風流。曾登秘省稱前輩。重到蘇臺感舊遊。愛客自拈金縷曲。迎人多上木

蘭舟吳閩風月梁溪酒。可億人居天盡頭。

法祭酒式善

翰林詩格冠詞場。屢改頭銜作漫郎。左手書。應成絕技。苦心詩。已入中唐。兩番曾監選官速。百本名經選佛忙。君時選同我愧枚公賦情拙。莫將疎陋玷班揚。

管待御世銘

積歲機庭苦未閒。昨觀除目與開顏。青驄早避鮑司隸。溫樹難言孔博山。作賦廿年推老宿。爲郎十載冠清班。也應寫寄爭臣論。好待昌黎出使還。

趙舍人懷玉并酬入直見懷之作

舍人入直題殘日。驄馬南行按部時。明設提學御史。今尙沿稱學院。却憶紫微廳北路。聊吟紅杏驛中詩。鄉園漸喜田除稅。余有田二頃。入京後皆爲主者贖。去聞君年來亦割田償債故云。兄弟都驚鬢有絲。遮莫善愁兼善病。得閒須復強支持。

王學博吉士

誰是南宗與北宗。阿兄城北弟城東。穿籬却有三間舫。入市頻驅五尺童。產破中人憐沈駱。幸迎上客說孫洪。瘦羊博士今何處。薄宦聊應似轉蓬。君尙未補缺。惟東西署事。

楊大令倫及令弟焯

迎春橋北放生池，猶憶平生訪舊時。門巷一雙前進士，家風五葉老經師。藏花席上看君醉，君猶于酒令問字堂邊待我遲。同在龍城書院肄業荆末封胡俱下世，謂大令煒伯兄簡及仲弟臨從弟漢諸人不愁君不鬢添絲。

汪明經中

不敢隨車試大廷，頭銜真許號明經。人言盞目同荆尹，自詡龍頭壓管寧。喜讀梵書排釋氏，惜餐劣藥冀修齡。狂來更頌東陵跖，君有孤父之盜頭一驚手劈蠻牋寫作屏。

陳軍門大用

識字何須五石弓，昇平儘將最謙沖。爭看隨陸司兵籍，無復伊涼唱土風。江國別來饒豔句，海氛清後寡奇功。軍門只在千花內，好買鱸魚門酒筒。

汪助教端先

卅載閒情不自持，蕭疎今已鬢添絲。纔看薄宦拘平子，多分揚州誤牧之。我欲共參山水月，人傳三絕畫書詩。年來苦憶梅花館，開徧南枝到北枝。

孫比部星衍

早入承明侍從廬，爲郎莫更嘆紆徐。經時偶斷船官獄，何日同乘使者車。郭芍藥詩成本事，鄭櫻桃室作安居。奇寒可憶茅山夜，兩客同驅一蹇驢。

張檢討開陶

西蜀奇人作冷官。青氈猶剩十分寒。何妨日住蓬萊頂。不改常餐苜蓿盤。子美數間吟舍窄。淳于一石酒腸寬。金釵典盡眉常斂。欲畫仍須拂鏡看。君寓于仇

呂學博星垣

卅載詞場志已灰。狂名猶被世人推。好奇欲破古今格。傲俗肯交中下才。不覺一官餐苜蓿。依然十幅寫玫瑰。年年避債君尤窘。曾與同登百尺臺。已酉年除夕。君避債城東。經寒余訪君劇談竟日。

王孝廉芭孫

入言風貌太酸寒。那識詞源萬斛寬。吳下早聞呼短李。禁中久已識詩韓。傳經帳後纈雙疊。君以貴文為活寫韻軒前墨數丸。誰似阿儂夫婦好。賣琴錢少減晨餐。

揚州守芳燦暨令弟觀察揆

家山百里望遙通。君住溪西我水東。兄弟才名吳二陸。宦途階級漢諸馮。射光身手知還健。君前守伏羌城射殺一番回。入蜀詩篇誦最工。我在黔中七千里。寄書應趁石尤風。

左大令輔

當時踪跡最清閒。繞屋梅花自掩關。千首早摹梅處士。一官今榜謝家山。緣知小弟才尤捷。可識衰宗客

未還。謂黃仲則子時在廣東。余腸斷廿三年。上事黃公壇在白雲灣。

莊公子達吉

兩載何因滯故鄣。一轅聞已入咸陽。多金結客家頻破。廣柳藏人事已忘。狂甚竟聞呼彥國。貧來先欲弃姬姜。何時魂壘澆應盡。與築糟邱醉百場。

續懷人詩十二首

紀尙書貽

子雲筆札君卿舌。當代無人可並論。直閣新銜同學院。文淵閣閣先生曲臺故事號專門。研心十載懔皇覽。快意千篇續瑣言。謂近所著說部五六種。只我最饒知己感。下春官第枉高軒。先生主甲辰會試。余試卷最爲所止。于卷末題惜春詞六首。有云萬紫千紅號花梅冠春華。免詠槐黃。歡轉後又枉道過訪。

江布衣聲

家傍要離尺五墳。布衣七十甫名聞。因題刺字摹秦篆。君生平未嘗作楷書。即題刺亦皆篆字。爲愛尙書習古文。生世未嘗知鮑謝。學徒差喜得芭蓂。君自少至老。從未有授館者。近忽有市賈延君教子執禮甚恭。亦奇人也。閱音亭長今同調。謂錢州一樣嶽嵒不入羣。

家編修梧

機庭綸開彙詞館。十載勤趨梁殿東。家世我漸稱大阮。制科人已比三洪。君兄弟三人皆以召試得中對人比之鄱陽三洪云。全拋舊業因廉史。君伯兄撰。出守順德。清節絕人家以此中落。合譜新詞寄阿翁。君尊人環詞最工。兩樹櫻桃一樽酒。風懷開日與誰同。

管漕督幹珍

早歲清名滿石渠。東南久已駐輶車。君遷江南。漕至三任。數程不異官鄉郡。十省今看領國儲。嚴檄早清飛輓路。開心時復故人書。堂開依舊塵凝坐。爲有耽吟習未除。

方上舍正澍

家本新安客上元。半生知己得隨園。工愁五十偏無恙。避俗三旬竟不言。手筆捷如錐脫穎。肩輿行比鶴乘軒。梅花百本扁門住。尙厭朝來烏雀喧。

徐太守大榕暨從弟縣丞書受

二十年前契最深。鳴珂南巷酒時斟。阿兄作吏能強項。小弟裁詩學嘔心。七子才名虛擬議。一家官爵竟升沉。篝燈倘憶初逢處。只惜秦州宰木森。余初識縣丞時。方從董州守。照讀詩。今州守聞已下世。

唐少府軼華

中河橋左廟瀟西。老屋三間戶最低。蠅版每思穿巷過。粉書時復到門題。卑官已屈陶彭澤。佞佛何如孟會稽。一事至今忘未了。謝家園裏有鶯啼。園在君宅後。

章進士學誠

鼻窒居然耳復聾。頭銜應署老龍鍾。未妨障籠留錢癖。竟欲持刀抵舌鋒。君與汪明經中議不合。幾至揮刃。獨識每欽王仲任。多容頗冒郭林宗。安昌門下三年住。一事何嘗肯曲從。君性剛鯁。居梁文定相公寓邸三年。最為相公所厭。懷。

蔣少府廷耀暨令弟上舍馨

君增十歲稱齋長。我後三人作學徒。外家兄弟五人。逃塾早會親睥睨。背燈時欲學呶唔。樓扉敞覺書聲脆。紙仿描鸞字跡粗。重向講堂尋舊事。桂花零落杏株枯。

莊縣丞寶書

夢來阿鬻竟無徵。從母生君時有夢兆。五十驚看白髮增。詩社早參三健守。君詩集中與蔣太守熊昌徐太守大榕及從子通守所唱和最多。通守時攝興安府。書名誰似兩鬢丞。君書法與蔣縣丞齊。並名。回車尙憶南皮飲。丁未夏訪君河間客邸。歸艇同尋北寺燈。指庚戌年元夕荒徧外家廳畔路。竹梯邪斷杏難登。

馮戶部敏昌

早向長安門酒盃。之秦之楚屢追陪。一官止抵傳經席。五嶽都成避債臺。君以避債出都。此日最推長句好。名山曾步後塵來。己酉春。余北上。枉遊王青松兩樹花千本。頓使先生笑口開。在都日歷同語。法源寺看花。

姜廉使開陽

憶自蠻鄉入帝都。舊營池館日荒蕪。三層閣上簾虛掩。萬里橋邊水亦枯。某署有萬里橋。搜篋雅知廉吏寤。時捐

復道。持杯誰念酒人孤。何哉早逐西飛雁。謂君所善歌者喜兒爲問先生記得無。

福公相康安自全蜀移節滇黔近聞已抵威寧寄呈四首

烏撒山川界蜀滇。遠勞上相復行邊。拜公鄧禹年三八。鑿空張鷟路萬千。左道更須嚴折石。偏鐘誰敢鑄

浮錢。時辦理大寧郭教兼清盤錢法。旁人莫羨頭仍黑。國事辛勤已久肩。

束髮爭傳命世才。相門出相著風裁。何妨早日登三省。已覺奇勳塞八垓。兩度廣陽看飲至。頻從絕域受

降回。朱轡玉節雍容甚。分野星明接上台。

昨傳使節入秦關。威望先馳壓百蠻。三萬里踰星宿海。八千人上賀蘭山。偏裨盡注通侯籍。掌記猶分侍

從班。方太常惟甸揚侍讀。揆近日皆曾隨幕府。却笑燕然地猶近。竇公容易勒銘還。

外臺何幸接班聯。溫語頻番荷報賧。一刺記投通德里。庚戌夏公自兩廣率安南國王入覲。余時初入館。曾謂公里第。十年久領大羅天。

欣陪節鉞來荒徼。敢向蓬瀛說散仙。幾度自慙文思拙。欲將簪筆頌凌烟。

安平行館見梅

輕裘覺暖寒猶淺。峻嶺初平路轉又。獨坐小窗斜日裏。膽瓶風折一枝花。

衡齋十詠

卷施閣詩卷第十五

六八七

貴州學使公廨最湫隘。乾隆癸巳。今大學士孫公士毅視學此方。始於其後積土爲堂。名曰近山。然屋止三楹。不足以資燕息。余抵任後。復于堂西隙地。築屋十數楹。或高而爲臺。或曲而爲塢。或因樹構屋。或臨溪製軒。資僚屬詠之暇。昕夕讀書。恆于此焉。開歲將報滿入都。爰分詠十截句。以貽後之來者云。

官廨各占山。貴州官廨自巡撫以下。各占一山。惟學使署在平地。此但與山近。最喜開北軒。寥寥發松韻。堂後與東山咫尺。

右近山堂

獨坐思話軒。孤吟悵無侶。幸有黃栗留。時來伴人語。

右思話軒

筑中山最高。況復據山頂。披香夜半開。東西眺星景。

右千葉蓮臺

春來樓檻外。百卉盡孳紉。欲別風花味。香生第幾叢。

右紅香館

屋仿江南船。聊住江南客。所苦一百旬。孤篷雨如織。

右聽雨篷

日坐此閣中。著書愁未了。窗櫺三面陰。綠徧卷施草。

右卷施閣

蠻中金粟花。三歲偶開一。方牀夢醒時。婆娑滿窗月。

右金粟山房

惡木旣已鋤。篔簹植千个。只有問字人。時穿竹中過。

右修竹廊

無日不讀書。無日不晨起。闢牖看啓明。濛濛鷓鴣聲喜。

右曉讀書齋

天無一日晴。地覺四時暖。持此養寸心。滄然春氣滿。

右藏春塢

卷施閣詩卷第十六

蓮臺消暑集乙卯

乙卯入日早登黔靈山

扶雲入山門。一壁削天半。青松三百樹。直上寡曲幹。危厓嵌樓閣。懸處鐵索斷。開軒同客話。響與禽雀亂。窗紗裂盈尺。臘雪尙堆案。僧延繙佛藏。石匠風篋竄。雲光開半郭。下視起烟霧。東西萬家屋。驛道復中貫。一徑促下山。藤枯屢縈絆。巖巖生對面。欲下削如岸。風寒砭肌骨。坐處裘屢換。忽凍舌本強。與丁尙揮汗。回途自郭外。東轉至雪厓洞小憩。

危橋背郭幾人家。石徑東西路轉斜。清淺溪山浮曉日。冥濛樓閣散棲雅。閒身乍嬾非關病。春氣原饜不繫花。一帶壁龕藏古佛。幾回欲與論年華。

十五日立春

元夕春。百年少。日月食。皆逢卯。鴉聲愁。鵲聲喜。兔申頭。虎曳尾。雷濕憑。電光掣。春朝風。元夜雪。

二十日送客久憩陶寧閣

黃塵飛百尺。樓上馬蹄聲。道古高于屋。山奇逼若城。關軒春睡足。窺逕晚烟生。莫更留行客。勞勞尙半程。

二月初六日偶成

春雲黯黯飛一城。城角缺處花枝橫。風吹折枝俱膽瓶。不向樹上棲其生。烏鳥角聲吹不停。憶昨夜過三千兵。山陰美酒貰百瓶。傾耳欲聽苗蠻平。時綱仁苗匪滋事。巡撫以下並領兵親往。羣公花下來駐旌。醉過寒食兼清明。

初十日侵曉至龍場

銀燈影外星初落。一山開雲盡樓閣。冥濛花氣不知名。十里曉風浮絳萼。花前鶯語聲猶澁。花底春衫著疑薄。晴光黯黯鋪郊甸。青氣茫茫注巖壑。馬頭回處客亦驚。卻值曉曦紅出郭。

阿江汎道中

一出途四出。曉日正當頭。好鳥背人立。清泉擇地流。霧歸僧閣暗。雲出寺門浮。半晌沿林走。偏忘路阻修。

杏花一絕

屈指好春惟二月。稱心小閣却三層。多應獨夜愁無侶。來向書窗惹客燈。

十九日出城東門看花至芳杜洲作

只有尋芳興未闌。閒排僻徑出層關。淡紅十里杏花路。淺碧四圍楊柳山。夢好尙憐春思冷。塵飛時望捷書還。征東將士應無恙。何日先平板橋壘。時綱仁逆苗尙未授首。

曉發龍場

二月氣尚寒。蟄蟲局未啓。冥濛菜甲花。飄黃十餘里。南瞻黃盡處。一綫日初起。人家依竹木。分半住坡底。東風灑然來。綻此桃與李。宵露濯滿枝。浮香出垣裏。寒鳩蹲屋角。兩兩鳴未已。一响雨復來。高原忽如洗。

延江道中

桃花已全紅。李花未全白。翩翩馬上人。高比花逾尺。初陽才出樹。紅紫相映射。花梢度人影。花底繫馬策。西顧殘月痕。冥濛淡無色。沿溪灘落好。風定舉烟直。香氣不可名。交飛蝶如織。

早渡延江

蠻鄉居已久。不復知蠻中。蠻水一彎綠。蠻花千樹紅。蠻人如飛禽。舉足能蹈空。但覺雲四飛。眼底青濛濛。倏忽下萬山。驚流盪心胸。青綠濱一堤。撲此詹宇濃。解纜語未完。舟已當水衝。中渡驚語聲。我僕留岸東。蒼蒼鷓鴣羣。送客飛逆風。

將至螺腹塘

白雲埋西山。雲破花一谷。花光接雲氣。交處香斷續。沿山行十里。稍覺展地軸。高下極水田。參差萬畦綠。波流縈折處。毫榭亦回複。溪魚能入市。驚筍穿石腹。日午飯已香。幽人候茅屋。

養馬塘道中

延江及播州。山勢忽平易。坡陀騎馬人。逼仄始見地。衡門兩下屋。構製亦微異。曲巷分數門。平堤溢川氣。

連岡西北展。斜與碧天際。居人汲深泉。百級盤石砌。雲容間梨杏。稍覺天宇膩。一頃黃花風。牛羊下山細。
曉發遵義四十里鋪

濛濛雨不停。十里天尚黑。春塘白鷺絲。寒飭梨花立。
沿溪數十家。斜左窗並啓。風遞人馬聲。吹笳入雲裏。

遵義試院

二月春光好。幽尋使院西。草迷僮室暗。花壓步壘低。馬病離槽立。禽閒擇樹啼。樓前小家巷。時聽屐衝泥。
二月晦日使院小樓看桃花

長水捷書當可達。銅仁逆苗聞已遣播州春雨不能晴。山圍城郭常時暗。花發簾櫳徹夜明。精舍未妨勤課士。麤官聊願與談兵。如椽紅燭燒何事。樓上閒來酒獨傾。

試院小樓獨坐柬樞太守承孟

風光多在小樓西。無數山雲壓檻低。與客生疎惟燕剪。背人開落有棠梨。酒逢地主慙中戶。君量最宏札報天兵過五谿。時得福公相書言已早晚捷書來郡開。春融拚共醉如泥。
曉發遵義

深淺山坳內。時浮一樹花。白猶零露雨。紅不見人家。澗水碧如玉。雲光薄似紗。面西樓開好。翻恨路東叉。

八里水塘道次

十日雨始晴。高原鬱春氣。連山亘南北。濃綠漲天地。斷嶺一以開。花紅亦無際。連綿芳艸合。來路渺難記。幽香惹行客。處處欲停轡。竹屋三四家。鳴泉響頽砌。臨波亭自好。新筍大如臂。窗櫺紅八扇。花裏自開閉。簫鼓知賽神。材腐爨煙膩。

鳴谿行館

一巷黃鸝語。多于雞犬聲。酒邊人去住。花裏徑縱橫。戍火上樓見。山泉僦榻生。居人最勤力。月黑未歸耕。

石壁塘道中

一程六十里。昨午發蠻郡。窮鄉不知途。祇覺嶺奇峻。坡陀懸絕處。十退乃九進。人方驚失足。頭上鳥飛迅。敗葉已隔年。因風尙成陣。輿夫行視地。石削利如刃。岐途仍百出。荒絕少人問。冥濛山澗綠。壓客創字潤。一响花氣紅。山村已知近。

發半水塘

南原寡桃李。桑樹圍成村。桑葉尙未抽。稍待春氣溫。居人數十家。咸關臨水門。無事遠汲勞。清泉繞山根。山廚豁然開。餘瀝傾瓦盆。斜左一徑寬。呼聲集雞豚。深屋復數重。遠矚籬幕痕。已有白髮人。樓頭曝朝暉。度虹安磻。

分半溪聲作雨飄。暗風時復響錫簫。百重花路行初透。又踏春紅過小橋。
短篷風捲落花多。却趁春晴曝雨簑。捉得鯉魚長一尺。小舟如葉旋回波。
宿沙溪行館

依然下馬歷重肩。宛轉房廊屈曲屏。添得蠻中一句雨。屋頭山比去年青。
風光都被亂雲遮。水閣南頭路較賒。看到小桃紅盡處。夕陽幾點着歸鴉。
過三重堰上嶺

蠻方積煙霧。日午氣始開。梨桃搖天風。引客上北臺。衆山西南趨。中峯獨東回。
迤左削一崖。俯瞰綠萬堆。值此春雨餘。山泉響如雷。飛旆過北林。飢鳥已驚猜。
半道值戍樓。復有畫角催。陰寒中人深。屢刷衣上苔。稍休下前山。呼童剪蒿菜。

渡渭水橋晚抵牛場塘

匡東無暝色。一谷李花明。澗底水流響。雲頭人語聲。半橋楊柳占。獨徑鶯絲行。
正有衝寒意。欣逢候火迎。黔西州解海棠一株大可半畝到日花正盛開喜而作

兩年心跡寄喬柯。喜向花時整玉珂。碧澗雨餘泉溜急。紅闌風定日華多。
山光著客濃于酒。簾影隨雲逝若波。要與東皇再三約。好留十日待重過。

看牆外桃花

池臺斜占水波東。無數繁枝壓砌紅。醉裏似聞鶯燕語。桃花顏色稱春風。

宿海棠庭院

瓊頭香氣時飄忽。騎馬入門絲雨歇。春風亭外二分花。夜色簾前半規月。梨桃杏李春事忙。參差一畝橫海棠。三更窺徑花如活。紅氣入窗蒸夢熱。

自黔西州至新鋪道中

春陰何重重。花外路如墨。擡頭見鳴鳩。咒雨一雙黑。坡陀過新鋪。稍覺徑夷直。高原三日雨。千頃抽宿麥。溪山最雄奇。大氣自闔闢。森森松柏榦。雲外挺怪特。生苗饒種類。作屋厓畔匿。年來厭追呼。塞逕橫巨石。居然判畦畛。遊騎停不得。遙望一畝花。沿波弄春色。

寒食大定試院試威寧等三州童生竟日坐聽事作

日午臺前試袂衣。柝聲清脆掩雙扉。多應人氣蒸如雨。惹得梁禽觸紙飛。

十五日薄莫作

枕上紅燭攤書看。貂裘壓被防晚寒。離居誰信是寒食。檐外風雨來無端。登樓試眺山南北。薄暝窗櫺已無色。萬點歸鴉何處棲。冥濛壓得桃花黑。

清明

三年寒食住三州。前年在安順。昨年在黎平。並皆局院試士。一樣攤書據案頭。春半雨多頻臘屐。登中花好不登樓。肩門鶯燕

時來。覷出谷烽煙。昨已收。時得馮巡撫知會。初二日在喫。騰勒殺逆苗二千餘人。正大營道路已通。卻笑青衿未知事。漫思投筆佐軍籌。時有

附生熊瑄具呈欲移送軍前効力。余已諒却之。

十七日晴使院後圃望遠

分半山城入畫中。炊煙都裊岸西東。房廊映水多時綠。衫袖承花一色紅。上冢船歸雅咒雨。築毬人去馬

嘶風。年年桃塢春如許。辜負鄉園三兩叢。

將抵西溪

欹斜石徑杳難通。來往輪蹄若踏空。卻好一村居谷底。纔烟開處萬花紅。

冥濛曉露濕花心。欲到橋西路莫尋。三兩鷺絲明似雪。隔溪飛不破春陰。

西溪汛卽事

蒼蒼山已深。淼淼流不止。無嫌鳥飛疾。撇浪魚若矢。稍休厓石上。四面聒流水。風勢聚一橋。驚看去雲駛。

橋西邨落好人語。罷朝市。紅白花萬堆。中飛纒烟紫。

重至黔西宿海棠庭院

闌干十二敵銀屏。尤喜芳時此再經。雙柳有情垂檻綠。萬山如夢壓簾青。花邊惆悵尋前約。葉底參差問曉星。依舊燕鶯飛不定。可能重把夜窗扃。

將抵鎮西衛

兩山雖百步中挂一絕壁。人攀厓樹上。碎石傷馬膝。穿雲過深澗。飛露灑如雪。高下千級田。濛濛漾朝日。房廊臨水好。雲向枕邊出。茶樹花亦香。迎人下山歇。

偶寫荷花便面寄費方伯淳

小閣纔看暑雨過。一拳奇石面層阿。知君雅有鄉山念。爲寫錢唐一頃荷。

端五日聞官兵捷音是日夏至

今年節候奇。元夜立春節。如何日長至。復值端午日。榴花紅處排兩筵。卻值露布來東邊。興酣邀客共劈觥。鏡吹雅樂吟連篇。官兵早破黃瓜砦。賊勢愁亡椰子隘。後隊仍燒蘭艸坪。前軍已逼花園界。固知廟算無遺策。遠近花苗更輸力。臺築三層號受降。詩歌六月勞還役。主將翩翩善出奇。搜牢應遣種無遺。還憐春夏行軍久。倘念西南民力疲。自春及夏淫雨連綿倉池荷花十減六七。感賦一篇近東馮侍郎光熊張兵備繼辛銅仁尼堪巴圖魯臬使思州並寄姜兵備開陽甘肅

前年築臺而池水。昨歲花放池臺前。朋來喚我作花主。日日樓上開賓筵。今年霖雨無停刻。水綠衝臺臺欲缺。三層閣上無一人。花亦悄然如惜別。征東軍容盛如火。憶昨出城來別我。殘荷隔歲尚數莖。臘雪初看出梅朵。城頭一別經甘旬。轉眼已值看花辰。豈徒花色減時昔。把酒苦憶花前人。幾年愧作單車使。不獲荷戈先戰士。昨日軍符又發兵。焚童捲甲東行駛。此時花發不欲看。月裏閒卻紅闌干。已涼天氣纔幾日。一任風雨搖無端。轉思萬里橋邊水。多半樓臺雨中毀。某使署中荷花最盛。今空署中。年開樓閣半傾。花亦憔悴。非昔兩地看花無一人。寥寥壁上詩牋在。藏春塢北偶傍徨。風急猶聞遞遠香。莫更城東招小史。左官先已抵伊涼。某使使事左。逕平寇兵。備道小史。郭即姜所卷者。何時一輩重相聚。笑折花枝賦長句。屈指平苗露布來。主人亦欲辭花去。

平苗凱歌十章即寄福康安公相行營

海宇年來慶謐寧。偶移旌節蒞邊庭。鉤陳十二明如月。上相星聯上將星。軍律嚴同湘柳營。聲威先已輻登荆。夔龍大將皆趨左。詔統川滇五路兵。萬仞蒼厓一綫通。兜零火照馬頭紅。原知廟算真無敵。先定黔中下楚中。明史土司傳。宣德五年。石各野五姓花苗敢獫狁。會傳吳畢石雞娘。烏羅地大如甌子。又見天兵下石梁。料同石雞娘吳畢耶等擾亂。仁亦會川湖兵討平之。出險方看建鼓旂。居然絳灌列偏裨。前軍早報花連布。已解長圍入永綏。

南出羅蒙北峭關。十旬先定五溪蠻。摩崖好壓中興頌。勒徧壺頭百尺山。
關外軍威敢自尊。國恩重疊與傳宣。勞來不用歌周雅。六月王師已凱旋。
黃旗植處許歸耕。一半蚩氓慶更生。神武聖仁原不殺。詔書先築受降城。
五度殊方討不庭。澹烟圖上鬢猶青。酬庸比日原無兩。耀首新頒三眼翎。
榴花紅徧四山梁。初度欣看日正長。十萬貔貅齊下拜。凱歌聲裏慶傳觴。
楊兵備揆兩至黔中。皆不及見今得書知。又抵軍營寄懷一首。

我生遊跡殊通達。禹貢九州今歷八。雖然輸爾涉河源。遠度崑崙越哈察。東西南北五萬里。頭上翠翎風
細翼。如拳大字如椽筆。先把天山石磨刮。銘功紀德字五千。高比浮屠七層刹。居然遠壓神邱頌。何日重
煩墨工刷。丈夫志業真難量。一半貔貅歸統轄。昨來雪嶺今炎山。車不停輪泥脂牽。花門異種方稽顙。五
姓苗偏肆輕狷。盤陀斗絕隆棚險。一半休誇地形扎。搜牢匝月肯暫停。山搏熊龍水擒獺。滇黔楚蜀雖同
勦。神武聖仁非嗜殺。杈枒怪樹當山巔。百歲根株一朝拔。尚煩奇計參帷幄。頓使蠻方靖戈鋌。讀君露布
才益奇。鬼膽先看破羅罍。寧知馬上殺賊手。正復翩翩如俊鶻。相思苦欲專人訊。道遠又愁泥滑滑。重陰
天氣發一械。霖雨應零八行札。

聞銅仁日來復有賊警兼辰水決城數丈馮侍郎光熊率官弁晝夜堵禦寄懷一首

天乙虹梁暑雨交。昨傳江水決城壕。螢中糲種紅千頃。峽裏舟船綠半篙。六月可能平板楫。一軍聞尙駐松桃。蕭蕭白髮籌邊夜。誰識馮唐志意勞。

酷暑至蓮臺夜坐

六月六日天乍煦。窄袖葛衫猶苦暑。連房早厭人語稠。卻曳襍被來樓頭。蓮臺三面波光漾。一榻居然最清曠。濛濛桃樹月西斜。烏影斜生紙窗上。

自六月朔日移至蓮臺避暑聞兒子怡孫疾尙未愈書示一首

經旬曾未涉南臺。藥裏頻從禁滿開。却笑兒曹未耽讀。燕狐纔去雁狐來。

七夕陳大令熙藩邀集城南鳴玉山房卽席賦贈一首

感時青鬢欲如何。初地聊從暇日過。赤甲一軍爭渡久。時增調滇粵兵甫返境紫微雙樹得秋多。陳邱已保恩邛水。

劉秩應嗤曳落河。莫向尊前問牛女。早憑天漢洗兵戈。

中秋日曉望

城南未見烽煙歇。忘卻秋中有佳節。陰寒霧雨迷一句。纔見清涼此宵月。烹葵剝棗飲不休。逸興且上城南樓。忽然黃葉下如鳥。笑過三歲蠻中秋。

秋海棠

一種嬌無那。新涼小院東。葉猶棲敗蝶。根已泣秋蟲。豔色偏嗟晚。酸心孰與同。昨宵鄉夢被。露冷一庭空。
中秋夜坐

上弦及初圓。一夜輒三起。連廊南北抱。鞞履行未已。闌干嫌露重。空處聊徙倚。衫袖葉葉風。斜穿竹華裏。
樓臺萬家夢。燭影沉不起。簪瓦弄月光。空明忽如洗。簾櫳中外徹。暗隔不須啓。照水水亦空。魚鱗逗波底。
蠻鄉三載住。良夜能有幾。握管欲賦詩。朝曦墮林尾。

乙卯貴州揭曉會城書院生徒獲雋者二十七人回途率成五百字志喜全用十四緝韵卽呈吳煇陳希
會兩主試及許刺史學范諸同考

前年使者來。冬仲月初拾。奉命宣化條。窮經事尤急。周行十三府。日或不暇給。苴蘭及毋斂。亘古屬蠻邑。
山坳賦城郭。俯視類蟲蟄。無旬不淫雨。萬古地卑濕。蠻生粗識字。書不入行笈。剔除到筆硯。所事者篋笠。
間歲試學官。泥塗甫衣褶。低眉對文卷。窘若遭縛繫。四聲踈不講。顛倒出篇什。化俗具苦心。庠宮飭修葺。
陳書數十篋。云以待溫習。兼疏聲韵譜。潤此舌本澁。賊賊講堂開。一善皆引汲。經句輒分俸。俾得備糗粒。
行之勤不懈。多士志方輯。貴山儲人才。兩歲雋及冊。謂貴山書院生徒甲乙兩科中式者至四十餘人方折讀書效。私自理囊囊。
昨歌鹿鳴來。城府已磨集。然聞聘同考。頗復論階級。賀方伯代監臨試考官以朱經不預內廩朱雲名不預。執卷每
嗚咽。朱鐫其疑關門逢月朔。雨霽路微曠。監司迨州縣。一一連騎入。堂深吏局鑰。門外植雙鋏。朱墨卷

二千兩吏相對執名皆抗聲唱。得失判呼吸。挨排附欄楯。頭上墨淋汁。聞書五經魁。千百燭光煜。紅箋名在手。咸擬破鍵屐。白屋士較多。塵聲沸如瀾。我行然炬返。欣此輿論翕。酬恩願粗了。行且具舟楫。三年飽看山。大峒小者峩。龍南等東北。險險不搜緝。誰云鬼方惡。直欲勝宣歙。麻衣三百輩。門外時鵠立。諄諄戒勤學。士行尙謙挹。紅苗前蠢動。論此嘗愜愜。昨聞大芟勦。不日兵可戢。高低萬山田。耕者看倮。頻年仍大有。喜氣溢原隰。持衡兩君子。公望庶諧諛。筵排多士卷。一一蒙訪及。庶幾能相馬。拔十真得十。翩然召陵許。文不尙沿襲。前時鎖廳見。贈子先一揖。掄材盡如此。願爲執羈。談深嫌夜短。時復飯薌皂。只惜北郭生。猶然向隅泣。時清生中知名者。惟賀世清。獨不售。賀居北郭。故云。

十九日獨酌偶成是日家累南回。

不覺蕭蕭雨。風聲徹戶涼。又添新別恨。獨對古重陽。石鏡花千朵。琴臺酒一觴。遙憐車騎遠。凝睇此高岡。

徐太守曰紀。屬題桐廬申屠氏宗譜。中山水畫册八幅。雙婆澳嶺頭時有窄徑。江口皆通小河。鄭姥宅連杜姥。陳婆溪繞楊婆。

兩坂郵

爭傳上坂下坂。卻畧前村後村。漁網陰邊小市。稻香深處衡門。

黃山

名擬三天子嶂。秀參五老人峯。莫訝山田龜坼。時瞻雲氣如龍。

范井

家移浙水平壤。里本陳留外黃。瓣香我憶傭叟。汲井人傳培鄉。諸云申屠氏自漢代遷居富陽之屠山及宋時有贅于范氏者又移居荻浦焉井即

范氏之舊也

慈濟寺

紅雲高閣初啓。白鴿春田四飛。待得孤僧入定。鐘聲穿出松扉。

荻花溪

高低山合村塢。南北江連渚沙。消受九秋明月。輸他千頃蘆花。

雞頭峯

欲賽社翁社姥。相邀漁弟漁兄。雞頭峯頂晨雪。鴨嘴船邊夜明。

松濤浦

開外蒼苔一片。門前碧水三篙。居屋不殊居艇。松濤遠接江濤。

屠二紳自尋甸州守擢判廣南道過貴陽留飲三日醉後賦贈

依綠亭邊識君日。三十年來五回別。一回握別一傾倒。我越壯年君未老。天憐狂客愛遠遊。遠宦皆出天

南頭君行斗大得一州。我亦持節來邊郵。囊空衣敝官初改。歷盡巒山飲炎海。北來驛使遞一箋。驟閱反疑君左遷。人言官廣勝官演。俸入乃逾十萬錢。平原坐上多良友。比日談君不容口。忽然一客來款門。矯首徑入無寒溫。旁人驚看僕夫笑。三寸麴塵猶在帽。卸裝先約欲促裝。爲爾南去程途長。秋花黃處頻高會。一日爲謀兩回醉。朋來尙未悉姓名。脫口遽已聞歌聲。我行一一爲分析。故能狂奴總如昔。不爾先防欲逃席。昨日醉外臺。今日醉縣中。歌盡百曲傾千鐘。新交有樵陳。舊交憶孫趙。鄉語連翻述難了。君不見少歲警我去。幸有少歲交。紅闌百尺挂酒瓢。恍若醉我城北之山橋。山橋邊。卽鄉社。我距君家不三舍。何日同歸醉橋下。

喜代人將至率賦六詩留以志別并貽新學使談戶部祖綬

我饒山水癖。乃官山水鄉。黎平及都勻。靈秀之所藏。大山何峨峨。長川亦洋洋。五嶽四瀆外。得此庶頡頏。間歲輒一遊。奇蹤匹翱翔。靈氣歸筆端。奇矯得未嘗。詩文及千篇。藉以壓客裝。仲冬當北征。念之尙傍徨。約客頻出遊。時時陟高岡。西郊松竹幽。南郭蘭杜芳。作詩別山靈。此景殊難忘。

東從相見坡。西去亦資孔。茫茫三十驛。鎮遠迄南籠。疲氓居要道。百事實倥偬。民夫徵不足。搜剔到蠻洞。負擔行萬山。心傷足俱腫。衙胥不之卹。而復相驚恐。我朝恩澤厚。域外悉輯轡。況茲梁楚界。大吏所控總。所期仁及物。役不到繁冗。公廉率其下。守宰自惶悚。昨來馳尺一。荒戶給田種。軍行所過郡。秋不賦結穗。

愚民縱無知。戴德已山重。東南傳露布。艸野悉羅踊。聞寬寬大詔。卻立手俱拱。花苗旣輸誠。吏勿輕煽動。
雲山殊戀別。忽作兩月晴。自八月十四日至此已兩月並無大風雨土人云爲數十年所未有清晨來閣中。霞采東南明。連岡何蒼蒼。修林亦英英。機事庶久忘。物亦諒此情。伴我日讀書。不覺寒暑更。謝者尙未謝。生者日以生。愛此三載中。日添雛鳥聲。新篁手所栽。亦樂觀其成。

牂柯及夜郎。古乃列益部。今茲十三州。夔鄂實門戶。津船通列貨。間亦雜書賈。流傳坊市本。十竟不登五。刪除到羣經。擢髮罪難數。我行按左塾。見此赫然怒。嗟嗟蠻嶠土。化久隔鄒魯。開篋出六經。仍疏四聲譜。口陳兼手畫。聽者若環堵。精微難遽悉。冀或得其粗。餘閒陳列史。俾得究今古。憶昨按部回。書聲滿堂廡。紛然陳藝暇。略亦通訓詁。明明尹荊州。庶思能步武。後漢書西南夷傳牂柯郡人尹珍從汝南許慎學受經書圖籍學成還鄉里教授常聚華閣國志尹珍

毋敘人官
荊州刺史

此方雖蠻方。楚蜀粵上游。延江及沅江。其源一何修。沉埋唐宋間。地志苦不收。前年使者來。一一窮險幽。暨水既合温。黔江亦通涪。盤南鎖鐵橋。勻左列木舟。我行皆乘之。徧歷十二州。惟銅仁府寄考錄還按部所不至馬上作一書。分此楚蜀流。芟除土俗名。不使混固彪。庶以示後來。不貽茲土羞。
香榭南北廊。修竹東西徑。紅雲樓百仞。白藕花千柄。茲廡最閑適。旁榭亦幽靚。豈茲崇土木。藉以適身性。昨者偶讀書。欣聞有除命。前旌臨沅水。當遣騶從迎。周閩更修飾。砌石拭如鏡。雖爲居者計。客暫寄歌詠。

一番扶美植。惡木久除屏。以此黽勉心。庶幾貽後政。

同里諸君子。邀集蘇參軍鳳池廨舍餞別。卽席賦贈一首。

逶迤徑折入琅玕。蠻府參軍廨宇寬。已覺朔風傷謝眺。不妨微雨過蘇端。羣公雅稱芙蓉幕。一老曾餐苜蓿盤。卽徐太守曰拚得花前幾回醉。馬蹄應又踏長安。

卷施閣詩卷第十七

回舟百嶠集乙卯丙辰

自鎮遠舟行至常德雜詩時正會勦銅仁沅州紅苗一路皆傳符遂舟僅乃得過亦幸水程距札營處稍遠也

青溪及玉屏水程從此起飛夢入吳江迢迢七千里

兩關皆虎豹一棹若蜻蛉昨得軍門札傳烽送使星

孤猿攀危崖意思亦若憐仙人飛空行投杖手復接

一程復一程幸爾水流急山頭看花苗排刀向空立

水祇深三尺舟搖亦不妨來朝衫笠影隨月漾瀟湘

見慣卽不驚殘骸蔽江黑應準何不仁抽腸作常食

楊柳千條巷夫容百尺樓可憐兵火後剩有夜烏愁浦市甬經燒劫所見尤慘

空灘三百級一石一文贏更有莓苔影朱文漾錦波

殺聲喧落日何處可潛逃幸是昏黃月騰身附鵲巢

泊舟仙人房仙人遁無影我欲上帆竿延回瞰深井

楚女生來好。凌晨掉小舟。神魚知好色。出水看梳頭。
及到洪江口。材官馬上迎。蘆灘都有謀。不敢點燈行。
人頭及人脛。一半出魚腹。怪底帆不前。荒灘鬼叢哭。
凌晨坐清寒。閉目養心性。過盡千百灘。都從雙耳聽。
烽煙不到處。幾樹發黃梅。鶻語先傳喜。雲光亦四開。
六州兼十縣。魚鳥竄紛紛。只惜桃源洞。難容爾許人。

辰州謁畢尙書師出所定詩文集見示卽席賦呈二首

一半戈船下瀨橫。烽煙開處見山城。天南縱僮籬邊驛。研北仍聞擊鉢聲。幕府盡稱詩弟子。謂劉侍御錫嘏等虛

窻閒禮古先生。軍容茶火由來盛。未改臣門似水清。

述作多應拜下風。憐才如此復誰同。諸生並致三霄上。五嶽分標各卷中。歲月釀成無事福。灾氛消盡未言功。殿頭第一人爭羨。不負科名僅有公。

常德胡同年文銓招飲郡齋卽席賦贈

十年前事重徘徊。曾醉梁王百尺臺。未覺壯懷輸少日。不妨開裏門深杯。掃除硯北橫經席。料理城東小史來。清興到今仍未減。春風先爲拆疎梅。

荆州喜晤錢上舍伯炯即送南歸并寄令叔維喬

年時搢子清暉橋。卷施閣中挂酒瓢。沉沉醉後不能別。轉盼燭花明復滅。彈絲戛竹夜未央。節日笑我行

何忙。一城春燈轉曲廊。送者短趙兼髯莊。謂舍人懷玉縣丞寶書。翩然一別萬餘里。凌亂雲山馬頭起。尚許筵上說

錢郎。抵辰州日向書爲言君尚在刑臺未歸。坐客半驚余失喜。嘉平廿日來洛宮。騎馬直詣官衙中。攔門握手久相視。尚喜

君貌非衰翁。中郎阿大欣俱在。時令兄錢詠絮詩成復誰對我官蠻府已四年才劣恐難成一隊飄風三

更入五更。牆外羽檄飛無停。龍山殘雪落如掌。頗念未息征苗兵。萬言揮灑仍如故。此筆合移書露布。不

然手挽五石弓。上馬殺賊成奇功。稜稜俠氣填胸抱。可惜君偏著書老。卅年知己姜侍郎。姜巡一見猶能

一傾倒。雖然此遊不可忘。踏徧七澤兼三湘。零珠斷璧箇中字。尚抵陸賈千金裝。欲行不行更搔首。握別

還思素心友。君不見竹初菴內證無生。應笑勞人日奔走。

荆州官廨借錢上舍鉞介弟伯炯暨崔恭人作消寒七集卽席有懷崔丈龍見

款客荆臺苦致思。舊遊重到酒難辭。猶憐匹馬衝寒日。卻值閑庭詠絮時。久別未妨書代面。故交多已髮

添絲。冰弦彈至傷心處。時話文敬否事。不管花窗夜漏遲。

一載軍書插羽飛。人傳公瘦我寧肥。路穿烽火驚身在。夢逐波濤入姊歸。時在宜昌一帶羈縻會面未能忘息壤關

心先自理初衣。君時乞養病歸里未允。天南佇看苗氛淨。好買菱湖築釣磯。

題崔恭人秋山訪菊圖

幽窗雨過點青苔。蠟屐曾從響屨回。自覺向來秋氣少。不隨探菊祇探梅。丙午二月曾追陪鄧尉看梅

衫裳葉葉起雲霞。簇蝶裙飄一徑斜。卻過小橋天路近。絕無人跡有飛鴉。

飛瀑潭疑石上琴。欲從何處更幽尋。空明一點靈山月。與證迢迢世外心。

雲裏紅闌曲折橫。半秋時節出山城。飛仙一個花千朵。都署頭銜太瘦生。

閒從卷裏憶西州。零落羊曇感舊遊。苦向尊前問癡叔。謂大令渚宮殘雪不勝愁。

少日談詩有性靈。後堂延客眼先青。願營百本梅花屋。更展紗帷乞授經。

酬錢上舍丙曜

舊時門巷判西東。蠟屐常穿楊柳風。占得雲溪一澗涼。小樓都在水聲中。

詞筆欣看萃一門。比年風月共琴尊。龍華會上如相問。交到彭侔四葉孫。余幼時謁蕭山公。卽蒙獎識。及長受尙書之知。又與大令及伯

壩兄弟並稱莫逆。

鄉園春半飲屠蘇。握別仍行萬里途。自笑遊蹤太遼闊。更從北夢說西湖。前在西湖與君別

襄陽呈房師王觀察

遠宦迢迢各一方。馬頭真喜向襄陽。西南尙見烽煙赤。師弟初驚鬢髮蒼。懷古油臺聊駐節。探春簾幕偶

傳觴是日。立是日。益箱案牘須勤理。肯學山公醉百場。

立春日過襄陽謁羊杜二公祠有懷孫觀察星衍山東

君爲東國諸侯長。我作南方多士師。竹馬共思逃塾歲。土牛又見逐春時。酬恩尙愧身無補。傳世先驚髮有絲。至竟古人能及否。薄醪閒謁二公祠。

元日南陽

幄殿趨朝夜向晨。宛南春首淨無塵。早聞內禪光唐宋。又見元年值丙辰。全楚正欣秋再稔。史官應奏日重輪。堯階未在三陪列。尙愧西清侍從臣。

人日抵鄭州巡撫景安遠遣人相迓書此報謝

握別梁園已八年。憶君風味逼前賢。大河南北頻經款。好爲蒼生計息肩。

人日聊登百尺樓。繁臺東望久淹留。破除舊例吾何敢。瘦馬羸童入鄭州。君清素如昔。一切酬贈。遂迎之。禮皆絕。今獨遣一介相及。是以

衙齋聯句記經時。風雪甘涼苦致思。在甘肅詩。最久。尙以書生待開府。逢人仍索憶山詩。君所著有憶山詩草。

王大令復專人約遊。偃師余以驛路迂回未果。翊日從岡里渡河。半渡風發。舟幾覆。日晚。僅得抵南岸。因徒步攜從子兩門生至惠濟橋行館宿。卻寄大令一首。

故人一別經歲時。封書約我遊偃師。把書沉吟復東走。塵土隨人已三斗。津頭塵暗風尚微。挂席如馬從風飛。忽驚風從半空旋。長年大呼人語亂。眼看北岸離纜尺。帆急欲收收不得。一風吹舟舟轉輕。樓櫓盡訝凌空行。蕭然天末一使星。河伯已遣鮫人迎。盤渦欲下仍未下。惡浪幸從船後瀉。舟人心定客始猜。欲抵岸北偏南來。聳身一躍得平地。觀者居然詫神異。鄰舟望我竟若仙。餘艇尙在風中顛。君不見故人此日避高會。客臥津亭自頭沛。瓦燈一盞土橋南。且喚行童理生菜。時覓食物無有。僅得生菜數把。

葉縣道中雜詩

保安及昆陽。一驛三十里。奔馬逐歸驢。齊入黃塵裏。

屠蘇酒乍傾。簫鼓賽昇平。爆竹聲何脆。年頭年尾晴。

卓午昆陽道。溪橋細細風。春衫紅一片。併麗日華中。

寄王大令復

南來已是一旬馳。真擬松松入偃師。河外土風堪作宰。洛中人日偶題詩。何因祖客筵前酒。轉憶孫郎帳下兒。來書言及舊僕吳順。幾許笙歌兩行燭。呢人魂夢憶多時。已作孫郎帳下兒矣。

黃河阻風卻至惠濟橋行館晚攜從子門生至橋東玩月作

寂寥山館許停驂。酒薄都憐興未酣。多謝北風能款客。吹帆三日住河南。

頽墻三折路參差。拂樹先驚鵲踏枝。豔殺野橋山店月。不妨人去立多時。

過新鄉贈孫同年希元

監與薄晚過山莊。飛騎驚看逐道旁。

一代相門傳縣譜。君為文定。公從孫。

千年古邑號新鄉。采風近郭民謠話。

舊虛窻月影涼。更喜外臺條教密。

時京侍郎。撫豫有善政。又為州縣設立科條甚周。

兩河應可息瘡傷。

曉發湯陰

破曉趨南郭。城荒竹木稠。地為今下邑。山即古中牟。殘雪明華表。驚沙暗驛樓。停驂吾不願。昨已飯宜溝。

將至安陽先柬趙大令希璜二首

尋常三五團圓月。自到胖柯見未曾。料得鄴中元夜好。故人應為剪春燈。

爾許情懷漸不支。屏除絲竹已多時。還能與鬥筵前酒。可有孫郎帳下兒。

壬子冬飲君署醉甚。邀飲逸席。值孫兵備。舊僕郭勺。藥代飲數。

解航乃

湯陰謁岳忠武祠

古木叢臺起怒風。岳王祠倚據樓東。何因滌盡孤臣血。不祀前朝穉侍中。

埋骨西湖恨已多。小朝廷久厭兵戈。此方立廟非無意。倘為君王障兩河。

抵安陽境塵土撲人戲東大令一首

主人倘厭客經過。故遣飛沙織似梭。休望琴堂門尊酒。元規塵已汚人多。

十四日未刻抵安陽趙大令爲招春燈社火。譙客海棠詩屋至三鼓乃別。翊日更邀遊天寧禪寺設百戲。

餞別醉中賦贈

郭中十萬戶。一戶排雙燈。城東城西徑十里。萬影礙月難東升。安陽大令我素知。飛書約我停少時。排門
燈影看不足。中有夏竹兼吹絲。紅塵障天綠波掣。馬尾搖風馬頭月。鼓樓街北蕭寺東。齊捲珠簾看飛雪。
昨日醉幾場。好友爲我招張王。皆郭中賢客海棠詩屋圍社火。夜半更約傾千觥。今晨別何地。更遣雙丞控飛
騎。佛樓開處面廣場。關戶爲余陳百戲。此回元夕無不有。月影燈光與杯酒。董生董生惜前走。謂上舍達
都說與王郎應妒否。謂大令復更排石級上石亭。一城華燈尙若星。摩塗金石百回步。寺有元至元十二年銘及至正中石刻足
力倦處開僧扇。念君官事忙如許。衆裏離觴復頻舉。一响歌聲壓彩雲。梅花山館飛如雨。君持手板輿前
立。我辦心香馬頭揖。時以所刊近著見贈別袂猶餘燭燼光。離亭已暗風沙色。

晚發安陽至磁州行館一路燈火甚盛喜而有作

十里平沙柳數層。漳河橋上月初升。何因爛醉安陽酒。來看磁州郭外燈。

李舍人鼎元登倚園

平生心力瘁躋攀。五岳遊完鬢未班。肯待向禽婚嫁畢。僅留老眼看青山。
欲捫星斗挹穹蒼。杖策仍須辟殺方。我是上春君早伏。入山先已異炎涼。

戲題秦人種桃采芝圖

童男童女五百桃。實桃花萬千。何不成鄉里。婚男嫁女耕田。
毛女忽然大笑。惹他四皓顏開。商洛山連太華。大家飛去飛來。

馮給諫培竹鶴圖

意中我有閒樓閣。閣下亭亭立雙雀。雀徑時看一花落。胸中我有奇峯嶺。此外觸處皆琅玕。六月更有松風寒。乘軒豪此君直。開徑居然得三益。門開無人。雀亦應門。叢竹兩兩。爲除行塵。門關無人。竹亦索笑。仙禽翩翩。自詡同調。先生此圖。實得我心。雀既有侶。修篁成陰。尙恨竹外無月。雀邊無雲。石牀無積書。竹几無清尊。客來不醉相對。何以能追古人。君不見。今人不來古人往。雀步空庭竹森爽。畫中山好不可居。何不歸爲五湖長。

寒食早得家書偶題二絕寄南中小兒女

莫怪尋常爲燕猜。踏青時節未花開。鉤簾欲訪春消息。却值江南驛使來。
平堤一色綠初鋪。四月江鄉畫不如。遙憶風前小兒女。紫藤花下讀家書。

奉酬邵學士晉涵病中見寄之作

與君卜鄰意非好。欲拉酒徒時醉倒。墻西望汝一樹花。君病未瘳春遽老。牋云日暈半甌粥。頗厭墻東酒徒擾。墻東酒徒非得已。匝月行完七千里。轟天礮火衝身出。弔影驚魂可知矣。昨來偶自窺青鏡。不覺二毛墳鬢底。期君醉我君辭疾。反作新詩惱行客。酒通我縱盈門索。藥券知君亦山積。君如戒藥我戒酒。一日顛毛恐俱白。

李公子存厚梅窩圖羅兩峯畫

橫斜影百枝。坡陀石千尺。不知是我不得來。或是君家不招客。花遮簾櫳柳藏榻。空裏似飛鶴一隻。有魚千頭禽百翼。幽人一一與之數晨夕。兩峯畫石如屈鐵。兩峯畫梅如值戟。披圖我忽念疇昔。三十載前攜蠟屐。余未弱冠時從叔爲真山尉曾過訪留居旬日一峯如頽一峯劈。更上一峯吹竹笛。此時不知梅窩在南復在北。但見高低屋橫脊。屋上殘冬雪花積。百年君居此山側。孫時看梅祖所植。幸我淵源盡相識。不然何以揮灑千言有餘力。詩成對卷仍嘆息。兩峯老嬾殊可惜。君不見。玉峯前頭湖水碧。咫尺應須望鄉國。倘使餘歲更有一丈長。直接吾家水西宅。

卻扇詩爲吳孝廉蕭賦

譽婦詩成百口傳。可知標格本天然。青綾步帳曾相識。我是張淨友謝淨。吳所娶爲孫兵備從妹

半臂新裁蜀錦鮮。薄寒聊與壓吟肩。馬頭明月如團扇。偏照愔愔惜別筵。
耳語障岐記可眞。回頭生怕阿兄憎。看花遲早尋常事。莫作蓬瀛第二人。
征忪鞭馬出金臺。失意偏教笑口開。我憶培鄉風日好。紅荷百頃待郎回。

白髮詩爲胡上舍唐作

鄰東胡生昨叫絕。白髮忽然衝帽出。大呼擲帽理髮末。幸喜根株惟有一。胡生胡生意若失。走馬索詩兼口述。我爲生語生勿忱。此事何關存與歿。古來賢聖半天折。顏賈頭中無此物。矧生飾貌有不屑。從此何妨罷梳櫛。平生品與陸展別。無子未聞收側室。錯之鑷之可不必。生聞我語笑兀兀。二三子者粗有筆。爲我責頭須痛切。我聞生言意亦裕。一毛雖小慎勿拔。或者明朝生七八。疾呼奚僮馳急札。朋來盍簪賀白髮。茅柴之筵咄嗟設。生今上坐非忝竊。燕毛之禮誰敢忽。雖然生不可不察。此物上頭急作達。從茲陸行乘驢水乘筏。面垢莫除塵莫刮。衛玠弗愁人看殺。

題王太守宸仿董北苑瀟湘圖爲徐孝廉嵩賦

此卷長三尺。零陵老守圖。居然茱几側。隱落洞庭湖。山水情今古。荒唐夢有無。臥遊吾尙記千里下黔巫。
予白黔中還朝取道洞庭

四月廿日與胡公子稷會飲金光祿孝繼宅被酒醉甚歸途于馬上得五百字卽送南歸兼柬莊上舍達

吉陸秀才繼轡

今年絕代才。皆下考功第。汪端王孫徐嵩趙璽尤苦不得意。王生除學博。賣字作歸計。趙生居僻巷。
 忽爾鬧車騎。無端長鬚奴。失笑復垂涕。揭曉前一日汪生將外擢。以助教當畢力此一試。寅初聞揭曉。側
 立門隙伺。猛聞敲扉聲。妻子雜沓至。寧知非報捷。有客誤投刺。徐生病支離。一夜屢登廁。先期唵病鶴。甫
作病識已兆雷翅蒙頭聞報罷急起理囊筒張生已獲售黜落為奇字欲歸東西川柰此楚氛熾相邀避
 人跡。戚戚聚蕭寺。吳生示不屑頻日酒筵肆。監廚得驚坐。謂假陳曾肴饌悉精緻。酒徒七八輩。痛飲日
 三四。我慚居下位。不克挽風氣。尚書名知人。紀宗本可愜羣議。微嫌心有主。意在急防禦。遂令中材升。杞
 梓或被棄。凡茲數君子。一一洵國器。中年饒底蘊。詎止文藻麗。沉淪致頭駭。此事亦匪細。今晨聞剝啄。君
 又理歸轡。君才希數子。靡不夙投契。況茲年尚少。拭目盼遭際。嗟貧兼歎老。與衆不一例。感君行計速。飲
 餞為粗備。不愁分袂早。反恨遲把臂。君歸過庭暇。勸學戶管閉。吾州衙署廢。古檜陰拂地。側聞賢太守。一
 歲興百廢。蠶蠶疏曲河。構閣臨睥睨。春閣兩人捷。吾鄉已獲毀橋利。形家言吾鄉城壁堰及城中白雲
 之。其餘懲薄俗。悉力整凋敝。侯賢實棄梓。予與太守東望舉足企。明春當乞假。官開倘可詣。蒙莊雖從甥。
 夙昔視猶弟。知君過從數。一語煩遠寄。通錢三百萬。土木苦煩費。園成諸債集。何不築臺遊。陸生才筆健。
 竟欲邀老驥。陸生嘗昨來觀近作。好句我能計。吾鄉茲數子。得不詫尤異。相思不相見。發念時一寃。遊山

我防懶。日在空中肄。所欣腰脚健。百里走尙易。一羸聊負篋。一僕持絮被。預思重握手。不得到春季。倘及三月三。春江可修禊。

五月初八日。方比部體吳孝廉蕪邀同人出西直門小集金氏園亭。卽席賦贈。並送桂大令覆之。官雲雨絲疎不斷。一路出西城。日閃塢頭影。雷轟澗底聲。草高飛騎入。花滿露舟橫。清絕尙書塢。當門杞已生。幾許關心客。無多賣賦錢。暫拋官裏事。來趁酒家眠。岸柳陰三面。溪雲白四邊。遙程愁更數。西去萬三千。

城南雅集圖

城南雅集圖凡八人。法祭酒式善。李編修如筠。張檢討問陶。劉舍人錫五。何戶部元煊。水部道生兄弟。王廣文。芑孫。徐孝廉嵩。圖成。屬亮吉跋之云爾。

城南百萬家。屈指無幾人。匪緊果無人。下直常閉門。幾年我苦居。天末閒煞城南好風月。側聞我友與尙豪。把卷呼之齊欲出。法祭酒。王廣文。近來作詩種雅馴。徐孝廉。張檢討。倔強自誇長句好。介休詩老偏改官。貧甚不厭居。長安稜稜弱冠才尤異。難得何家好兄弟。我交短李惜已遲。覲面却值居愛時。八人所貴忘形久。不問圖中貌妍醜。昨日作一篇。今日作一篇。城南塵舍不數里。時有飛騎馳吟箋。流傳俗口殊難耐。只說羣兒自相貴。豈知帝京景物本冠十七州。賴有數子晨夕成清遊。不然東西紅塵日如織。何以使春花生輝月饒色。一奴前行不著鞭。八騎矯首皆如仙。穿行古刹及荒墅。日永或借閒齋眠。數君才調皆

經世所喜昇平無一事。木天粉署官本閑。欲以琴尊消壯志。徐生忽然策蹇驢。時下第南歸王子亦欲登牛車。時赴華亭遂令七客忙不已。分日載酒延王徐。還君斯圖三太息。勝會如今亦難得。卷圖水竹自生涼。差信此中無熱客。

法祭酒雪窻課讀圖

堂中一寸書。門外三尺雪。弧兒讀未完。慈母心若結。朝行課讀書。暮行課讀書。弧兒業甫成。慈母年先徂。衰親無百齡。積雪不逾月。所以人子心。常思事親日。感君與我孤露同。六歲七歲稱孤童。君以七歲孤貧家無師讀不得。卒業皆在紗帷中。雖然我與君稍異。憂患餘生復難記。五雅三蒼業縱同。余甫六歲經旬九食談何易。白雲前頭一曲谿。余昨繪機杼燈彩卷子亦圖太安人課讀時事昔者我友曾分題。長檠無光短檠繼。持較此卷殊依稀。我家茅三層。君家竹千箇。我家屋比君家破。雪朵盡從頭上墮。君家門向左。我家門向右。我家雪比君家厚。徹夜有光飛瓊牖。可憐遲暮猶耽讀。只惜春暉杳難續。每值窮冬風雪辰。攤書時向茅檐哭。吁嗟乎。今年之雪非去年。今日之景非從前。安得衰親常存雪不化。兒寧讀書終老茅檐下。

少宗伯鐵保暨少宰玉保繪聯床聽雨圖屬題率賦一篇

散人步入蓬萊遲。大茅小茅皆本師。天門不敢與鈞禮。却憶抗手同行時。余與少宰同舉京兆鄉試祇疑未換仙人骨。開掃落花消白日。忽聞天上落吟聲。矯首不禁狂興發。披圖乃仿逍遙堂。下直兩兩登匡牀。置身高處莫

忘却。但見楊畔左右竹柏搖青蒼。誰言天上清閑極。一例苦吟能入癖。他時竹杖或敲門。慎莫移牀先遠客。

送桂大令馥之官永平

汪錢盧邵

汪明經中錢教授塘登盧文邵邵晉涵兩學士

相繼作海內故人今益稀。洪生終日塊然坐。欲哭不哭常歔歔。數君豈

止傷天折。

汪錢邵年皆僅五十左右

六藝微言亦將絕。開搜篋底出手箋。精義猶堪補殘缺。桂生亦是今儒者。六十肩

門校蒼雅。遠官萬里無一錢。手抱遺經尙難捨。君不見許君弟子有尹珍。首以小學傳蠻人。二千年來師

授絕得毋待爾。一一重敷陳。君不見蠻方志乘尤疎略。若水蘭滄考須確。博南尙許宦三年。他日應傳陸

君學。

題陳布衣嵩畫梅册子

君前築屋臨江屯。老梅一株香一村。泠泠江水半變綠。更向花下開橫門。幾年作客思家切。手寫一枝如

鐵屈。猶嫌比屋多塵氣。不遣虬枝四邊出一花。中間綴一星。空處掩映天光青。嚴寒百鳥絕無影。間有老

鶴來梳翎。客來時立梅花側。是客是花渾不識。三更月淡雨又來。清冷獨抱花魂回。

題陳同年慶槐借樹山房

人生天地間。百物無不借。日受天地恩。不向天地謝。况乎百年內。偶復賃傳舍。何人開此巷。此屋又誰架。

主人名誰何。何日得閒暇。因而覓奇樹。一種如隊。何年高出屋。清影相激射。自從有樹來。人事疊交卸。前者有因依。後者得憑藉。冬有以爲冬。夏有以爲夏。時而蔭清晝。時而響長夜。除此千尺陰。無須一金價。居人之不德。鄰亦不之訝。我今爲評量。不得不枉駕。知非乞諸鄰。造物者所貴。君如思報德。日日羅酒炙。邀此一世。人相與酣樹下。狂來鋪席臥。林密已無罅。倘問身所來。亦從天地假。

七月七夕吳侍講錫錡招集澄懷園賞荷卽席賦贈

居然秋雨餘。邀客集深徑。何止盈眸花。葉聲清可聽。槐黃堆北牖。香氣一窻迸。奇書隨手讀。兼復展明鏡。婉婉越客語。沉沉洛生詠。雖無鸞鳳翮。雅有麋鹿性。蒙莊方任達。管輅苦言命。坐中趣味辛舍人談命不已莫負佳節。歡移樽酌波暝。

酒半移酌池上與張同年問陶皆失足墮水戲作一篇並呈

西頭萬葉戰秋雨。東岸百花明夕陽。夕陽紅退遜花色。秋雨綠淨逾溪光。張郎酒行冠已側。笑道一年惟此夕。攜觴約客臨北池。指點塘坳欲鋪席。影先入水身誤從。影沒反訝身凌空。一花驚從足底紅。轉眼荷葉迷西東。誰云直下真無地。幸踏纖纖藕如臂。玩波一响不出波。濃綠溪光若衣被。忽然一躍波已開。分手亂擘青莓苔。五曹不死亦可哈。多謝花朵擎魂回。

初九日早舊僕朱祿忽避危疾卒將以是夕斂于旁舍余不忍視之因出巷至胡文學唐寓齋索飲醉甚

至二鼓始歸率賦一首

凌晨欲出門。一僕隕西廬。念其久追隨。不忍視棺匱。驅車出巷西。復東訪友十。帶九不逢雨。聲蕭蕭促歸去。日晚方欣與君遇。主人不在客亦豪。胡時主程吏部振甲舍程前已出使呼酒半日辭無着。充腸且復啖生果。幸有蔘栗兼梨桃。我前與君同里井。三十六峯懸倒景。烏聊山頭筍堪煮。更摘鄉園雨前茗。時吳上舍文桂出問政山筍及松蘿茶啖客千杯百杯酒不辭。靡角月已來絲絲。排頭生客座旁聽。鄉語拉雜愁難知。鼓聲隆隆街北響。我醉欲歸神忽愴。馬嘶聲苦步亦傭。瘦馬轉若憐疲童。居不見。魂燈已出門。藥帳猶在舍。世間百事皆代謝。新僕遂巡候檐下。

初十日吳上舍文桂邀津門李生爲余寫管領九秋圖爰終以二絕句

管領秋花事可知。姚黃魏紫不同時。算來也被仙人妒。東海新教月上遲。
籬前薄薄有花陰。小立居然爽客襟。一曲紅闌天萬里。是誰能識九秋心。
桂大令馥戴花騎象圖

與其北方騎襄佗。不若跨象躡牂柯。與其東中餐首着。不若簪花撫蠻服。我官蠻服諳土風。民戴長吏同家翁。車前何必八騶列。象鼻舒卷如長虹。花枝紅紅罩官帽。六十使君猶若少。有時象背唵欲顛。惹得幼姬開口笑。祝君官滿無一錢。唯鬻花好垂吟肩。君不見。三年政成歸亦好。叱象北來耕海島。

趙大令希璜雲車飛步圖

我昔至盤谷。欲登王屋山。馬疲僕懶不能到。日晚僅訪靈源還。是時閑雲逐歸鳥。天半夕陽紅不了。空林飛瀑影間之。覩得四山青島島。我亦欲乘雲中車。天門旁邊學步趨。舉頭見君忽大笑。已被怪風吹裂帽。張同年問陶夢月卷子

我夢久已闌。君夢乃方兆。斜月照天西。迢迢石牛道。

此客支離極。隨人棄道旁。蓬蒿三五尺。中有竹匡牀。

陳布衣嵩詠篔簹軒卷子

深淺篔簹內。能令日氣青。四山飛瀑布。百道下巖扃。欲制安心法。聊攤種樹經。何人伴幽獨。螢火兩三星。卷施開久坐

園林千萬葉。如雨落漫漫。秋燕已無影。夜窗殊覺寒。小眠琴榻潤。閑步竹廊寬。只有西軒月。無人徹曙看。送張孝廉問安歸蜀

朝看東籬花。暮折北提柳。人生無根株。安得不奔走。張生年四十。抱道苦不偶。西顧有老親。日歸覓升斗。窮秋霜霰集。戚戚聚儕耦。相對慘不歡。惟應市鬻酒。君家難弟好。縱飲日濡首。長飢資薄俸。未足餬兒口。我意亦勸歸。名山闢窗牖。沉潛三十載。庶可冀不朽。努力盡一尊。西行寡良友。

邵進士葆祺邀集寓齋餞張孝廉卽席賦贈

邵生不特詩才逸，兼買黃花醉行客。就中行客我素知，西蜀才人張亥白。十餘年來詩道乖，正論往往參
俳諧。汪孫耀光近亦輟吟詠，欲覓長句誰能佳。張郎令弟才如虎，酒後千言氣頗粗。只惜奇書束不觀，沉
酣自欲成千古。生成進士方少年，乃復憔悴長安眠。郎官上可應列宿，何必蓬島方神仙。聯吟快得蜀中
友，豔體疊成三百首。壁人居處亦不凡，蟬螭裁屏月爲牖。花前揖客屢舉杯，客醉欲別花徘徊。欄門殘月
向東逗，興發尙能騎馬回。君不見，醉中歲月徧無據，落葉紛紛訝飛絮。東頭言八朝標折柬來，明日酒人
須復聚。

寓中獨坐

荒園倚古井，三折遠市塵。傍屋十數株，鳥巢多于人。蕭然一徑東南好，豈止無花且無草。堆檐黃葉一尺
深，下有著書人不老。

廿三日雪邵進士葆祺餉酒并約張同年問陶過卷施閣小飲別後復獨酌池上讀亡友黃景仁梅存軒
集至二鼓作

酒人攜酒來，賞我庭畔雪。我時方讀史，一卷粗已畢。掃茲盈尺地，相與坐林樾。風爐依土鏗，隨意雜陳說。
聞官兩移居，皆喜境孤絕。當時沉醉處，依約記庚戌。倏忽六七年，雲煙事生滅。橫街南北路，好友半天折。

謂邵學士。如何不酣飲。坐待生白髮。君看空中花。真如電光掣。
櫻比部

淺醉不出門。送客竹籬畔。酒人從此去。蒼鼠亦隨窺。前車方越巷。後騎忽聲喚。俄頃人語希。來塗雪飄斷。移尊酌池上。看此冰欲泮。舊友隲上心。遂令齎無算。沉酣到中夜。空白忽欲暗。正好殘月來。光華與凌亂。

題黃上舍恩長印譜

雅覺一舉堅。級尚須八體。摩揣試問誰。工此技。山農谷口三橋。

叔孫不朽三事。江夏無雙一人。文苑儒林藝術。恐君難以分身。

送黃戶部鉞乞假還蕪湖

黃生通籍久而乏仕進意。郎官才半歲。堅欲潔歸計。乞閑書既允。偃臥無一事。歸日萬斛濤。空明洗曾次。築屋古鳩茲。子焉可終老。苦無江上田。可刈霜前稻。仍然攜襤被。遠復客江島。時將遊皖江。一世無相知。何人

識飢飽。

十一月十四夜卷施閣待月適蔣表弟良書以惠泉酒索售因留飲至醉作

所居偏西南。十日寡良友。今夜明月圓。清輝殊膩手。蔣生叩門入。半日俯其首。索我助急裝。餉我一尊酒。開尊與酬酢。鄉味汝知否。移坐石屋中。清談亦云久。苦言辭我去。相送出門走。夜半西北風。冷冷吹笑口。十六夜獨坐玩月至四鼓。月食詣太常寺隨班行禮。

全家既南歸。一婢攜向北。欣聞月當頭。爲我具肴核。軒墀開左右。雲向瑣窻白。古木十數株。居然富泉石。攜壺隨處坐。淺醉不終夕。官閑之塵事。敢尙曠厥職。三更驅羸車。入寺救月食。

感舊

忍向三生石畔過。此情除有劫能磨。愁中花月催人老。夢後樓臺易主多。紫燕已閒移舊棟。白雲猶是宿層阿。惟將一掬東風淚。和雨和煙逐逝波。

胡上舍唐屬題夢李昌谷圖卽戲效昌谷體

古錦裁作疊時。嘔心中血。古錦裁作被時。縈夢中結。江南仙客夢隴西。魂氣上覺南山低。左耳黃河聲。右耳瀉滄海。塵飛接黃雲。如鉤月沉采。闌干十二行不前。轉眼已及三千年。玉京路向瑤池直。金虎玉龍擱不得。却怪仙人酒面紅。映天天作桃花色。清虛帝所宅。何有白玉樓。一語道破天應愁。天公愁。山鬼笑。神雞亂。囓星斗完。飛上燭龍頭上叫。夢中授受詩百篇。只借東壁爲長箋。從茲投瀨詩。仍須出人間。來何翩。翩去何遠。出戶有光圓。若絮長爪纖。纖破天去。

束錢三維喬

竹初庵主近如何。習靜翻憐歲月磨。到枕水雲清夢適。應門汀鶴道心多。黃金久已欺中壘。白壁誰能剖卞和。君前宰鄞縣爲接任者所累大爲上官白眼一片五湖千頃月。收帆擬共著漁蓑。

夢入從舅氏白雲溪舊宅感賦長句

一半軒窗面水隈。已涼頻奉板輿來。簾從碧月光中捲。花向紅雲影裏開。分砌紙燈搜蟋蟀。過汀蠅屐點莓苔。歡場總被風吹散。贏得春宵夢百回。

張烈婦詩

烈婦王氏。余友人張大令景運之子婦。文學慧裕之妻也。慧裕以勤學得瘵疾。氏封肱療之。不愈。卒後一月。氏繪夫像于壁。雉經其側以殉。

張烈婦。交河人。年二十歸所天。所天勤讀書。氏亦助攻苦。朝聞雞。嚶暮聽統如鼓。所天學成病轉危。夢裏血淚時時霽。誰言色如花。匝月成死灰。叩天乞緩須臾死。割肉如丸啖夫子。臂創未合髻已垂。奈此出腹兒呱呱。嗟嗟一塊肉。敢畧翁與姑。長跪向保母。願乞存遺孤。捐軀卻憶前三日。心事曾爲小姑說。翁姑有叔兒有母。地下良人待余久。神完志定反不忙。却掃東壁如銀光。七尺軀。牆上植烈婦善繪事。先甚良人。像于壁。乃就旁繪。三尺繩。梁上直。墨光血光相對射。形影不離夫一尺。君不見。婦先兒。兒童烏阿翁。復作鬼董孤。大令近作。連異記。數。

一家奇行皆堪圖。

偶成
哀樂中年詎可支。未衰恐已鬢添絲。遭讒真悔知名早。投隙方嫌見性遲。乍識面人偏入夢。不關心事忽

沉思平生學行吾能審。豈待悠悠論定時。

百種芟除癖尙留。閉門索句出門遊。研摩未及唐餘史。蹤跡粗窮禹九州。胸次漸能忘寵辱。舌鋒從不快

恩讐。白雲溪畔三間屋。略有頭銜好乞休。

間來屈指溯從前。孤露餘生我自憐。平輩半皆成老宿。故人多已學神仙。難忘硯北千秋業。卻有城南二頃田。一事冷官差可慰。趨朝常得弟隨肩。

亘亘平生一寸心。不同朝士竟升沉。憑誰可解胷中結。倩客時彈海上琴。乞與藥爐希駐景。肯從塵網索知音。南舟北馬頻來往。坐使勞勞變古今。

廿五日雪

蓬門且喜絕將迎。繞砌南頭自在行。一片廣場三畝雪。好同心地證空明。

十二月十九日卷施閣招同人祀蘇文忠公卽席賦一章並邀諸人同作

七百年來彈指過。又隨裙屐壽東坡。生天至竟誰能免。傳世如公庶不磨。香篆曷時詩思入。風簾開處雪花多。狂吟痛飲君休惜。不見勞人鬢已皤。謂吳侍讀錫麟時以病未至

小除日邀同吳侍讀錫麟戴吉士殿泗趙舍人懷玉溫舍人汝能方比部體劉舍人錫五伊比部秉綬葉舍人繼雯張檢討開陶彭明經蕙交戴禮部敦元集卷施閣祭詩作

洪生除日築兩臺。飾糟避債人俱來。客來不來豈須速。先注滿堂銀蠟燭。歲聿云暮與轉高。分半債帥兼詩豪。卷施之門如鐵立。百輩申頭不容入。側聞門外客。暗數堂中人。九州仙客萃一門。休嫌坐上賓僚少。閩粵楚吳兼蜀趙。坐中十二人。凡四川湖北廣東福建山西浙江安徽江蘇共八省。無端聚飲衆或嗤。轉假舊例稱祭詩。多逾二百篇。少乃十數首。吾曹自有傳世資。不藉詩篇成不朽。燭花分從肩上飛。蠟淚滿滿堆春衣。忽驚屋後雷聲墮。四面紙窻齊欲破。山雌水母并入肴。遠有吳客貽車螯。百壺不嫌多。一觴不言寡。夜半清談振檐瓦。肉拌貂酒汚茵脫。略極處無人噴。明宵莫守庚申歲。後日早朝纔破醉。

偶成

客來半不知名姓。到卽隨堂住幾時。醉後忽然長揖去。主人不問僕難知。破工夫把蜀茶煎。一枕新涼乍欲眠。不合約他狂道士。騎驢直到竹牀前。

卷施閣詩卷第十八

侍學三天集丁巳

正月十四日雪霽溫舍人汝能招飲分韻得兼字

且插梅花壓帽檐。乍來香氣欲衝簾。龍街月與燈光合。繞砌霜將雪色兼。縱飲未妨朝客罵。朗吟生怕夜鳥嫌。千言一例輕揮灑。已有春華上筆尖。

十五夜琉璃廠步月

一市人如海。塵從隙處穿。帷車排巷窄。社火壓場圓。濁酒呼朋飲。奇聞藉客傳。欲尋容足地。飛爆向肩然。元夕有懷四首

半生思紀外家間。宋文公有外家紀開清淚時時滴典墳。十六人中留上壽。以氏再從兄弟共十人惟別氏居八十七千里外寄奇文。予與學貴州時以氏將生平所述作寄春余處難忘閣上三更月。只占溪南一塢雲。莫陋窮陵亭醉尉。阿誰能識李將軍。崑州碎

一居閨閣一居鄉。零落年來姊妹行。少賤每教通世故。長貧時與話家常。封書寄弟箋曾溼。對鏡梳頭髮已蒼。腸斷邗溝東去路。適汪氏二姊下世已及十六年所居天井巷小樓壓迨之不忍登也小樓空鎖月昏黃。憶姊

晴暉橋北學場東。竹屋時時與夢通。砌繞石泉三寸碧。窻分梅蕊一株紅。已將複閣棲嬌女。可有新詞寄

阿翁猶憶北行牽袂處。萬家燈火五更風。憶女。余以庚戌元夕北上。

故人生子我生孫。世執還應擬弟昆。自舍人得子。故謂。世長余孫一歲。竹馬跨時纔識路。紙鸞放處定當門。揮書已分傳

家業。學語差憐具。夙根。遲汝長安來繞膝。看翁日日倒金尊。憶孫。

吳上舍文桂倚梅圖

黔南冀北走紅塵。昨夢江鄉正好春。何不石旁添畫我。承明同作憶梅人。

纔過燒燈無幾日。誤書殺雨我心驚。來札雨水日。談書恐雨。多應仙客思家切。預想踏青人出城。

劉刺史大觀爲亡友黃二景仁刊梅存軒集八卷工竣感賦一首卽柬刺史

一瓣心香契獨神。此公高義出風塵。應憐少日齊名者。已作千秋傳世人。檢點溪山餘笠屐。刪除花月少

精神。詩爲翁學士方綱所別。凡繪涉。精語及飲酒諸詩皆不錄入。向平婚嫁爲君畢。君一子一女皆君。沒後爲之婚嫁。亦擬穿雲訪列真。

題蕭照所繪宋高宗瑞應圖六幅

剩得東南半壁天。忍將奇瑞說從前。何曾楚壁能歸趙。轉使吳州又姓錢。朝野雜記。徽宗夢錢氏。內殿早

教飯繡佛。小朝真欲泣金僊。蕭郎落墨非無意。只畫樓臺夕照邊。

不少當時命世雄。藥鞦都覺有儒風。誰令密計參張慤。卻以中原付杜充。唾手燕雲時已異。傷心懷感事

將同。茫茫一局全輸卻。轉悔飛棋入九宮。

天水南流讖不成。臨安城異汴州城。到來捷縱誇三矢。從此寒應在六更。未覺赤龍能踐夢。好防白鴈欲淪盟。冰天雪窖吾家事。坐使披圖百感生。

三月三日作

不妨衣冷更裝綿。十里衝寒籠玉鞭。到處雨猶零昨日。別來人乍入三天。是日入直情懷已分難成夢。消息緣知欲禁烟。只有御河橋畔柳。臨風裊裊試初眠。

送吳文學文桂旋里

我從黔中來。共子客京邸。君今新安去。是我舊鄉里。旄頭星落白虎傾。屈指井絡當銷兵。二千石吏倘奉法。五斗米賊何難平。金門索米空年載。無補于時亦思退。黃花半頃麥一畦。努力同輸太平稅。

送郭同年淳乞假還里

春秋三榜悉同年。入直同趨朵殿偏。手版竟思參俗吏。時同在外頭銜莫更說神仙。著書我續容齋筆。述祖君賤爾雅篇。他日講堂來問訊。峇臺側畔越溪邊。

古意十首貽晉齋應教同作

魚遊濁水中。鳥宅高枝上。托身雖不同。遙遙亦相望。連枝新月出。鳥影波上漾。魚樂我自知。沿流擊輕浪。晨興必資餐。夕寢必資被。一身雖無多。物物無不備。從茲百年內。殊覺太繁費。當前欣各足。安用事心計。

微名在身後。亦以付天地。惟時把書讀。捲卷輒垂涕。持此一寸心。寥寥欲誰寄。

莫辭家出門。出門路卽岐。處旣誰可借。出亦誰可依。身非我之身。父母之所遺。敢學陳孟公。一世隨高低。松筠及桃李。羣焉托春風。先時及後凋。命意乃不同。桃李方華滋。松筠亦青葱。共結青帝知。幽芳閒香叢。榮悴任所操。不居造化功。所以深識人。澄觀悟初終。

五日一澣衣。十日一休沐。衆中常緩步。敢違絕塵足。齋糧時告匱。祇復購薪束。不知何奇書。然火樓上讀。昨者臥復起。忽然心憂煎。前古與後古。一身居其間。責備之所歸。安得不摧焉。何以貽後來。何以承昔賢。當食三歎嗟。高懷惜徂年。反羨行路人。逐便可息肩。

繁星與望舒。晨夕麗天闕。司存各有在。取道亦殊別。如何百星光。難補員景缺。北斗亦自知。光輝不如月。我不爲神仙。非徒厭荒渺。亦恐過百年。事能生意表。閑居偶然夢。列闕事幽討。洪厓與浮丘。容顏那能好。微聞田橫客。近尙住仙島。畢竟忠義人。後天而不老。

人言記誦佳。不必炫文采。寧知華與實。兩兩實相待。生爲行祕書。一死究何在。何如能涉筆。自命可千載。締交數十年。夜夢隔魂魄。忽然來同心。半面成素識。神明苟相契。不在今與昔。孔程乍傾蓋。華管久分席。君看曹平陽。方延掃門客。

送鮑郎中之口乞假南歸

五年不復同簪筆。忽向東華語將別。高齋學士我自慙。長慶老郎君第一。廿年前憶夫容城。君官我尙爲書生。一篇君賦初月影。我把君卷時縱橫。十年前過昆陽驛。君作使星君尙客。八句君嘲退院僧。僧把君詩倍珍惜。釋秀僧有髮妻生子者君城邊。君寓內城此回別君真草草。道遠飯君須及早。練塘湖北蒜山西。他日訪君應未老。

西爽村雅集應教

平波三十頃。樓閣總如浮。聽雨來檐隙。穿雲歷樹頭。竹梢時礙鹿。花點欲驚鷗。不是春光滿。還疑雪苑遊。
三雍開祕笈。萬畢述奇辭。古樂河間獻。新碑丞相斯。主人工小篆時觀所撫碑阜同分陝陌。水帙定昆池。喜值端居暇。賓筵酒不辭。

清明日同人各携酒至陶然亭餞吳侍讀錫麒分韻得郭字

今晨值清明。淺步不出郭。言登西南亭。稍覺筇鞋拓。窻樞無用掩。空翠四垂幕。天半遞遠風。輕雲落如鶴。梨棠間桃杏。花暗一屏闊。春蔬羅數十。所喜新意各。泥飲苦不豪。停觴歎離索。東瞻暨吳會。西念及商洛。時聞賊匪竄入魯山如何遲露布。願望期屢錯。吾子又告歸。心期渺誰託。中年富筋力。敢退事耕鑿。無容籌去住。且復視寥廓。客去酒忽醒。冷泠莫車鐸。

閉門見花落有感

塵勞擾擾復紛紛。卻掩重門杜見閒。人世早推能慮事。到頭何止僅工文。閒花積地蔭三寸。薄酒澆愁祇一分。欲稱草元亭未就。暫將奇字課劉秦。

晚坐

草花豔紫林花紅。胡蝶五色飛當中。刺梅黃更出墻角。白玉一樹嬌春風。藤床坐久春陰薄。香氣冥濛合。成暮。忽地吹來雨腳斜。梨花樹上桃花落。

四月十一日綺春園雅集應教

名園一棹水法。柳正披香草乍薰。畫舫已教延碧月。紫藤偏欲上青雲。欣傳檄報秦關捷。不礙顏從魯酒醺。雅有剡溪棹百福。時觀成親王所畫堂醉餘書許乞羊欣。

昆明湖水接天流。揖客都從水上頭。正好柳陰三弄笛。未妨花裏一登樓。迂疎尙荷賢王禮。擾攘誰分聖主憂。殘盜莫矜盤踞穩。早看飛將下神州。

趙忠毅鐵如意歌

三尺鐵作如意。誰其握之趙忠毅。惜哉公生明已季。委鬼茄花吹滿地。恨不擊王孟津。門生有此真亂羣。恨不擊烏程魏。故人子已成敗類。半生所遇總如此。悼歎公生不如死。鐵兮別主二百年。偏強宛若公生前。君不見我雖不見公。幸見公遺物。稜稜一方硯。凜凜三尺鐵。嗚呼二物偶流傳。想見公心如鐵石。

米圖南鐵笛歌

一聲遲。一聲疾。雲將穿。石欲裂。不知何人製頑鐵。百鍊鋼成三弄笛。空園初春。宵其無人。水際一曲。蛟龍
欠伸。排清風。出明月。樓高高。聲不絕。三更已。還客興闌。百舌軟語。花開顏。

望雨作

朝望雨。雨不來。烏鵲聲裏紅雲開。暮望雨。雨不下。柝聲茫茫星影瀉。五陘山。十日不出雲。赤日炙鼠牛羊
羣。昆明湖。一句水減尺。青草欲生魚鼈窟。東西紫陌飛麴塵。祈禱日煩兩聖人。君不見。安得檐頭雨如注。
更望驛西傳露布。時望陝西捷音甚切

廿六日新雨後作

燕歸梁。雀歸牖。雅巢左邊鵲巢右。延回只有雙老烏。無樹無巢向空闕。先生看雨出屋頭。破暝復聞呼婦
鳩。風聲蕭蕭葉聲亂。一尺鯉魚飛上岸。

頽夜起看殘月有作

少歲如新月。初三及上弦。叢憐光滿夜。亦似客中年。齒髮今如此。情懷愈黯然。回回過宵半。判與看殘
偶成

殘月出半宵。殘客扶半醉。月從門外入。披牖與之對。客行旣不前。月影亦不退。何如鋪桃笙。就此月中睡。

澄懷園卽事十首

讀書樓上一燈紅，穿破疎簾入水中。隔牖乍驚錢莊子，所居與錢庶子榮相接。疑殘夜月升東。

雨溼溪光晝不成，平堤百尺水雲生。過橋時有琤琤響，琤琤與王侍講綬裝編修暇輒對局。學士廳前落子聲。

直廬遙對寺門開，童大理鳳三寓廬獨在澄懷園外。分得西山一角來。載酒欲過童大理，張學士綬裝編修暇輒對局。十年重與話繁華。

八分日影上堦除，張檢討綬出入每刻日影為度。風動簾紋自卷舒。携得剡溪藤十幅，成王書罷定王書。

嫩涼時節雨初過，格子千行墨數螺。卻笑病餘陳贊善，萬全索書人比索逋多。萬全索書人比索逋多。

屈指風光五月前，蛙聲開闢草綿綿。宮紗賜罷頒宮扇，日午傳宣集後天。

偶向花前共舉觴，自慙小戶遜三張。謂學士及檢討綬。花豬肉好梅蘇熟，更憶西頭達侍郎。達侍郎楮人。

破曙同看入左門，金爐宿火尙餘溫。傳經不愧真司業，分課皇家五代孫。邵司業王清叔課最盛時分授皇元孫。

洗馬清談昔擅名，說經祭酒亦鏗鏗。闌干日午天風起，吹徹南來笑語聲。謂王學士坦修。

閒廐一畝富莓苔，正值花時借榻來。架卻紫藤扶住竹，清陰仍待主人回。予雖居西頭小樓，以語字盡圯暫假寓萬侍講承風直廐。

夜起

塔頭明月來，長徑一千尺。非比青松枝，欹斜不能直。

天中節近有懷里中景物，并望家累入都。

梅仁如豆杏如丸。桃實成拳砌滿盤。昨夜江船來海口。鱗魚三尺勸加餐。
薔薇一架後先開。不向墻根問蜀葵。襯得石榴紅更好。野罌桃與土玫瑰。
睡覺西窗雨氣腥。戲將采線繫蜻蜓。聚頭扇子無多摺。自寫黃庭內景經。
石首江瑤總遜渠。品高入市故徐徐。銀鱗玉頰疑無骨。喚作人間團扇魚。
新篘白酒透簾香。冰齒還嘗薜荔醬。卻謝水鄉三尺雨。楊梅深紫枇杷黃。
約伴同遊西瀟湖。梳頭先費睡工夫。倦來不怕春魂鬢。新貼紅梅閣上符。
蜀山鞭笞出林長。紫萸黃瓜取次嘗。兔麥上場蠶豆老。便乘舴艋醉新涼。
枕波樓閣止三椽。簫鼓盈盈咽一川。已是芋衣涼沁骨。更扶殘酒上燈船。
初三已是學堂空。競渡爭看出郭東。六角蒲葵三角黍。采絲穿就過天中。
不見津門信使回。小亭遲汝獨銜杯。船頭醉罽船窗酒。可穀而翁消夏來。

山行雜詠

人從窻裏臥。塔向門外立。忽然塔上人。欲與窻間揖。檐鈴吹笑語。高下勢不及。無由寄真意。飄此頭上笠。
一响乘便風。翩然墮階級。
空園半畝花。左右交虎迹。清晨客初來。怪鳥啼屋脊。心空忘喜懼。卽此鋪尺席。鳥亦竟遠飛。虎亦不前逼。

始知忘機人物外有真適。

船從西岸行。馬向岸東走。魚從急溜下。三者勢若湊。中流微約略。十步拒前後。魚沉候無影。馬倦亦難驟。客意正苦吟。沿流一篇就。

山樵本無家。隨意向山宿。忽于鴉巢外。突出半間屋。上竄甍與鼉。下復走蹊鹿。樵薪堆一岸。意倦亦託足。縷縷飛爨煙。應知飯初熟。

斜陽半天紅。雨氣半天黑。冥冥紅黑交。蟬螻橫百尺。仍然雨難下。依舊幻晴色。須臾雲黑處。透出星漢白。野老涕不休。低頭對原麥。

一塢寄塵外。謂有田堪耕。豺狼多于人。見慣亦不驚。客至主染病。閉戶絕送迎。連呼強之出。先把門扉撐。荒寒信難居。滿頰莓苔生。

出谷雨聲碎。入谷雲光肥。一出一入中。蝴蝶雜客飛。疲蹤欲誰投。暫借雲所棲。一川饒怪蛇。百鳥噤不啼。何因知宵昏。庶賴警曙鷄。

橋東與橋西。破曙一招手。前行殊未覩。隔此水楊柳。荒荒行半日。月落斷山口。居人方啓戶。行者倦奔走。勸客盍早餐。山桃實如斗。

四望悉無見。松杉與檐齊。亂石黑半天。壓此眉睫低。石竅出一門。何能辨東西。居人耕山田。盡向屋脊騎。

勸客早出山。雲生路當迷。

迷途忘高低。蠟屐向空墮。漂漂倒生竹。衣袂牽向左。欲尋人跡間。半里斷烟火。沿流聊徙倚。缺處雲落朵。古廟無神靈。牛羊占高坐。

午日拜紗葛香樂之賜紀恩一首

弱冠爲人師。逮今幾卅年。人言紳佩榮。簪毫入中天。經傳聖人孫。戍削甫及肩。朝朝食天廚。齏鹽夢仍牽。日午官賜來。鵠立衆殿邊。繽紛香樂丸。紗葛欣有聯。纒出內左門。傳宣復連翩。俯念節物佳。當食更賜鮮。是日並蒙賜克食我苦無母遺。承恩涕淪漣。會當家祭時。持此告寢筵。

偏側行同金秀才學蓮作題亡友黃二悔存詩集後

偏側復偏側。住世纔幾日。朝吟山頭魂。暮委泉下骨。偏側行。歌黃郎。黃郎五歲始識字。十五十六能文章。十七試冠軍。十八登詞場。十九客浙東。二十遊瀟湘。當其興發欲賦詩。寒暑昏旦皆忘之。山行靡鹿僧。水行蛟龍嗷。有時沿林覓句不知遠。前飛鷓鴣後獵犬。我疑蒼蒼位置皆得宜。獨出此人天不管。春非我春。秋非我秋。一世出不得。延回歷九州。大兒小兒亦何有。忽向燕臺訪屠狗。形疲骨瘦志已灰。偶爾一官頭上來。驅車入解梁。誓將涉咸陽。避責未築臺。塊然身遯亡。三十旣已逾。四十渺難得。赴君之喪哭君切。伶仃一棺詩數册。此時偏側復偏側。巫咸岡。雲四結。昆命河。濤百折。炎風蕭蕭雨聲急。又疑天爲詩人泣。詩

人亡後十五年。新鬼故鬼圍墳前。君亡後君配與太夫人皆相繼卒錦州刺史劉大觀。獨抱一卷來長安。奉錢三百千。一爲稜刊姓名。一日長安市。交口誦君如未死。我頃聞之淚難止。卻憶石交疑隔世。楊大令。趙舍人。里中昔年稱等倫。此時憔悴百僚底。轉羨君名日邊起。偏側行。誰所爲。金子亦豈人間才。浮名身後總如此。不若未死常銜杯。一杯復一杯。偏側歌偏側。卻憶虞山山頭論詩夕。夜半神祠火雲赤。茲遊何期死生隔。嗚呼茲遊真成死生隔。

送楊大令倫之官粵西

儒流誰說不知兵。躍馬提戈萬里行。猿鶴已堪成一隊。時以粵西軍務檢發知縣八人皆先後同行苗蠻從此乞餘生。愁經百驛先頭白。官比雙江徹底清。莫忘鴟籠舊時事。夜寒風細擁孤檠。

南行飛雨北飛沙。三十年來事若麻。笑我尙難忘輩行。羨君先已富才華。論詩未欲輸餘子。破涕先聞說外家。姊弟數人天未住。君從洛中赴粵時將表兄鴻三久客洛陽表姊適蔡氏者全家留滯粵西于君爲從舅氏及從母故井及之幾時商略泛歸槎。

戲簡陳侍講萬全四首時陳新納姬人作詩索和

填門索字比催租。頗覺仙郎暇日無。添與玉人書紙仿。者番須破睡工夫。偶然一語尙嬌羞。說到雙眠着意愁。比似早朝還起早。怕人簾底看梳頭。

昆明湖左路偏賒。下直偷歸日已斜。好事卻同錢庶子。五更雙巷響雷車。錢庶子榮直澄懷園每三日必一飽卽于次日五鼓趨海流入

往常以爲例君寓
唐相近故戲及之

倦來鸚鵡替呼茶。不掩窗櫺看月華。我願司香好調護。東風纔放二分花。十一年

立秋前一日借顏大令崇榘趙舍人懷玉使曉詣太液池觀荷便訪法祭酒式善遂自德勝門徒步至西直門五里長河花事甚盛並過極樂寺勺亭久憇乃返

北斗未落天冥濛。騎馬獨入蕭齋中。夢醒拉客事遊覽。曉日未透觚稜東。三亭二十有四面。所喜面面花香通。豈惟花色艷如錦。魚尾亦閃明霞紅。此時夜色未全散。樓閣不受驕陽烘。石闌干落一千丈。月影星影穿玲瓏。斜枝面水結巢穩。鷓鴣夢未破花香濃。荷盤承露亦殊好。珠光細碎磨鏡銅。偶然興發欲出郭。三里已至官河衝。背城人語太岑寂。繞砌百級喧鳴蟲。劉家亭子足清賞。細路曲折諮老農。斜行距水不三步。仄徑尙被蛛絲封。黃塵車馬鬧如織。閑處鷓鴣何從容。西山咫尺不容見。花挺高榦遮雙瞳。乍紅乍白乍深色。裁出片段非人功。環橋石勢門清削。花亦旋轉如長虹。池寬不放水波展。風蒲獵獵交水葦。迷行半晌始得路。歷盡豕欄兼牛宮。花前吟客果下馬。一一瘦步行偏工。寺門斜對御園闢。當午紅氣酣房櫳。欽環塞戶不容入。是日國花堂爲遊女所占僻巷走避衝斜風。瓜花斷路藜橫徑。紫艷映水黃浮空。吐絲蟲碧轉丸黑。堆地棘刺仍叢叢。何來驟響刮客耳。別出水脈穿青松。僧房盡處避人坐。瓜果一任僧雛供。開窗望雨不能得。雷鼓隱隱聲隆隆。冰盤磊落高數尺。蠅蚋半日潛無蹤。良期屢約期屢誤。世事何苦填心胸。團蕉臥

久僕夫促來趁斜月歸聞鐘。回車頓覺有秋意。一葉正墮青梧桐。

二十日早章大令學濂邀遊積水潭看荷同人分韻得光字

十里長河匯作塘。馬嘶人語看花忙。能閑客總神仙侶。當曉潭交日月光。斷札幾行留黯淡。時展卷遊長友交通副所喬松千尺揖青蒼。惟應薄醉牽船好。消受荷花面面涼。卷見亡友王作看荷詩

跋方布衣薰所作春水居長卷後

方居士性本孤。畫水不畫舟。畫岸不畫廬。縱然畫屋僅結茅。前後左右皆禽巢。一身居其間。意態何嚶嚶。縱然畫舟僅一葉。四面風聲水聲接。掉船何所之。似欲出六合。春林綠重煙濛濛。初日淡作臙脂紅。杜門百事不挂意。關牖自與天光通。方居士富有千頃波。貴作五湖伯。朝吟晚吟同蟋蟀。夜窗無人電光擲。人立大魚時揖客。不爾前灘訪鷓鴣。偶然興發作此圖。一筆卽已環全湖。全湖盡處青無數。知是君家冢前樹。我與居士交。恨未及往還。手訂居士詩。不識居士顏。他時我訪湖西宅。爲補四圍松與柏。君不見飛去飛來寒鷺絲。渾疑弔客衣冠白。

七月朔日雨竟日夜不止作此排悶

一夜蕭蕭雨。開門水倒流。亂雲穿斗拱。野鳥宿簾鉤。兵甲真堪洗。棧楫尚未收。似聞宵肝慮。仍在益梁州。苦雨待客不至戲成

五更雨急檐頭衝。壞垣倒屋聲洶洶。起尋蠟屐出門看。半里曳入塗泥中。西家床頭索瓦瓶。東巷歷歷排
墻聲。重來輦轂又逾歲。天漏似向黔中行。吾家老屋常掩闌。壁倒已覺無遮欄。獨愁苦霧翳天半。咫尺不
見西頭山。冷官百事皆相左。折柬偏言此晨可。齋廚無蔬爨無火。拒客先將巷門鎖。寧知客念亦早灰。侵
曉誰肯銜泥來。廠橋西門水三尺。到亦叱馭驅車回。水聲泠泠沒及髀。掩書無聊酒時把。一杯未已復一
杯。忽爾風狂墮飛瓦。君不見。天公此意知者寡。要向西南洗兵馬。

哭感孫

爾病真難起。吾衰久矣夫。猶應阿兄在。次子盼孫于王莫嘆夜臺孤。世業憑誰振。重慈藉汝扶。傷心厝棺

地。夕照滿平蕪。盼孫棺厝于城西。子秋瘡于京邸。

詩家詩

無錫顧兵備光旭。選刻同縣人詩爲一集。其剩稿賈上舍崧乞得之。爲卜地瘞于梁溪之側。三伏日走
數千里爲索詩。可云好事矣。爰爲賦四絕句。

側柏疎梅插滿塋。三千里路走燕京。不知何預先生事。肯爲詩人觸熱行。
身後浮名定有無。尙餘清淚灑平蕪。他年地下傳文苑。此事真推鬼董狐。
少日濟名願虎頭。老來吳質倍工愁。顧進士敏恒吳明經九原珠玉終難瘞。合置中郎與發丘。

不結詩人結酒人。邇來翹藥更沉淪。潘張陸左誰能識。有鍾須埋劉伯倫。
女貞行爲俞貞女作

無錫俞貞女。許字高郵金明經。未幾明經病卒。貞女誓以身殉。母兄防之苦。貞女畫女貞花一枝。題詩于上以見意。不半歲終以瘵疾卒。其兄孝廉坊爲索詩。爰賦此篇。

花莫作斷腸花。草莫作拔心草。拔心草死尤可憐。誰識斷腸花色好。俞貞女字金明經。二十待年仍未行。明經亡。貞女病口不欲言。心已定。寫得一枝祈絕命。不繫尺五組。不赴清冷淵。兒身雖可捐。母意殊拳拳。十旬百藥終無効。兒雖死。貞不傷孝。英英女貞樹。鬱鬱冬青枝。上有六出花。下有五色芝。君不見。斷腸可續死可生。不若此木尤堅貞。良人無年妾命促。手握此花方瞑目。萬古貞心托貞木。

同人約七夕卷施閣小集先作此代柬

紅燭千條酒百瓶。石闌干外雨初停。人間未必輸天上。此夕虛堂聚德星。

七夕詞

今歲風波惡。濤衝星斗邊。時大雨連日永定河決口鴛鴦三十六。險欲上青天。

茅垣排東西。土室圯前後。只有天漢邊。紅墻尙依舊。

別夜雲駟歛。凌晨絳節移。年年當此夕。真可說瓜期。

十一日同人集卷施行開醉後作

十日無一客。客至必滿堂。十日無一樽。客來必千觴。主人愛客客亦知。皆競來早無來遲。鞭絲影拂稜稜瓦。洗手花前客停馬。淵魚林鳥盡不猜。客到先已穿池臺。茶爐聲喧話不足。失喜一林新果熟。籬童攀樹鳥啄枝。一徑先入紅參差。果中開筵忘爾我。上坐主人無不可。忽然客句矜速成。滿屋盡變爲吟聲。歡呼座中人。歷亂屋頭雨。驚雷掣電總不聞。銀燭如椽客圍語。須臾雨歇月滿廳。蠟屐攢響來窺檻。半廳人歸半廳坐。別掃一廳留客臥。金山等皆留宿閣中三更門索誰更牽。知是驚鳥夜飛過。

鳳仙

砌下亭亭立。應呼侍女花。綠須扶徑草。紅欲脫窗紗。逸榦零朝雨。芳心待月華。窺籬兩三種。因爾倍思家。

鷄冠

爾亦知時者。忘言得久安。未應憐鍛羽。空自揭高冠。秋實寧同味。幽花不並看。劉琨思起舞。側耳聽無端。

秋葵

八尺欒檻峻。枝高尙出櫺。孤懷終自揭。仙掌曉來擎。似愧凌霜質。徒矜向日名。寧隨鮑莊子。別足有餘榮。

紅蓼

秋花雖自好。未比水花妍。紅紫分三徑。江湖別十年。舞風球竹外。弄影夕陽前。不聽吳娘曲。從茲別夢牽。

秋海棠

何事腸俱斷。傾城色尚誇。春人兩行淚。秋雨一叢花。恨繞江郎筆。愁生蘇小家。蟲聲漫鳴咽。心緒正如麻。

玉簪花

秦關誰種玉。楚國倘亡簪。泣露冤難剖。埋蒿冷欲尋。淡宜涼月曉。閒稱古壙陰。似有冷冷響。風前蒼素琴。十七日驚聞。畢尚書師楚南之赴翌日于卷施閣中為位而哭哀定賦詩六章即寄莊邠州忻錢乾州培陝西毛簡州大瀛四川孫兵備星衍山東楊靈州芳燦甘肅方伯揆貴州楊大令倫廣西王大令復河南三十年來事。都憑信史編。此生誰念我。九死欲呼天。計出朝班上。魂歸夕照邊。報公惟砥節。方不負名賢。死不為公恨。傷公未盡才。潢池仍待勦。衡嶽遽先頽。諸葛中年隕。文淵半道摧。世儒真淺識。猶望歷三白。由來三楚事。終始一人支。微管功寧泯。亡彭讖獨奇。公少時術士言公官楚南日即當謝世蓋合公姓名為讖也夜星驚櫪馬。秋霧濕牙旗。千百孤寒淚。從今灑路岐。

遺大投艱後。羣疑衆謗中。萬言陳至計。公去歲請撤湖南兵專勦湖北疏入上嘉其蕙誠一死遂孤忠。分野旄頭落。盤門羽檄通。

蠻民商配食。先在伏波宮。

老每思巖壑。君恩未賜環。回天心獨苦。匝月鬢都斑。公體素強自鑿楚事旬日鬢髮皆白事與元勳勒。封同五等頒。傷心別時語。乙卯冬余自黔中報滿入都公留話三日方別原不計生還。

同人凡幾輩。白髮半應飄。訝絕全家訃。牛年以來公仲弟夫婦哀騰八月潮。公以潮生日生。及塚婦房老皆相繼卒。枕鞍書耿耿。歸櫬雨瀟瀟。他日虛堂宿。仍歌楚大招。

會都轉煥以六月廿一日集平山堂爲宋歐陽文忠生日設祀同人賦詩成帙并索亮吉詩因賦此

臨安祀東坡。邗上祀永叔。兩公政績猶在人。不特高名輩流服。異哉平山堂。乃祀和仲忘歐陽。子以癸巳

州權署。臘月十九日會兩隨衆于平山堂爲蘇文忠設祀。門生風義古無匹。詎敢僭食來堂皇。千秋此論誰折衷。乃在七百年後會南

豐。雖然文章節義諱並同。配食六一庶得肩山翁。此後君倘接武雙文忠。賓筵開酒人滿。太守風流逮都

轉。昔時門生今里閭。誰知誕日尤奇絕。君後公生纔兩日。陳八塘接邵伯湖。荷花世界昔所無。不羨奏樂

章。不羨祝嘏詞。只羨蜀岡岡頭三日讌。正直千朵萬朵紅。白花參差古來文福能兼少。況復身持節旄早。

一輩才人座上多。二分明月揚州好。君不見。我亦平生感舊遊。吟魂多在庾公樓。大星昨報前軍隕。昨得

尙書清淚揮殘天盡頭。君思歐公我思畢。同是龍門異今昔。十輩門生宦九州。謂莊似撰錢獻之孫淵

恩。一日頭俱白。王南寧。少林太守陳博士。澄堂我所思。今二三子。卻憶征南幕下人。一篇並寄吳江史。冊臣

重哭尙書師

三日愁霖漲滿池。打門消息到偏遲。南來薏苡冤方白。北渡瓊瑰夢已知。無淚哭公惟有血。此身閱世詎多時。平原賓客消沉盡。誰共筵前奠一卮。謂邵學士諸人

七夕夜坐戲擬古別離詞寄孫大山東

中歲念師友。懼或成晨星。晨星今亦稀。惟剩一啓明。啓明之東我則西。天末回首常淒淒。一回思君一回切。願減光明作殘月。一月相隨得旬日。不然此減彼復生。君爲啓明我長庚。昏旦相代東西行。我持此語思上告。織女黃姑愁未報。南極老人先大笑。

苦雨

十日雨不停。莓苔緣斗拱。虛堂蒸毒霧。梁燕欲移棟。居鄰斷煙爨。款戶求火種。爲言墻半圯。床榻陷成冢。填街三尺水。決竇不旋踵。爰來展書坐。蟲隊集窗孔。心切望曉晴。偏驚橫蠚蝨。

贈楊州倅廷煥卽題其傳硯堂卷子

難兄薄宦久蹉跎。時令兄倫檢發廣四軍營萬里新從馬伏波。小別竅憐饒涕淚。半程相送越滹沱。傳家硯比兼金重。賣字錢無落葉多。我是孔融交兩世。一回展卷一摩挲。

八月廿二日侵曉出西便門抵海淀約任軍門承恩共遊西山因小憇官廨待法祭酒式善何水部道生作

我行月初升。甫到月未落。初日亦已輝。星光尙回薄。濛濛開濕霧。綬止巷南橋。官齋野花艷。隙地日開拓。早飯及射堂。紛然具羹臠。年豐饒稻蟹。且喜繪新斫。傳觴休更緩。有約在巖壑。斜行車屢陷。溝水仍未涸。

周廡欣在望，便道一省度。園林甫修葺，昨已飾丹墀。笑指雲外樓，今成草元閣。時新修澄懷閣，余已移居近光樓下，因領迓入視。

循青龍橋北入山

高原無人居，千頃堆白日。前行驚眯眼，沿道飛石屑。流雲勢洶洶，意欲礙車轍。萬葉鼓北風，斜衝一門出。騎行既回互，徒步徑尤劣。絕險度一岡，同行儼相失。瓊瓏諸石竅，往往野花苗。秋蟲與相間，竹徑亦幽絕。到覺萬仞湖，孤懸石樓末。

久憩龍神殿觀泉源并喜春海棠復開

墮薪天半落，知復有樵人。及此林花放，幽巖忽覺春。稍稍開宿雨，黯黯及蕭辰。三時金鑑影，五色莓苔文。土囊風既迅，石竇泉初分。松陰瀟危殿，嵐光度寒門。層層凌曲磴，步步絕流塵。禪局雲欲活，初地鳥尤馴。百念此時寂，齋鐘亦不聞。

登蒼雪菴小軒望安定平則諸門并見白塔

松陰甫迎人，榭葉忽拒轍。土垣從東頽，了了露佛闕。旋螺方數轉，足險入石穴。欹斜臻層軒，眼界始突兀。窗櫺寧待啓，雲怒已飛出。重岡莽回環，幸有北口缺。奔流從此注，百里只一瞥。濛濛煙盡處，時逗人馬跡。心空無窒礙，木葉半俱脫。誰云飛鳥迅，詎若隙駒疾。危瞻七層塔，天際白如雪。斜日下九門，丹樓亦齊突。題羅山人聘爲周編修厚贖所作移居圖

人生安得如淮酒。更載奇書及嘉糶。書完一卷酒一杯。鶯燕一一飛前來。倦餘卽臥書函下。酒得美人斟較雅。我疑醉鄉日月不可遊。何意復戀鄉溫柔。或云藉銷奇氣憑萬卷。否則佐此情話須千甌。周郎舊乞金門假。重到蓬萊已三夏。偶然聚得薄笨車。家具如此方移家。酸寒頓改儒生素。玉軸金釵照衢路。遂令畫鬼羅兩峯。描繪人物仍能工。馬嘶塞路車填轍。一笑敵君如有術。以劍抵君書。以琴抵君妾。惟餘酒癖未盡忘。醉裏狂譚磨齒頰。雖然此客尤可防。倚酒或恐登君堂。書能目十行。酒亦吸一斗。把君奇書覆君頤。惹得美人開笑口。

八月廿九日抵澄懷園成親王枉騎過訪并辱贈詩謹賦此報謝

偶廁談經席。頻勞問字車。過汀喧列騎。入室噪棲鴉。土竈茶難熟。丹林日易斜。不因鄰禁籟。猶認野人家。

中秋日何民部元糧水部道生招同法祭酒式善伊比部秉綬趙舍人懷玉遊法源寺竟日

慈仁荒敗崇效遠。禪窟此間稱最古。維摩立地有丈六。傑閣去天纔尺五。三門乍啓通松徑。百步相連有花圃。虛堂僧健老復丁。靜夜人歸月亭午。

澄懷園九日

荒園秋盡景蕭騷。一半松林起怒濤。是處岡巒行已徧。破除今日不登高。

澄懷園夜起看月

卷簾列宿已全收。是處天光接水流。剩得一星隨一月。憑欄看到五更頭。
周廬三面麴塵清。風起雲生與地平。百步樓臺少人影。馬嘶聲和客吟聲。
管夫人墨竹

石徑空濛翠欲流。琅玕影裏雨初收。何緣不寫王孫草。多恐人饒故國愁。
澄懷園卽事

橫塘萬頃荷花死。蓮葉蓮根泣秋水。參差鴛瓦鋪新霜。螢火一夕收清光。枯楊半掩窗前臥。抱葉寒蟬向
空墮。湖東明月湖西來。綠窗此事開未開。

晚步

荒岡南去徑縱橫。半里斜飛落葉聲。惹得暮鴉成陣噪。夕陽人影樹頭生。
夜起

落葉驚人起。開軒月露迷。卻從行馬外。斜度濯龍西。萬樹風聲肅。千門燭焰低。勞勞我何意。默坐聽荒鷄。
築屋

築屋臨官道。郵書鎖日馳。水寒雲去駛。天迥月來遲。劍閣初聞捷。荆門尙出師。南征諸將士。知否抵恩施。
澄懷園偕同人晚步

歸鴉已入林。未礙客幽尋。風遞千門響。雲飄四野陰。訪經蕭寺冷。照水石梁深。不是逢搖落。誰知天地心。

袁大令枚寄示擬戊午己未重宴鹿鳴瓊林詩二十首。率成十二絕。奉簡

唐代詩人推李杜。何曾雁塔得追陪。先生要吐前賢氣。兩向慈恩頂上來。

也逐遊塵上六街。不知早已脫芒鞋。寶筵開處呦呦鹿。定帶長生苑內牌。

白首研摩事可憐。從來一第比登天。名經千佛雙番寫。始悟公真劫外仙。

三月春光暖已回。五雲多處綺筵開。劉郎前度誰能識。錯認耆年賜第來。

一輩人皆上玉京。獨留老眼識羣英。先生遊戲蓬萊日。多恐諸賢盡未生。

憶昔追陪聞喜筵。記同上相說齊年。謂庚戌登第日。稽文恭公。元赴禮部宴。不知此老來春宴。更有何人步謫仙。

卻笑從前向子平。苦留婚嫁晚經營。先生五岳書名徧。游戲重題雁塔名。

老去重登選佛場。此翁何似魯靈光。斷無門下門生在。有亦居然大父行。

宴罷瓊林走壁車。珠簾十里影橫斜。當時玉貌誰能識。只有宜春苑裏花。

短筇秋到倍精神。無數羣賢逐後塵。畢竟姮娥愛蒼老。桂枝全借白頭人。

屢枉山公問訊。林泉歲月一何淹。公與文成公阿杜同舉。獨試今文成已辭世。少微不隕中台隕。始信公真文福兼。

王母蟠桃歲月長。搗來屢見竊東方。曲江杏比瑤池實。也要先生三度嘗。

十月初六日同人集積善大令晚香精舍看菊并出古琴十六相示即乞主人與何水部道生于花下撫琴奉成長句

琴琴不同聲。花花不同色。琴標六代元宋唐。花放百枝黃亦白。古琴泠泠一十六。其外蕭疎盡叢菊。琴囊滿繡花滿屋。一本花開彈一曲。主人豈止能愛琴。愛琴兼賞琴知音。何郎三十妙指法。花下一見先題襟。主人豈止能愛菊。尤愛看花人不俗。爲花築屋亦殊雅。別自扃門不煩僕。我生嗜古癖未忘。舊物先撫澄心堂。主人著唐琴三其題名元祐三十字。洗以菊水逾清光。灌花初完撫琴好。猶有春泥在長瓜。琴聲惜惜花裊裊。花韻都浮七絃表。客彈一回主一回。千朵萬朵花徘徊。罷琴置酒客不去。花下促坐傾千杯。琴停既無聲。菊暝亦無影。主人離披客酩酊。明月入來窺藻井。

輓王大令復二首

昨得安陽札。安陽趙大令希瓚。札來始得凶耗。連篇悼偃師。更憐交友少。已愧哭君遲。涕上猶相訊。孫大昨來札。詢陶君近狀。函關定

未期。錢州伴坊。茫茫揮老淚。西向醉親知。謂舉尙書師及君。

中州民力竭。防賊又防河。屢處凋殘地。偏能惠愛多。敢期膺上計。終自拙催科。一卷新詩在。明明勞者歌。

李大令符清濮陽跨驢卷子

琴堂三月別。獨跨一驢來。面目都非是。銜符各浪猜。詎知行役苦。安怪壯顏摧。他日傳循吏。推君利濟才。

乞友人作歲朝圖貽詒晉齋主人并綴四截句

窈窕房櫺水一灣。早春偶得著書閒。休嫌屋後峯巒峻。此是淮南大小山。
沿街都爲歲除忙。清絕城西半里坊。卻憶諸王勤問字。未妨門有束脩羊。
詒晉齋中一事無。幾聲爆竹歲將除。兒童鼙鼓轟前後。不礙闌堂讀道書。
日晚天街跨馬回。小疲聊復舉深杯。房廊迤左休教掩。要盼西山臘雪來。

小除日章大令學濂遣人餉酒時適寫歲朝圖卻寄并附以詩

故人念我寒餉我酒一尊。闌門不敢應。恐是催租人。催租人不來。送酒人踵至。時郭大令亦遣人餉酒及食物開顏對使
人。汝亦大解事。主人官亦懸。騎馬日出城。百事逼歲除。猶能念友生。銜杯對益梅。益梅前數日承餉益梅四種此意何可
報。聊寫春風圖。博君元日笑。

卷施閣詩卷第十九

全家南下集戍

偶成

黃埃飛百尺。難辨馬頭人。只有雲生處。都無一點塵。
三冬及半春。雪白不蓋地。遂令墻頭蒿。枯黃刺天際。

欲留不留歌贈張太守鳳枝

欲留不留。廠橋西頭。欲坐不坐。橫街斜左。攔門一人。龍鍾可憐。千里萬里。將戍極邊。念爲置酒。勸之加餐。
酒沾衣裳。淚落食料。高高三天。下者九地。一身居中。生死不易。白骨不朽。行當長征。冤心不剖。誰能暫生。
風吹車帷。高至屋脊。三更出門。聊與訣別。

人日讖客薄醉聞韓孝廉崧及令弟觀察對招諸同人作消寒四集因閑入痛飲醉後孝廉兄弟屬題聽
雨圖率筆作長句應命

一杯人日酒。醉我至元夕。君家兄弟皆可人。肯放非時款門客。款門客豈真酒狂。或者以醉韜其光。孝廉
說我詩名好。比部訂交愁不早。滿堂華燈滿堂客。半不相知半相識。長安人海宦十年。屈指觴政皆居先。

閑坊冷巷行還坐。酒媪酒翁都識我。卽如今宵痛飲亦偶然。坐客握手一一稱前緣。忽然牛腰巨卷擲我前。因我醉後放筆題長篇。繪圖伊誰馬秋葑。趙詩舍人頗詳盛詩略。待御弟畫中兩人顏戍削。分案讀書分盞酌。聽雨木牀三隻腳。君不見長安八月無雨聲。屋脊祇有蓬蒿橫。愁君欲聽不得聽。此景令我思江城。吾家令弟昔抱關。昨者共我趨朝還。尊羹鱸膾與莫過。先我一載還鄉山。觀君斯同意相觸。我家亦有雲溪之老屋。雨聲琳琳如戛玉。不爾共泛吳船之百斛。聽雨層湖亦酣足。梁溪之酒傾百鍾。此樂豈與長安同。君今四十當建功。伯也亦是人中龍。縱饒有宅江水東。何暇聽雨眠孤篷。昏燈一盞簷漏重。千里百里雲頭濃。蕭蕭瑟瑟聲瀉空。韻事合讓歸田翁。卷圖一笑生長風。

將乞假南歸仍于行寓種花蒔藕以貽來者戲題壁一首

雙橋口栽新柳。乞歸未遑歸。更種橫塘藕。寥寥春風。不過短牆。幽園明月。剛滿曲廊。桃花蹊。李花隄。海棠一株香絕奇。黃薔薇紅郁李。紫藤花牽北窗裏。君不見。月月花開主人喜。種花人隔三千里。

澄懷園夜起作

前宵風。昨宵雨。一花初開鵲傳語。樓高榻冷夜不眠。紅燭艷艷光簾前。長安道上車輪駛。只有半宵聲暫止。三更向盡橫門開。枕上馬蹄聲已來。

卽事

一屋都無壁。禽聲四面穿。斷崖冰柱瘦。高樹日光圓。便作攤書舫。愁無載酒船。幽眠正酣處。促起聽傳宣。
十九日綺春園觀燈卽席應教

一燈迎人過橋去。忽有千燈萬燈聚。水中燈影乃益奇。百影已化千虹蜺。爆聲飛林鶻墮巢。火艷燭水魚
驚逃。樹頭彎環燈若橋。赤焰儼欲烘三霄。玻璃屏風八窗列。一房燈光疑入月。持燈作街上石梁。歷徧十
二空中廊。稍餘一角天光白。太乙星芒大逾尺。斜飛燈影復百枝。碧月欲升升不得。三更熾火列帳旁。酒
人門酒嫌酒涼。開窗意欲待殘月。不覺幕底飛新霜。廣場棧棧千步拓。大聲如雷轟爆竹。前行低頭穿壑
谷。百仞冰山穴其腹。裁冰爲鏡雪作燈。高下社火飛千層。禽蟲飛揚獸馳突。一半銀花穴中出。此生此樂
安得忘。好客況似陳思王。黃金堆盤一宵擲。昇平樂事寧易得。鄙人歸田有時日。欲與田間老農說。乘船
甫了復據鞍。歸路黑氈仍漫漫。昏燈入門僕驚瞬。蠟淚積冠高一寸。

花朝日作

橫塘燕鶯相見。今日百花朝。花香無一片。塵階地。愁漫天。鶯聲不來殊可憐。風連句。霧連曉。半春豈止無
花鳥。踏青又恐無青草。

春日遊昆明湖

車輪遲。馬蹄遲。十騎斜穿碧雲去。山雲穿能入水雲。鴨鷓天半飛成羣。闌干窈窕回廊複。山作屏風亦千

曲朝陽一縷透遠紅。卻被松杉罩深綠。牽牛亭北環橋東。八窗齊開迎八風。回途咫尺春波漲。燕剪都從馬頭颺。

清明日侵曉自南城抵澄懷園道中作

幽人春夢方迷曉。催客鶉聲出林早。持燈夜待門關開。一片曉霞城上來。橫門西來卅餘里。泥滑馬蹄聲不起。揩眼春光忽逼人。五雲樓閣桃花裏。

澄懷園早起

主人枕上眠方起。百種禽聲入窗裏。西飛殘月東飛星。花香此時偏杳冥。平明略約誰同過。一隻鷺絲人一箇。千門萬戶交春風。日影已射金鋪東。

三月初四日驚聞舍弟南中之訃。因準古人期功之喪去官例。乞假南回。書此志痛。卽留別京邸同人。往昔期功例去官。聞喪何忍更盤桓。斯人詎料中年隕。異事偏留老眼看。嘗學右軍先墓墓。欲同元伯一

憑棺。鶴原已抱無窮戚。況聽荒鷄感萬端。

廿年彈指別親闈。此日初衣願已違。敢謂入山成遠志。轉傷無母寄當歸。餐蟻縱後張長史。化鶴將隨丁令威。聞說草堂親購就。祇應分半貯斜暉。

西厓詩爲法式善祭酒賦

昨者法祭酒。索我西厓詩。西厓以人重。不在水一陂。寂寥今昔人。斷續往來水。流波照居人。前後差濟美。相公居前朝。文作一代雄。祭酒生盛世。詩有三唐風。遂令東逝波。疊鑑苦吟影。厓前通長河。厓後冠西嶺。昨聞西厓上。別立雙梧門。非云塔級高。藉表壇坫尊。六月紅荷花。清光徹天地。高低千坡陀。日有百遊騎。君餐層湖藕。我飯北江稻。西厓去人遠。疑在五雲表。流波日以深。積土日以高。他時西厓名。與嶽爭岩嶺。周孝廉邵蓮屬題羅山人聘所仿董北苑瀟湘卷子

屢題瀟湘圖。一詣瀟湘境。瀟湘人不見。獨雁時相警。揭來得沿湘浦人。紙上瑟瑟秋將分。山樓幽風亭筵

頌。余在秋帆宮保節署八年。其題北苑瀟湘圖時在秦中。及熙王蓬心太守仿本則在湖北。今宮保已下世。回望瀟湘轉增慟。萬事尋思縱如夢。

瀕行詣韓城。座師話別兼憶舊遊。卽席賦呈一首

汪子劉李。汪明經煥于文學。劉編修並蹉跎。歲月真隨東逝波。如許少年成老輩。記曾賓坐縱狂歌。

憂時早見扶鳩杖。賜第都堪設雀羅。與諸城相公隔巷。活節亦同。差喜鄉關馳露布。元戎新已剪么藤。時姚之輔齊王皆在陝西授

滿懷園留別諸藩邸

草元亭外水粼粼。日晚軒車載酒頻。自覺漫郎饒意味。不妨要路絕依因。半春我約隨歸雁。一疏人傳批逆鱗。詎敢便尋忘世侶。報恩終擬剩閒身。

臨行張刺史鳳枝走送書此志別

蠻鄉血戰經三昔。慷慨故人多廟食。謂軍門彭廷棟南龍老守僅脫身。亦作西垂戍邊客。臨行握別淚不

流。荷校送我城南頭。東飛黃塵西掣電。不死他時會相見。

東方朔故里題壁

敢言竟比汲直。巧宦何如馬安。漢家自有法度。先生遊戲無端。

抵兖州日適孫大星衍自濟寧回署即日遊南樓席上賦贈

東武城南古兖州。暫停歸騎一登樓。奔鯨駭浪方迷目。時河決口未合野鶴閒雲偶掉頭。林壑總留他日約。時約遊濟

寧諸名勝以行從未果神仙應妒此宵遊。試看百里賢人集。時王石華坡止原畢恬溪楊雲三王景桓劉茂雲皆不期而集會見祥光燭斗牛。

臨別戲贈孫大并索和章。時河臣以孫未請河務美離水任候補

少日齊名孫與洪。卽今相對儼衰翁。疏渠君苦桃花汛。蕩漿吾欣柳絮風。津吏幾時沉白馬。時決口尙未合詞臣

有客避青驄。自余征邪教疏出每有京邸譏集居諫垣者必引避十年共挂神仙籍。却外居然勝劫中。

錢少詹大听林屋夜遊圖

我携鐵杖遊林屋。此事如今及卅春。蝙蝠竅中時見日。蛟龍堆裏不逢人。竹籠貯火驚穿穴。石墨留名記

隔塵。便欲辦蹊三百兩。徑從山脊上昆侖。

萬頃湖環三大州。飄然一葉忽西浮。要尋委宛奇書讀。真向嶙峋古洞遊。百里未妨通地肺。一拳先欲壓人頭。先生何事臨厓返。卻惹靈威笑不休。時同人皆至。凡推先

靈巖謁畢尙書師墓。墓即水木。明。恐園。

奇勳久勒凌煙閣。遺愛猶留墮淚碑。公與古人爭不朽。我思前事感無涯。篋中章奏千篇富。屋後峯巒百尺垂。便擬一年來一度。野花村酒奠江湄。

虎丘謁白公祠。卽呈同年任太守兆炯。祠卽太守所建。

大歷才人剩此翁。百篇稍已變唐風。因思白傅談詩好。雅與生公說法同。言外自然參妙悟。箇中兼可喻童蒙。西昆詞格西江派。只惜彫鐫語太工。

同攀仙桂無多日。得蔭甘棠已十年。差喜故人皆守郡。時魏君成憲亦權守揚州。可容傲吏早歸田。租船卽繫祠邊樹。築屋都模池上篇。何止政清詞筆麗。望君心跡繼前賢。

上海權署與李兵備廷敬夜話卽席賦贈

八載重來訪素知。訝公頭白我添絲。樽前萬里投荒客。時牛太守徐文在坐。卽當赴雲南潞江任。篋底千篇寓興詩。激電入樓飛一瞬。怪風吹海立多時。更闌急遞書何數。只覺樓船出浦遲。時崇明狼山二鎮會勦。浮匪久未出海。

借牛太守稔文范孝廉。至砲臺望海

激江太守老能奇。邀我同來陟翠微。人與魚龍爭奮迅。帆從鷗鷺各紛飛。天光澄碧遮眉宇。海色青紅上袂衣。便欲乘風向東去。空濛一點著魚磯。

將發上海寄王博士芭孫

我乘松江潮。欲泊松江郭。婦人連日酒。酒醒潮已落。仙人海上忽見招。要看六月飛寒濤。搜巖剔壑匪無事。窟穴恐有潛蛟逃。時正搜捕洋匪聞中賓從閒臺榭。難得臯公政多暇。李兵備連日邀客遊吳淞砲臺及葉氏園溪南笑指白雲生。

別有故人廬此下。

砲臺觀海歌

平生頗耽奇。欲出天地間。飛行忽履北關巔。下已無地高惟天。目光遙遙百餘里。直送青天入波底。天波合處界盡明。一縷黃霧分空青。漫天重疊魚龍色。夕照沉沉不能赤。驚雷出海聲已收。似怯惡浪先回頭。忽然激電來如箭。一點微茫著洋面。海中黑子人盡驚。十萬煙火崇明城。更從此外尋源委。上已無天下無水。冥然孤坐閣上頭。靜攝耳目從天遊。鷲絲窺客久不去。或者疑我同眠鷗。客行將歸客不樂。自覺身心杳無托。回瀾萬里生遼風。一笠飛從海中落。

李兵備邀集葉氏園小集待客久不至贈楚僧鐵舟

一千章木生回風。邀我早集斯亭中。客來不來勞久待。閣外飛樓有僧在。我不待客先揖僧。僧握客臂從

東升僧言與客成三友。身外一琴年代久。橫琴在膝欲摘絃。忽有鼓吹來門前。
吳淞江道中雜詩

前山已挂龍。咫尺雨當到。危橋面西北。曲處可停棹。長年知燥濕。語每得其要。驚雷衝小暑。所慮伏秋潦。
樵人驅牛羊。亦下山北道。

所居雲水鄉。鷗鷺共生長。全家生計足。一屋一魚網。門前雖有路。屋後別通飭。遠因粗識字。不斷客來往。
日昨雨沒竿。池寬鴨堪養。

海居饜海鮮。日日市江鯽。江魚饜亦厭。復把野蔬攝。商量釀村酒。知近插秧月。日午餉北田。雷喧雨飄忽。
村女花滿頭。囚之感時節。

一村據高阜。去海不千步。兒童忽驚傳。龍蟠廟中樹。遂令羊與犬。奔走出門戶。莓苔蒙塑像。久已斷香炷。
日晚吹北風。前溪雨如注。

曲處排石林。欲把海潮捍。地形西漸下。人盡住東岸。西溪形裂好。曲折啓山館。漁人網魚至。各各出門喚。
再轉忽已迷。坡陀樹遮斷。

生死不相遠。十屋間一墳。街衢與巨隴。畛域無由分。連廬爨煙稀。燐火飛出門。客行阻風潮。繫艇枯樹根。
牛亭月白時。鬼語時時聞。

感舊

往事只如昨。回頭已卅年。瑣窗曾瞰客。白髮遽垂肩。薜月冷無恙。花溪清可憐。傷心石橋立。南北數人煙。

九峯園感舊

一雨園林足。泉聲百道來。夕陽明蟬竦。高閣暗莓苔。燕繞橫塘楫。魚窺曲水杯。古藤應識我。親見五回開。

慧山酌第二泉

自來茲泉側。水厄乃不避。竹爐煎松明。靜聽蟹眼沸。一椀至百椀。走辛苦急遞。清涼生齒頰。兼復沁心肺。童奴皆竊笑。已破往時例。先生語童奴。汝太不解意。我重在山泉。兼之故鄉味。神清不思睡。偃仰借初地。

村居卽事

對面魚梭擲。回頭鶴羽驚。貪看過橋影。錯應隔牆聲。徑小穿林入。村斜割澗成。乍涼思午睡。隨意拂桃筥。

跋陳方伯奉茲敦拙堂詩後

杜陵叟作前輩。栗里翁真替人。我從東浦酌蠶。不向西江問津。門前彭蠡九派。屋後匡廬數峯。先生擲筆而起。章水貢水朝宗。累我長陰短諷。知君後樂先憂。所爲五字七字。不減嘉州道州。力厚欲蟠崧華。氣奇直薄星辰。眼空前古後古。膽破千八萬人。

後湖觀打魚歌

橫街一雨水急流。擔夫爭道趨湖頭。漁人挾具來尤早。背上一舟蓮葉小。舟輕入水若蹈空。一一漾出波心中。大魚蹴浪高于屋。尾急觸舟舟欲覆。一舟一槳去不停。倏爾舟散如浮萍。魚多網重收難住。突有一魚飛上樹。風聲離離水聲怒。半空鳥與魚爭路。跳波不已復擲波。來往倏忽疑穿棧。忽然脫網逃偏急。水面居然學人立。須臾風急帆亦收。千頭百頭齊入舟。鳴榔港口聲何數。泊岸舟多水先濁。舟人停舟魚赴整。我縱非魚識魚樂。

晚靜閣聽山僧鏡澄彈琴

冥冥復濛濛。簾外雨絲小。移來烏木几。屈作琴牀好。先有剪刀聲。枯僧削長爪。一松覆一庭。空外怒濤集。寥寥琴韻起。松響時參入。風遞三兩聲。禽驚出巢立。快園雅集

雨餘蠟屐集南城。竹樹蕭疎古意生。一徑野雲疑鶴影。半廊人語雜蟲聲。間中花氣穿簾入。坐上詩篇刻燭成。莫怪比來歡讌數。承明容易得歸耕。

水閣

秦淮一雨水初通。昨日江湖到關東。妾自拜星魚拜浪。夜涼同宿電光中。

白秋海棠

墻角離離殿衆芳。空濛影不上斜陽。孤花忘到色香味。一洗俗名稱斷腸。
題金文學捧閭客窗續筆後

蹤迹山巔及水涯。齊梁久客不思家。移居誰似先生便。頰上時懸鬼一車。

正是華年賦壯遊。靈奇都藉筆端收。小閒欲乞談天口。海外重繙大九州。

瓠巴鼓瑟伯牙琴。弦外冷冷得賞音。不譜談奇譜淳行。就中尤識抹時心。

屋後回環西小湖。談空時覓北街屠。謂屠刺史。卿時亦著瓠姑雜記等書。比鄰各逞如椽筆。爭作人間鬼董狐。

沛上相逢眼乍青。白門仍約共揚舲。空江夜靜煩揮塵。要使魚龍出水聽。

桃花洲歌贈王文學豫

北江入海我所家。從岸北望迷津涯。焦山金山兩回抱。中有百里洲欹斜。南阡北阡路不賒。天遠水遠雲難遮。平明日射三山腳。突出一洲如木杓。樓臺空濛樹依約。樓中居人益纖削。恍似連林鳥巢着。春江綠淨磨青銅。黃鶴九子排屏風。桃花開時天地紅。桃花魚漾波玲瓏。下視十里黃花叢。其外綠柳煙濛濛。花朵盡處雲光濃。京江西北瓜步東。奇氣不盡歸魚龍。乃有逸士生其中。春來放棹春江側。載酒兩頭隨所適。看海看山兼看客。船屋奚童飭吹笛。船後箏琶亦時摘。江神江神本相識。爲我春江展如席。

小西湖雅集

舫屋三兩間。門外立一塔。天風噙上來。泠泠語相答。案頭青綠堆浮屠。腳下十頃環靈湖。靈湖盡處大魚集。一一網出供山廚。眼前百輩奇人集。海外羈孤亦闌入。歸塗星黑雨欲來。空裏塔光飛九級。時座中有安南國道人戊

八月初七日秦司業承業招同座師劉少宰暨戴學使均元張侍講齋茅學士元銘李兵備廷敬許太守兆椿集隱仙菴看桂并聽王樸山道士彈琴丙夜乃返

平明欲出門。一卷忽飛雨。前行及山店。雲白穿縷縷。衫裳半日嵐氣濃。不覺已入雲當中。雲中道士爭相揖。天半一亭如斗笠。秋林蕭蕭冠蓋集。林外馬蹄盤百級。樓臺既參差。老桂復兩三。前身金粟本不凡。逸轅四出陵松杉。花梢棧棧度遠帆。花底客並能清談。側聞千年枝。化作兩童子。倏忽十數年。此生彼卽死。爲花爲人偶然耳。游戲人間乃如此。天風吹客不得休。忽然招我百尺之飛樓。樓房盡處繙書坐。宿露時從竹梢墮。瓊臺貝闕驚早寒。琴韻雜雨來無端。一聲遲回一聲疾。百鳥飛集紅闌干。紅闌干外零星地。認是臨春兼綺綺。五條弦上六朝山。一夕分明感秋氣。天低月黑江怒潮。過嶺艸木聲蕭蕭。琴彈一曲續一曲。坐使江月復白江天高。樸山道士翻新譜。能令人歡令人苦。我願頑仙住世間。眼空不復知今古。琴聲欲畢滿進觴。琴韻復入杯中涼。鳴蛩百種陡然絕。飛雨瑟瑟鳴空廊。三更歸路誰能見。下嶺水波明一綫。

衝泥正欲尋冶城。如雨秋螢撲人面。

蔡明經元春天花亂落長卷

我從皇初平。曾詣蔡經宅。麻姑長爪亦出迎。咲以松花及桃實。翩然一別三十年。此老白髮都垂肩。半時望我堂北語。苦詢雲中舊時侶。雲中舊侶散八州。時問楊髻髮孫淵如近狀宦海出沒歸無舟。洪厓仙人格較優。許脫手板東南遊。坐君天花齋。臥看天花落。踟躕對影雨不俗。門內一翁門外鶴。蠓礪夫人像爲方廉使昂賦

廟門斜對石磯開。一日靈潮兩度來。好屬錦鱗三十六。劉郎浦口寄書回。識力居然軼輩登。卷中依約說三分。二喬莫更誇夫婿。天下英雄只使君。一舸翩翩下武昌。歸寧以後史難詳。惠陵松柏如南指。尙認江東作塔鄉。越羅猶認嫁時衣。花艸吳宮事已非。只有杜鵑啼血夜。江聲如哭撼危磯。吳頭楚尾路迢迢。家國多年恨未銷。咫尺望夫山上石。一般心事付江潮。一賦驚鴻誇議騰。寓言詞客本難憑。洛川終古留遺恨。不及江波徹底澄。蔣上舍徵蔚雨窗讀史陶

三百六十日日可讀書。晴日客苦多。不若雨斷途。堂東堂西檐漏徹。堂裏讀書盈一尺。朝研羣經莫諸

子。其外六時皆讀史。先生用目不用耳。一目驚看十行駛。客來百喚百不應。靜裏目光時透紙。驚雷掃戶
雨瀉盆。何法可使先生聞。先生此時只閉門。但怪昏黑無朝暾。我今用耳不能目。目力雖衰尙耽讀。買山
何不與君鄰。君日讀書吾耳熟。

友人屬題春山覓句圖

借得仙人屨。轆轤不知曾徧九州無。我翹結習除難盡。一岳遊成繪一圖。
疊障連峯春到遲。江南山淺好尋詩。野發相見不相識。跳上月明松樹枝。

初九日侵曉至攝山待劉少宰座師李兵備同年共遊最高峯及紫峯谷白鹿泉諸勝。竟日乃返。

別山二十年。夢寐松色古。松濤已出關。迎人至江滸。江雲欲上山。雲下紅紫壁間相激射。冷冷清梵雲中
出。五色樓臺不知夜。盡與過嶺夢始醒。海日甫上天。鷄鳴山僧揖我樓前坐。無數馬嘶知客過。齋堂小憩
路轉東。鶴蓋其歷高高峯。背峯乃識峯奇狀。百轉千回不容上。齋心既久身世空。峯頂飯罷聞疎鐘。綠雲
庵。紫峯谷。一石一雲看不足。桃花澗。白鹿泉。一僧一客來偶然。謂許封君兆桂及僧默庵秋風吹山秋氣深。座上別念
時時侵。東南良會有如此。屈指何日重幽尋。醉中飛觴益何急。怪石扶人向空立。出山南北不復知。松下
頽然一長揖。

八月十五日晚聯舫遊方上舍正澍儲廣文潤書汪文學文錦質諸名士至青溪泛月遂暢飲達旦醉中

作

隔岸先有月。隔舫先招呼。樓頭一燈淡。欲無月裏啼。殺城頭鳥。欲浮秦。淮潮雙鯉。告潮歌。城烏約客東北行。去弄青溪古時月。一船送酒一舫迎。約客未至。杯先傾。前舟阻淺。勅勿停。抗手菱葦叢中行。橋高百尺樓千丈。紅袖居然出天上。三更已盡復四更。天上人聲雜鷄唱。水色飛上檻。月朶飛上梁。平堤南北巨無極。水月盡處交天光。荒荒城南隅。柝聲知欲盡。月照小姑祠。團團尙如鏡。我今欲問城上烏。青溪小姑汝識乎。六朝人物本如海。可有一客狂如吾。涼風吹水水拂衣。雙漿始復分頭飛。陸行爭輿水爭渡。送客未完天已曙。

廿九日邀同人至陳渡艸堂小集

陸行四里餘。水行乃三倍。登樓望江城。正與郭門背。西蠡河外通西瀉。引水入橋高數尺。秋林八月山果紅。山鳥啄墮溪流中。風吹欲出橋門鎖。鳥口啄殘魚腹果。園扉陰陰當晝開。主人不約客亦來。君不見滿堂花香客酪酌。網得一魚長似艇。

冒雨至錫山作

冥濛竹樹交成片。炊煙和雲不能辨。溪光淨處豁一橋。泉水下注聲如簫。山腰一抹人家少。山不能深徑偏香。擡頭正喜山果肥。已有黃葉林間飛。

阮大令升基約遊陽羨山水先寄一首

五岳尋都徧。羶山獨未遊。偶逢賢令尹。約共小句留。天外峯初現。雲邊翠欲收。年豐萬民樂。冠蓋亦探幽。

龍池寺

蒼蒼山已深。古木復回互。冥濛松樹杪。一綫日華吐。嶙峋盤百級。石碎馬蹄怒。危膽斜壁外。飛瀑影微露。蓬蒿深十尺。已斷采樵路。雲光偶然開。石屋突無數。廚煙生膝下。岸仄窘回步。枯僧迎客遠。約共石梁渡。東西排梵籥。丹白別經注。盥手禮法壇。山精瞰庭戶。

善權洞

靈奇信無端。顯晦各一窟。高征摩蝠窠。俯視入蟲穴。攀枝禽其迅。履險螻同屈。峯峯環如螺。歷歷墮若蝨。樽鼻亦奇古。甕盎別凹凸。危橋中偶斷。巨釜下先缺。導騎忽失聲。行童屢迷轍。微明空際下。怪響壁中出。石牀延客坐。了了察頰末。半响出石樓。松梢已新月。

善權寺訪祝英臺讀書處及三生堂故址

百折溪流斷。藍輿束急裝。碧山迎客遠。紅樹導人忙。道旻侵官柳。臺荒倚女桑。三生益何渺。茶話此閒堂。

偶成

一度相思一舉杯。昨宵書到手難開。彎彎竹徑濛濛月。記得人來夢亦來。

偶向山中度歲華。淡旬春事已如麻。世情怪底闌珊甚。又報東風嫁杏花。
初八日斷橋晚步

閒從獨鶴行。偶與孤僧遇。落葉忽驚飛。衝人入林去。
南高峯上月。徐度北高峯。坐使全湖綠。都飛匣鏡中。

偶成

纔飲湖頭酒。百杯筩聲已向堞樓催。船船都載夕陽去。卻讓後湖新月來。
與陸七稽三游湖卽送入城

諸公虎嘯我龍蹲。踏遍松杉竹柏根。但祈兩日作一日。不放夕陽紅對門。
城門不夜已吹笳。陸七稽三盞到家。誰共湖頭飲春酒。德生菴裏華秋槎。

湖上作

朝看湖上山。一一雲中出。莫看湖上山。一一煙中沒。雲煙出沒不可常。雨後滿郭生青光。離離雲動山疑活。城縱界山山勢越。山腰樓閣一萬家。天半炊火紅如霞。山中望湖頭。一水明于鏡。紅樹千條罩鏡中。寥寥更落招提磬。窮冬十日湖上居。日飲湖水烹湖魚。人說客貌清而腴。客行時醉還時醒。卻愛看山復酌。酌。城扉闔處與轉孤。飛出一城燈火影。

莫歸

湖頭淺醉歸來日。竹裏軒窗自在眠。不怕幽人夢難醒。夕陽紅到枕函邊。

余內直日與胡總憲高望直應咫尺。總憲沒及半年。適余假歸。以事至武陵。與總憲遺榷同日抵湖上。厝屋又甚逼近。不勝存沒今昔之感。爰賦一詩。哭之。卽寄謝方伯啓昆。馮鴻臚應榴二君。皆總憲同年生也。彈指人生。歲月遷。感公歸骨我歸田。并無華屋棲恆斂。自有清名過昔賢。魂魄詎應淪九地。班聯曾共直三天。何因丹旆飄搖日。又結居鄰水榭邊。時以無居第懷湖上。

龍井小憩

山已深百折。水亦曲百回。怪哉茲山嶽。石石如飛來。石腹中偶虛。欹斜寺門開。憇我雲中亭。悍石立萬堆。側坐不敢安。石恐頭上顛。所幸機事忘。魚鳥不我猜。深山十月中。香已逗古梅。冥坐歷片時。泉聲殷如雷。靈隱山房浴

雲林信幽奇。古木互盤曲。到門途逼仄。忽復展地軸。嶙峋非意想。一石戴一屋。山僧穿飛廊。迅疾乃逾鹿。

山房留客夢。山寺招客浴。詎止清我心。兼堪濯雙足。窮冬天地閉。水尚作春綠。浴罷望始驚。危樓挂深谷。

蘇文忠公祠二首。卽呈秦同年。流詞卽秦近時學公詩者極多。不無流弊。

長篇千首恨雷同。極多不無流弊。不敢師公祇慕公。略有瓣香歸栗里。久因奇節說文忠。祠前蘋藻三時

潔屋外梅花一頃紅。擬作蜀遊仍未果。好移清夢入湖中。

只我重遊日。湖淤已歷時。倘尋良吏傳。并建白公祠。花發來時路。官饒去後思。他年商俎豆。到汝汝應知。

秦在浙中極有政聲。

秦同年瀛觀察浙江重新淮海先生祠落成索賦

君子淮海稱初祖。我距忠宣亦末孫。各有祠堂留浙嶺。互將詩筆溯淵源。廿年何愧蘇持節。百首先嗤陳閉門。今日奠公吾自忝。掃廳擬更潔清尊。

春溪垂釣圖爲秦同年賦

好向波心築釣磯。溪風吹鬢水滄衣。不妨分作江湖夢。魚已忘機客息機。文書堆案鬢添絲。忙裏能閒樂不支。三兩桃花一雙燕。伴渠垂釣覺多時。春濃魚不厭波寒。清切真如鏡裏看。知否太湖三萬頃。得歸隨爾把魚竿。

五柳居食魚

夢憶湖頭雙鯉魚。十年重向此幽居。溪童拍手還相識。卻繞紅闌引客裾。文窗窈窕夕陽鮮。一樣湖光落榻前。添得柳絲長百尺。隨風與客拂吟肩。十一日待蔣大齊耀昆仲不至因買舟往御教場聖果寺

船船都不是。偏復到門前。別鼓尋幽艇。仍攜買酒錢。半湖搖落日。一棹破輕煙。到晚休相訪。山公醉欲眠。

是日晚蔣裕之攜歌者相訪。遂至湖心亭。及蘇公祠。痛飲醉中。作
偶攜春酒至湖頭。難得春人鏡裏遊。半舫貧朋誰是主。一隄風月尙疑秋。禽魚雅識閑中趣。絲竹都飄水上樓。爛醉莫辭歸去晚。斷橋掃榻待淹留。

月夜自湧金門泛湖至漱石居

城頭吹角促客行。客醉尙戀茶香清。關門持論不敢下。一燈遙遙出門罅。舟斜欲趁北岸風。月影已落南
高峯。高低出沒十餘里。水面飄忽南屏鐘。湖心跳浪聲何急。魚厭波寒出波立。三更歸路月已昏。剩得一
星明斗笠。

整菴訪破迷和尙不值題壁

整菴一石塞一壑。桂子石邊無數落。菴有香桂數株。稱絕奇。我餐松子石上眠。初日正墮山窗前。山窗四面黏吟句。

挂壁木魚搖不住。松花飯熟僧不歸。聞說南屏訪師去。

十三夜自花神廟夜歸

南屏鐘未歇。且復小遲留。月黑花王殿。春生酒榭樓。朗吟驚宿鳥。緩步逐眠鷗。忽有千燈出。冥濛水盡頭。

鳳皇山頂望江海及裏外湖作

湖水綠。江波黃。海氣五色浮空蒼。山形抱湖江抱山。大海東北仍回環。峯形南走連閩廣。百轉千回勢蒼
澹。回頭一望歎絕奇。十萬煙火山城低。南峯雄奇北峯峭。中有孤峯復回抱。茅菴煮茗歷少時。海口湖上
聲如馳。閒穿石罅玲瓏走。一半磨厓大如斗。前吳越。後建炎。王氣落落東南延。祇憐老樹心空早。欲問前
朝竟誰曉。朔風吹客下頂峯。峯面尙挂斜陽紅。君不見。南遷怪底營作宮。上有十二巫山峯。山頂有巨石
十圍吳越時呼
爲排衙石卽此

長至日攜酒至葛嶺訪初陽臺半閑堂故址

昨訪閔古泉。今來半閑堂。小朝廷事碎如火。蘚石剝落誰能詳。初陽臺上初陽出。可惜蓬蒿沒山骨。仙翁
洞屋亦已歛。鼯鼠都從石龜穴。神仙畢竟不可爲。化鶴或恐仍歸來。試問葛稚川。何似了令威。荒荒昔人
臺。落落今日酒。城中招客不得閒。地下寥寥呼死友。

由華津洞登蓮花峯

直石立作龜。橫石臥作廟。尤奇穿石樹。宛與石形肖。巉巖理斜出。阻客入深奧。彈碁形略具。伊昔誰所造。
擾擾此暫停。茫茫發孤嘯。陰厓落蟲篆。絕壁出鳥道。擡頭礙峯頂。側足限石竅。寧知雲路滑。欲下心尙掉。
齋心無妄念。平地冀可到。洗眼看北山。參差入斜照。

由鳳皇山半至勝果寺復從寺後尋石門及仙姑洞郭公泉升天梯諸勝

幽人欲移筇。石石先下嶺。前行三兩客。一一如墮窄。峯奇非意想。欲去屢延頸。玲瓏穿石罅。時漏夕陽影。飛樓當山腰。屋古極修整。升臺雖百級。坐處尙如井。搜奇興尤劇。屋後豁異境。雙扉斗然落。一水過清冷。迤西峯雜遝。欲往追短景。空處忽有梯。延緣望山頂。

月夜從六橋歸

欲訪漁師舊釣磯。鐘聲沉水月光微。六橋行遍無人跡。楊柳居然挽客衣。

雲棲寺望五雲山并訪蓮池大師塔院

到來一谷雲。空白濕朝露。披雲尋絕磴。生翠落無數。濛濛萬竿竹。中有接天路。谷禽飛不透。怒欲攞雲住。巒峴正迷目。塔院忽回步。縹流吾豈識。重此本儒素。遺規尙堪仰。百代守其故。引泉來山門。飛雨屋上注。齋廚隨粥飯。不更闢堂戶。衆生皆簡默。勞客久延佇。清磬出石房。悠然發靈悟。

向晚由徐家村至理安寺

理安萬株松。雲棲萬竿竹。理安較雲棲。山徑益深複。高低萬綠冥。濛聚攔住夕陽飛不去。歸鴉招客入。一林山鳥噯人復相拒。千回百折上石臺。嵐翠賦屋扉難開。山僧總覺眉宇綠。古佛亦臥青莓苔。陡然一片山風惡。綴壁萬松搖欲落。匡危石峭路亦窮。松頂偶看支一闌。林梢一抹野火然。手拾松子煎山泉。紅查花開臘梅破。繞屋異香延客坐。

下石屋嶺徧遊石屋水樂諸洞

風聲遞水聲。松影接天影。千盤青雲梯。百折白石嶺。孤禽前若導。嘶馬後如警。危驚天半石。截若水中艇。東西列尊壘。高下別畦町。莊嚴三百輩。欄袂悉修整。恍疑泛滄溟。一一咸引領。滄然水聲出。古樂誰更省。齋心讀銅篆。洗眼摩石鼎。欲發僧苦留。遲歸僕頻請。

表忠觀拜錢武肅王像

不爲東帝只稱臣。江左眞王僅此人。故里錦衣殊赫奕。中原棋局太紛綸。州排十四疑無敵。弩射三千若有神。依舊吳宮好花月。遺民從未識煙塵。

躍馬提戈海上回。儒風早喜被江陔。年名不改唐天祐。國士能容羅秀才。使宅例皆除艸創。陌頭歌已報花開。門材百世猶全盛。時有文孫握節來。

靈巖山重展畢尙書墓感賦

江左方傳箭。天南佇洗兵。時間川更馳新露布。無復舊書生。仁壑心徒戀。公歷欲逢巖巒氣未平。松杉識人意。都作怒濤聲。陝捷音

石湖戈氏園訪戈上舍襄復不值

一程趨水國。百折走巖肩。欲雪地先白。過雲峯轉青。怪禽摩絕壁。老鶴啄空汀。訪客仍難遇。空題石上銘。

小除日城東晚步

百事拋殘歲欲終。得閑聊復步城東。念沉清磬一聲外。影入歸鴉萬點中。登港乍添新雨綠。小樓斜帶夕陽紅。道人正把雙扉關。知要堂西訪寓公。

崑山道中阻雨

時吳門友人
已有書相促。

野禽飛不透。雲氣十分濃。夕照昏如此。前山路復重。遠頻馳越使。昨已發吳淞。到恐難拘日。遙城莫早封。

臘月二十九日澹香斜月西堂告成招陸秀才繼輅等及兒子祭詩

年除百事費支持。檢點閒情付酒卮。卻約比鄰三陸到。掃廳同與祭新詩。瓣香同奉此清才。百樣春醪百種杯。要與先生洗寒瘦。迎神歌裏報花開。

卷施閣詩卷第二十

單車北上集已未

初九日楓橋訪袁上舍廷樞

挂帆東南行。百里祇瞬息。非徒訪疎梅。兼詣幽人宅。幽人宅傍寒山住。臘雪在門曾一顧。三條水涸今復通。依約門前繫舟樹。洞庭山人約客遊。鼓浪擬到湖東頭。吳船屈指須三宿。好插疎梅滿船屋。

三鼓自木瀆放舟至胥口

濛濛露未收。黯黯月方墮。三更欲渡湖。先此理征柂。幽人眠正熟。估客浪先破。微茫接天水。歷落綴星顯。感此一葉微。驚濤屢掀簸。披衣看曙色。早向柁樓坐。穿黑旅雁飛。聲從半空過。

自胥口渡湖

看山三十年。甫欲遂初服。閒居又經歲。人事苦拘束。曷來湖東頭。藉洗塵百斛。伸眉視初日。紅展鏡中綠。湖寬三萬頃。差足養心目。潛鱗方俯視。飛鳥忽高矚。物物各有天。忻忻遂其欲。空明無障礙。高下不局促。我亦心志怡。終朝坐船屋。何來南下客。苦欲附童僕。中坐忽告言。西南尙蠻觸。

湖心遇風

偶向篷窗臥，誰傳風色顛。情懷消短夢，身命付長年。浪已高千尺，衣纔濕半邊。奚童休股票，險未及從前。
湖癸巳十月

將至東山作

沿山半日行，欣此巖壑美。微覺風北來，千帆皆貼水。濛濛鷗鷺影，一半出蘆葦。亦有蚱蜢舟，船沿坐烏鬼。篷窗展衾枕，客倦臥移晷。神澹夢亦清，經時絕塵累。

暫憩東山麓

一塔高千丈，魚龍氣尚浮。灑空松柏暗，陟險鬼神愁。古佛依人臥，馴禽導客遊。面西窗莫啓，兀自濺驚流。

翠微禪院

東山白雲起，欲與西山接。寧知飛鳥路，亦向浮雲貼。蒼蒼幾重岡，一寺出山脅。登樓半無見，蔽此松柏葉。軒窗何玲瓏，楹柚貯重疊。回廊斜北啓，庶足展眉睫。穿牖出一燈，枯僧理經笈。

客夏孫總戎廷璧約遊東山，以事未果。新正八日訪梅鄒尉，因便詣衍齋，值他出不遇。兩公子留住信宿，意甚勤摯，爰留別二首并呈總戎。

爲有將軍約，來隨估客槎。半帆懸雪月，百里走風沙。公子欣除舍，疎梅正作花。夜闌銀燭裏，留與鬥新茶。
憶昨吳淞浦，樓船出海遲。枕戈時待旦，橫槊偶題詩。豈意萑苻澤，頻煩組練師。報恩知有在，莫惜鬢如絲。

同孫公子錦霞令弟鑲至翠峯枕流閣訪梅

昨留漱石居。客冬寓西湖漱石居半月今訪枕流閣。川程逾十驛。勝地乃交錯。青松千丈接水隈。十步五步梅花開。僧

房盡處一株好。幹古錯落青莓苔。山凹石屋何鱗次。五騎如龍後先至。門開正值東北風。笑語吹入雲當

中。客倦倚石牀。馬亦繫天井。一亭稜稜據山頂。主人敲詩僕烹茗窗隙太湖三萬頃。

卽席贈程司理師樂

清絕程司理。官貧日課詩。心香原有屬。手板不曾持。肯作通方吏。寧爲多士師。時以課徒自給梅花三百首。風味

耐尋思。

鄭司馬時泰招飲賦贈一首

剖符殊不俗。分領此山中。屬吏如梅福。謂程司理通家得孔融。孫地戎父子快談當世事。饒有古人風。臨別仍相約。

同來訪石公。約夏半遊西山

渡湖與鈕布衣樹玉同舟因出其所著說文新附考見示賦贈一首卽東錢少詹大昕王給事念孫段明

府若膺孫兵備星衍

東山三萬戶。僅止一儒者。童年耽竹素。暇復討蒼正。說文五百部。寢食不暫捨。蠅頭排細字。時把心得寫。

茅檐兩三層。住乃近橋社。家貧長物少。書反盈兩厦。扁舟偶相訪。坐久燭屢灺。口陳六書失。如水向盆瀉。

維時四座客。耳口若聾啞。二徐生唐末。不甚曉通假。諸聲兼會意。一一多苟且。強編新附字。合者蓋已寡。惟生糾厥失。證以毛鄭馬。隋音庶劉晉。唐疏陋孔賈。陵夷南北宋。棄置若土直。長編侈稱引。又出張郭下。方今富儒術。小學亦婣雅。王錢暨孫段。見爾手定把。倚棹贈一篇。飄風忽飛瓦。

十三日鄧尉訪梅憶昔遊寄錢大令維喬蔣文學陳尊

昔遊錢蔣殊不聞。獨我近自山中還。連宵清夢屢飛越。聞說梅放西山灣。西山灣中萬樹花。古榦鬱勃枝交叉。山中猿鶴盡無恙。豈識世事紛如麻。艸元亭坵季重亡。謂楊比部夢符吳上舍正健天末回首思崔郎。吳侃開心檢點壁間句。蝸篆剝蝕無偏旁。湖亭三面交遠風。香氣掇入湖光中。看花歲月苦難駐。花亦憔悴無歡容。君不見。看花背花立少時。別有會意誰能知。忽然大笑出山去。峯頂落落雲分馳。

光福鎮哭徐處士堅

魂歸萬樹梅花內。家在三更鶴唳中。我欲哭君無處所。半山殘月滿湖風。

過鄧尉感舊

首春來吳門。訪客入雲楊。相邀攜蠶屐。告我苦無暇。寧知人事改。歲月屢代謝。別來山中客。已葬山花下。摩挲墳上樹。一半梅枝亞。花光縱奇麗。未肯照長夜。念寂獨舉杯。初陽出林罅。

元墓小憩

穿林十里只一鞭。花影灑地松浮天。松濤覆屋客眠穩。夢覺香氣來無邊。波流到戶聲先約。花影入波魚
蹊咽。松間客倦欲少休。且汲寒泉澗木杓。

香雪海久坐

下方蠟屐聲何急。卻惹山禽出巢立。山禽欲下客徑登。相與驚此岡三層。風吹花氣入遠空。一半上接山
雲紅。君不見。人間清福消未易。幸是玉皇香案吏。

北行

三月束裝歸。二月束裝發。出門才十稔。抵家無百日。昨爲弟喪歸。今爲國喪出。我勞何敢憚。我淚忽鳴咽。
揮淚北向行。程程冒風雪。

已爲還山雲。復作出山水。看雲心尙戀。照水色增愧。親朋苦留餞。臨發期敢改。前行誰與共。一僕瘦如鬼。
初日上蒜山。回頭望東海。

過沂水橋東族孫梧二月十二日。

沂河之水清且徐。先二十日來緩除。風光春半尙未足。鶯燕見客猶生疎。參差流水兼修竹。綠嘆橋南萬
家屋。橫流昨歲喜乍平。數郡剝痰漸將復。時以曹縣河決路人爲言太守賢。貪吏昨已褫歸田。君不見吾
宗兩守皆稱職。記否趙人思順德。君兄僕守廩

別放陽鎮二日放山尙可見因題壁

茲山雖一拳。青出天地外。連晨走三驛。路已及新泰。瞻山仍在目。風尙送清籟。迤南方數武。蒙嶺亘如帶。再轉望始迷。翻嫌去程快。

羊流店望岱

精誠與山通。百里覺迅速。夜半岱頂雲。飛來冒車屋。冥濛雲皺處。顧視炫心目。月出斗柄東。森然衆山綠。青松一千丈。霞采時斷續。想有飛仙人。排空走如鹿。

夜半忽大風。雪驚雷徹曉。

三更驚雷奔。忽復雪沒膝。神區信靈異。寒暑一夕出。狂飈來若怒。激電去如掣。稜稜檐瓦落。歷歷冰柱折。思沾山後酒。屢斷門外轍。遙程瞻尤驚。一白色突兀。

將至泰安于崔莊驛壁敬讀太上皇遺誥泣賦一首

平明欲出門。青氣已四布。崔莊行廿里。木末天始曙。鶯傳上皇誥。涕泣滿行路。黃縑曳三丈。急遞頒饒戍。山崩川復潰。此事關氣數。茲方當孔道。八見翠華駐。成功告天地。神亦被休祚。今來山色改。慘戚若蒙霧。時嘗春仲後。急雪匪無故。神人哀痛切。井邑先縞素。微臣等蟣蝨。夙昔感恩顧。俄焉驚過密。旬日急奔赴。山靈鑒微誠。恍若導前步。百里行不休。橫流馬驚渡。

山雲

濛濛四山雲。欲出不敢出。回瞻岱宗上。白練飛一匹。一匹白練當空馳。四山出雲圍繞之。君不見。出山爲霖未可知。何日更是歸山時。

泰山道中五首

茲山亘東方。鬱勃截生氣。虛輪扇風海。空腹入天地。其高無端倪。一半植空際。潏潏雲出始。曩若絲髮細。俄焉分道馳。寰宇悉衣被。洪荒迨今日。年代渺誰記。登封壇數尺。藉以驗興替。允哉神明區。心精默相契。山人渡海來。告我山勢尊。波面日出時。與山相吐吞。遙看不知山。謂是天有根。峯棧破空垂。倒挂日月輪。青冥一氣中。高下固不分。伊誰啓鴻濛。當有主者存。雙厓劃然開。截作天東門。

一山戴一山。重戴至谷口。遵山視重戴。高僅及社首。方知衆高積。拔勢乃得陡。山坳環數郡。元氣蒸澤藪。中虛蘊靈寶。萬古誰敢剖。天閭雖已逼。地軸亦孔厚。七十二代君。貞符藏北斗。

山形非徒高。遠莫測所屆。滄溟三萬里。石脈透海外。當其勢奔騰。顯越齊魯界。低瞻饒岳瀆。並此析支派。巍巍兼蕩蕩。克配天體大。其標難正視。萬象恍光怪。支峯皆整肅。略不涉奇態。風遞滄海濤。山前作清瀨。三更望茲峯。月出石腹內。雲容方欲展。雷雨已在背。明明神所宅。乃復遭陰晦。冰柱十丈長。驚看石厓戴。居然神斧落。厓半亦奔潰。回颺搜激電。雪月光迸碎。遂令登陟客。倏忽迷向背。清遊雖暫阻。未敢遽思退。

終當攜松明絕壁掃蕪穢。

雪霽。

日昨大冰雪。地寒天宇陰。今晨已晴和。冰雪在我心。在地或可消。在心終不忘。庶幾炎暑時。胸次餘清涼。

二鼓抵鄭州故城宿南關

居人時向女墻耕。一片東風百艸生。忽地樓臺空裏現。三更月上鄭州城。

重抵蘆溝橋有懷亡弟

橋下層冰積雪寒。春明重到感無端。白鬚老吏當車立。猶是欸歔說故官。

跋金文學學蓮悼亡詩冊後

春花紅。美人結屋花當中。秋艸碧。美人悽然立花側。花花艸艸無一年。含淚永訣梅枝前。梅枝陰陰滿天雪。豈止燕歸雛亦失。巢空難居。隻燕欲回。一日百匝。飛鳴徘徊。燕行思雛復思偶。況值主人亡未久。明朝雪霽花欲開。忍視新燕巢中來。

蘆溝折柳圖送金文學至大梁

東西南北人。皆向長安走。蘆溝橋上往復來。便折橋頭一枝柳。蘆溝橋柳年年禿。折盡柔條剩枯木。幽燕客罷客大梁。楊柳作絮飛何忙。莫作道旁枝。莫作道旁客。道旁枝。手易折。道旁客。頭易白。

萍梗篇爲友人作

不作天上星。乃爲地下萍。星宿有定位。萍梗流無停。一風吹從西。一風吹從東。萍面作艸綠。萍背疑花紅。紅旣不如花。綠亦不若艸。我送浮萍歸。頗思故鄉好。

哭任軍門承恩

槐里朱雲本最狂。藉公時復語通方。同遊愛詠新題句。分道爲收舊奏章。子去歲大考後即以弟喪乞假有失哀者公恐又成爲禍死友誼真逾骨肉。癘兒疾已入符官。公六十後甫得子不厝屢何止時來唁一事百計爲購而焚之久即瘳以是疾益亟

事相思奠一觴

法源寺看花卽送言八朝標至夔州任

卷施一谷中。花好無不有。主人緣獨慳。花發出門走。黃沙撲面三千里。待得看花已春尾。花前旣少雙鴉。花下更有誰提壺。櫓聲啞啞花外斷。白日馬足塵模糊。花光何似江南好。花氣薰人亦難倒。君不見。看花偏值別花辰。走馬從戎趁好春。會看白帝城頭立。卻笑黃金臺下人。

春盡日夢入卷施谷看花

窗前十餘株。窺牖復窺街。高低拂牀榻。紅紫憑壓夢。幽人眠正熟。麻夢識春重。伊誰伴清涼。新燕昨巢棟。波光猛飛越。春半已消凍。綠階栽綠竹。一碧欲無纒。奇書堆面面。正此酌春甕。一晌魂已飛。南鄰笛三弄。

題左大令輔葛嶺蒿廬圖

北江至西湖五百里而遠。一歲上冢忙。春分及秋晚。十年遠宦嗟何及。丙舍蒿先沒階級。魚殮麥飯遠莫將。反使孤兒抱圖泣。孤山葛嶺西南開。我昨詣君先冢來。摩挲松柏一回首。拜石爲洗青莓苔。虔心豈獨私吾友。雅聆南陵政聲久。君不見。孤兒倘思親。欲親傳不朽。豐碑百尺亦何有。不若好官碑在口。

四月二日法祭酒式善邀同人至極樂寺小憩分韻得月字

我前遊莫釐。正值早春月。濤聲猶在耳。迫促詣京闕。凡花幾開謝。月祇兩圓缺。船頭經花朝。馬背閱佳節。我病何敢辭。我勞誰可述。風沙眯人目。紅紫色不別。雷車時聒耳。塵土鼻仍窒。蝸廬甫能定。春去已飄忽。花開思走避。俗恐砭肌骨。偶得學士棫。邀我敝契闊。賓朋集三五。飯罷強之出。前遊雖隔歲。門徑亦粗別。桃李七八叢。紛披倚禪窟。縱談當世事。喜罷或鳴噎。側聞秦隴蜀。兵苦不得歇。至尊憂黎元。御殿每日晨。時時思讜論。何異飢與渴。開誠布條教。欲使黎庶活。柰何諸大吏。敷告尙不實。民猶困科歛。吏不奉法律。文書巧相抵。百變難致詰。居然貪欺成。不復畏斧鑕。兩湖全陝地。事變可臚列。因循及弛廢。百事待剛決。倒懸誠已久。水火救宜切。我官非諫諍。詎敢肆筆舌。幸多同志友。肝膽素鬱勃。能言固堪貴。尤在通治術。敷陳政之要。置彼事纖屑。雖爭焚諫艸。道路有傳說。吾儕究多幸。貯見盪平日。花前時時來。一醉百憂豁。送同年祝兵備曾至陝西軍營即題其山寺讀書卷子

男兒少日貧如此。四面亂山如破紙。仍無一屋可蓋頭。暫借僧房作棲止。僧房似寶排山麓。夜半雲奇欲穿屋。林空無人竄驚鹿。山鬼依微伴宵讀。禱門不出眼界空。意見不與時雷同。丈夫豈肯忘世事。四海九域環胸中。一朝山雲破空去。人亦公然得奇遇。山深幸喜住十年。不爾何來濟時具。君不見。殷深源。房次律。畢竟讀書無本末。君今上馬能殺賊。下馬檄書成頃刻。亦知平生饒素識。召對尤蒙賜顏色。散關義義去天尺。一賊不除歸不得。露布期君在朝夕。濟時已了倘欲還。仍作山中讀書客。

偶成二十首

我聞苟生言。善惡皆有性。忍于殺人者。乃反惜物命。此非性之真。轉展惑報應。仍緣薄滋味。可自託清淨。百偽寡一真。吾心湛明鏡。

我昨謁達官。先有後堂客。思陳天下事。四坐皆簡默。移牀前復卻。日影去階尺。寧惟言不省。反欲斥狂惑。

朔風吹橫門。檐瓦響歷歷。中有揮塵人。豐貂饒菜色。

近時士大夫蔬食者十有六七

廣場三十頃。乃在池以南。

近移居四華門外南池關帝廟

自非土偶居。卽作木佛菴。土功何煌煌。香火積一龕。日與神鬼

居。禍福念不參。陰陽縱回翔。柰性所不諳。攤書梵籙旁。相與同沉酣。

一身雖不賫。事有大于此。何因腎與哲。僅自計生死。端居勤學道。民物寧可恃。驅馬出北街。殷然念朝市。八紘誠已廣。所見乃尺咫。欲貢出位言。愁呼妄男子。

千金構亭臺。百金施繪采。天公矜物力。不使成遊毀。前門方逮訊。後戶已遷賄。複壁不匿人。惟應穴金在。主人雖已易。朱戶仍不改。春半燕子來。啁啾舊時壘。

男兒不出門。出門路四岐。對面卽太行。途危不逶迤。裹糲思長征。白日忽已西。揮汗走不停。百里或庶幾。我寧遭豺狼。不逐狐與狸。

承平百餘載。風俗漸喜誇。物力苦不多。踵事而增華。我頃讀風詩。頗願刪木瓜。苞苴之所興。禮節日以奢。君子慎厥初。百事除萌芽。

遊魚性喜沉。林鳥性喜浮。人生居其中。渺不克自由。迴颺吹飛蓬。旋轉何日休。自非金石性。皆逐流波流。東海雖已廣。何能積沉憂。庶幾三神山。可與逸客遊。

人生一世間。駒隙影易度。飲食與衣服。詎云皆細故。所惜士大夫。視同經世務。不然營土木。樓閣極回互。平生名好客。惟見揖樓護。落落張伯松。望門先卻步。

束髮事結交。相知本難得。馳驅三十載。已寡素心客。稍能知大義。半死刀劍側。精魂歸大漠。時向夢中識。昨得插羽書。憂仍在西北。沉酣非我志。藉以遣晨夕。

縛茅作一亭。正面微向東。四壁盡斥除。依傍庶一空。侵晨卽披衣。陡覺曙色紅。社日旣已過。徧野饒春農。繕編省芸鋤。勤苦理則同。倦憩亭北隅。引領眺澤宮。他時開八窗。藉以通八風。

師臣者三王。友臣者五伯。逮茲秦漢後。視下比廝役。長孺前正論。天子輒變色。惜哉公孫宏。其性本便辟。庸儒司國柄。何事足裨益。田蚡暨衛霍。半又起外戚。當日嚴憚人。庶幾惟汲直。

寒暑飲食中。所獲本微恙。忌醫兼諱疾。自恃一身壯。天時日乘除。精采忽不王。陰寒入筋絡。危至莫名狀。遂令皮毛疾。惡乃政府職。和緩失色啼。庸醫又何況。

孔明相巴蜀。貴在飭綱紀。斷獄斬幼常。時時面流涕。古來真將軍。親愛法不廢。所以百萬師。常若身使臂。桓桓司馬法。無事出奇計。恩多不能勸。用法乃始勵。莊賈後卽誅。庶乎知此意。

依艸而附木。自信不如此。平生戒受恩。盡自賢者始。伊余少連邁。本不盼榮仕。遭逢況逾格。業已被驅使。兼之凜慈訓。詎敢背尺咫。吹律暖不回。其人已心死。

平生何所慕。所慕在同調。三川恣沿洄。五岳寄歌嘯。青雲忽緣屐。白日斜壓帽。側聞唐太尉。勳業繼周召。功雖積山阜。事往何足道。只惜平泉莊。生時不重到。

疾風走空谷。奔此霆與雷。鬱鬱松杉姿。高幹罔不摧。一朝營華居。悼歎無良材。良材本無多。大匠意不回。我欲從唐虞。先借臬與夔。開誠而布公。一世識所歸。君看參天枝。夫豈旦夕栽。

操持本不優。又欲守成例。遂令一世才。受制幾胥吏。危疑偶相值。苦乏經遠計。盈庭皆雷同。誰肯獨立異。雷同心始愜。獨立遭所忌。根矩兀傲人。英英動心氣。

鷹隼善搏物。尙懼鳳鳥嘯。豺狼欲噬人。道恐逢麒麟。今乃知不然。麟鳳性益馴。積骸雖如山。委以不見聞。轉于水火中。救此至不仁。或云西方法。祇乞見在身。羣生究何辜。冤痛杳莫伸。

少年頗耽奇。氣欲吞名山。有時驅樓船。入海不願還。倏忽三十年。塵土冒鬢顏。顯晦亦偶然。山水興未闌。著書高于身。準待同志刪。要皆真氣存。足訂儲與頑。興至欲舉盃。天風響禪關。

送陳太守熙藩至貴州卽寄馮侍郎光熊吳兵備超暨程太守國爾諸人

五年我已別南雲。又向金門見此君。幾許故人皆抗節。謂彭廷棣花選布兩軍門無多健吏亦從軍。張太守鳳枝近以事發新臨工

愁吳質官先罷。垂老馮唐力尙勤。珍重雪厓亭畔月。好封書札慰離羣。

爲法祭酒式善題漢晉人畫象

東國奇男子。重瞳是故人。偶然歛一足。天上動星辰。

右殿子陵

百千儔類中。乞食亦一等。我欲拜督郵。琴心先不肯。

右陶淵明

書事

憶昨倉皇際。防生肘腋憂。何嘗動聲色。先已決機謀。訊鞫歸藩邸。傳呼出殿頭。縞冠纔幾日。襜服作纍囚。

斂怨知何似。茫茫八極中。干戈秦楚。珠玉罄南東。逼迫歸邪教。搜求過正供。明明祖宗法。百計壞淳風。
全家俱內侍。甥舅弊婚姻。推殺歸于季。分符引所親。病仍升鼎鼐。敗亦繪麒麟。日晚塵如織。高門接要津。
尺五城南第。經時締構崇。閣琴元武闥。人出上陽宮。金屋參天半。銅山穴地中。是誰搜複壁。珍蓄頓教空。
漢廷誰巧宦。賈友得呈身。不是懷中奏。難成坐上賓。商量最高秩。汲引幾私人。附傳他時好。崔倪倘後塵。
怙寵真逾昔。辜恩遽若斯。小車穿殿過。隻騎繞廊馳。地密誰能舉。天高倘未知。豎奴益無忌。通籍上軒墀。
屈指承恩盼。南頭一侍郎。祇緣新歲近。催送侍姬忙。粉墨乖清議。銀黃奪舊章。浪傳收騎過。失足墮匡牀。
火城三十步。煙燄欲薰天。故相揮門外。真王拜轎前。幾人容接膝。同列敢隨肩。一事尤奇絕。曾蒙願執鞭。
金字書恩地。由來在賜廩。憑人說鷄狗。豎自乞貂蟬。詞筆慙三榜。圖書冠一船。直廬清切處。莫謂少流傳。
誰說台司重。真憐骨相輕。上公偏下視。直級亦斜行。偶舉遺忘事。時矜聰察名。猶應勝齊虜。五鼎食非烹。
單車催上道。特赦不隨人。奏艸除元惡。爰書比叛臣。脅從先股栗。判吏乍眉伸。畢竟能行詐。題篇炫鬼神。
賜盡圖屏日。無聊舉百觴。攀龍知已後。牽犬歎偏長。西市鳴鉦急。東原啓土忙。恨無朱椽在。親葬董雲陽。
爲法祭酒題移竹園

一竹綠一窗。十竹綠一廡。尋常百竿竹。能使雲水皺。雖然竹性北不宜。榦葉縱具清蔥稀。先生愛竹識竹性。先引活水周堦畦。豈惟竹下流泉迸。竹裏白雲圍半頃。穿廊透牖響不停。嫩綠都浮碧天影。廣文先生

首宿盤京俸苦薄無餘餐。長飢婢僕尚林立。一一瘦若青琅玕。先生暇日緡僮約。婢未裹頭奴赤腳。擔土汲泉前復卻。一亭誅茅泉一勺。亭外更須營略約。一培一兒顏戍削。喚取筵前侍杯酌。君不見。何時新筍出一林。我欲栽酒來相尋。

哭管侍御世銘

半生每自誇龍尾。晚節情人說鳳毛。獨有上書心事在。不教風節並錢曹。聞先生客秋欲上封事屬紳已定速卒莊刺史尙及見之錢

曹爲錢南園曹劍亭兩侍御

哭董太守思駟

玉杯珠柱書難著。風髓龍筋判獨傳。記得白雲溪水漲。凌晨送上潮江船。君回里中匝月由浙江水程赴潯州任到官甫七日而謝世

自勵

寧作不才木。不願爲枯樛。枯樛亦何辜。頽仰隨汝曹。杈枒適當時。旋轉如風濤。高原多低枝。感汝汲引勞。一朝時雨行。棄置眠蓬蒿。

寧作無知禽。不願爲反舌。衆鳥皆啁啾。反舌聲不出。豈緊果無聲。無乃事容悅。依依檐宇下。飲啄安且吉。何忍視蜀鵲。啼完口流血。

涼夜

艸蟲忽無聲。人倦鳴亦倦。疎螢夜不飛。悄立蒲葵扇。
長廊不燒燈。夜久佇殘月。秋風蔉地來。十二簾齊揭。
三更涼意多。蒲葉響回波。斜界龍樓影。游魚不敢過。
暑氣夜不收。移牀入林隙。帳頂明一星。森森知大白。

牧牛詞

門前黃牛老。牧兒甫襁褓。兒年四五卽飼牛。牛轉惜兒年過小。六七歲甫交。兒肩及牛腰。昨年上書兒八歲。兒足居然跨牛背。飼牛已了仍牧牛。牛知兒心喜出遊。登隴涉水無時休。半年送兒入村塾。半歲書從牛背讀。兒思阿耶牛憶犢。卻鼓長鞭入牛屋。牛背下來書爛熟。

種魚詞

祖遺十頃田。乃在城門邊。低窪不堪耕。卻引河水流澦澦。一船淤泥兩船重。肥土出魚何必種。南邊菰蒲北菱葑。更灑浮萍作魚俸。波面旣養鴨。波底復種螺。昨宵一雨通北河。除鴨更挈成羣鵝。小時魚苗怕鴨鴨。魚大竟同鴨鴨狎。掉尾時時欲相壓。賣魚歲入得萬錢。不羨鄰舍耕原田。君不見原田遭荒無六穀。豈若魚池歲常熟。

畜鴿詞

老翁誅茅作一堂。東西南北皆鴿房。老翁無妻有女郎。引鴿入室還穿廊。朝來糴得新春稻。鴿剩方令女郎飽。鴿欲出房先卻掃。老翁呼鴿皆以名。好在一一能承迎。翁倦鴿亦眠無聲。休嫌養鴿形神敵。與鴿居能助精氣。閒上翁衣立翁臂。君不見。老翁龍鍾女遠適。死仗鴿羣爲弔客。

養蠶詞

伺牛須小兒。飼蠶須小女。小女纔上頭。靈明已如許。堂中一筐復一筐。屋左屋右皆柔桑。挑桑作蠶衾。挑桑作蠶褥。蠶食蠶衣無不足。閒來習靜深閨裏。一種心情更堪喜。與蠶同眠復同起。蠶行作繭女嫁夫。裁繭作女身上襦。君不見。養蠶雖勞得登效。拜得馬頭娘上轎。

寄石太守輜王

聞說東川守。騎驢過百城。書仍寄旁午。地未塞夷庚。啓事人先棟。君以川匪曲折作啓事致成親王王即以上問登壇衆盡驚。巴渝兵火地。何以慰疲氓。

雨歌

高下窗櫺竹柏生。南池雨歇近三更。夜涼殘月清無寐。聽到秋蟲第一聲。

卽事

攜尊訪幽客。三至不一遇。門前秋樹好。樹下石堪據。涼風西南來。竟爾挈衾具。近刪詩不作。頗復減思慮。

惟于人事外。時得少佳趣。白鳥笑客狂。翩翾入林去。

朝陽出偏遲。昨夜路仍溼。車行三里外。已有暗香襲。幽人邀客住。一屋大如笠。平鋪波萬頃。高下見塔級。居然空色相。顧視尙難入。萬朵白藕花。鸞絲何處立。

讀書倦後偶題齋壁

蕭齋賃三間。長日涉何事。因無用世心。益堅傳世志。行裝本無幾。并疊陳篋笥。所居幸深遠。熱客無一至。中年驚已過。盡扣囊底智。不見七十翁。辭官課奇字。時正寄書錢少詹大昕索所著聲類

遣興

千杯百杯皆已空。昨者醉夢殊怔忡。承天之高豈一柱。受地之命惟孤松。孤松流青柏流翠。冷眼看人百年內。當前何事尙營營。入後有人思潰潰。

堅持一念皆可傳。瓦硯木榻驚齊穿。丈夫自信不役物。方寸以內嘗浩然。性靈自足供抒寫。美醜都看入陶冶。三千里外賦歸與。十九年來忘兀者。

後遊仙詩

地在中天見可眞。半從高處望紅塵。冥濛似蟻還如豆。都是三千世界人。誰打冷泠澗底鐘。月明人宿第三峯。朱符夜半催行雨。臥聽天龍喚地龍。

詔集周秦漢宋儒。寓言曲筆勅刪除。修成三十三天史。一字都無梵釋書。
月午濤聲響怒雷。滄溟盡處覺扉開。誰憐天外花如海。只我騎鯨一再來。
兩雨風風春事休。誰言上界總無愁。可憐清淺銀塘水。不覺天孫日飲牛。
碧虛景色太蒼蒼。日月從無背面光。乞取火珠三百顆。凌晨先與挂明堂。
爾許遊蹤向客誇。偶隨滄溟使泛星槎。九天九地行都徧。輸與仙人萼綠華。
作賦何須定馬枚。偶技淹滯出塵埃。詞人下第文人老。流落都歸天上來。
天田近亦種桑麻。略遣仙人識歲華。偷住碧虛三十載。日紅從不到窗紗。
可是東皇意見殊。上方日日有遷除。神仙自恐無才思。偷讀人間未見書。
清虛一別事茫然。消息誰從下界傳。聞說白榆天上樹。夜涼時亦噪秋蟬。
呼吸疑通下界潮。天孫機杼水迢迢。月中仙桂如堪斫。先與栽成獨木橋。
不用爐峯向上薰。四邊香氣自氤氳。生來著色屏風好。檢取嵩高岱頂雲。
神仙多半是中年。白髮從無挂兩肩。更與種桃園裏異。天街行徧少廚煙。
天河迢遞隔天關。露氣雲光日往還。不放雙魚住天上。怕傳消息到塵寰。
踏得星光顯顯青。撥雲時坐白沙汀。天街一事偏惆悵。可惜從無疎雨聽。

獨構茅齋靜見聞。年來四氣總難分。偶肩北牖開南牖。已覺漫天盡火雲。
百年一瞬夢何曾。超劫先居最上層。飛下九天三萬里。卻驚足底日華升。
欲踏雲梯第一層。生驚石礎潤難登。冥濛下界三旬雨。引得靈河氣上蒸。
雲生雲滅望初窮。知隔黃塵幾萬重。獨占一天誰與共。兩三蝙蝠數株松。
閒來多是坐忘時。不讀丹經不賦詩。怪底東南雲似墨。書仙半日偶臨池。
昨宵騎鶴下蓉城。一舉千杯醉未成。蒼狗白衣都不管。隨他足底亂雲生。
要從天上捉迷藏。銀漢紅牆界畫方。粗服亂頭編一隊。董雙成與杜蘭香。
誅茅都在白雲巔。學道心清自不眠。抽得地坪三四尺。倒呼明月到床前。
白楊種不到天門。自詡飛仙萬劫存。要向天公破陳例。凌虛高築醉人墳。
雲林一到一徘徊。選勝頻同逸客來。構得山亭要奇古。剝殘星斗種莓苔。
天邊甲子記依稀。宵半晴光已四飛。齊向玉虛稱賀朔。曉霞紅作上朝衣。
北出雲門磴數盤。天風時一凭闌干。因看太白峯頭雪。始識棧棧下界寒。
東南一抹是揚州。天外山排十二樓。欲趁新涼看滄海。月高吹笛下雲頭。
偶得東皇食料單。烹龍炁鳳亦全刪。清虛自有餐霞法。東海靈芝進一山。

玉軸牙籤散不收。偶逢閒日亦勾留。名心畢竟銷難盡。檢得奇書作枕頭。
疎星三兩逗河津。新月如船欲載人。便擬裁帆向東去。麻姑傳說海揚塵。
行童一輩隨徐福。避世千年住武陵。華嶽峯頭毛女笑。一般鄉里各飛升。
白鶴峯頭到偶遲。三生一笑本難支。何妨背面仍分手。萬歲千秋見有時。
天然顏色勝吳娃。住近西池阿母家。養得靈蠶大如虎。也應喫盡佛桑花。
儉將暇日闌華筵。一輩誰如張老顛。只自愛看塵世界。倒騎驢子上青天。
玉皇香案住多時。慧業偏教上界知。惹得洞天三十六。都來乞我作新詩。
雲腳微黃雨腳青。望中日腳復瓏玲。前頭去海無多路。且借天腰作暫停。
七夕偶題寄女紡孫

匝月都居水上頭。夜涼雲向竹間流。輸他百鳥啼春徧。一箇吟蟲欲占秋。
層層暝色上閒廳。簾底繙書手暫停。買得一瓜如斗大。豆花棚底祀雙星。
花氣衝廊竹塞門。全家應復坐雲根。閑將故事從頭說。壓倒符孫與胙孫。
佳辰偏要耐心腸。曝過奇書曝靈忙。第一莫將花染指。預防紅色汗青箱。
宗崔月令手全鈔。誰似吾家幼女嬌。莫證瓜期是初六。怕他烏鵲再填橋。

江南人皆以初六夜爲七夕

神魚曲

大魚立水長一丈。昂頭看船不相讓。船撐欲近魚忽飛。白浪溼盡舟人衣。抽帆追魚魚不及。夜夢大魚波外立。明朝風浪急。護持咫尺看我成龍時。

神狐曲

狐強神弱爭一屋。狐悍操兵穴神腹。神逃荆棘不敢言。白晝狐枕神鼈眠。藝神訴天狐始悔。爲神不終願爲鬼。君不見重新社屋迎故神。畢竟狐尙居承塵。

有饋蟹者戲答

萬羊太尉唐代。萬鴨詞林本朝。若許各從所好。願烹十萬霞螯。

偶成

眼冷心空日。長安始易居。三更池閣上。眠對白芙渠。

